

საქართველოს მემკვიდრეობის

ილია
ქავთავაძე

წიგნების

72

თბილისი
„ნაბაღალი“
1984

„წიწამური, ანუ ილია ჭავჭავაძის ცხოვრება“ დოკუმენტური ნარკვევია. იგი გვიამბობს ილიას საქმიანობას როგორც საზოგადოებრივ, ისე ლიტერატურულ ასპარეზზე.

მე-19 საუკუნის მეორე ნახევრის საქართველოს ცხოვრებაში არ დასმულა საქვეყნო და სახალხო პრობლემა, რომლის გადაწყვეტა-მოგვარებაში ილია ჭავჭავაძეს მონაწილეობა არ მიეღოს. რა თქმა უნდა, ეს პატარა წიგნი ჯერადურს ვერ გვაძნობს ნეოცხელს, მაგრამ ძირითად საკითხებს გვეჩვენებს არ უფლის და, რამდენადაც მის ავტორს შეეძლო, დოკუმენტური სიზუსტით ყვება ილიას თავგადასავალს.

პირველი გამოცემა

რედაქციონები:

სოლომონ ხუციშვილი — თსუ პროფესორი.

ოტია პაპორია — კრიტიკოსი, მწერალი.

© „ნაკადული“, 1984

70803 — 130

ბ ————— 134 — 84

М — 603 (08) — 84



ილია ჭავჭავაძე სინტეზია წარსულ ეპოქისა. მისი ნაწერების შესწავლა, შესწავლაა დიდის ეპოქისა. ვამბობ დიდის ეპოქისა, რადგან მღ-19 საუკუნე იყო ის ხანა, როდესაც ქართველთათვის მეორედ შობა მოხდა და საქართველომ სცნო და იპოვნა თავისი დაკარგული სახე. ილია ჭავჭავაძე ამ შობიერების ბეზიაც იყო, ამ დაკარგული სახის მაძიებელი-ადმადგენელიც. ილიას ზრახვათა შეგნება შეგნებაა ზრახვათა მეორედ შობილ და ახლად აღორძინებულ ქართველის ერისა. ამ ზრახვაში სიღუნჭირეც არის, სინარულიც წარსულია გადმოცემული, შეცდომანი და შეცოდებანი აწმყოთი მოღლინებული, ამ ზრახვაში ნათელი იმედითაა მომავლისა...

არჩილ ჯორჯაძე

პ რ ო ლ ო გ ი

ი რ ე მ ი

თუ გადაწლით 1935 წელს გამოცემულ „ლიტერატურული მემკვიდრეობის“ პირველ წიგნს, 565-ე გვერდზე წაიკითხავთ:

„ილიას საზოგადოდ ნადირობა არ უყვარდა. მასხოვს, ერთხელ ალაზნანზე წაველით რანდენიმი კაცი სანადიროდ. დავდექით ნომრებზე. ჩემს გვერდით, ცოტა მოშორებით იდგა ილია. ხშირი და დიდი ტყე იყო. ძაღლებმა უკვე დაჰყუჟეს. როგორც ეტყობოდა კვალს მიაგნეს. გაფაციცებით ველი ნადირს და არ გავიდა ბევრი ხანი, რომ გამოჩნდა დიდი ირემი, მაგრამ ხეებს ისე იყო მოფარებული, რომ ვერ ვესროდი, ილიას-თვის კი ირემი მეტად მარჯვედ იდგა. ველი გულის ფანქვალით, რომ აი-ან ეხლა გავარდნა ილიას თოფი, ან ეხლა-მეთქი. თქვენც არ მომიკვდეთ. კარგა ხანი გავიდა, იდგა, იდგა ირემი, მერე ერთი დაიფრუტუნა და პადახტა და გაჰქრა ტყეში. გაექანდით ილიასკენ, დაუწყვე ჯავრობა: „კაცო, რა ჰქენი, რატომ არ ესროლე?“ — „უხ, ისეთი ლამაზი, ისეთი მოხდენილი რამ იყო, რომ მაგას როგორ ვესროდი, როგორ გავიმეტებდი!“

ამ მოგონების ავტორია ილიას ყრმობის მეგობარი და ნათესავი კობახიძე.

მშვენიერი იყო და ვერ გავწირეთ, თავი უმართლებია ილიას. თუ იყო სხვა, უფრო ღრმა მიზეზი, რის გამოც ილიამ არ ესროლა ირემს? ვინ უწყის. ერთი კია: ვინც მითოლოგიას კარგად იცნობს, მას ამ ამბის წაკითხვისას უთუოდ გაახსენდება პარციალური სულის რწმენა. მის თანახმად, ადამიანის სული კაცის სხეულის გარეთაც ცხოვრობს — ხეში, ბაღახში, ფრინველში, ცხოველში და ასე შემდეგ. ხომ არ ცხოვრობდა ილიას პარციალური სული ირემში? იქნებ, ცხადია, გაუცნობიერებლად, საკუთარ სულს არ ესროლა ილიამ? არავინ იცის ეს. არც არავის ძალუშს. პასუხის მოცემა. ფაქტი კი ის არის მხოლოდ, რომ ილიას სიკვდილის; მერე ჩვენ კიდევ ერთხელ შევხვდებით ირემს.

1887, ოქტომბერი

„ხელმწიფე ჩენო,
ძლიერო, ბრძენო,
ნიკოლოზ, დიდო სულგრძელობითა..“

თამარის დღენი,
დიდების დღენი,
შენ მოუვლინე შენსა ივერსა!..“

გრიგოლ ორბელიანი

დიდი ფაციფუცია თბილისში. მთელი ქალაქი ფეხზე დგას. იმპერატორი ნიკოლოზ პირველი სტუმრობს. უნდა უჩვენონ ქართული სტუმართმოყვარეობა, მასპინძლობა, ერთგულება. ჯერ ხუთი წელიც არ გასულა, რაც 1832 წლის უდღეური შეთქმულება ჩაიშალა, და ახლა იმ შეთქმულთა დედები და მამები, დები და ძმები, ცოლები და ნანდაურები, ნათესავ-შეგობრები ერთმანეთს ეჭიბრებიან ხელმწიფე-იმპერატორის სიყვარულში, ერთგულ ქვეშევრდომბაში. ვაჟარ ზუბალაშვილის სახლში იმართება ნიკოლოზ პირველის პატივსაცემად ნადიმი. ჩიტის რძე არ აკლბა სუფრას. ჰერსხლის იმპერატორის სადიდებელი მრავალჯამიერი. იატაკს ცვეთენ ძველებური ქართული თუ ახლადწემოსული ევროპული ცეკვანი. ლხინის ქარბუქში ფრიალებენ მანდილოსანთა კაბები, წკრიალებენ ქუდოსანთა დეზები. ორმოცდაერთი წლის ჯან-ლონით სავსე, ბრვე და ტანადი იმპერატორიც არ ზოგავს თავს და აჯადოებს გულის შეღონებამდე აღტაცებულ კნეინებს. თვალით უნახავი და ყურით გაუგონარი დღესასწაულია. მერე შინ, პეტერბურგში, დაბრუნებული იმპერატორი კმაყოფილი იტყვის — ასე მხოლოდ ჩემს საყვარელ მოსკოვში მხვდებიანო.

(ისე კი გესლიანი ხუმრობა იცის ისტორიამ. სწორედ იმ შენობაში, სადაც ნიკოლოზ პირველს ესოდენ თვალწარმტაცი შეხვედრა მოუწყო ქართველმა არისტოკრატებმა, იქნება თბილისის სასულიერო სემინარია, რომელიც გამოზრდის რომანოვების დინასტიისა და იპერის ყველაზე მტკიცე და შეუპოვარ მტრებს).

მაგრამ ეს მოხდება შედარებით გვიან. ახლა ნადიმი გიზგიზებს და ნაირნაირი ღვინოებისა და ნუგბარი კერძების აღმურში აღნობს სტუმარსაც და მასპინძლებსაც.

აქ არის სრულიად საქართველოს ზეპური საზოგადოება. არსად ჩანს მხოლოდ ერთი — გრიგოლ ქავჭავაძე. მართალია, ისიც ქავჭავაძეა, მაგრამ ღარიბი და ამ წრეში ტრიალისათვის არც სახსარი გააჩნია და არც ხალისი. მეორეც, ცოლი ჰყავს მელოგინე და ვერ მიატოვებს. მარიამ ბებურიშვილი¹ დღედღეზე ძეს ელის.

„გუნებავისა თჳჳენის ვარ უჳილი...“

„20 იანვარს პორუჩიკ თავად გრიგოლ პატას ძე ქავჭავაძეს და მის რჯულიერ თანამეცხედრეს მაგდალინა ქრისტეფორეს ასულს დაეზადათ ვაჟი — ილია. დალოცა და მონათლა იგი ამავე თვის 26-ს მღვდელმა დანიელ ზურიაშვილმა. მიმრქმელი იყო ცოლი განსვენებული თავადის გიორგი ერისთავისა, ნინო მალხაზის ასული“.

ყვარელი. იოანე ნათლისმცემლის ეკლესია.
მეტრიკული წიგნი. 1837 წლის ჩანაწერი № 2.

თვითონ ილია კი წერდა: „დავიზადე 27 ოქტომბერს 1837 წელს სოფელ ყვარელში“.

ორ განსხვავებულ თარიღს — 20 იანვარსა და 27 ოქტომბერს, — თავის დროზე, პატარა პაექრობაც გამოუწვევია. მაგრამ ბოლოს მოკამათენი შეთანხმებულან და ილიას დაბადების დღედ 27 ოქტომბერი მიუჩნევიათ.

¹ ეს ქალი ორი სხვა სახელითაც — მაგდანა და მაგდალინა — არის მოხსენიებული საბუთებში.

ილიას შთამომავლობისათვის არ დაუტოვებია „ჩემი თავგადასავალი“. მცირე-მცირე ჩანაწერებია შემორჩენილი, რომელთაც შეუძლიათ გავვახსენონ მისი ბავშვობა. არსებობენ სხვათა მოგონებანიც. ისინიც მოკლე და არასრულია. ხშირად სრულიად უმნიშვნელო. ზოგჯერ ძნელად სანდონიც.

ყოველი მოგონება თუ გახსენება უფრო ავტორის სურათს წარმოგვიდგენს, ვიდრე იმისას, ვის გამოც მემუარული წერილი იქმნება. ბუნებრივია ეს: ყველა გამხსენებელი თუ მომგონებელი მოსაგონებელი პიროვნების პორტრეტს საკუთარი ჭკუის ზომით ხატავს. თუ მომგონებელი ჭკუაშეზღუდულია, პორტრეტიც დატაკი და მჭლე გამოდის. თუ გონიერია და მაღლადმხედი, პორტრეტიც მომეტებულად მსუყე და ფერადოვანი იქნება. ასეა, მაგრამ მემუარული ლიტერატურის თვინიერ მაინც ვერ ვიარსებებთ და ვერც მემუარისტს ავუვლით გვერდს. აბა, წინასწარ ვინ უწყის — ვინ რა კაცი დადგება, როცა გაიზრდება... რატომ უნდა აღინუსხოს მისი ყოველი ნაბიჯი, ბავშვობაში გადადგმული? ზოგჯერ გგონია — სიკეთისა და სათნოების განსახიერება გამოვავ და ბოლოს ავაზაკი შეგარჩება ხელთ. ხან კი პირიქით მოხდება: ბავშვობაში დაწუნებული და ათვალწუნებული, როცა დაფუძკაცდება, ქვეყნის სამსახურში დალევს სიცოცხლეს. ეს მარადიული კანონზომიერებაა და გადის ყოველი კაცის ბავშვობა ლალად, უდარდელად, სხვათგან შეუმჩნევლად.

წარვლიან ბაღლობის დღეები სანატრიონი და მერე ის ბიჭი, არაფრით ყურადღებას რომ არ იმსახურებდა, ქვეყნის თვალისჩინი გახდება და ერი მოწიწებით დაუბრის თავს. მაშინ თავს იჩენს ადამიანთა მიაწიტი ჩვეულება — ესა თუ ის გამოჩენილი პიროვნება გვინდა ნინველობაშიც განსაკუთრებული იყოს — და ვთხზავთ ნაირნაირ ამბებს მისი არაჩვეულებრივობის დასამტკიცებლად. გულუბრყვილოა ეს ჩვეულება, მაგრამ კეთილშობილი. ამით სიყვარულს ვავლენთ იმ სახელოვანი პიროვნების მიმართ.

ამ სიყვარულით არის სავსე ის მცირე მოგონებანიც, რომელნიც ილიას ბავშვობაზე გვიამბობენ.

„მახსოვს ასეთი შემთხვევა. ილია იქნებოდა ესე 11 წლისა. ჩვენს სოფელში კარდანახში ვიყავით (ორივენი გიმნაზიელები) კვირა დღე იყო და ერთი ოცი თუ თხუთმეტი ვერსის მანძილზე მა-

მაჩემს მამითადი ჰქონდა. ჩვენც იქ წავედით. მთელი დღე ვუსჯე-
როდით გახურებულ მამითადს. საღამოთი შინისაკენ დავბრუნდით
და კარდანახამდინ რო ასე 7 ვერსის სავალი დაგვრჩა, კოკისპირუ-
ლი წვიმა დაუშვა და მთელი ნიაღვარი მოვარდა. მეტი გზა არ იყო,
შევბრუნდით ახლო მდებარე სოფელში ჩალაუბანში და ღამეც იქ
გავატარეთ. მაგრამ მთელი ღამე არ მოგვითვლემია. ერთს გლეხ-
კაცის სახლში ვიწექით და ღამე იმოღენა მკბენარი (რწყილები) დაგ-
ვეხვია, რომ გათენებისას გამოვარდით გარეთ ლოგინებითურთ და
ერთს დიდს კაკლის ქვეშ გავშალეთ და ცოტა მაინც გამოვიძინეთ.
აი სწორედ იქ დაწერა ილიამ თავისი პირველი ლექსი „რწყი-
ლები“.

გვიყვება კობტა აბხაზი.

უბრალო და უმნიშვნელო ამბავია, მაგრამ იგი მაინც გვატყო-
ბინებს ილიას ხასიათის ერთ თვისებას: იგი ხალისიანი ბავშვია და
არა — ბოღმიანი.

კობტა აბხაზის წყალობით ვიცით ისიც, რომ კაკო ყაჩაღის პრო-
ტოტიას, ვინმე გაუხარაშვილს, ილია პატარაობისას შეხვედრია.

ეს გაუხარაშვილი რომელიღაც ვაჩნაძის ყმა ყოფილა. ერთხელ
გაბორტებულს ბატონისათვის თოფი უსვრია. იმას კი აღარ გვე-
უბნება კობტა აბხაზი, მოკლა თუ არა გაუხარაშვილმა ვაჩნაძე. მაგ-
რამ სულერთია: რაკილა გლეხმა თავადი სასიკვდილოდ გაიმეტა,
სოფელში მაინც აღარ დაედგომებოდა. გაუხარაშვილსაც ტყისა-
თვის შეუფარებია თავი. იღვა სოფლის შარაზე და გაშვლელ-გა-
მომვლელს ძარცვავდა. ამით ირჩენდა თავს. ერთხელ ილიასაც გა-
დაყრია გზაზე. ვინაობა გამოუკითხავს და, როცა შეუტყვია, ყვარ-
ლელი ჰავკავაძის ბიჭიო, სუფრაზე მიუწვევია. გვარიანად მოულ-
ხენიათ ილიასა და ყაჩაღს. როცა კარდანახში, აბხაზიანთ ოჯახში
მისულა ილია, ისე ყოფილა მთვრალი, რომ ბარბაცებდა და ენის
ბორძიკით ძლივს ლაპარაკობდა თურმე. მხოლოდ მეორე დღეს
მოუყოლია ახლობლებისათვის, რაც შეემთხვა.

ილიას მოთხრობებშიც არის აქა-იქ გაფანტული მისი უსუარო-
ბისა და ნინელობის სურათები და შთაბეჭდილებანი.

„მე მახსოვს ეს წინა-ღამე ახალის წლისა ჩვენს პატარა სო-
ფელში, სადაც ბლარტებსავით გარს ვეხვიენით დედ-მამას ორნი
დანი და სამნი ძმანი. იმ დღეს ჩვენთვის აღარც კაკანათი იყო, აღარც

თოვლის გუნდა, აღარც თოვლში ხტომა და სირბილი. თვალი და გული ხვალისავენ მიგვირბოდა, ხვალეს ველოდით, ხვალე გვახსოვდა, ხვალეს ვნატრობდით. გარეთ რა გვინდოდა, როცა შინ იმოდენა ხილ-ხული და ტკბილეულობა გვეგულებოდა. შინ ოთახებში დავფუსფუსებდით: იქ იყო, რაც იყო. აქ ალვახაზსა ჰხელდნენ, იქ ნუსსა და ნიგოზს არჩევდნენ გოზინაყისათვის, აქეთ უცეცხლო თაფლი თითს გვიქნევდა, მოდით, პირი ჩაიტკბარუნეთო, იქით დედა-ჩვენი ბუხარში თაფლს აღნობდა და თაფლი თითქო გვეუბნებოდა: დაიცადეთ ხვალამდე, დღეს მე თქვენთვის ვდნებო. ჩვენ თვალე-დაქყეტილები ამაებ-შორის დავძვრებოდით და ბედნიერები ვიყავით, თუ როგორმე მოვასწრებდით და თითს ამოვავლებდით თაფლს, სიცილს, ხარხარს და დედის უგულოდ ტყუილად ჭავრობას ბოლო არ ჰქონდა. ჩვენც ვიცოდით, რომ არც დედა, არც მამა გულით არ გვიჭაერდებოდნენ და ხელებს ვაფაცურებდით, აცა რამ მოვიცხოთო სალოკავად“.

ეს ამონაწერი „ნიკოლოზ გოსტაშაბიშვილიდან“ არის ამოღებული, მაგრამ აშკარად ჰევჭავაძისანთ ოჯახის ყოფის სურათია აღწერილი.

ილიას მართლაც ორი დაჲ — ნინო (+ 1883 წ.) და ელისაბედი (+ 1923 წ.) და ორი ძმა — კონსტანტინე (+ 1854 წ.) და თეიმურაზი (+ 1860 წ.) ჰყავდა. (გრიგოლ ჰევჭავაძის მეექვსე შვილი — სიმონი — ჩვილი გარდაიცვალა).

სწავლა ილიას რვა წლის ასაკში დაუწყია. წერა-კითხვა მისთვის სოფლის მთავარდიაკონს უსწავლებია. ილიასთან ერთად, მთავარდიაკონი გლეხების შვილებსაც ასწავლიდა. სულ ხუთნი თუ ექვსნი ყოფილან. დილაადრიან მთავარდიაკონთან გარბოდნენ და შუადღემდე მეცადინეობდნენ. წერა-კითხვას დაახლოებით ერთ საათს ანდომებდნენ. მერე კი თამაში იწყებოდა. თვითონ მთავარდიაკონი ზედამხედველობდა და ხელმძღვანელობდა ამ თამაშს. უმეტესი დრო კი ამ უცნაური მასწავლებლის ნაამბობს მიჰქონდა. ამ საქმის დიღოსტატი ყოფილა მთავარდიაკონი. „უმთავრესი ღირსება მისი ის იყო, რომ მომხიბლველი თქმა იცოდა ამბებისა. გვიამბობდა მდაბიურად და ბავშვისათვის ადვილად გასაგების ენით და უფრო საღმერთო და სამშობლო ქვეყნის ისტორიის ამბებსა, ვის რა გმირობა მოემოქმედნა, ვის რა ფალავნობა გაეწია, ვის რა ღვაწლი

და სიკეთე დაეთესა სამშობლოსა და სარწმუნოების სასარგებლოდ და დასაცავად“, — იგონებს გულთბილად ილია.

ბავშვობაში მთავარდიაკონისაგან მიღებული შთაბეჭდილება დიდხანს, მოწიფულობაშიც, გაპყოლია ილიას და გამონატულება „გლახის ნაამბობში“ უპოვნია. ამ მოთხრობის მღვდელი შთაგონებულია ყვარლელი მთავარდიაკონით. მოთხრობის ატმოსფეროსაცა და აზრსაც ატყვია მისი კვალი.

„შევალე დაბალი ქუჩის კარი. დერეფანში ერთი უბრალო ტახტი დამხვდა, ზედ ისხდნენ შვიდიოდე პატარა ბიჭები. შუაში თავმობილი იჯდა ჩვენი მღვდელი. ზოგს აწერიებდა, ზოგს აკითხებდა“.

„ვისაც უნდა, რომ ღმერთი ასახელოს და აღიღოს, იმან ორი სახელი უნდა იქონიოს: ერთი აქ დასარჩენი, მეორე თან წასაღები“.

„სიცოცხლე ჩვენი არც დედისაა და არც ნაშისა, ქვეყნისა არის. ჯერ ქვეყანა, მერე დედა და მამა...“

„ღმერთმა ყველას გონება და გული, სიკეთის შეძლება და გვირიგა, ზოგს, მართალია, ცოტა, ზოგს — ბევრი, მაგრამ ბევრს ბევრი მოეკითხება, ცოტას — ცოტა. იმისათვის კი არ დაგვირიგა, რომ იმ ზარმაც მონასავით კიდობანში, ან მიწაში დავმალეთ, — იმისათვის, რომ ბევრი გაჰირვებულია ქვეყანაზედ, უნდა გავცეთ, რომ მოვფრთ რამე, თორემ ხელცარიელები დავრჩებით, როცა ღმერთი მოგვაკითხავს...“

ათსუსია, რომ არ ვიცით სახელიც კი იმ უბრალო ყვარლელი მთავარდიაკონისა, რომელმაც, დედის შემდეგ, ერთმა პირველთაგანმა გაუხსნა ილიას გონების კარი და, მეტი რომ არაფერი, ისეთი სახე შთააგონა, როგორიც „გლახის ნაამბობის“ მღვდელია. ღმერთო, „თუ შენი სული ჩაჰსახებია ვისმე ქვეყანაზედ, ის იმაში პირველიაო“, — ამბობს გაბრიელი ამ კაცზე.

უპირველესი, ვინც ილიას წიგნსა და ცოდნას შეაყვარებს, დედაა. ეს ყმაწვილი ქალი (მარიამი, როცა ილია შეეძინა, ცხრაშვიტი წლის იყო) ჩინებული მცოდნეა ქართული მწერლობისა. უყვარს იგი და შვილებსაც აყვარებს.

„დედაჩემმა მშვენივრად იცოდა მაშინდელი ქართული მწერლობა. სულ ზეპირად ჰქონდა დასწავლილი თითქმის ყველა ლექსი

და ყველა ძველებური მოთხრობა და რომანი, რომელიც კი იშოვე-
ბოდა მაშინ ან დაბეჭდილი ან ხელნაწერი. საღამოობით დაგვესამ-
და ბავშვებს და გვიკითხავდა მოთხრობებსა და ანბანს; წაკითხვის
შემდეგ გვიამბობდა შინაარსს და ნეორე დღის საღამოზედ გვიკითხავ-
და: აბა, ვინ უფრო კარგად მიამბობს, რაც გუშინ გაიგონეთო.
ვინც კარგად ვუამბობდით, გვაქებდა და ამ ქებას ჩვენ დიდად ვაფა-
სებდით“, — გაიხსენებს მადლიერი შვილი ავტობიოგრაფიაში.

მაგრამ დედის მზრუნველობამ დიდხანს არ გასტანა. ილია
თეთრმეტი წლისაც არ იყო, როცა, 1848 წლის მაისში, მარიამ ბე-
ბურიშვილი-ჭავჭავაძე გარდაიცვალა. ✓

უქალოდ დარჩენილ ოჯახს გრიგოლის დაჲ წამოეშველა — მაკ-
რინე, ივანე არაგვის ერისთავის ქვრივი.

მოუსვენარი დრო იყო მაშინ. დაღესტნის მთებში დიდი ომი
მიმდინარეობდა. ყვარელი არსებითად ფრონტისპირა სოფელი იყო.
ზოგჯერ დაღესტნელები მასაც ესხმოდნენ თავს. ერთი ასეთი შე-
მოქრა 1850 წლის ივლისშიაც მომხდარა. ✎

ლექთა რაზმი, ასე ხუთას კაცამდე, 14 ივლისს, დილით 5 საათ-
ზე ყვარელში შენოვარდნილა. მოულოდნელობით გაოგნებული სო-
ფელი ჯერ შეშინებულა და დაბნეულა, მაგრამ მერე, შტაბსკაპიტ-
ნის გრიგოლ ჭავჭავაძისა და პრაპორშიკ ღავით ჭავჭავაძის მე-
თაურობით, ყვარელები გონს მოსულან. მამაცების მცირე ჯგუფით
მტერს გამკლავებთან. ისინი სოფლიდან გაუჩრევთ. ნადავლიც წა-
ურთმეფიათ. ყვარელი აოხრებისაგან გადაურჩენიათ.

ორივე ჭავჭავაძის გამირობის შესახებ აღტაცებული მოახსენებ-
და კავკასიაში მეფისნაცვალს გრაფ ეორონცოვს თავადი ბებუთო-
ვი, ამიერკავკასიის მხარის სამოქალაქო სამმართველოს უფროსი.
თან აღშფოთებული დასძენდა: უგვანოდ მოიქცაო ყვარლის გამაგ-
რებული ციხის უფროსი პოდპოლკოვნიკი სტაროვი. მას არც ლექ-
თა რაზმის სოფელში შესვლა შეუშინებიაო და არც ყვარელებს
მიშველებიაო. არც მილიციის ასეულის უფროსს პრაპორშიკ ლუ-
არსაბ ვაჩნაძეს მისცა უფლება, ყვარელს დახმარებოდაო. იდგა
ყვარლის ციხეში გულხელდაკრეფილი ჯარი და მილიცია. მშვიდად
უყურებდა, როგორ ებრძოდა რამდენიმე კაცი თავდამსხმელთ.

ბებუთოვი უმორჩილესად სთხოვდა მეფისნაცვალს, დაესაჩუქ-
რებინათ ისინი, ვინც განსაკუთრებული ზამაცობა გამოიჩინა.

გრიგოლ ჭავჭავაძე წმინდა ანას მეორე ხარისხის ორდენით დააჯილდოეს.

ნისი უკანასკნელი გმირობა იყო ეს. ცოლის ნაადრევმა სიკვდილმა, სიღარიბემ, მევალებთან ჩხუბმა და დავამ მოტეხა იგი. პირქუში და გულჩათხრობილი გახადა. ახლობლები ამჩნევენ, ლხინ-შიაც და ჭირშიაც დუმილს ამჯობინებს. მარტოდმარტო ებრძვის მწუხარებას, დარდს, სევდას.

რამდენ ხანს შეიძლება გაუძლოს კაცმა ამ მარტობას?

1852 წლის დეკემბრის 10-ს გრიგოლ პაატას ძე ჭავჭავაძე, 40 წლისა, გარდაიცვალა.

თითქოს საგანგებოდ უღარაჯებსო, სიკვდილი არ ეშვება ჭავჭავაძეების ოჯახს. ორი წელიწადიც არ იქნება გასული მამის მიცვალებიდან, რომ თავდამსხმელ ლეკებთან ბრძოლაში, 1854 წლის ივლისში, დაიღუპება ილიას უფროსი ძმა კოტე.

მოურჩენელი ტკივილით არის სავსე ილიას ყმაწვილკაცობა. ობლების ერთადერთი ნუგეში მამიდა მაკრინეა. ისიც თავს დასტრიალებს ბავშვებს. ყველა ღონეს ხმარობს, რომ უღედმანობა და სიდუხჭირე არ იგრძნონ. არაფერი მოაკლდეთ: არც სწავლას ჩამორჩენ, არც უქონლობით დაიჩაგრონ, არც ზეპურ საზოგადოებას გამოაკლდნენ. „მამის ჩემის სიკვდილის შემდეგ ყოველივე ოჯახის მზრუნველობა, გამგებლობა გადავიდა მამიდა მაკრინეზედ... მამიდამ იმ დღიდან 87 წლამდის, ჩვენს ზრუნვაში გაატარა თავისი სიცოცხლის დღენი“, — სიყვარულითა და სინაზით იხსენებდა სიბერეში ელისაბედ ჭავჭავაძე-საგინაშვილი.

დავაჯკაცებული ილია კი ასე გამოხატავდა თავის მადლიერებას მამიდასადმი:

„მეგრამ ისე, როგორც ეხლა თქვენი ნახვა მე მინდა, ჩემს დღეში არ ნომდომებია. არ ვიცი, ეს რისგან არის? იმისგან თუ, რომ ეხლა ბედმა ცოტად წაინც გამიღიძა, ცოლიც კარგი მყავს, ლუკმა პურსაც ჩემი ცოდვილობით ვშოვობ და მაჭვს. იქნება ამისაგან წინააღმდეგ, რომ ამ ყოფაში თქვენა მნახოთ მხიარული, ბედნიერი და თქვენც ჩვენის ამ ყოფით ისიამოვნოთ. მე თქვენთან ყოფნა რომ მინდა, იმისათვის, მაშინდაჯან, რომ ბოლოს, ვინც თქვენ პატარაობაში დიდის მზრუნველობით გამოზარდეთ, ახლა იმან თქვენთვის ათასნაირი შრომისათვის ხელის გულზედ ერბო-კვერცხი იწ-

ვას და ისე გაცხოვროთ. სიკეთე, მამიდაჯან, დაუვიწყარია და, რაც თქვენ ჩვენთვის სიკეთე გიქნიათ, ეგ უფრო განსაკუთრებით უკვდავი არის ჩემთვის. მე რომ მინდა მაინდ გადმოსვლა, იმიტომ უფრო, მამიდაჯან, რომ თქვენ თან გახლდეთ და ჩემი დღენი თქვენს პატივსცემაში, სიამოვნებაში დავლიო...“

სასახელო კაცია მაკრინეს ძმისწული და აღზრდილი. მთელი ქვეყანა სცემს პატივს. უფრო მეტად რა უნდა ახარებდეს ადრედაქვრივებულ, უშვილო ქალს, ვინც ძმისწულების გზაზე დაყენებას შესწირა ყველაფერი, რაც ებადა?

„... ტფილისშია, აბა, რა ჰკოვე?..“

„მეთერთმეტე წელში რომ გადავდექი, მამამ ქალაქში წამიყვანა და მიმცა რაევსკისა და ჰაკეის პანსიონში. ეს პანსიონი ტფილისის მაშინდელ ყველა კერძო სასწავლებელზედ უკეთესი იყო.“

ილია კავკაზიძე

„...თბილისი მეტად ცივილიზებული ქალაქია, იგი ძალიან ჰბაძაქს პეტერბურგს და ეს მას კარგადაც გამოუდის. საზოგადოება რჩეული და საკმაოდ მრავალრიცხოვანია. არსებობს რუსული თეატრი და ირალიური ოპერა.“

ლევ ტოლსტოი

როცა ილია თბილისში პირველად ჩამოიყვანეს, ქალაქი უკვე კარგავდა აზიურ იერს და ევროპულ სახეს იძენდა.

უკვე დაერქმიათ თბილისის ქუჩებისა და მოედნებისათვის სახელი. იმ პროსპექტის მშენებლობაც დაწყებული იყო, ახლა რუსთაველის სახელი რომ ეწოდება, და მაშინ Головинский-ს ეძახდნენ. ქალაქი ნელ-ნელა ტოვებდა ძველ უბნებს და ახალში იკიდებდა ფეხს.

რუსულად ლაპარაკი უკვე ხშირად ითვლებოდა და ზეპირი თუ წერიტი მეტყველება აქრელებულია რუსული სიტყვებით.

მაიკოს ნაცვლად, მარია ივანოვნა ისმის ან გიგოს შავიერ — გრიგორი და ვიდოვიჩი. ბაგრატიონი გრუზინსკად არის გადაქცეული, მუხრან-ბატონი — მუხრანსკად, ამილახვარი — ამილახვაროვია, დადიანი — მინგრელსკი, ბარათაშვილი — ბარათოვი...

დიმიტრი ყიფიანისა და ზაქარია ფალავანდიშვილის თაოსნობით უკვე დაარსებულია „საბიბლიოთეკო ამხანაგობა“. ახალგაზრდობა მონაწილეობდა ამ საქმეში. მათ შორის იყვნენ პორუჩიკი ვახტანგ ორბელიანი, პორუჩიკი ლევან ნელიჭიშვილი, პოდპოლკოვნიკი გრიგოლ ორბელიანი, ნიკოლოზ ბარათაშვილი... სულ 29 კაცი.

ცოდნას მოწყურებული ყმაწვილკაცობა, განურჩევლად ეროვნებისა, ფართოდ სარგებლობს ბიბლიოთეკით.

უკვე მუშაობს ძმათა არზანოვების სტამბა. პლატონ იოსელიანის აზრით, მარი ბროსესა და დავით ჩუბინაშვილის საქმიანობით გაუმჯობესებულია ქართული შრიფტი. მცირე რაოდენობით, მაგრამ გამოცემულია ალ. სულხანიშვილის „მეტოდური ლექსიკონი ქართულ-ფრანციკულ-რუსული“, დ. ჩუბინაშვილის „ქართულ-რუსულ-ფრანციკული ლექსიკონი“, „ვეფხისტყაოსანი“ და ვახუშტის „ლეონრაფიული აღწერა საქართველოსა“.

განელებულია გულისტკივილიც, გამოწვეული ალექსანდრე ჭავჭავაძის დაღუპვით.

ფართო წვიგნობრულ და საზოგადოებრივ მოღვაწეობას ეწევა პლატონ იოსელიანი.

გახსნილია წმიდა ნინოს ქალთა სასწავლებელი.

უნდათ ქართული ჟურნალის „სინათლის“ გამოცემა, რასაც საზოგადოებასაც აუწყებენ. პროგრამასაც აცნობენ. „ვეროპამან შეიმოსა შვენიერი ზეწამული უმაღლესისა განვითარებისა და მიუჩრდილებელნი სხივნი განუტევენა ყოველთა კიდეთა სოფლისათა“. დადგა დრო ქართველიც ეზიაროს განათლებას, ცოდნას, კულტურას, რაზეთუ „ველურნი ერნიც წარემატნენ სწავლათა შინა“.

„სინათლის“ გამოცემა ვერ განხორციელდება. მაგრამ იგი ნიადაგს უშზადებს „ცისკარს“, რომელიც მოგვიანებით გამოვა.

საზოგადოება იკრიბება ნაირნაირ სალონებში. კითხულობენ სენტიმენტალურ ლექსებს, ტრაგედიებსა და რომანებს. ჩუმჩუმად იცრემლებიან ქალები. მამაკაცები ძლივს იკავებენ თავს. მოთმინებით ელიან, რომე უამი გულთ მაამი კვლავაც იქნების.

თერთნეტი წლის ილია ჭავჭავაძე კი ჰაკეს პანსიონში მეცადინეობს.

ჯავახიის ცალკე კორპუსის სარდალსა და ამიერკავკასიის მთავარმმართველს ალექსანდრე ივანეს ძე ნეიდგარდტს ჩამოუყვანია ჰაკე თბილისში შვილების აღსაზრდელად. რუსეთის მეფის სამსახურშია ნეიდგარდტი, ცოლიც რუსი ჰყავს — ანა ბორისის ასული ჩერკასკაია, — მაგრამ შვილების გერმანულად აღზრდას არჩევს. ეს უფრო ახლოა მის სულთან. როცა ნეიდგარდტი საქართველოდან წავიდა, ჰაკე თბილისში დარჩა და, რაევსკისთან¹ ერთად, პანსიონი დააარსა. დიდებული პედაგოგი ყოფილა ჰაკე. „ჰაკე სასტიკი კაცი იყო. მაგრამ თან იმოღენად მამობრივს მზრუნველობას იჩენდა თავის შვირდების მიმართ, იზოდენას სცდილობდა და ყურს უგდებდა მათს ზნეობრივსა და გონებრივ განვითარებას, რომ თითქმის მთელს თავისუფალ დროს, კლასში მეცადინეობის შემდეგ, იმათ ანდომებდა, ხან ემუხაფებოდა, ხან ართობდა მუსიკით და მართავდა ხელდახელ კონცერტს როიალზედ, რომლის დაკვრაც საუცხოოდ იცოდა“.

სამი წელიწადი უსწავლია ილიას ჰაკეს პანსიონში. 1852 წლის იანვრიდან კი (მაშინ სწავლა, თურქე, პირველ იანვრიდან იწყებოდა) გიმნაზიაში შედის,

მაინცა და მაინც თავგამეტებულად ილიას გიმნაზიაში არ უსწავლია. მართალია, ბევრს კითხულობდა, მაგრამ არა სახელმძღვანელოებს. ეს დამახასიათებელია ყოველი ნიჭიერი ყმაწვილისათვის. მათი მაძიებელი და ცნობისმოყვარე გონება ვერ ეთვისება სქოლასტიკურ აზროვნებას. ისინი ეძიებენ ახალს, უჩვეულოს, უცხოს. მათ სულს არავეითარ საკვებს არ აძლევს სასკოლო სახელმძღვანელოები, სადაც მრავალგზის გადაღეჭილი და ტრაფარეტული დებულებებია ჩაწიკწიკებული. ილიას გიმნაზიისადმი გულგრილობას მოწმობს ნიშნების რვეულიც, სადაც „სამიან“ შეფასებას უფრო ხშირად შეხვდებით, ვიდრე სხვა ნიშანს. როგორც ჩანს, არც მასწავლებლებით ბრწყინავდა თბილისის გიმნაზია. არც ერთი მათგანი არ გაუხსენებია არასოდეს ილიას, გაკვრითაც კი. ჰაკეს კი როგორი სითბოთი იგონებს!

¹ გრ. ყიფშიძე ამბობს: ილიას გულება, ჰაკეს პარტნიორს გვარი იანუშევსკი იყო.

გიმნაზიის დამთავრებისას არც გამოცდები ჩაუბარებია ილიას. მხოლოდ სრული კურსი მოისმინა. ამის გამო იყო იძულებული, რომ უნივერსიტეტში შესვლისას ეგზამენები დაეჭირა.

სანამ ილია თბილისში სწავლობს, ქართველთა კულტურულ ყოფაში დიდი ძვრები ხდება.

აიგო და გაიხსნა საოპერო თეატრი. იგი ერთ-ერთი საუკეთესო ნაგებობა ყოფილა რუსეთის იმპერიაში. მაგრამ შემდეგ დაიწვა და დღეს მისი კვალიც აღარ არის დარჩენილი. იტალიური დასია დასადგურებული ამ თეატრში და წარმოდგენებს მართავს. იტალიური მუსიკით მოხიბლული თბილელეები სულითა და გულით მისცემიან ტკობას. ერთი იმდროინდელი ენაკვიმატი ჟურნალისტი წერს: „... მეგონა, რომ ვიყავ არა გორგასალის ქალაქში, არამედ მილანში ანუ ვენეტიკში. შემხვდა ერთი ჩადრიანი ყმაწვილი ქალი, რომელიც მიდიოდა და იძახდა: თქვენის ბელინის მზეს, ჩადრზე ფეხი არ დამადგათო.“

... ახლოს ქუჩიდან ჩამორბოდა ერთი იმერლის მუშა და დასძახოდა:

ფიგარო აქა,
ფიგარო იქა,
ფიგარო ზევით,
ფიგარო ქვევით...

ასე სულ გადარეულან, ყველას მოსდებია ოპერის რაღაც სწეულება. პატარა ბიჭების კივილმა „ლა დონნა მობილეს“ ხმაზე ხომ ილაჩი წაიღო...“

იტალიელი მომღერალი ქალი ფერარი ქართულ სიმღერებსაც ასრულებს. პროგრამა იუწყება: „ქართული სიმღერა, ხმა საგნავა, ლექსები თავადის გიორგი ერისთავისა, იმღერებს ქალი ფერარარისა, ქართულის ტანისამოსითა“.

იხსნება ქართული თეატრიც. აფიშა იტყობინება:

„თბილისის ბიზნაზიის ჯალაში
ქალაქის ღარიბ ხალხისათვის
ორშაბათს 2-ს იანვარს 1850 წელსა
წარმოდგენილი იქნება“



ილია — სტუდენტი
1969 წ.



ოლღა კურამიშვილი



ოლია და დიმიტრი ბაქრაძე მცხეთის არქეოლოგიური
გათხრებს დროს



• მ. ა. 1878 წ.

I

მინილ და ჰრისტინე (ფრანციულად)

ითამაშებენ: თ. დონდუკოვ-კორხაკოვი, ბარონესა მენდორტი, მინჩაი და
ბაშმაკოვი.

შემდეგ წარმოდგენილი იწნება პირველჯერ ქართულად

II

ბაჰრა

კომედია სამ მოქმედებად, თხზ. თ. ერისთავისა“

განოსვლას იწყებს ქართული ეურნალი „ცისკარი“. მაგრამ მასალა არ ყოფნით. ჯერ ვერ ხერხდება საჭირბოროტო საკითხებზე გულდამჯდარი სჯა-ბაასის გამართვა. სამაგიეროდ, ვრცლად ლაპარაკობენ, როგორ უნდა დამზადდეს მუყუყი ან ჩურჩით ბატრ...

თითქოს საზოგადოება გამოცოცხლდა, გააქტიურდა, ამოქმედდა. მაგრამ ილია, 1883 წელს, მაინც უარყოფითად შეათვასებს ამ პერიოდს.

„...დრო მე-40 და 50 წელთა, დრო მიძინებისა და ჩვენის გონებრივისა და ეროვნულის მიძინებისა, მოქანცულობისა. მწერლობაც ამგვარის მიმძინარებულის ხასიათისა გახლდათ მაშინ. იგი ზედმიწევნილის სინამდვილით გვიხატავს მაშინდებურს ჩვენს არარაობას, ჩვენს სილატაკეს აზრისას თუ ცხოვრებისას... მაშინ რომ ქართველისათვის გეკითხათ, რას ფიქრობთ, რა გსურთო, სიცოცხლეზედ ვფიქრობთ, სიცოცხლე გვინდაო, გიპასუხებდნენ, — მაგის გარდა კიდევაო? — კიდევ სიცოცხლე გვინდაო, გეტყოდნენ. — რას ეძახით სიცოცხლეს, როგორ თუ სიცოცხლეო? — ისეო, გეტყოდნენ, რომ გავლა-გამოვლა შეგვეძლოს, სუნთქვაო, ცით და მთვარით დატკობა, მზის ცქერაო და ჩვენის ჭიის გახარებაო...

ერთის სიტყვით, ხალხს და ერს მხოლოდ ხორციელის ცხოვრების ნატვრა ჰქონდა, მხოლოდ იმაზე ჰფიქრობდა, რომ უნდა გავფრთხილდე, თორემ, სულს ხომ აღარა ვჩივი, ხორცითაც არ დავიღუპოვო...“

ეს დრო და ეს ხალხი ვერაფერს ნისცემს ილიას. სულ სხვაა მისი მოთხოვნები. სულ სხვა მიზანს ისახავს იგი. სულ სხვა ამოცანა უნდა გადაწყვიტოს.

ჩვენ უნდა ჩვენი ვშვათ მყოობადი,
ჩვენ უნდა მივსცეთ მომავალი ხალხს...

„სამშრობლო მთებო თქვენი უვილი განებებთ თავსა...“

მ ო წ მ ო ბ ა

წარმომდგენი ამისა თავადი ილია ჭავჭავაძე, 1857 წლის 21 ივლისს, ჩაირიცხა რა სტუდენტად ს.—პეტერბურგის საიმპ. უნ-ში, ძალიან კარგი ყოფაქცევით, მოისპინა მეცნიერებანი იურიდიულ ფაკულტეტზე, კამერალურ მეცნიერებათა განხრით; 1861 წლის 12 ოქტომბერს კი, მისი თხოვნის შესაბამისად, დათხოვნილია უნივერსიტეტის მეოთხე კურსიდან; ამის გამო არ შეუძლია ისარგებლოს უფლებებით, რომელიც მინიჭებული აქვთ სტუდენტებს, რომელთაც მეცნიერებათა სრული კურსი დაამთავრეს; სამოქალაქო სამსახურში შესვლის შემთხვევაში უფლება აქვს, ჩაითვალოს მეორე თანრიგის ჩინოვნიკად.

1868 წლის ნოემბრის მე-4 დღე.
რექტორი ე. ლენცი

1857 წელს ილია პეტერბურგში ჩავიდა.

იქირავა ბინა ამალღების გამზირის მეორე კვარტალში, საადმირალოს პირველ ნაწილში, ვაქარი ქალის კოლჩინას სახლში. სახლის ნომერი ყოფილა 122.

განცხადებით მიმართა პეტერბურგის უნივერსიტეტის რექტორის მოვალეობის შემსრულებელს ემილ ქრისტიანის ძე ლენცს:

სურვილი მაქვს, ვისწავლო პეტერბურგის უნივერსიტეტის იურიდიულ ფაკულტეტზე კამერალურ მეცნიერებათა განხრით.

ილია უნივერსიტეტში ჩაირიცხა, როგორც სკუთარ ხარჯზე მყოფი სტუდენტი. დოკუმენტში წერია — *своекоштный студент*.

კამერალურ მეცნიერებათა სწავლება პეტერბურგის უნივერსიტეტში შედარებით ახალი საქმე იყო. იგი 1843—4 წლებში შემოიღეს, გერმანული უნივერსიტეტების მიბაძვით, სადაც კამერალური მეცნიერებანი უკვე 1720-იანი წლებიდან ისწავლებოდა.

კამერალურ მეცნიერებათა კურსის თანახმად სტუდენტს უნდა ესწავლა:

ა) ევროპული ქვეყნების სახელმწიფო სამართალი, რუსეთის იმპერიის სახელმწიფო დაწესებულებანი, კეთილმოწყობისა და კეთილდღეობის კანონები;

ბ) პოლიტიკური ეკონომია და სტატისტიკა;

გ) ბუნების ისტორია, ტექნოლოგია, აგრონომია და არქიტექტურა;

დ) რუსული სამოქალაქო და სისხლის სამართლის კანონები, მსოფლიო და სამამულო ისტორია, ერთ-ერთი უახლესი ენა.

კამერალურ მეცნიერებათა სწავლების მიზანი და ამოცანა იყო იმ სპეციალისტთა მოზადება, ვისაც შეეძლებოდა სამეურნეო და ადმინისტრაციული სამსახურის შესრულება.

კამერალურ მეცნიერებათა შესწავლით ილიამ საფუძვლიანი და მრავალნაირი განათლება მიიღო. გამოიყენა კიდევ პრაქტიკულ საქმიანობაში.

მასწავლებლებიც ჩინებული ჰყავდათ. სტუდენტებსაც დიდად აინტერესებდათ მათი ლექციები. „მათ მოსასმენად იმდენი სტუდენტობა გროვდებოდა, რომ უდიდესი აუდიტორია, მეთერთმეტეც-კი ვერ იტევდა ყველას: ნახევარი საათის შემდეგ სუნთქვა აღარ შეიძლებოდა. ზოგჯერ პროფესორი იძულებული იყო სააქტო დარბაზში გასულიყო, სადაც სტუდენტთა უმრავლესობა ფეხზე ისმენდა ლექციას“, — გვიამბობს ნიკო ნიკოლაძე.

ილიას პეტერბურგის ჰავა სწყენდა. ეტყობა, ძველი შთაბეჭდილების გახსენებით (რაც ახლითაც იყო გაძლიერებული) გამოწვეული გრძნობის გამო წერდა ილია ოლღას 1873 წლის 29 ნოემბერს: „ცუდი ქვეყანაა ეს პეტერბურგი, ეს სამი თვეა თითქმის მზე არ დამინახავს. ნეტა მითხრა, აქ როგორ ცხოვრობენ. მილიონი რომ მომცენ, აქ ცხოვრებას არ ვინდომებდი“.

წმიდა პეტრეს ქალაქში იგი დასწესდებოდა. ექიმს, კოლეგიის ასესორსა და იმპერატორის კონვოის მკურნალს, ნიკოლოზ არენდს ცნობაც გაუცია: 1859 წლის მაისიდან ილიას ჰქონდა სისხლისღებინება. სამედიცინო ჩარევის შემდეგ, მართალია, ავადმყოფობას უკან დაუხევია, მაგრამ არენდს მაინც აუცილებლად მიაჩნდა სამხრეთული თბილი და მარგებელი კლიმატით მკურნალობა.

თითქოს ავადმყოფობა არ კმაროდაო, ილიას სხვა უბედურებაც დაატყდა თავს: 1860 წლის მაისში, პეტერბურგში გარდაეცვალა ძმა — თემური. მამიდისადმი გაგზავნილ წერილში ილია იგლოვს: „ვაიჰე საწყალო თემურ! აღარ გაიხარებენ შენ ბედნიერებაზედ არც ძმა შენი უბედური, ვეღარც მამიდა და ვეღარც დები შენი, საღ წახვედი, ჩემო საყვარელო ძმაე!“

ილია პეტერბურგის უნივერსიტეტში ქართველი სტუდენტობის თავკაცად ითვლებოდა, მაგრამ, როგორც ჩანს, საერთო სტუდენტურ შფოთსა და ჭანყში ნაკლებად მონაწილეობდა. ამას, ერთი მხრივ, ემილ ლენცის მიერ გაცემულ მოწმობაში აღნიშნულიც — „*при поведении очень хорошем*“ — მოწმობს და, მეორე მხრივ, ისიც, რომ მას არ განუცდია რეპრესია, რაც მომდევნო თაობის ქართველმა სტუდენტებმა იწვნის. ნიკო ნიკოლაძე, გიორგი წერეთელი და სხვანი დაპატიმრებულებიც კი იყვნენ.

ილიას მრწამსით უნდა აიხსნას მისი პოლიტიკურად მშვიდობიანი სტუდენტობა. ეს კრედო მან გვიან გამოთქვა, 1897 წელს, ქართველი სტუდენტებისადმი პასუხში.

1897 წელს კუნძულ კრეტაზე ბერძნები თურქებს აუჯანყდნენ. ამ ამბოხს ფართოდ გამოეხმაურა იმდროინდელი მსოფლიო პრესა და, ცხადია, ქართულიც. მაშინ პეტერბურგის ქართველმა სტუდენტებამ წერილით მიმართა ილია ჰავჭავაძესა და გიორგი წერეთელს.

სტუდენტები იწერებოდნენ:

„...ღღეს მთელი ევროპის თანაგრძნობა მიმართულია საბერძნეთისაკენ, რომელიც ეროვნულს პრინციპს, შევიწროებულ ერთ თავისუფლებას, საქვეყნოდ აღიარებას და მაგალითს გვიჩვენებს, თუ თავგანწირვა და სიკვდილი როგორ უნდა ამ საქვეყნო მადლის საღიდებლად.“

ამ დიდებულს ხმას ერთა თავისუფლებისას ბანს აძლევენ ყველა ისინი, ვინც კრიტოსელთაებრ სხვის უღლის ქვეშ ქედს იხრიან. მაგრამ მოვა დრო და ევროპა სულ სხვა სამართლის გზას დაადგება და აღიარებს ერთა თავისუფლებას.

ამის გამო პეტერბურგის ქართველმა სტუდენტებმა გადაწყვიტეთ: გაუგზავნოთ ბერძნებს (ათინელს სტუდენტობას) თანაგრძობის წერილი ან დეპეშა და ამით ნათელ ვჰყოთ, რომ ჩვენთვისაც ისე ძვირფასია თავისუფლება, როგორც კრიტოსელებისათვის. მაგრამ ჭერჯერობით არაფერი გაგვიგზავნია, რადგან გესურდა დაგკითხებოდით, თუ თქვენ რა აზრის ბრძანდებით ამ საგნის შესახებ, და მეორეც უკეთესი იქნებოდა მთლად ყველა ქართველი სტუდენტებისგან გაგზავნილიყო ასეთი თანაგრძობის წერილი. ჩვენ სტუდენტებისგან პასუხს შალე შევიტყობთ; გთხოვთ თქვენც ნუ დაგვიგვიანებთ პასუხს. ამასთანავე გვაცნობეთ, რა მოსაზრებით იხელმძღვანელებთ საგნის გადაწყვეტის დროს. ეს ჩვენთვის აუცილებელი საჭიროა“.

რა თქმა უნდა, სტუდენტებს ილიამაც უპასუხა და გიორგი წერეთელმაც.

ილია წერდა:

„თქვენმა წერილმა ორ ცეცხლ შუა დამაყენა. ერთის მხრით ყოველად პატიოსანი გულთა-ძგერა თქვენი დამიდგა თვალ წინ, გულთა-ძგერა საქვეყნო, გულთა-ძგერა ბრწყინვალე და დიდებული, რომლის ღალადის წინაშე ალტაცებით და სასოებით მუხლი უნდა მოიდრიკოს ყოველმა რიგიანმა კაცმა.

ძნელია კაცმა ამ მხურვალე და ბრწყინვალე გრძობას ადამიანისას, ასეთის პატიოსან გულთა-ძგერისაგან მოვლინებულს, ცივი ანგარიში დაუყენოს წინ; მაგრამ რაკი პატივი დამდევით და ჩემი აზრი მოითხოვით, არ შემიძლია ამ ცივს ანგარიშს არ მივცე თავი და ჩემი გულთა ნაღები არ მოგახსენოთ გულახდილად.

ჩვენი მშობელი ქვეყანა ყველა სხვა ქვეყანაზედ ჩვენთვის უფრო საფიქრებელი და საზრუნველია. აქ არავისის ძრახვას და საყვედურს არ ვერიდები. ჩემი მრწამსი ეს არის. ადამიანი ასეა გაჩენილი: თავისიანს უფრო პრჩეობს, ვიდრე სხვას. თქვენ ჩემზედ

უკეთ ზოგესხენებათ, — რა ხართ თქვენ, უმაღლესის სწავლისათვის გადახვეწილნი ქართველნი, ჩვენის შავბედიანის ქვეყნისათვის: მთელი სასოება ჩვენის ქვეყნისა თქვენზეა დამოკიდებული. ჩვენი ხვალე, ჩვენი მერძისი თქვენა ხართ. თქვენ რომ თქვენი პირდაპირი საქმე არ შეგასრულებინონ და ამის გამო შესაფერისის სწავლა-ცოდნით და განათლებით არ მოუხვიდეთ თქვენს ქვეყანას, ვისის-ლა იმედზედ დარჩეს? აშკარაა, იგი, რაც თქვენს პატიოსანს გულს მოუწადინებია, არ მოეწონება ვისაც ჯერ არს და ვაი თუ გეზიანოთ რამე. თქვენი ზიანი, თქვენი შეფერხება, ჩვენი ქვეყნის ზიანი და შეფერხებაა.

გარდა ამისა, დღეს ვაფიცებულნი დავიდარაბა აგვიტყდა — და ამ დროს რაღე მიზეზი რომ მივცეთ, მთავრობა ჩვენზედ ავის თვალთ მოახედონ, ჩვენი საქმე დიდ ხიფათში ჩაგვევარლება, თუ მთლად არ დაგვეღუპა. თქვენ მიერ განზრახული თუ ასრულდა, საიღუპლოდ არ დარჩება. დიდი შიშია, რომ ჩვენმა მტრებმა ჩვენდა თავში საცემლად არ გამოიყენონ, — აი სად და საით უფრინავთ ქართველებს გონებაო.

ბერძნებს თქვენი თანაგრძნობა, რა თქმა უნდა, იანებათ, მაგრამ ბევრს არას არგებს. მაგ თანაგრძნობას ხელში დასაქერი და გამოსაყენებელი სიკეთე არ ნოსდევს რა, გარდა გულთა-ძვრის გარეთ გამოფენისა...

ნე მესნის მთელი პატიოსნება და კეთილშობილება თქვენ მიერ მოწადინებულისა, არც თავის დღეში ეშვი არა მქონია, რომ ჩვენს ყმაწვილკაცობას გული არ ებრძოდეს, არ ერჩოდეს ყოველი პატიოსნური საქმისათვის. მაგრამ რა ვქნათ? ბედმა ამისთანა დღეში ჩაგვაგდო, რომ ჩვენის სიკეთისაგან სხვისთვის ვერ გავწირავთ ვერას, ყოველივე ჩვენი კეთილი ჩვენს ქვეყანას უნდა მოვახმაროთ და ამისათვის ყველა სხვა წყურვილი უნდა მოვიკლათ.

ქვეყანა იმით კი არ არის უძლური, რომ დარიბია, არამედ იმით, რომ მცოდნე, გონება-გახსნილი, გულ-განათლებული კაცები არა ჰყავს, აი თქვენი თავი რად გვიღირს ასე ძვირად, და სიძუნწეში ნურავინ ჩამოგვართმევს, რომ სხვისთვის არც ერთს თქვენგანის

თმის ბეწვსაც ვერ ვიმეტებთ: თქვენ თქვენის ქვეყნისათვის ხართ საჭირონი.

იქნება დამძრახოთ და მაინც ვიტყვი, რომ იქ, საცა ერთი მხრით საშობლო და მეორე მხრით სხვაა, სხვას მარტო ნამეტანობისაგან უნდა მიეცეს. ნამეტანობაზე, ჩვენდა საუბედუროდ, ჯერ შორსა ვართ, და რაც ჩვენთვის საკმარო არ არის და თვით ჩვენ გვჭირია, იგი მარტო ჩვენს საშობლოს უნდა განოვუზოგოთ და შეეწიროთ. აქ დიდად მოსარიდებელია მცირეოდენი განსაცდელიც-კი...

უთქვენობა რომ ძვირად არ უჯდებოდეს ქვეყანას, არ ანოგიფრთხობლით გულიდგან მაგ პატიოსან გულთა-თქმას. შიში განსაცდელისა აქ საბუთია და სანართლიანი. გიყვარდეთ თქვენი ქვეყანა და ამ სიყვარულს ანაცვალეთ ყველაფერი“.

ილიას ბარათში სრულიად მკაფიოდ ჩანს, რა მიზანსა და ამოცანას უსახავდა იგი ქართველ სტუდენტს (წართალია თუ არა ასეთი კრედო, ეს ყველამ თავის ჭკუით გაზომოს).

ცხადია, მაშინ, სტუდენტობის უამს, ალბათ, ყმაწვილ კაცს ასე ნათლად ჩამოყალიბებული. ნაწინსი არ გააჩნდა, მაგრამ უმთავრესი პრინციპი უთუოდ განსაზღვრული ექნებოდა. ხანდაზმულობის დროს დაწერილ ბარათში გამოთქმული ნაწინსი ახალგაზრდობაშიც აიძულებდა, მთელი დრო და ენერჯია სწავლისათვის მოენდომებინა და ნაკლებად აპყოლოდა სტუდენტურ შფოთს.

მიუხედავად ამისა, ილია ისე დაბრუნდა საქართველოში, რომ სწავლის სრული კურსი ვერ დაამთავრა.

„ვისაც ვებრძოლი, ბრძოლად არ ჰღირდნენ...“

—გაველე ვანჯინა. უჰ! რა საზარელი ნოტიო სუნი მეცა! მაგრამ შევძელ როგორც იყო და ამოვალაგე დაობებული ცისკრები. მრავალი მათგანი იყო შექმული თაგუშბისაგან და აა საყვრელება! შემდეგ სამის დღისა, რომელიც მოუნდა ცისკრების გაშრობას, ვნახე. რომ არც თუ ერთი ლექსი უფ. ილია ჰავეკაჟისა არ იყო თაგუშბისაგან კბილ ნახლები“...

ჩვენი ლიტერატურისაგან სურთ მოაწყონ საბალო დარბაზი და უკვე უხმობენ მანდილოსნებს; ჩვენი ლიტერატორები სურთ გადააქციონ ზეპურ ადამიანებად მოდურ ფრაკებსა და ხელთათმანებში; ენერგია უნდათ შეეცალონ თავაზიანობით, გრძნობა — ზრდილობით, აზრი — მოდური ფრაზით, მოხდენილობა — კოხტაპრუწობით, კრიტიკა — კომპლიმენტით“.

), ბეხარიონ ბელინსკი

„უ. ჰავკავაძე ბელინსკის ჰბაძეს და ბელინსკობა ჩუწნში არ გამოდგება. თუმცა ბელინსკი საფუძელიანი და უპირველესი კრიტიკი იყო რუსეთში. მაგრამ, როგორათაც სნეული და ზაფრიანი კაცი, ყოველთვის ილანძღებოდა და ამ მიზეზით იმისი ბაძუა არ არის მოსაწონი, და თვთ რუსეთში ეხლა ვინა ჰბაძეს იმასა?“

ილიას „პასუხის“ გამო „ცისკრის“ რედაქციის შენიშვნა.

„ივერიის“ 1881 წლის მაისის შინაურ მიმოხილვაში ჩამოყალიბებულია თერგდალეულთა თაობის მოღვაწეობის აზრი და მიზანი. პირველი:

„ჩვენის დაცემულის ვინაობის აღდგენა, ფეხზედ დაყენება და დაცვა ყოვლის მოსალოდნელის ფათერაკისაგან“.

მეორე:

„ყველამ, ვისაც რამ შეუძლიან, ამ მიმართულების ქვეშ უნდა მოიყაროს თავი და ერთად ძმურად იმოქმედოს. ყოველივე საქმე, ყოველივე საგანი, რაც ჩვენის ცხოვრების მიმავლობაში თავისით თუ სხვისით აღმოჩნდება, სულ ყოვლისფერი ჩვენს ვინაობის საქმეს უნდა შევეურჩიოთ, ქვეშ დავუყენოთ. სკოლაა, ბანკია თუ თეატრი, ყველაფერს სულ მაგისაკენ უნდა მივუბრუნოთ თავი. ვაყენებთ სადმე კაცს მარშლად, თუ ბანკის გამგებლად, თუ მასწავლებლად, თუ რადმე სხვად — მაგ მიმართულების სასწოროზედ უნდა ავწონოთ“.

მესამე:

„ყმაწვილ-კაცობა უნდა მომზადდეს ბეჯითის და ზედმიწევნილ ცოდნითა, უნდა, რამდენადაც შესაძლოა, ძირეულად შეისწავლოს ევროპიული მეცნიერება, წინ გაიმძღვაროს ევროპის გამოცდილება, და ამ თოფ-იარაღით შეუდგეს ჩვენის ქვეყნის საქმეს. უამისოდ იმ მოედანზედ, რომელიც ჩვენ ზემოთ ვიგულისხმეთ, კაცი ერთ ბიჯსაც რიგიანად და სამკვიდროდ ვერ წარდგამს, და იმ საგანს და გზას, რომელიც ჩვენ აღვნიშნეთ, ვერაფერს საბოლოოდ ვერ დაამჩნევს. ჩვენის მხრით, ამაზედ უკეთესს საგანს, ამაზედ უკეთეს გზას, უკვე სხვაგან განოცდილს და განოყენებულს, სხვას ვერას ვუჩვენებთ ჩვენს საიზედო ყმაწვილ-კაცობას“.

ამ პროგრამით ხელმძღვანელობდა ილია მაშინაც, როცა 1861 წელს, 24 წლის კაცმა, „ცისკარში“ გამოაქვეყნა კრიტიკული წერილი — „ორიოდე სიტყვა თავად რევაზ შალვას ძის ერისთავის კოზლოვიდგან „შეშლილის“ თარგმნაზედა“.

ვინ არის ისეთი, ვინც არ იცის, რომ ამ სტატიამ მთელი იმდროინდელი საქართველო ააფორიაქა. არავინ დარჩენილა გულგრილი მის მიმართ. ერთნი აღტაცებულნი იყვნენ, მეორენი — აღშფოთებულნი. ვისაც წერა ემარჯვებოდა, თითქმის ყველა გამოეპასუხა ამ წერილს.

მაშინ ყველა ისე თარგმნიდა, როგორც რევაზ ერისთავი. იგი სხვაზე არც უარესი ყოფილა და არც უკეთესი. ილიასაც ნაკლებ აინტერესებდა ამ თარგმანის კონკრეტული ხარვეზები. თუმცა ამასაც მიაქცია ყურადღება და სათითაოდაც აღნიშნა. უთუოდ და უთუმცაოდ დაასაბუთა თარგმანის უვარგისობა. მაგრამ მისთვის მთავარი და არსებითი იყო საკითხი: რა მიზნით ეწევა ესა თუ ის კაცი ლიტერატურულ საქმიანობას.

ილიას მოქმედებას განსაზღვრავდა აზრი, რომელიც მან ასე გამოთქვა:

„სამი ღვთაებრივი საუნჯე დაგვრჩა ჩვენ მანა-ჰაბათავან: მამული, ენა და სარწმუნოება. თუ ამათაც არ უპატრონეთ, რა კაცები ვიქნებით, რა პასუხს გავსცემთ შთამომავლობას? სხვისა არ ვიცით და ჩვენკი მშობელ მამასაც არ დაუთმობდით ჩვენ მშობლიურ ენის მიწასთან გასწორებას. ენა საღმრთო რამ არის, საზოგადო საკუთრება, მაგას კაცი ცოდვილის ხელით არ უნდა შეეხოს“.

აქედან გამომდინარე, „შეშლილის“ თარგმანის კონკრეტული მაგალითის მოშველებით, ილიამ წერილში სამი ძირითადი და არსებითი დებულება ჩამოაყალიბა.

თუ თარგმნას ვაპირებთ, უპირველესად პირველხარისხოვანი მწერლები და საუკეთესო თხზულებანი უნდა ითარგმნოს და არა შემთხვევით არჩეული, არაფრისმომცემი, წყალ-წყალა ნაწარმოებები. „თუ კაცს რუსულიდგან თარგმნა უნდა რისიმე, პუშკინი, ლერმონტოვი, გოგოლი როგორ უნდა დაავიწყდეს და მივარდეს წირპლიანს კანლოვსა...“

სხვათა შეცდომა კაცმა არ უნდა გაიჟეოს. წარსული და ისტორია იმისათვის არსებობს რომ ძველი გაკვეთილი, ცუდიც და კარგიც, აღიფიქროს. რაც საჭიროა, მივიღოთ, რაც არა — უკუვადლოთ. კაცობრიობის ისტორია მარადიული წინსვლაა. უკან თუ მივირბედავთ, ნხოლოდ იმისათვის, რომ მომავლის გზა დავინახოთ. „იქნება ფიქრობენ, რომ ჩვენი ლიტერატურა არ აღზდგება, თუ არ განიწეორა თავის განვითარებაში წარსულ დროთა სიცრუე და ცთომილება?! თუ ამას ფიქრობენ, მაშ ისტორიას აღარა აქვს თავისი დიდი მნიშვნელობა. ისტორია იმითია დიდი, რომ გვიჩვენებს ჩვენ წინაპართა ცდომილებას, მასთანვე გვასწავლის ჭკვას, როგორ უნდა მოვიქცეთ... მთელი კაცობრიობის უწინდელი ცხოვრება სულ უსარგებლო იქნება, თუ იმათ ცხოვრებიდამ ჩვენ სასარგებლოს არას განოვიტანთ. რაც მაშა-პაპას უქნია, ის ჩვენ უნდა ვქნათო. — ეგ ჩინეთის ფილოსოფია არის. თუ მაგას მივყევით, ჩვენ ჩინეზსაღით შევზდგებით ერთ ალაგზედ და წინ ფეხს ვეღარ წავზდგამთ“.

თუ წინსვლა და განარკვევა გვინდა, ნაკლისა და ხარვეზის მხილებას არ უნდა მოვერიდოთ. პირუთენელად უნდა ვამხილოთ ყოველივე დასაგმობი და უვარგისი. „როგორ უნდა გავსწორდეთ თუ ჩვენი სიმრუდე არ გვეცოდინება? ნეტავი ორიოდე კაცი იყოს საქართველოში, რომ ჩვენი ბოროტება ერთიანად ასწეროს და დაგვანახოს... აბა, ის იქნება ნამდვილი საქებარი მამულის მოყვარე და არა ის, ვინც მეტისმეტად დამყავებულ სიყვარულისა გამო, ანგელოზივით ასახელებს საქართველოსა. ბოროტების ღვიარება ნახევარი გასწორებაა“.

კამათის დროს, ილიას ოპონენტებმა სწორედ ეს ძირითადი დე-

ბულეზანი ვერ გაიგეს და სხვადასხვა წერილობის გამო ასტეხეს აურზაური. ასეთ შემთხვევაში, როგორც წესი, ახალგაზრდა კაცს უფროსი თაობის უპატივცემულობას დააბრალებენ. ზრდილობას დაუწუნებენ, სხვათა ღვაწლს გაახსენებენ და დამრიგებლის კილოთი ეტყვიან — ჯერ შენი საქმე გვიჩვენე და ჩვენი ნამუშავევი მერე დავმეო. ილიაც ვერ აცდა ამ საყვედურს. გაკრიტიკებულმარევაზ ერისთავმა ამოიოხრა: „მამული, სარწმუნოება და ენაო“ — მეოთხეს კი ივიწყებს: ჩუჭნთ წინაპართაგან ნაანდერძევს — ზრდილობას, — ვაი, დარბაისელთ ამოწყვეტას!“ თუმცა, პაექრობის უამსა, დარბაისელ და ზრდილ უფროს თაობას ეთიკის ნიმუშები არ უჩვენებია და, რამდენადაც ძალა შესწევდა, თავშეუკავებლად ანთხევდა ღვარძლს.

გ ი ო რ გ ი ბ ა რ ა თ ა შ ე ვ ი ლ ი: „...ილია ჭავჭავაძე (sic — ა. ბ.) კრიტიკისა ერისთავის თარგმანზე აქამომდე ისე მიბუჟის ყურეზი თვთქოს ეს არის ეხლა გამოველ მეთქი ბაზაზხანიდამ“.

ბ ა რ ბ ა რ ე ჯ ო რ ჯ ა ძ ე: „...თუ ენას სახავს საღმრთოლ, როგორ შევლორეგს ამ უშვერს, მორყენილსა და ბიჭბუჭების სიტყუტბს: წირპლიანი, მორახუნები, აგანგალა განგალა და სხუა... მე მრცხუჭნიან ამ საძაგელის ლექსების განმეორება“.

ს ა რ დ ი ო ნ ა ლ ე ქ ს ი - მ ე ს ხ ი შ ე ვ ი ლ ი „ამ ორთა საგანთაგან (გრამატიკისა და რიტორიკის — ა. ბ.) არ-ცა თუ ერთისა ცოდნა ჰსჩანს თქუჭნს თხზულება-ში, და ამასობა-ში აღჭურვილი სარკაზმებითა გულადად გამობრძანებულ ხართ ქართულის სიტყვიერების სარბიელზე და მორკინალისა თავ მოკატუნებულის თავის-მოწონების კილოვნებით დასძახით ხალხს: „ღუთის წყალობა თქვენა გაქვთ, განმხილავიც შეგვდა-ო (ერისთავს)“. განზხილავს განმხილავი არ დააკლდება. ნე კი ჩემის მზრივ უკაცროვოლ თუ არ გახლდები, ამას მოგახსენებ, რო უჩკობესი იქნებოდა მაგისთანა სუსტი თფარხმლით არ გამობრძანებულ იყავით“

ვილაც, „ბირთვისელის“ ფსევდონიმს ანოჯარებული, „ცისკრის“ რედაქტორს მიმართავდა: „დრო არის მოსპოთ უ. ჭავჭავაძეზე სიტყვა და შეუდგეთ სხუა უფრო სასარგებლო საქმეს, რომლითაც მდიდარია ჩუჭნი ქვეყანა და რომელიცა უფრო სარგებლობას მისცემს ჩუჭნს საზოგადოებასა“.

ეფთვიმე წერეთელი კი აფრთხილებდა რედაქტორს: ჟურნალს გამოვიწერ, „თუ არ ჩაერთვს ჰავჭავაძის ენის სიტყვერება“.

არც კრიტიკის მიერ ხშირად გამოყენებულ ფანდს მორიდებიან. მოუძებნეს ილიას ცალკეული შეცდომები, ზოგი მართალი და ზოგიც ცრუ, და ნიშნის მოგებით უთხრეს — ამის დამწერი, ჩვენ როგორღა გვასწავლიო ჰკუთას.

ილიას უწერია — „ან შენ გიჟმა რა იცოდა“, ბარბარე ჯორჯაძე ასწორებს — „შენმა გიჟმა და არა შენ გიჟმა“...

ილიას უწერია — „როსღა გვექნება ჩუჭნ გაღვიძება“, გიორგი ბარათაშვილი ასწორებს — „უნდა იყოს: როს გვეღვიძება ჩვენ გაღვიძება“.

ილია წერილს იწყებს — „როცა გაგვახსენდება...“ სარდიონ ალექსი-მესხიშვილი, მაღალი სტილის შესაბამისად, ასწორებს — „ოდეს გაგვახსენდება...“

იყო ასე ატეხილი დავის კორიანტელი, მაგრამ არავინ შეხებია იმ ძირითად ამოცანას, რის გამოც ილიას სტატია დაიწერა და დაიბეჭდა. ეს არც იყო მოსალოდნელი, რამეთუ იმ ადამიანების წვდომისა და გაგების უნარს, ვინც ილიას ეკამათებოდა, ნათლად გვიჩვენებს ერთი მაგალითი.

ილიას სტრიქონებს — „მამულო საყვარელო, შენ როსღა აყვავდები?“ — „ცისკარის“ ზოგიერთი თანამშრომლის გულიანი ხითხითი გამოუწვევია: „ნეტავი დაანახვა ეხლა საქართულო როგორ მწვანე ხავერდით ბიბინებს!!“

ამგვარ მწერლებს ძნელად თუ მიახვედრებდი და გააგებინებდი, რა აწუხებდა და აწვალებდა ილიას. მაგრამ მან მაინც უპასუხა მოპაექრეებს. კამათში ჩაებნენ ილიას თანამზრახველებიც — კირილე ლორთქიფანიძე, გიორგი წერეთელი, სამსონ აბაშიძე, აკაკი წერეთელი...

ცხადი გახდა: მოვიდა ახალი თაობა, ახალი მიზნით, ახალი ამოცანით, ახალი შესაძლებლობით. მას „ცისკარი“ საასპარეზოდ არ გამოადგება. ივანე კერესელიძე კეთილი კაცია. სულითა და გულით უნდა გვერდით აშოუდგეს ახალგაზრდებს, მაგრამ როგორ გააკეთოს ეს, არ იცის. არც მათი ესმის. ერთხელ ახალგაზრდებმა პეტერბურგიდან მოსწერეს — ჟურნალს მიმართულება გამოუცვა-

ლო და ივანეშვიც შესცვალა. კვებით ამბობდა: გამოვუცვალე მიმართულება. წინათ ხმელეთით ვაგზავნიდი, ახლა ზღვით ვგზავნი, ოდესის გავლით. მართალია, მეტი მეხარჯება, მაგრამ არ დავეძებო.

თან „ცისკარი“ მხდალიც არის. თუმცა მისი ბრალი არ არის ეს. თუ ხელმოწერებს რაიმე არ მოეწონათ, ჟურნალის გამოწერას თავს დაანებებენ. ისედაც ხელმოკლე „ცისკარი“ მთლად უსახსროდ დარჩება. როგორც კი ილიას მეორე წერილი — „პასუხი“ — დაიბეჭდა, ჟურნალმა თავისი შენიშვნებიც იქვე მიაყოლა. მკითხველები დაამშვიდდა: მართალია, სტატია დავსტამბეთ, მაგრამ მის დებულებებს არ ვიზიარებთო. ამ შენიშვნებში მთელი უნარი და ნიჭი „ცისკარმა“ ილიას სტატიის გაბათილებას მოანდომა. თან პირფერულად თავსაც იმართლებდა: „თქუჲნ საზოგადოს აზრს არას დასდევთ. თქუჲნ, როგორათაც ანობენ, ყველაზედ დაცინებით ანობთ, რამდენსამე ადგილს აი რა გავიგონეთ: „საყვედურს გვეუბნებით, რატომ „ცისკარს“ არ ვიწერთო, რათ დავიბაროთ და როგორ ვიკითხოთო, როდესაც ლანძღვს მეტს ვერასა ვპოვებთო, როგორათაც აი ჭეჭეჭეჭის კრიტიკაშიო“. ერთმა შესანიშნავმა პირმა, რომელიც ქართულს სიტყვერებას მისდევს, აი რა გვითხრა: „თუ ღმერთი გწამსთ, ამისთანა უშუჲრს სტატიებს ნუ ბეჭდავთო“.

ამგვარად დამფრთხალ ჟურნალში თერგდალეულების თანამშრომლობა გამოირიცხებოდა. გადაუდებლად საჭიროა ახალი ჟურნალი. ილიაც მთელ ძალღონეს მის გამოსაცემად ხარჯავს. ამოოდ არ ჩაუვლია მის შრომასა და ბრძოლას. 1863 წლის თებერვლის პირველ ნახევარში „საქართველოს მოამბის“ პირველი ნომერი გამოვიდა.

„საქართველოს მოამბის“ თავფურცელს ამშვენებდა მარკოზის სახარების სიტყვები:

„ხოლო ლელუისაგან ისწავეთ იგავი ესე: რა ჟამს იგი რტონი მისნი დაჩხუიან და გამოვალნ ფურცელი, უწყოდეთ, რამეთუ ახლოს არს ზაფხული“ (XIII, 28).

ეს იმედი ჭაბუკი ილიას უტეხ რწმენას გამოხატავდა, თორემ ზაფხული, რომელსაც იგი მოელოდა, ძალიან შორს იყო.

„ბაჯალეთისა ტვის ძირას ოქროს აკვანი არისო...“

„მე დანიშნული ვიქმენ მომრიგებელ შუაქაცად დუ-
შეთს. მომრიგებელ შუაქაცად დავყავ იქ 1868 წლემ-
დე; ხოლო ამ წელს შემოიღეს სასამართლოს რე-
ფორმა კავკასიაში და მე მომანდეს ასრულება მომ-
რიგებელ მოსამართლის თანამდებობისა დუშეთსავე.
მომრიგებელ მოსამართლედ ვიყავ 1874 წლამდე“.

ილია ჭავჭავაძე

1863 წლის აპრილში ილიამ ცოლი შეირთო: საგურამოელი თა-
ვადის თადეოზ გურამიშვილის ასული ოლდა. ჯვარისწერა მოხდა
თბილისში, სამების ეკლესიაში. ილიას ხელისმოქმედენი იყვნენ და-
ვით ყიფიანი და ნიკოლოზ ჭავჭავაძე, ოლდასი — ილია ჩოლოყა-
შვილი და სულხან თუშანიშვილი. მათ ჯვარი დასწერა მღვდელმა
ნიკოლოზ არდაზიანმა.

მდიდარი ქალი მოიყვანა ილიამ, მაგრამ „საქართველოს მოამ-
ბეს“ მაინც ვერ უშველა. 1863 წლის ბოლოს ჟურნალმა არსებობა
შეწყვიტა. თადეოზ გურამიშვილი ცოტა ცხვირაბზეილი უყურებ-
და სიძეს. არ ექაშნიკებოდა მისი სიღარიბე. არც აპირებდა დახმარ-
ებოდა ილიას და „საქართველოს მოამბე“ გადაეჩინა. თადეოზ
გურამიშვილს მწერლობა არ უყვარდაო, ვერ ვიტყვით. ახალგაზრ-
დობაში ლექსი და პუბლიცისტური წერილი გამოუქვეყნებია. „ცის-
კარიც“ ჰქონდა გამოწერილი და მისთვის ფულადი დახმარებაც
გაუწევია. მაგრამ თადეოზს მწერლობა მაშინ უყვარდა, თუ სიმ-
დიდრეც ახლდა. თუ მწერლობას სიღარიბე მოსდევდა, საგურამო-
ელ თავადს ერთიც სძულდა და მეორეც. ჯერჯერობით ილიას კა-
ლამს სიმდიდრის შეძენის პირი არ უჩანდა. მომავალში რა იქნე-
ბოდა, ანის განჭვრეტისათვის ილიას სიმამრი თავს დიდად არ იწუ-
ხებდა. არც შვილის ბედი ადარდებდა. ოლდას მზითევად იმდენი კი
ერგო, სიკვდილამდე ტკბილი პური ეჭაჰა. თუ მეტი უნდოდათ, მა-
შინ კეთილი ენებათ (სიძეს მაინც) და სახელმწიფო სამსახურში
ჩამდგარიყვნენ. სხვა გამოსავალი აღარ ჩანდა. ილია სამუშაოდ დუ-
შეთში უნდა წასულიყო.

ილიას მოხელედ მუშაობის პატარა გამოცდილება ჰქონდა. იგი ნეორე თანრიგის ჩინოვნიკის უფლებით იყო აღჭურვილი. ერთხანს კავკასიის მეფისნაცვლის მთავარ სამმართველოშიც მუშაობდა. მერე, როცა გლეხთა განთავისუფლება უნდა მომხდარიყო, 1864 წელს ქუთაისის გენერალ-გუბერნატორის ცალკე მინდობილობათა მოხელედ განაწესეს. უნდა გამოერკვია, რა ურთიერთობა სუფევდა გემამულებსა და გლეხებს შორის. ეს საქმე მან სათანადოდ შეასრულა.

ეს გამოცდილება მის მომავალ მდგომარეობას ცოტად მაინც ამსუბუქებდა. ისე კი ხუმრობა არ იყო: ახალგაზრდა, ენერგიით, ოცნებით, მოღვაწეობის სურვილით სავსე კაცი ეთხოვება გუბერნიის ცენტრს და მიყრუებულ სოფელში მიემგზავრება. ჯერ მაშინდელი თბილისის კულტურული და გონებრივი ცხოვრება რა იყო და ღუშეთისა რაღა იქნებოდა? საქართველოს ევროპეიზაციაზე მეოცნებე კაცი ღუშეთის ორღობეში უნდა ჩაკეტილიყო და, ღმერთმა უწყის, რა ხნით. უნდა გამომშვიდობებოდა (დროებით მაინც) იმ საზოგადოებრივ საქმიანობას, რომელიც მან თავად და მისმა მეგობრებმა წამოიწყეს.

მაინც წავიდა. არსებობის სხვა წყარო არ იყო და იმიტომ.

რა საქმით იყო ილია ღუშეთში დაკავებული?

სახაზინო გლეხს ნომამვილს ოჯახში მიუვარდება აზნაური ალექსანდრე ჩრდილელი. გამოუყრის სახლიდან სკამებს და ეზოში წვიმიგან დამდგარ ტბორში ჩაუყრის. მერე გლეხის ჯალაბის გამორეკვასაც დაიწყებს. გლეხი იჩივლებს, უკანონოდ და უსამართლოდ მჩაგრავენო. ილია ჰავჭავაძემ უნდა გაარკვიოს, რამდენად მართალია მომხდარი ამბავი და დანაშავეს სასჯელი გამოუტანოს.

ილია ყველაფერს გამოიძიებს და გამოიტანს განაჩენს.

„...მე, ღუშეთის განყოფილების მომრიგებელმა მოსამართლემ, მივიღე რა მხედველობაში ის, რომ მოწმეთა ჩვენებით დადასტურდა ბრალდება და ვხელმძღვანელობდი რა სისხლის სამართალწარმოების წესდების 119-ე სტატიით, აზნაური ალექსანდრე ჩრდილოვი, ძე ჩრდილელისა, დამნაშავედ ვცან თვითნებობაში ძალადობის გამოუყენებლად და ცემის, სახირობისა და ჭრილობის მიუყენებლად და მომრიგებელ მოსამართლეთა მიერ დადებულ სასჯელთა წესდების 142-ე სტატიით მიუუსაჯე მას, ჩრდილელს, ორი კვირის

პატიმრობა კერძო ბინაში, დუშეთში“.

იჩივლებს აზნაური იოსებ კლიმიაშვილი, რომ მას სიტყვიერი შეურაცხყოფა მიაყენა გლეხმა გიო წულიაშვილმა და ითხოვს მის დასჯას. ილიამ უნდა გაარკვიოს — მართლა შეურაცხყვეს თუ არა აზნაური კლიმიაშვილი. ილია გამოიძიებს და დაადგენს, რომ წულიაშვილს მართლაც გაულანძლავს კლიმიაშვილი, ოღონდ ჯერ კლიმიაშვილს დაურტყამს წულიაშვილისათვის თავში გიდელი და მერე უვინებია გლეხს აზნაური.

ილია გამოიტანს განაჩენს:

„... სასჯელთა წესდების 138-ე სტატიის და სისხლის სამართლის წესდების 194-ე სტატიის საფუძველზე მივუსაჯე — განთავისუფლდეს გიო წულიაშვილი ყოველგვარი სასჯელისაგან ზემოაღნიშნულ ბრალდებისა გამო; სასამართლო ხარჯები გადახდეს მომჩივანს, როგორც არაკეთილსინდისიერ ბრალდებულს“.

იჩივლებს დროებითვალდებული გლეხი გოგილა ეკალაძე: აზნაურებმა ზურაბ და ელიაზარ ალექსიშვილებმა უნებართვოდ, თვითნებურად წამართვესო მინდვრიდან ორმოცი ძნა. ილიამ უნდა გამოიძიოს: შეეფერება თუ არა სიმართლეს საჩივარი. გამოიკვლევს და გამოიტანს განაჩენს:

დაპატიმრებული იქნენ ზემორე მოხსენიებული ალექსიშვილები დუშეთის ციხეში ექვსი დღით. გადახდეთ მათ მომჩივანის ეკალაძის სასარგებლოდ 12 მანეთი, ღირებულება მათგან, ალექსიშვილებისგან, წალბებული ორმოცი ძნისა. ეს განაჩენი, როგორც დაუსწრებელი, სისხლის სამართლის წესდების 138-ე სტატიის ძალით გაეგზავნოს ბრალდებულთ, უწყებასთან ერთად. სასამართლო ხარჯები დაეკისროთ ბრალდებულთ.

ზოგჯერ საქმე კურიოზამდე მიდის.

ერთმა მუხრანელმა კაცმა დუშელ გლეხს ნასყიდა პაპაშვილს თამასუქით ფული ასესხა თურმე. მერე პაპაშვილს, ნატბევის მუხასთან, ვალი დაუბრუნებია მუხრანელისათვის, მაგრამ ვექსელი აღარ გამოურთმევია. მევალეს ამით უსარგებლია და პაპაშვილისათვის უჩივლია: ჩემი ვალი მართებს და არ მიხდისო. დაბნეულ და შეწუხებულ ნასყიდას ფიცი დაუწყია: ვალი რახანია გადავუხადეო. ილია დარწმუნებულა, პაპაშვილი მართალს რომ ამბობდა, მაგრამ რა ექნა: მევალეს ხელთ თამასუქი ეჭირა და თავისას ითხოვდა. მაშინ



ილია „შეფი ლირის“ ცოცხალ ხურათებად
წარმოადგენის შონაწილეებს შორის



ილია
1890-იანი წლები



ი. ი. ი.
1900-იანი წლები



ქვარი, რომელიც იდგა
ილიას შკვლელოვის აღგობის

ილიას პაპაშვილისათვის უკითხავს — როცა ვალს უხდის, იქ მოწმე არაეინ ყოფილაო? სასოწარკვეთილ ნასყიდას დაუკვნესია — მოწმე ვინ იქნებოდა, ნატბევის მუხის ქვეშ ვიდექითო. რაკი მუხის ქვეშ მდგარხართ, ადექი, პაპაშვილო, გაიქეც და იმ ხის ერთი ფოთოლი მომიტანეო, — დაუვალეზია ილიას ნასყიდასათვის. ეს რომ გაუგონია მუხრანელ მეველეს, ბრიყვეულად მიუმართავს მოსამართლისათვის — შე დალოცვილო, ვინემ ეგ ნატბევეზე გადავა, იმ მუხის ფოთოლს მოიტანს, მანამდე დალამდება კიდეცაო. მაშინ ილიას სიცილი დაუწყია და მუხრანელისათვის უთქვამს: მაშ, პაპაშვილს შენთვის ვალი გადაუხდია. ეგ თამასუქი ახლავე დახიე, აქედან დაიკარგე და მეორედ ჩემმა თვალებმა არ გნახოსო.

სირცხვილნაჭამი მუხრანელი უხმოდ გაეცალა თურმე იქაურობას. ასეთი საქმეების ძიება-გარჩევაში მიიზღაზნებინან დღეები. როცა გულზე სევდა შემოაწვება და მოთმინების ფიალა აევსება, ოლღას სწერს: „მე არსად არ დავდივარ, ისე მომძულდა ეს ღვთისგან დალოცვილი უბედური დუშეთი და მისი უკაცურნი კაცნი“. ხანაც სერგეი მესხს შეეხმინება: „ეს ოხერი, ვერ დავაღწიე თავი ამ უგემურს სამსახურსა... ბიკო, ერთი მეწვივენით დუშეთს“. ზოგჯერ სასიხარულო ამბავიც მოსდის: კირილე ლორთქიფანიძე აპირებს „კაცია-აღამიანის?“ დაბეჭდვას. ნებართვას ითხოვს. გახარებული მაშინვე უპასუხებს — „მაგას რაღა თხოვნა უნდოდა: მომიცია სრული ნება დაბეჭდვისა და თუ ძალიან გსურთ, ჩემი სახელიც ჩაურთეთ ჯიმშერიძის მაგიერად“.

დუშელი ჩინოვნიკი არც ხელისუფლებას ავიწყდება. ჯერ, 1866 წლის ნოემბერში, საგლეხო რეფორმის ჩატარებაში აქტიური მონაწილეობისათვის ორი ათასი ვერცხლის მანეთით აჭილღობენ. მერე კი, კოლეგიის რეგისტრატორის ჩინს ანიჭებენ.

დღევანდელმა მკითხველმა შეიძლება არც იცოდეს, რა ბედენაა კოლეგიის რეგისტრატორი. რუსეთის იმპერიაში ეს იყო ჩინოვნიკური ბიუროკრატიის ყველაზე დაბალი საფეხური.

რანგთა ტაბელი რუსეთში პეტრე პირველმა შემოიღო 1722 წლის იანვარში. ამბობენ, გერმანელმა ფილოსოფოსმა ლაიბნიცმა შთააგონაო პეტრეს მისი შემოღება. რანგთა ტაბელის მიხედვით, რუსეთის სამოხელეო სისტემაში თოთხმეტი ჩინი არსებობდა. მათ შორის ყველაზე მაღალი, პირველი ჩინი კანცლერი იყო, ხოლო ყვე-

ლაზე დაბალი, მეთოთხმეტე ჩინი კი, როგორც უკვე ითქვა, — კოლეგიის რეგისტრატორი.

კოლეგიის რეგისტრატორობა იქნება პირველი და უკანასკნელი ჩინი, რომელსაც ილია მიიღებს. დიდ ხნის მერე, 1906 წელს, როცა ილია სახელმწიფო საბჭოს წევრად იქნა არჩეული, იგი ისევ კოლეგიის რეგისტრატორი იყო. დუშეთის შემდეგ ილია სახელმწიფო სამსახურში აღარ მდგარა და იმიტომ. იგი მხოლოდ საზოგადოებრივ საქმიანობას ეწეოდა.

თანდათან ახლოვდება დრო, როცა მეგობრები მოუხმობენ, იკისროს აუცილებელი და საჭირო საქვეყნო საქმის მეთაურობა. საადგილმამულო ბანკის დაარსებისათვის იბრძვიან. უკვე რამდენიმე წელიწადია თბილისში ამ საკითხს დასტრიალებენ თავს, მაგრამ ჯერ დასასრული არ ჩანს. იმედი აქვთ, ილიას ენერგია უშველისო საქმეს. ილიაც თანხმდება. ჯერ ერთი, კარგად აქვს გაცნობიერებული საადგილმამულო ბანკის მნიშვნელობა ქართველთათვის და მეორეც, საშუალება ეძლევა, ჩინოვნიკური იწილობიწილოს მაგიერ, საზოგადოებრივი უღელი გასწიოს.

გამოთხოვების ჟამიც დადგა. როცა დაფიქრდა, გული შეეკუმშა. დუშეთი დამღურების ღირსი არ იყო. აქ დაწერა „1871 წელი 23 მაისი (კომუნის დაცემის დღე)“, „რა ვაკეთეთ, რას ვშვრებოდით, ანუ საქართველოს ისტორია მეცხრამეტის საუკუნისა“, „ბედნიერი ვერი“, „გამოცანები“, „პასუხის პასუხი...“ მართალია, გვიან დაიწერა, მაგრამ დუშეთით არის შთაგონებული „ბაზალეთის ტბაც“.

იქნებ, აკვანში ის ყრმა წევს,
ვისიც არ ითქმის სახელი,
ვისაც დღე-ღამე-ღამე პნატრულობს
ჩუმის ნატერიოთა ქართველი?

დუშელი საზოგადოებაც გულთბილად და სიყვარულით გამოემშვიდობა. გამოსათხოვარ ნადიმზე პლატონ იოსელიანმა მაღალფარდოვანი სიტყვაც უთხრა. პლატონს რუსულად უყვარდა წერა და ლაპარაკი. ეს სიტყვაც რუსულად თქვა. იგი ასე მთავრდებოდა:

Прощаясь с Вами, с Вашею музой, мы желаем (да желание это будет и желанием вашего сердца), чтоб след Ваш, след Музы Вашей, оставляемые на горизонте и почве душевской, были указателями будущему поколению, светлыми,

плодовитыми в деле общения, — дыхания отрады в жизни. Желаем также, чтоб они были образцовыми и для приемников Ваших.

ილია თბილისში დაბრუნდა.

„თავად-აზნაურობამ გადაწყვიტა დაარსება საადგილმამულო ბანკისა...“

„1874 წლის 5 სექტემბერს თბილისის სათავადაზნაურო ბანკის წევრების საერთო კრებაზე არჩეულ იქნა ამავე ბანკის მმართველად, რომელ თანამდებობაზეც იმყოფებოდა 1905 წლის 23 ივნისამდე“.

ამონაწერი ნაშხახურობის ნუხხიდან.

„რატომ არცერთ ადგილობრივ გაზეთში არ ითქვა არცერთი სიტყვა მოწონებისა და მადლიერებისა იმ კაცისადმი, რომლის სახელი ცნობილი იყო ჩვენი ქვეყნის თითოეული შეგნებული შეილისათვის და რომელმაც მოთმინებით და გონიერად შრომით შესწავლო ახალი საფუძველი ჩაეყარა ერთ-ერთი ისეთი დიდად სასარგებლოს და აუცილებელი დაწესებულებისათვის, როგორც კი ოდესმე დაარსებულა ჩვენს ქვეყანაში? რატომაა, რომ ი. კავკავაძე ახლაც ისევე მარტოა, ისევე დაუფასებელია, ისევე მოკლებულია მხარდაჭერას, როგორც იმ სამწუხარო ეამს, როცა მან დააარსა და მხოლოდ საკუთარი მხრებით ატარებდა უდროოდ დაღუპულ, მაგრამ დაუვიწყარ „საქართველოს მოამბეს“...? ზემოდნათქვამის საფუძველზე მე სულ მგონია, რომ ბანკის საქმე, ისევე როგორც ადრე „საქართველოს მოამბის“ საქმე, მთელი თავისი სიმძიმით ილია კავკავაძის მხრებს დააწეება“.

ნაყო ნაყოლიაძე

საადგილმამულო ბანკის დაარსება დიმიტრი ყიფიანს მოუვიდა აზრად.

უცნაური კაცი იყო დიმიტრი ყიფიანი.

მართალია შალვა ჩხეტიანი, როცა ამბობს — იგი ახერხებდაო

თავისთავში შეეთავსებინა ცარიზმის კოლონიური პოლიტიკის მტერი და ტახტის ერთგული მოხელე, გლეხობის მოსარჩლე და ბატონყმობის მომხრე, სამშობლოს ღირსებისათვის მებრძოლი და რუსული მონარქიზმის მოიმიედე, ქართველი პატრიოტი და რუსი თვითმპყრობელი მეფის თაყვანისმცემელი.

მუდამ ნაირნაირი იდეები უტრიალებდა თავში. აკაკი წერეთლის სიტყვით, „არც ერთი ქართული დაწესებულება არ არის ჩვენში, რომ მეთაურობა ყიფიანს არ ეკუთვნოდეს: ბანკი, ქ. შ. წ. კ. გამავრცელებელი საზოგადოება, თეატრი და სხვანი, სულ მისი ინიციატორობით არის დაწყებული“.

ბატონყმობა რომ გაუქმდა, დ. ყიფიანი ქართველი თავადაზნაურობის კეთილდღეობის გადარჩენის გზებს ეძებდა. იგი ხატონად წერდა: დიდხანს ცხოვრობდაო სასახლეში პატიოსანი კაცის ოჯახი. მართალია, ღარიბად, მაგრამ — მშვიდად. სჯეროდა, უკეთესი დროც დადგებაო, უცბათ, ერთ უბედურ დღეს, ხუროთმოძღვარმა გამოაცხადა — ეს სასახლე ინგრევა, ახლავე თავს უშველეთ, თორემ ნანგრევებში გაიჰყლიტებითო. მეტი რა გზა იყო: იმ სასახლიდან გარეთ გამოცვიდნენ. მართლაც მალე იქეპა, იქუხა, კედლებს ბზარი გაუჩნდა და სულ ცოტა ხანში დაირღვა კიდეც. ღმრთის ანაბარა დარჩენილნი უკანასკნელ იმედს ებლაუჭებოდნენ, უფალი და ხელმწიფე-იმპერატორი არ გაგვწირავსო.

დანგრეული სასახლე ბატონყმობა იყო. უსახლკაროდ დარჩენილი პატიოსანი კაცის ოჯახი — ქართველი თავადაზნაურობა, იმედი და მშველელი — იმპერატორი ალექსანდრე მეორე. თუ იგი მოწყალეობას არ დაიშურებდა, თავადაზნაურობა ქვეყნის სამასხარო არ გახდებოდა. არც დაიშურა: მამრობითი სქესის თითოეული განთავისუფლებული გლეხის ფასად ბატონს 25 მანეთი ეძლეოდა. ვისაც 21 ყმაზე ნაკლები ჰყავდა, ეს გასამრჯელო უორმაგდებოდა. ამ გზით თავადაზნაურობას საკმაო თანხა უგროვდებოდა. ვინც ჰკუთნოთ მოიქცეოდა, ქოხებრივი გასაკვირი არ ელოდა.

ამ პირობებში დიმიტრი ყიფიანს თავადაზნაურობის წოდებრივი და ქონებრივი უპირატესობის შენარჩუნების ერთადერთ ბურჯად საადგილმამულო ბანკი შიარნდა. ყმების განთავისუფლებისათვის ხელისუფლებამ ამიერ-საქართველოს თავადაზნაურობას ორი მილიონი მანეთი მისცა. აქედან მილიონ რვაას ორმოცი ათასი მანეთი —

ყმებში, ხოლო ას სამოცი ათასი მანეთი — ბანკის დასაარსებლად. ბანკის საქმე რომ აწყობილიყო, საჭირო იყო ხელმწიფის ბოძებულ თანხას ცოტა კიდევ დამატებოდა. კერძოდ, თავადაზნაურობას თითოეულ სულ გლახზე მიღებული ოცდახუთი მანეთიდან ხუთი ბანკისათვის უნდა შეეწირა. მაშინ ბანკს თავნად, ძირის ფულად, საქმამო თანხა უგროვდებოდა. მერე უკვე ხელმძღვანელობის ოსტატურ საქმიანობაზე იყო დამოკიდებული — რას მოიგებდა, ან რას წააგებდა ბანკი.

თავდაპირველად დიმიტრი ყიფიანს ისეთი ბანკის შექმნა უნდოდაო, — წერს იოველ ასათიანი, — „რომლიდანაც თავადაზნაურობა სესხს გამოიტანდა დაბალი სარგებლით, ვალის გადაუხდელობის შემთხვევაში კი დამგირავებელს მამულს არავითარ შემთხვევაში არ გაუყიდდა, იგი დროებით უნდა გადასულიყო ბანკის გამგებლობაში და ვალის დაფარვის შემდეგ მის პატრონს დაუბრუნდებოდა“.

როცა დ. ყიფიანის პროექტს გაეცნო ა. ზუბალაშვილი, კომერციაში გაწაფული კაცი, მაშინვე მიხვდა კეთილშობილი მეოცნების შეცდომას. ოღნავ შესამჩნევი ირონიით აცნობებდა ა. ზუბალაშვილი დ. ყიფიანს: მამულის გაუსყიდლობის იდეა დიდ ჰუმანიზმად მიმაჩნია, მაგრამ განუხორციელებელიაო. თუ ბანკი არც ვალს გადაახდევინებს და არც მამულს გაუყიდის დამგირავებლებს, მაშინვე გაკოტრდებოა. პროექტის ავტორს განუმარტავდა: გამდიდრების, ანუ კომერციული, წესი ყველა ბანკისათვის ერთი და იგივეაო. კომერციულ ბანკსა და საზოგადოებრივ ბანკს შორის განსხვავება მხოლოდ მოგების განაწილებაშია, ე. ი. მიზანში და არა საშუალებაშიო.

ბანკის წესდების ხუთი პროექტი შეადგინა დ. ყიფიანმა, წლების მანძილზე იწვალა და იდავიდარაბა, მაგრამ, როცა 1870 წლის მაისში იგი თბილისის გუბერნიის თავადაზნაურობის წინამძღოლის პოსტიდან გადადგა, ბანკი დაარსებული მაინც არ იყო.

იმთავითვე არ უნდოდა ზოგიერთს დ. ყიფიანის მარშლად არჩევა. იგი აზნაური იყო და მუხრან-ბატონებს, ორბელიანებს, ზოგიერთ სხვასაც ერცხვინებოდათ მისი წინამძღოლად დასმა. ანტონ ფურცელაძე გვიამბობს, რა ამბავი დატრიალებულა იმ კრებაზე, რომელმაც დ. ყიფიანი თავადაზნაურობის წინამძღოლად აირჩია.

პირველად დიმიტრის წინააღმდეგ გრიგოლ ორბელიანი გამო-
სულა. ჰერ უთქვამს, სირცხვილიაო უბრალო აზნაურის წინამძღო-
ლად არჩევა. როცა ამ არგუმენტს არ გაუჭრია, დაუმატებია, დ. ყი-
ფიანი, როგორც არასაიმედო კაცი, დათხოვნილიაო სამსახურიდან.
ეს განცხადება საზოგადოებას არ მოსწონებია და პროტესტის ნიშ-
ნად ყვირილი აუტეხია. როგორ თუ პროტესტს აცხადებთო, გადა-
რეულა ივანე მუხრან-ბატონი, სკამიდან წამოვარდნილა და ხაფი
ხმით დაუყვირია: რას ბედავთ, რა არის ეს? ჭანყი? ვის უბედავთ
ამხედრებას? **ДУНТОВЩИК**-ი გინდათ აირჩიოთ თავადაზნაურობის
წინამძღოლად? ახლავე მოუხმეთ პროკურორს!

ჭანყის, **ДУНТОВЩИК**-ის, პროკურორის ხსენებას საშინლად და-
უფრთხია შეკრებილი საზოგადოება. შიშით ყველას ხმა გაუქმედია.
ის-ის იყო დ. ყიფიანის არჩევის საქმე უნდა ჩაშლილიყო, რომ
ფეხზე წამომხტარა ახალგაზრდა ოფიცერი ალექსანდრე არღუთა-
შვილი და შეუტეგია: ვინ უწოდებს თავადაზნაურთა კრებას ჭანყს?
ვინ უხმობს ჩვენს კრებაზე პროკურორს? ვინ გვნათლავს **ДУНТОВ-**
ЩИК-ებად იმიტომ, რომ დიდ უმრავლესობას არ სურს გაიზიაროს
ერთი მუჭა უმცირესობის აზრი? **ДУНТОВЩИК**-ები უმცირესობაა,
რომელნიც არ ეთანხმებიან უმრავლესობას. ვისაც არ სურს არჩე-
ვებში მონაწილეობა, შეუძლია კრება დატოვოსო.

ამგვარ შენობტევის ივანე მუხრან-ბატონი არ მოელოდა. გაოგ-
ნებულს ენა ჩავარდნია მუცელში. კრება კი გათამამებულა და
დარბაზში ისმოდა შეძახილები: გარეთ გააგდეთ მუხრან-ბატონი!
გარეთ გააგდეთ!

მაშინ დაბოღმილ გრიგოლ ორბელიანს უთქვამს: „საქართველო
მაშინ დაიღუპა, როცა მე და წვიმიტიძე ერთმანეთს შეგვესწო-
რესო!..“

დ. ყიფიანი თბილისის გუბერნიის თავადაზნაურობის წინამძღო-
ლად აირჩიეს. საზოგადოება არ მოტყუებულა. სასახელოდ იმარშ-
ლა დ. ყიფიანმა. მაგრამ 1870 წელს, როცა ხელახალი არჩევნები
უნდა მომხდარიყო, მდგომარეობა შეიცვალა. იმ ხანებში საქართ-
ველოში სტუმრად ელოდნენ იმპერატორ ალექსანდრე მეორეს.
ისევ აწუწუნებულან დ. ყიფიანის მტრები: სტუმრად ხელმწიფე
მობრძანდება და იქნებ რაიმე მოწყალებაც გაიღოს. თავისმოჭრა
იქნებაო უბრალო აზნაური დავახვედროთ თბილისის გუბერნიის

თავადაზნაურთა წინამძღოლად. ასეთი მითქმა-მოთქმა დ. ყიფიანს ესმოდა. მან უარი თქვა მარშლობაზე. მართალია, ბევრი ემუდარებოდა, დარჩენილიყო წინამძღოლად, მაგრამ გადაწყვეტილება აღარ შეცვალა. თავს იმართლებდა: ყველა დარწმუნებულია, სტუმრად ჩამოსული იმპერატორი რასმეს გვიბოძებსო. ეს იმედი რომ არ გამართლდეს, მე დამაბრალებენ და საზოგადოების წინაშე დამნაშავე გამოვალო.

თბილისის გუბერნიის თავადაზნაურთა წინამძღოლად გენერალ-ადიუტანტი რევაზ ივანეს ძე ანდრონიკაშვილი აირჩიეს. 1864 წლის თებერვალშიც მისი არჩევა უნდოდათ, კავკასიაში მეფისნაცვალს მისი კანდიდატურის თანახმა იყო, მაგრამ ღაშინ რევაზ ანდრონიკაშვილმა უარი თქვა. ახლა მას მარშლობაც ერგო და ბანკის პროექტის შემმუშავებელი კონისიის თავმჯდომარეობაც.

1871 წელს იმპერატორი საქართველოში ჩამობრძანდა. მის უდიდებულესობას არავითარი მოწყალება არ გაუღია. ქართველი არისტოკრატია პირში ჩალაგამოვლებული დარჩა. ვერც რევაზ ანდრონიკაშვილის მარშლობამ უშველა და ვერც პურ-მარილმა.

ახალი წინამძღოლის ხელშიც ბანკის დაარსების საქმე ჰიანურდებოდა. მაშინ თურგდალეულებმა გადაწყვიტეს, ეს საქმე ილია ჭავჭავაძისათვის მიენდოთ.

„ძველი მოღვაწეების ნაშრომის შესწავლამ ნება მომცა, მკვდრით აღმედგინა ბოლოებისაგან დამარცხებული და დამარხული საქმეები და მოქმედი პირები. მაგალითად, ყველგან ერთიანად დავიწყებული საადგილმამულო ბანკები. ბ. გიორგი ყაზბეგს ჰკითხეთ (დამფუძნებელთაგან ახლა მეტი აღარავინ მეგულება ცოცხლებში), რამდენჯერ დაგვჭირდა დუშეთს ასვლა 1871—1873 წ. წ. რამდენ ყმაწვილს, რამდენი მეცადინეობა დაგვჭირდა, რომ ილია ჭავჭავაძისათვის სახელმწიფო სამსახურზე ხელი აგვედებინა, ბანკის დაარსება იერიშით აგველო, ბანკი განახლების ბანკად გვექცია და შიგ ჭავჭავაძე ძალდატანებით ქართული საქმის მოთავედ ჩაგვეყენებინა“, — იხსენებდა გვიან ნიკო ნიკოლაძე.

საადგილმამულო ბანკის არსის გამოსახატავად ნ. ნიკოლაძე მეტად ტევად ცნებას ხმარობს — განახლების ბანკი. თუ ადრე იგი თავადაზნაურობის კეთილდღეობის შესანარჩუნებლად იყო ჩაფიქრებული, თერგდალეულთა ხელში ეროვნული ცხოვრების განახ-

ლების იარაღად გადაიქცა. ქართველთა სულიერი თუ მატერიალური საქმიანობის ფუძე გახდა.

1872 წლის 25 ნოემბერს თბილისის გუბერნიის თავადაზნაურთა საგანგებო კრება ჩატარდა. ამ კრებაზე ილიას სიტყვა წარმოუთქვამს. მას საზოგადოების დიდი მოწონება დაუმსახურებია. ილიას ისე მწარედ გაუკრიტიკებია ძველი კომისიის მუშაობა, რომ, ანტონ ფურცელაძის გადმოცემით, მისი წევრები ერთმანეთის მიყოლებით კრებიდან გაპარულან.

ილიას თავკაცობით საადგილმამულო ბანკის ახალი წესდება შემუშავდა. მაგრამ, თუ ეს საქმე შედარებით იოლი გასაკეთებელი აღმოჩნდა, ძალიან გართულდა და დიდი ოფლის ღვრა მოითხოვა პროექტის დამტკიცებამ. 1872 წლის 5 დეკემბრიდან 1874 წლის 28 მაისამდე დრო მოსკოვსა და პეტერბურგში მისვლა-მოსვლას, იქ ტრიალს და ბიუროკრატიულ კიბეზე აღმა-დაღმა სიარულს დასჭირდა. ამან ილიას ისე გაუშრო სისხლი, რომ ზოგჯერ სასოწარკვეთილი საქმის მიტოვებას და შინ გამოქცევას ფიქრობდა. აკი ვერ გაუძლეს წვალებას დიმიტრი ყაზბეგმა და დავით ყიფიანმა. ისინი, როგორც ბანკის დირექტორები, რუსეთში ახლდნენ ილიას წესდების დასამტკიცებლად. „ყიფიანი და ყაზბეგი ხომ ჯერ, მკათათვეში ერთი, და ნეორე აგვისტოში გაიქცნენ აქედამა და დამაგდეს მე მარტო“, — წერდა 1873 წლის 10 ოქტომბერს გულდაწყვეტილი ილია ცოლს.

ილიას იძუამინდელ განწყობილებას ზუსტად გადმოგვცემს მისი ბარათები ოლლა გურამიშვილისადმი.

1873 წელი, 28 ივლისი. ილია ოლლას:

„თუმცა ეს მოსკოვი დიდი ქალაქია, მაგრამ მე თითქმის სრულიად მოწყენილი ვარ, პირველი იმიტომ, რომ მე ყველა დიდი ქალაქი საზოგადოდ და მოსკოვი განსაკუთრებით ფრიად მეჭავრება, მეორე იმიტომ, რომ არაფერი აქაური სიამოვნება არ მიზიდავს.

პეტერბურგში ვერავენ ვერა ვნახე, რადგანაც სულ შვიდი დღე ვიყავ და აქა-იქ ჩვენი ბანკის თაობაზედ დავრბოდი“.

1878 წელი, 8 აგვისტო. ილია ოლლას:

„მე ოცდაექვსს პეტერბურგიდამ მოვედი. ყოველ ცისმარე დღე ჩვენის ბანკის საქმეზედ დავრბივარ და ვერა გავხდით რა. არც

ერთს ბანკში არ გვიშვებენ, რომ შევისწავლოთ რამე. მე ამისთანა გულშეუტკივარი ხალხი არ მინახავს, ამის გამო ბევრი დრო გვეკარგება და იქნება დიდი ხნით დავბრკოლდე აქა. თუ არ შევისწავლეთ რა და ისე ხელცარიელები მოვედით ქალაქს, ხომ იცი რამდენს ცილს დაგვწამებენ; აი, ბატონო, იტყვიან, ჩაიჭიბეს ოთხმოცი თუმანი, გაისეირნესო, და ხელცარიელები მოვიდნენო. მე არ მინდა, რომ ჩემზედ ესენი ჰსთქვან: რაც უნდა მოხდეს, თუნდა ერთი წელიწადი დარჩომა ზომინდეს, დავრჩები აქა, რომ შევისწავლო რამე და როგორმე ბანკების კარი გავიღო“.

1878 წელი, 31 აგვისტო. ილია ოლღას:

„მე ეხლა ძლივს შევდგი ფეხი ბანკში, და რაც საჭიროა ვსწავლობ. დილიდამ ათ საათიდან ოთხ საათამდე ბანკში ვარ ხოლმე. ორი ნაწილის საქმის დაწყობა შევისწავლე, ორი კიდევ დამრჩა. იმ კვირას სულ ღვთით გავათავებ“.

1878 წელი, 26 სექტემბერი. ილია ოლღას:

„გუშინწინ მითხრეს, ჩვენი უსტავი ექვს კვირას შემდეგ წარედგინებაო „გოსუდარსტვენნი სოვეტში“, ახლა ერთი ორი თვე „გოსუდარსტვენნი სოვეტში“ მოიგვიანებს და გამოვიდა სამს თვენახევარი ჩემის აქ დარჩომის პაემანი“.

1878 წელი, 5 ოქტომბერი. ილია ოლღას:

„... მე აქა ვგდივარ და ჩემს აქ ყოფნას ბოლო არ უჩანს: ეს მამაძაღლები საქმეს მიგვიანებენ და სწორედაც არ მეუბნებიან, როდის გათავდება.“

... მთელი დღე შინა ვგდივარ და ხალათს არ ვიხდი; თუ წავალ სადმე ხოლმე, ისევ ფინანსის სამინისტროში საქმის შესატყობად. სულ გამოვყრუედი“.

1878 წელი, 23 ოქტომბერი. ილია ოლღას:

„ჩვენი ბანკის საქმე ხათაბალა გახდა. ეს უფალი, რომლის ხელშიაც არის ეგ საქმე, საძაგელი, უგულო და უადამიანო კაცია. თუმცა არ შეუძლიან იმდენი, რომ საქმე საბოლოოდ გააფუჭოს, მაგრამ აგვიანებს კი და პირდაპირ ყველაფრით გვიჩვენებს, რომ მათთანა საქმეო უქრთამოდ ვერ გარიგდებაო. აბა ქრთამის მიცემა როგორ შეუძლიან ჩვენს კუტრს ბანკსა! ორშაბათს ვაპირობ იმასთან წასვლას და ჩხუბსა. აქამდის ვეფერებოდი, ვეხეწებოდი, ხელ-

ში ვუკვდებოდი. მეგონა, რომ ამით იქნებ დავიყოლიო-მეთქი. მაგრამ ამან ყოველმან ვერ გასჭრა. ეხლა ვაპირებ ჩხუბსა და დიდ ჩხუბსაცა. ენახოთ, რა გამოვა.

ამას წინათ ვიფიქრე, მოდი წავიდე შინ მეთქი, რისთვის ვიტანჯები და ვსწავლობ მეთქი? მაგრამ შენმა წიგნებმა კიდევე გული მომცეს და ვქსთქვი: ეს ხომ ჩემგან სილაჩრე იქნება, რომ გაუთავებელი საქმე დამჩხეს; ეგ ბრძოლის ველიდამ გაქცევა იქნება და სირცხვილი მეთქი. ვინ რას მეტყვის? ხომ მიწასთან გამასწორებენ მეთქი... რაზედ უნდა დავფრთხე და საქმეს გავექცე მოლალატესავით. ეგრე, ჩემო კარგო, დავიტრიალე შერყეული გული და კვლავ ვავიმაგრე“.

1874 წელი, 15 იანვარი. ილია ოლღას:

„არ ვიცი, ღმერთმა იცის, რა ვქნა. რაც ღონისძიება ხელთა მაქვს ყოვლის ფერსა ვხმარებ, მაგრამ რას უზამ იმისთანა ხალხს, რომლებსისათვისაც ღმერთს არც მოტყუებილს კეფაში ტვინი ჩაუღვია და არც მყრალს გულში გრძნობა. მატყუებენ, მატყუებენ და მაგ მოტყუებას ბოლო არა აქვს. ღმერთმა დაიხსნას ყოველი ქრისტიანი ამათ ბრძკალებიან ხელში ჩავარდნისაგან. ვერ წარმოიდგენ, რა ხალხია, ღმეკია, ღრეკია, ფლიდი და მურტალი, ერთმანეთს ასხედან და რუსეთის იმპერიის საქმეს აწარმოებენ...“

1874 წელი, 4 თებერვალი. ილია ოლღას:

„გასჭრა ჩემმა ბედმა და ორ დღეს უკან მინისტრის ქაღალდი მომივიდა და იწერება, რომ თქვენი საქმე დირექტორს გადაეცი და ძალიან მალე შესრულდებო. თთხს თებერვალს დირექტორთან ვიყავი, ძალიან შეუფუცხუნებია, როგორც ჩანს, მინისტრს. შემეხვეწა, ზოგიერთი რამ თქვენს უსტავში არ ღესმისო და ამიხსენო. მოგეცა წყალობა, მე ამისათვის თავი არ დავიშურე. მთელი საათი ვიბაასეთ და ბოლოს ის მითხრა, რომ ამ კვირია, თუ არაო, იქით კვირაში უთუოდ წარდგენილი იქნებაო „გოსუდარსტვენნი სოვეტში“. როგორც ბავშვი ისე მხიარული წამოვედი“.

ასე უსაშველოდ გაჯანჯლდა საადგილმამულო ბანკის წესდების დამტკიცება, მაგრამ ილია არაფრით არ მოეშვა საქმეს. მაინც თავისი გაიტანა და ბოლოს, როგორც იქნა, 1874 წლის 28 მაისს თბილისის საადგილმამულო ბანკის წესდება დამტკიცდა.

Нет худа без добра-ო, ინუგეშებენ თავს რუსები და ილიას პეტერბურგში ყოფნისას კიდევ ერთი კარგი ამბავი მოხდა. ილიამ გაიცნო სტუდენტი ივანე მაჩაბელი.

ჩვიდმეტი წლით იყო ილიაზე უმცროსი მაჩაბელი. თითქოს ძნელად შეიძლებოდა მათ შორის მეგობრობის დამყარება. მაგრამ ერთი სულისკვეთებით გამსჭვალულ ორ ადამიანს სამეგობროდ ხელს არ უშლის ასაკობრივი სხვაობა. მათ მაშინვე იპოვეს საერთო ენა და დიდ კულტურულ საქმესაც ჩაუყარეს საფუძველი. ისინი ერთად შეუდგნენ შექსპირის „მეფე ლირის“ თარგმნას. ავად თუ კარგად, შექსპირის ქართულად ანექსველებს ცდა მანამდეც ყოფილა. მაგრამ ის, რასაც ილია და ივანე მაჩაბელი იწყებენ, სრულიად სხვაა თვისობრივადაც, აზრობრივადაც და ღირებულებებითაც.

1878 წელი, 20 ნოემბერი. ილია ოლღას:

„...მე უსაქმობის გამო ანგლიურის ენის სწავლას შევუდექი და შექსპირის ტრაგედიის კოროლ ლირს ვქსთარგმნი სხვასთან ერთად. აქიდან რომ მოვალ, ანგლიური მეცოდინება იმდენად, რომ სუბუქს თხზულების წაკითხვა შემეძლოს“.

1878 წელი, 19 დეკემბერი. ილია ოლღას:

„იმ დღეს გიორგი შარვაშიძესთან ვიყავ, აი მთავრის შვილი რომ არის. ამას წინად თითონ მოვიდა და მთხოვა შექსპირის ტრაგედია (მეფე) ლირი, რომელიც ქართულად ანგლიურიდამ გადავთარგმნეთ, წავგიკითხეო. წავედი წასაკითხად, კარგა ბლომა ხალხი იყო და ძალიან მოიწონეს. ასე იფიქრე, ქალებმა იტირეს და კაცები კი სულ აფერუმს იძახოდნენ. მართლა და თარგმანი მშვენიერი რამ გამოვიდა, ასეთი კარგი, წამკითხველნი მთარგმნელებს დაგვლოცვენ. ქალაქში რომ ჩამოვალ, გვინდა წარმოვადგინოთ. სცენაზედ მშვენიერი რამ იქნება. ვერ წარმოიდგენ, რარივად კარგად გამოვიდა ქართულს ენაზედ. არც ერთი რუსული თარგმანი ქართულს არ შეედრება“...

„მეფე ლირის“ ქართულ თარგმანს საერთო მოწონება დაუმსახურებია.

თბილისში დაბრუნებულ ილიას „მეფე ლირის“ საჯარო კითხვა მოუწყვია. საზოგადოების კმაყოფილება „დროებამ“ გამოხატა:

„არც ჩვენ, არც სხვებს არ გვეგონა, თუ ეს შესანიშნავი თხზულება ასე მშვენივრად გამოვიდოდა ქართულ ენაზედ“.

მომრიგებელი მოსამართლე დავით ყიფიანი ისე მოხიბლულა „ლირიით“, რომ კორდელიას როლი მთლიანად გადაუწერია, ზეპირად დაუსწავლია და თამაშობდა თურმე კიდევ. მე ჯერ არ მიხახავს, წერდა ილია მეგობარს ვასილ მაჩაბელს, ვანოს უფროს ძმას, 1875 წლის 15 მარტს, — მაგრამ, როგორც ამბობენ, ყველას ანცვიფრებსო.

1874 წლის 19 ივლისს კონსტანტინე ბებუთოვი ატყობინებდა ნიკო ნიკოლაძეს პარიზში: ჩვენთან წაიკითხაო ილიამ „ლირი“. 30 კაცი ესწრებოდა. თვლიან, რომ მშვენიერი თარგმანია.

საერთო მოწონებას აკაკი გამიჯენია. „ყველას მოსწონს აკაკი წერეთლის გარდაო“, — წერდა ილია 1874 წლის 15 ივნისს ვასილ მაჩაბელს.

ერთი სიტყვით, ზეიმით შეხვედრია საზოგადოება ილიასა და ივანე მაჩაბლის ერთობლივ ნაშრომს. ვანოს პიროვნებით ილია მოხიბლული დარჩენილა.

„მიჰსწერე შენად და ჩემად, მოგვეშველოს როგორმე. ჭკვიანი ბიჭია და ამასთანაც კარგის კალმის პატრონი — ჩვენთვის ვანო დიდი ნუგეში იქნება. ჰსთხოვე, და არამცთუ ჰსთხოვე, შეეხვეწე ჩემ მაგიერ, რომ სტატიები რამ გამოგვიგზავნოს“, — ბარათით ავალებს ილია ვასილ მაჩაბელს 1875 წლის 10 მარტს.

თითქმის წელიწადნახევარი წვალობდა ილია ბანკის გამო, მაგრამ ამ ხნის მანძილზე სამი ქართული საქმე გაკეთდა: დამტკიცდა თბილისის საადგილმამულო ბანკის წესდება, მტკიცე საფუძველი ჩაეყარა შექსპირის ქართულად თარგმნას, სამწერლო ასპარეზზე გამოვიდა ივანე მაჩაბელი.

1874 წლის სექტემბერში თბილისის გუბერნიის თავადაზნაურთა საერთო კრებას ეცნობა წესდების დამტკიცება. გააცნეს ბანკის მმართველობისა და მუშაობის სისტემა. აირჩიეს ბანკის მმართველი და დირექტორები. ამ კრებამ მმართველად ილია აირჩია. კენჭისყრის შედეგად ილიას მომხრე იყო 138 კაცი, წინააღმდეგი — 12.

1875 წლის იანვარ-თებერვალში კი თბილისის საადგილმამულო ბანკის დამფუძნებელი კრება ჩატარდა. ბანკმა არსებობა დაიწყო.

„რა არ გადაგვხედა თავს, რა მტრები არ მოგვევიან, რა ვაი-ვაგლახი, რა სისხლის ღვრა, რა ღრქენა კბილთა არ გამოგვივლია, რა წისქვილის ქვა არ დატრიალებულა ჩვენს თავზედ და ყველას გაეუძელით, ყველას გაეუმაგრდით. შევინახეთ ჩვენი თავი, შევირჩინეთ ჩვენი ქვეყანა, ჩვენი მიწა-წყალი, ლანგთემურებმა ჩვენს საკუთარს სისხლში გვაბანავეს და მაინც დავრჩით და გამოვცოცხლდით. შაჰ-აბაზებმა ჩვენის კბილით გვაგლეჭინეს ჩვენი წერილ-შვილნი და მაინც გამოგბრუნდით, მოვსულიერდით. ალა-შაჰ-მალ-ხანებმა პირქვე დაგვაშხეს, ქვა-ქვაზედ არ დაგვიყენეს, მოგვსრეს, მოგვეღიტეს და მაინც ფეხზედ წამოვდექით, მოვშენდით, წელში გავსწორდით. გაუეძელით საბერძნეთს, რომსა, მონღოლებს, არაბებს, ოსმალ-თურქებს, სპარსელებს, რჯულიანს და ურჯულს და დროშა ქართველობისა, შუბის წვერით, ისრით და ტყვიით დაფლეთილი, ჩვენს სისხლში ამოვლულელი, ხელში შევირჩინეთ, არაფის წაფლებინეთ, არაფის დაეანებეთ, არაფის შევაგინებინეთ. ცოლდა არ არის, ეს დროშა ეხლა ჩრჩილმა შესქამოს, თავმა დაგვიქრას!.. დრო-ჟამი ამას გვიქადის...“

ილია ჭავჭავაძე

იმთავითვე ქართველი ხალხის ეროვნული ენერგიისადმი ორგვარი დამოკიდებულება არსებობდა — უიმედო და იმედიანი, ანუ ნიჰილისტური და ოპტიმისტური. ჯერ კიდევ მაშინ, როცა ქასრე სასანიანი თავს დაესხა საქართველოს და ასფაგურ მეფე იმიერკავკასიაში წავიდა დამხმარეთა საშოვნელად, მაეჟან სპასპეტი არწმუნებდა ქართველებს — „დარჩომილ ვართ ჩუენ ობლად, ვითარცა ცხოვარნი უმწყემსონი. აწ ესე არს განზრახვა ჩემი, რათა მივაგოთ წინა მეფესა სპარსთასა მორჩილება და ვითხოვოთ მისგან წყალობა და ვითხოვოთ მისგან ძე მისი მეფედ ჩვენდა...“ მას აქეთ ასე მოდის: ნიჰილისტები მუდამ სხვის მორჩილებას ასწავლიდნენ ქართველებს. თან არწმუნებდნენ, ამაზე დიდი ბედნიერების წარმოდგენა შეუძლებელიაო. ოპტიმისტები კი საკუთარი თავის რწმენას უნერგავდნენ. თავისუფლებისათვის ბრძო-

ლას უქადაგებდნენ და ჩასჩიხინებდნენ. რაკი ქართველი ხალხი, მისი გრძელი ისტორიის მანძილზე, უფრო ხშირად სხვათა ქვეშევრდომი ყოფილა, ჩანს ნიჰილისტები სქარბობდნენ ჩვენში ოპტიმისტებს. მაგრამ რაკილა ქართველი ხალხი დღესაც ცოცხალია, ქმნის, იღვწის, შრომობს და მომავალს აშენებს, ეტყობა, ოპტიმისტები უფრო ღონიერი და ძლიერი იყვნენ. თუ ნიჰილისტები რაოდენობით ქარბობდნენ, ოპტიმისტები ძალითა და ჰკუით სჯობდნენ.

ამ ორი ნაკადის ბრძოლამ მე-19 საუკუნეშიაც იჩინა თავი. ჭერ 1872 წელს გიორგი მუხრან-ბატონის ნარკვევი გამოიცა, მერე, მოგვიანებით, 1889 წელს — ივანე ჯაბადარისა. გ. მუხრან-ბატონის ნაშრომს გრძელი სათაური ჰქონდა — «О существе национальной индивидуальности и об образовательном значении крупных народных единиц», ივანე ჯაბადარისას კი — მოკლე და სხარტი — «Письма о Грузии». ერთმა, მუხრან-ბატონმა, თბილისში, ვაზეთ „Кавказ“-ის დამატებად გამოაქვეყნა თავისი ნარკვევი, მეორემ, ჯაბადარმა, — პეტერბურგში, ჟურნალ «Северный Вестник»-ში (1889 წლის თებერვალისა და მარტის ნომრებში). „წერილები საქართველოზე“ ხელმოწერილია ინიციალებით И. Д.

ძნელად წარმოსადგენია უფრო განსხვავებული პიროვნებანი, ვიდრე გიორგი მუხრან-ბატონი და ივანე ჯაბადარი იყვნენ.

გ. მუხრან-ბატონი მონარქისტი იყო. უხელმწიფოდ არსებობა ვერც კი წარმოედგინა.

ივ. ჯაბადარი კი — ხალხოსანი, „ნაროდნაია ვოლიას“ წევრი. სძულდა მონარქია და მის დამხობაზე ოცნებობდა.

გ. მუხრან-ბატონი გალაღებული, დაღხინებული და კმაყოფილი ცხოვრობდა.

ივ. ჯაბადარი კი ნაწამები, ნაკატორღალი და ნაციხარი კაცი იყო.

ერთს, მუხრან-ბატონს, კონსერვატორის სული ჰქონდა, მეორეს, ჯაბადარს, — რევოლუციონერის. პირველი ხელისუფლებას კალთაში ესვა და აღერსით ახრჩობდა, მეორეს კი მოსასპობად დასდევდა.

და აი, ამ ორმა, ესოდენ განსხვავებულმა ადამიანმა, როცა

ქართველი ხალხის ბედ-იღბალზე იფიქრეს და იმსჯელეს, ერთნაირი დასკვნა გააკეთეს — ნიპილისტურა.

ამ ნიპილისტური დასკვნის ზოგადი აზრი ასეთია: საქართველოს როგორც წარსული, ისე აწმყო გვიჩვენებს, რომ ქართველი ხალხის ეროვნული ენერჯია უკმარია თავისუფალი, დამოუკიდებელი არსებობისათვის. ამიტომ ღირებულებაც არ გააჩნია და, რაც მალე გაითქვიფება დიდ ერში და გადაშენდება, მით უკეთესია მისთვის.

ამგვარი დასკვნა რომ მტრობით და სიძულვილით ყოფილიყო გამოწვეული, ნაკლებ საშიში იქნებოდა. მტრობასა და სიძულვილს ყველაფრის თქმა შეუძლია. მაგრამ არც გ.მუხრან-ბატონი და არც ივ. ჯაბადარი ქართველი ხალხის მტრები არ ყოფილან. მათ თავისებურად უყვარდათ კიდევ საქართველო. ისინი, ეროვნული მსოფლმხედველობის თვალსაზრისით, სასოწარკვეთილი ადამიანები იყვნენ. ამ სასოწარკვეთამ შვა მათი ნიპილიზმი. მათ მარადიულ ეროვნულ ტანჯვას, მარადიულ ქვეშევრდომობას, ნაციონალური სიკვდილი ამჯობინეს.

საშინელი და შეშინარავი იყო სიკვდილით მოპოვებული ხსნა. გ. მუხრან-ბატონისა და ივ. ჯაბადარის აზრის გასაბათილებლად არ კმაროდა ცალკეული შეცდომების მხილება, არაზუსტი თუ მცდარი დებულებების უარყოფა. მთავარი იყო ზოგადი ნიპილისტური კონცეფციის მოსპობა-განადგურება. „საჭირო იყო, — როგორც არჩილ ჯორჯაძე ამბობს, — ჩვენს თავზედ მოგროვილ ღრუბლების გაფანტვა, ჩვენი არე-მარის მზის სხივებით მოფენა და განათება“. აუცილებელი იყო სასოწარკვეთილების ნაცვლად იმედის და რწმენის აღორძინება. ეს საქმეც ილია ჭავჭავაძემ იკისრა. მან სატირული ლექსით, ცალკეულ შეცდომათა მხილებით თუ მთელი კონცეფციის უარყოფით, ნათლად უჩვენა ყველას, რომ უსაფუძვლოა ქართველი ხალხის ეროვნული ენერჯიისადმი ნიპილისტური დამოკიდებულება (ივ. ჯაბადარის «Письма о Грузии»-ს უარყოფას მთელი წიგნიც კი უძღვნა — „აი ისტორია“). თუმცა ნიპილიზმს საბოლოოდ ვერ მოუღო ბოლო. დრო და დრო იგი მაინც წამოჰყოფს თავს.

ეროვნული ნიპილიზმის სრული მოსპობა სხვა თაობის ამოცანაა.

„მართალია, ქართული თეატრი, ქართული შკოლა, წერა-კითხვის გამავრცელებელი საზოგადოება და სხვა ამგვარი ისეთი დიდი რამ არ არის, რომ ჩვენი ფარ-ბმალი ძირს დავსდეთ, მარტო მაგათ შევაჩერდეთ და მაგაზედ მეტი არა ვინდომოთ-რა. სურვილი ჩვენი ზღვაა და მაგგვარის კოვზით ეგ ზღვა არ დაიღუვა. მაგრამ ამაში ჩვენთვის ძვირფასი ის არის, რომ ერთიც, მეორეც, მესამეც ჩვენის საკუთარის თაოსნობით და ლეაწლით არის მოყვანილი და ერთ-მანეთისათვის საერთო გულის-ტკივილით შემზადებულნი“.

ილია ჭავჭავაძე

დიდხანს ოცნებობდნენ ამაზე. სად არ იკრიბებოდნენ, ვისთან არ იყრიდნენ თავს და მსჯელობდნენ: როგორ მოეწყობოთ, როგორ მოეგვარებინათ საერთო სახალხო განათლების საქმე. კეთილი ბოლო არ ჩანდა და არ ჩანდა. მაგრამ სანთელ-საკმეველი თავის გზას არ დაკარგავსო და მაინც მიადწიეს თავისას: 1879 წლის 31 მარტს მთავრობამ საზოგადოების წესდება დაამტკიცა. მაისში კი დამფუძნებელი კრება ჩატარდა. „ქართველთა შორის წერა-კითხვის გამავრცელებელი საზოგადოება“ საქმიანობას შეუდგა.

ეს სახელი გრიგოლ ორბელიანის წინადადებით დაარქვეს. საზოგადოების პირველი თავმჯდომარეობაც გრიგოლს შესთავაზეს. მაგრამ უარი თქვა: არც ჯანის სიმრთელე მაძლევს ნებას და არც თვითონ საქმის გამოცდილება მაქვსო საკმარისი. ამ მიზეზით გთხოვთ, მე გამათავისუფლოთ და თავმჯდომარეობა ისევ იმასა ვთხოვოთ, ვინც თავიდანვე ამ საქმეს ადგაო. ახლა იგი დიმიტრი ყიფიანის წინააღმდეგ აღარ წასულა, როგორც მაშინ, თავადაზნაურთა მარშლად არჩევის დროს. პირიქით, თვითონ მიუთითა დიმიტრიზე: თუ ვინმე თავმჯდომარეობის ღირსია, ეგ არისო. მართალიც იყო. ქართველთა შორის წერა-კითხვის გამავრცელებელი საზოგადოების სულისჩამდგმელი მართლაც დ. ყიფიანი გახლდათ.

1879 წლის 15 მაისს დიმიტრი ყიფიანი ერთხმად აირჩიეს საზოგადოების თავმჯდომარედ, მოადგილედ კი — ილია ჭავჭავაძე.

წესდების თანახმად, თავმჯდომარეს სამი წლის ვადით ირჩევენ.

1882 წლის 6 ივნისს უკვე ახალი თავმჯდომარე ჰყავდა საზოგადოებას — ივანე კონსტანტინეს ძე მუხრან-ბატონი (ეს ის ივანე მუხრან-ბატონია, დ. ყიფიანის თავადაზნაურობის მარშლად დასმა რომ არ უნდოდა). მოადგილედ ისევ ილია დატოვეს. თავმჯდომარედ ილია 1885 წლის მაისში გახდა და სიკვდილამდე იყო ქართველთა შორის წერა-კითხვის გამავრცელებელი საზოგადოების თავკაცი.

ასეთი ბედი ჰქონდა ამ კაცს: იქ, სადაც სხვები ერთი ან ორი ვადით ძლებდნენ, იგი სამუდამოდ რჩებოდა. მის შემცვლელს ვეღარ პოულობდნენ. ზოგჯერ თავს ესხმოდნენ, მუშაობას უწუნებდნენ, გადაყენებას უპირებდნენ, მაგრამ როგორც კი საქმე საქმეზე მიდგებოდა, ისევ მას ირჩევდნენ. თუ თავად იტყოდა უარს, ყელგაწვდილი ემუდარებოდნენ, არ წახვიდო. და მიუხედავად უმაღურობით გამოწვეული გულისტკივილისა, მაინც არ ტოვებდა პოსტს. წასვლა საქმის ლალატად მიაჩნდა და იმიტომ.

ილიას სიკვდილის შემდეგ, წერა-კითხვის გამავრცელებელი საზოგადოების პირველი თავმჯდომარე, რომელიც 1908 წლის 9 მარტს აირჩიეს, გიორგი ნიკოლოზის ძე ყაზბეგი იყო.

უთვალავი საქმე ჰქონდა წერა-კითხვის გამავრცელებელ საზოგადოებას (ყველას ვერც კი ჩამოთვლი): სკოლის შეშით მომარაგებით დაწყებული დანთავრებული სასწავლებელთა რუსიფიკაციის წინააღმდეგ ბრძოლით. არ არსებობდა ბრალიანი და უბრალო საქმე. წიგნების შეგროვებაც ისეთივე მნიშვნელოვანი იყო, როგორც ქართული ენის დაცვა.

ერთი უძვირფასეს საჩუქართავანი წერა-კითხვის გამავრცელებელ საზოგადოებას გამინგრელსკებულმა ნიკო დადიანმა მიართვა. იგი პეტერბურგში ვასილ მაჩაბელს შეხვედრია და უთქვამს — ჩემი წიგნთსაცავი წერა-კითხვის გამავრცელებელ საზოგადოებას უნდა ვუანდერძო. 1885 წლის 28 თებერვალს კი ოფიციალურად აუწყა საზოგადოების ხელმძღვანელობას: „თუ ამ ჩემის ბიბლიოთეკის შეწირვით წ. — კ. საზოგადოება მოუტანს რაიმე სარგებლობას ჩვენს სამშობლო ქვეყანას, მით შევრაცხ ჩემს თავს ბედნიერად“.

ნიკო დადიანის წიგნების ბიბლიოგრაფია აკაკი წერეთელმა შეადგინა, ხოლო მათ გორდიდან თბილისში ჩამოტანას ილია მე-თაურობდა.

გორდში ილია ვასილ მაჩაბლის, იონა მეუნარგიას და გრიგოლ ყიფშიძის თანხლებით წასულა. ნ. დადიანის რწმუნებულს კონსტანტინე ნიჟარაძეს წერა-კითხვის გამავრცელებელი საზოგადოების წარმომადგენელთათვის ას სამოცდა ცხრა ხელნაწერი და ათი ნაბეჭდი წიგნი ჩაუბარებია. ეს აქტი 1885 წლის 3 აპრილით არის დათარიღებული.

ამით საფუძველი ჩაეყარა წერა-კითხვის გამავრცელებელი საზოგადოების წიგნად ფონდს, რომელიც ერთ-ერთი უმდიდრესი იყო საქართველოში.

ეს მშვიდობიანი და ხალისიანი საქმიანობა იყო, მაგრამ წერა-კითხვის გამავრცელებელ საზოგადოებას ამგვარი წყნარი ცხოვრება არ ეწერა.

მართალია, ხელმწიფე-იმპერატორის 1864 წლის რესკრიპტი აშობდა, არავის აქვსო უფლება превращать рассадники наук для достижения политических целей, მაგრამ ყველა სკოლა და სასწავლებელი სწორედ პოლიტიკურ მიზანს ემსახურებოდა.

მართალია, იგივე რესკრიპტი ბრძანებდა — В школах общих, особенно низших, преподавание должно быть производимо на природном языке большинства населения, მაგრამ სინამდვილეში ყოველ ღონეს ხმარობდნენ, ქართული არ გაეჰქანებინათ სკოლაში.

ამის შემყურე ილია ირონიულად კითხულობდა: „გვიკვირს ჩვენ, ზოგიერთებმა როგორ შესძლეს უმაღლესი ნების შეცვლა ეგრე დაუსჯელად?“

რა თქმა უნდა, ილიამ იცოდა, არავის შეუცვლია უმაღლესი ნება. ერთი იყო ოფიციალური რესკრიპტი, საზოგადოების თვალის ასახვევად დაწერილი, და მეორე — საიდუმლო ინსტრუქცია, იმპერიის მიზნის განსახორციელებლად გამოგზავნილი. რესკრიპტი ქალღმერთზე რჩებოდა. ინსტრუქციით მოქმედებდნენ. მართალია, კავკასიის სასწავლო ოლქის მზრუნველნი იცვლებოდნენ, ერთნი მიდიოდნენ და მეორენი მოდიოდნენ, მაგრამ ხელისუფლების საგანმანათლებლო პოლიტიკა ურყევი რჩებოდა. ამიტომ 80-იან

წლებშიც იგივე მდგომარეობა იყო, რაც 60-იანში, როცა შემფო-
თებული გიორგი წერეთელი კირილე ლორთქიფანიძეს სწერდა—
„...იმათ გლეხის ყმაწვილებს უნდა ასწავლონ რუსული წერა-
კითხვა და ლაპარაკი, ქართული კი არასგზით არ უნდა ასწავლონ.
ასე ამრიგათ მთელი ხალხობა უნდა გაარუსონ. თვით ჩვენი საზო-
გადოებაც ისე მიძინებული და შეშინებულია, რომ ან არას
გრძნობს და ან თუ გრძნობს, შიშისაგან ხმა ვერ ამოუღია. ამ-
გვარ მდგომარეობაში მითხარი რა უნდა ექნათ? ნუთუ ყოველი
ჩვენი ახალგაზრდათაგანი მადაურ ჰაერს უნდა შეაჩერდეს და
სამშობლოსათვის არ უნდა იფიქროს? ვერიდოთ ძმაო, რომ მყო-
ბადში დედ-მამის მკვლეელი არ დაგვიძახონ“.

ეს მდგომარეობა გათვალისწინებული ჰქონდათ წერა-კითხვის
განავრცელებელი საზოგადოების მესვეურებს. ისინი შეუპოვრად
და მტკიცედ ცდილობდნენ ქართულად სწავლება დაემკვიდრები-
ნათ დაწყებით კლასებში წაინც. ხშირად ეს ბრძოლა უშედეგო
იყო.

1883 წელს თონეთში სკოლა უნდა გაეხსნათ. თბილისის გუ-
ბერნიის სახალხო სკოლათა დირექტორს ვინმე დარსკის წერა-
კითხვის განავრცელებელმა საზოგადოებამ შუამდგომლობა გაუგ-
ზავნა და სკოლის გახსნის ნებართვა ითხოვა. ამ შუამდგომლობაში
ნათქვამი იყო:

„საგნების სწავლება იწარმოებს ბავშვთა მშობლიურ ქართულ
ენაზე, თანახმად საზოგადოების წესდების §3 მოთხოვნისა.

თუმცა გამგეობა დარწმუნებულია, რომ რუსული ენის შეს-
წავლის დაწყება უფრო პედაგოგიური და მიზანშეწონილია სწავ-
ლების მესამე წლიდან, მაგრამ უთმობს რა ადგილობრივ სასწავ-
ლო უწყების დაქინებით მოთხოვნას, რუსული ენის სწავლებას ის
დაიწყებს სწავლების პირველი წლის მეორე ნახევრიდან 6—6 კვი-
რეული საათის მიცემით“.

წერა-კითხვის განავრცელებელმა საზოგადოებამ უკან დაიხია
სასწავლო უწყების მოთხოვნას ანგარიში გაუწია. მაგრამ სახალ-
ხო სკოლათა დირექტორი არც ამით დაკმაყოფილდა და ბრძანა:
წარმოადგინეთო სასწავლო გეგმა без лишних рассуждений.

ამ შუამდგომლობას ხელს ილია აწერდა. ეს ილია ჭავჭავაძეს
უბრძანებს დერჟიმორდა — без лишних рассуждений.

Без лишних рассуждений კი გულისხმობდა ახალ სასწავლო გეგმას, რომელიც 1881 წლის 13 იანვარს იყო დამტკიცებული მეფისნაცვლის მიერ. ამ გეგმის მიხედვით, რუსული ენის სწავლება პირველი წლის მეორე ნახევრიდან უნდა დაწყებულიყო და მერე საგანთა სწავლება თანდათან რუსულად გაგრძელდებოდა. თუ ამას არ განახორციელებდნენ, სკოლებს დახურვა ემუქრებოდა. ამიტომ არ მოეწონა დარსკის შუამდგომლობაში ნათქვამი — ოთნუთის სკოლაში სწავლება ქართულად მოხდებოდა.

ასეთი დავიდარბით, წვალებითა და წამებით იხსნებოდა ყველა სკოლა.

არ ერიდებოდნენ პროვოკაციებსაც და ინსინუაციებსაც. თუ მაწავლებელი, წერა-კითხვის გამავრცელებელი საზოგადოების წევრების თანახმად, ქართულ ენას იცავდა, მას მახეს უგებდნენ და ცდილობდნენ სკოლიდან გაეგდოთ. ასე გაუკეთეს ძველი სენაკის სათავადაზნაურო სკოლის გამგეს სამსონ ყიფიანს. მას ცილი დასწამეს — შეაცდინა შაფათავას ქალი და დააორსულაო. ასეთი მასწავლებლის სკოლაში გაჩერება შეუძლებელიაო. ილიამ გაარკვია მდგომარეობა. ძველი სენაკის მღვდელმა, ორმა იქაურმა მოძრიგებელმა შუამავალმა, თავადაზნაურობის წარმომადგენლებმა დაადასტურეს — სამსონ ყიფიანი უდანაშაულოაო. ყველაფერი, რაც მასზე ითქვა, ჭორი გამოდგა. სასამართლოზე თვითონ შაფათავას ქალმა აღიარა, განგებ წამაქნესო ყიფიანის წინააღმდეგ. არავითარი კავშირი მასთან არ მქონიაო. ამის მერე კავკასიის სასწავლო ოლქის მზრუნველთან, წერა-კითხვის გამავრცელებელი საზოგადოების სახელით, იშუამდგომლა ილიამ — დაეტოვებინათ სამსონ ყიფიანი ძველი სენაკის სათავადაზნაურო სკოლაში.

სამწუხაროდ, აღარ ვიცი, გასჭრა თუ არა ილიას შუამდგომლობამ და რა ბედი ეწია ს. ყიფიანს. თუმცა უფრო ის არის სავარაუდებელი, რომ ს. ყიფიანი მაინც დაითხოვეს. ილია კავკასიის სასწავლო ოლქის მზრუნველს იანოვსკის მიმართავდა თხოვნით. ეს იანოვსკი კი პირწავარდნილი რუსიფიკატორი იყო, რომელიც ადრე ილიას მწარედ გაწყობილი ჰყავდა.

როცა 1878 წელს კავკასიაში კირილე პეტრეს ძე იანოვსკი გამოგზავნეს, ქართველი საზოგადოება მას იმედითა და ნდობით შეხვდა. პეტერბურგში იანოვსკის განათლებული, მიუდგომელი და კე-

თიღგონიერი კაცის სახელი ჰქონდა გავარდნილი. ეს ქართველებმა ჭეშმარიტებად მიიღეს და თბილისში მისი ჩამოსვლა საქმის გამოსწორების საწინდრად მიიჩნიეს. გაზეთი „ღროება“ იანოვსკის ესალმებოდა:

„აქ კი ღღემდინ მუდამ და ყვეღგან ირღვევოდა ჰეღაგოგის უპირვეღესი ჭეშმარიტება, რომ ყმაწვიღმა თავის სამშობღლო ენაზე, გასაგებ ენაზე უნდა მიიღღოს პირვეღღ-ღაწყებითი სწავღლო. სხეა, გარეშე მიზეზებმა, სრუღლებით არა-ჰეღაგოგიურ მიზეზებმა და გარემოებამ დაავიწყებინა, გაათეღვინა ფეხქვეშ ჩვენს ჰეღაგოგებს ეს ჰეღაგოგიური ჭეშმარიტება.

თქვენგან ზოვეღით ახღა ამ ჭეშმარიტების აღღგენას, თქვენგან ზოვეღით იმის მკვიღრ საფუძვეღზე დამყარებას.

თქვენგან ზოეღის ქვეყანა ყვეღა გარეშე მიზეზთა და გარემოებათა მიტოვებას და ნამღვიღს ჰეღაგოგიურს გზაზე დამყენებას ჩვენის ხაღხის განათღებისას.

თქვენგან ზოეღის ეს მღიღარი, ეს ჩინებუღი ქვეყანა ხეღმძღვანეღლობას იმ საქმეში, რომეღიღ ყოვეღი ხაღხისათვის წარმატების გზაზე დამყენებეღი საქმეა, რომღისათვისაღ თეღითონ ეს ხაღხი არაფერს არ ზოგავს“.

მწარეღ მოტყუეღნენ. სწორეღ იანოვსკი იბრძოღა გაათრეღბუღი ქართუღი ენის სკოღიღან გაძევებისათვის. ჩამოსვღისთანევე დააწესა რუსუღი ენის პირვეღი წღიღანევე სწავღება. იგი ეძებღა სკოღებში სულმღდაბაღ აღაღიანებს და ჩუმად ავაღებღა— მასწავღებელთა კრებამ ზოითზოვღს, ქართუღად სწავღა არ გვინღდაო (ასეთი დავაღება მისღა მან, მაგაღითად, გორის საოსტატო სემინარიის ღირექტორს სემიონოვს).

როღა იანოვსკის მზაკვრობა გამქღავნღა, სერგეი მესხმა დაუყოვნებღივ საჯაროღ დამო მისი საქციეღი.

„ღა თქვენ გნებავთ ახღა, რომ სოფღის შკოღების საშუაღებით უეცრაღ მოსპოთ ხაღხის ენა და უცხო ენაზე აგვაღაპარაკოთ? ღა თქვენ გნებავსთ, რომ ერთის თეღლის დახამხამებამში ხაღხმა დავიწყოს ის, რაღ ორი ათასი წღის განმავღობაში სისხღის ღვრითა და ტანჯვა-წვაღებით შეუძენიღ და ძვირფას საუნჯეთ გარღმოუღია თავისი შთამომავღობისათვის? ღა თქვენ გნე-

ბავსთ, რომ ანგვარ ხალხმა ერთის სიტყვით მიატოვოს თავის გვარ-ტომობა?“

ს. მესხს დ. ყიფიანიც წაწველა. იანოვსკი უპირველესად რუსეთის წინაშე დამნაშავეო, — წერდა დ. ყიფიანი. იმპერიის „ერთი უერთგულესი ხალხის გაორგულება განუზრახავსო“. მაგრამ იანოვსკი დიმიტრი ყიფიანივით შიამიტი არ იყო და ძალიან კარგადაც იცოდა, რას აკეთებდა და რატომ. თუმცა მისი ფარული საქმიანობა რომ გამოაშკარავდა, ამან დააფრთხო და ხაფანგში გაბნეული თავივით აწრიალდა. სასწრაფოდ გაზეთ „კავკაზში“ (1881 წ., № 348) პასუხი გამოაქვეყნა. ამტკიცებდა, რაც „დროებამ“ ბრალად დაძღო, არ გამიკეთებიაო.

არც ქუთაისის გუბერნიის სასოფლო სკოლების დირექტორისათვის გამიგზავნიანო განკარგულება,

არც გორის ს.ოსტატო სემინარიის დირექტორისათვის მიმიციაო საიდუმლო დავალება,

არც ახალი სენაკის სკოლის მასწავლებელი დიმიტუქსავს, ბავშვებს ქართულად რატომ ასწავლი, რუსულად უნდა ამეცადინოო.

მართლაც, ახალი სენაკის სკოლის მასწავლებელმა ლომინაძემ „დროებას“ პასუხი გაუგზავნა: მან იანოვსკი გააძარტლა და უარყო „დროებაში“ ნათქვამი.

„დროების“ ბრალდებას კი ჰკრა ამა იანოვსკიმ, მაგრამ მისთვის სანუკვარი აზრი მაინც გააპარა წერილში: მასწავლებელმა სწავლის დაწყებისთანავე უნდა შეაჩვიოს ბავშვი რუსულს, რომ მესამე წელს ყველაფერი იმისი სწავლა, რასაც დედაენით ასწავლიან, რუსულადაც შეეძლოსო. ეს კი ფაქტიურად მშობლიური ენის აუცილებლობის უარყოფა იყო.

ქართველ საზოგადოებას იანოვსკის ეშმაკობა შეუმჩნეველი არ დარჩენია. „დროებამ“ იაკობ გოგებაშვილს სთხოვა — იანოვსკის წერილის პასუხი დაგვიწერო. „მე მივეუგე: საჭიროა უფრო გამოჩენილმა და გავლენიანმა ქართველმა გასცეს პასუხი, მაგალითად, ილია ჭავჭავაძემ. ყველა საჭირო მასალას ილიას მე თვითონ მივუტან, სამაგიეროდ, როცა ამ დღეებში იანოვსკის პლანი გამოვა, იმის გარჩევას მე ვკისრულობ მეთქი. და ესეც მოხდა. ასეთი განაწილება შრომისა ილიასა და ჩემს შორის პირველი არ იყო“, — გვიამბობს იაკობი.

რამდენიმე დღის შემდეგ „დროებაში“ ილიას სტატია — „ბ-იანოვსკის წერილისა გამო“ — გამოაქვეყნა.

ილიამ თანამიმდევრულად, ლოგიკურად, საბუთიანად დაამტკიცა იანოვსკის მისწრაფების, სურვილისა და განზრახვის უნიადაგობა, ანტიმეცნიერულობა და ანტიეროვნულობა.

უამრავ საბუთს შორის, ილიამ ერთი ფრიად საყურადღებო ფაქტიც მოიტანა.

„4-ს იანვარს ყოფილმა საერო სკოლების ოსტატების კრებამ პეტერბურგში საქვეყნოდ აღიარა, რომ რუსეთში, საცა ჩვენებრ სამის წლის კურსია და ასწავლიან მარტო ერთს დედა-ენას — რუსულს, ბევრი ყმაწვილები სკოლის შემდეგ წერა-კითხვას იგიწყებენო. მაშ რალა ითქმის რუსულის ენის შესახებ ჩვენს სკოლებში, საცა იგივე სამის წლის კურსია და საცა ეგ ენა სრულიად სხვაა მოსწავლე ბავშვისათვის. ნუთუ ჰგონიათ, ჩვენში საერო სკოლა სამისავე წლის კურსით იმ სასწაულს მოახდენს, რომ დედა-ენაც შეასწავლოს ბავშვს და რუსულიცა იმდენად ცნობიერად და გაგებით, რომ მერე არ გადაავიწყდეთ?“

გამოდის, რომ იანოვსკების საგანმანათლებლო პოლიტიკა არა მარტო ანტიპედაგოგიური და ანტიეროვნული ყოფილა, არამედ — ანტიბუნებრივიც. ქართველი ხალხის წინააღმდეგ მიმართულ ქმედებაში ილიამ, დღევანდელი სიტყვებით რომ ეთქვას, ეკოლოგიური წონასწორობის რღვევა დაინახა. მართალია, მაშინ ამ ცნებებს არ ხმარობდნენ და არც ეს მოვლენა აშინებდათ, მაგრამ ეს მაინც სათქმელია, რაპეთუ ეკოლოგიური წონასწორობის რღვევა დანაშაულია მთელი კაცობრიობის წინაშე.

ერთი მოგვიანებით მომხდარი ამბავიც უნდა გაგახსენოთ. როცა კირილე იანოვსკი გარდაიცვალა, პეტერბურგში, პედაგოგიური საზოგადოების სხდომაზე ითქვა: განსვენებულის განსაკუთრებულ დამსახურება ის გახლავთ, რომ მან გრუზინიზმი და პანგრუზინიზმი დაამარცხა და დათრგუნაო. პანგრუზინიზმი კი ქართველებს თურმე იმით გამოუხატავთ, რომ ქართული ენის შემოღება და გავრცელება ზოუნდომებით გურიასა და სამეგრელოში („კვალი“, 1902 წ., № 47).

ქართველთა შორის წერა-კითხვის გამავრცელებელი საზოგადოების წევრები მესაზღვრე ჯარისკაცებს ჰგავდნენ, იმ სალდათებს,

ყოველ წუთს მტრის თავდასხმას რომ მოელოან. წამით თვალის მოხუჭვის უფლება არ ჰქონდათ. მუდამ ფხიზლად უნდა ყოფილიყვნენ. კაცისშვილმა არ იცოდა, სად რა მზაკვრობა წამოჰყოფდა თავს, როდის რა ცბიერება დაგხვდებოდა წინ, მოყვარედ მოსული სად და როდის გიმტრობდა. სიფრთხილე და წინდახედულობაც არ უნდა დაეკარგათ. შეიძლებოდა მოთმინების ფიალა აესებულებოდა და მაშინ ვინ რას იზამდა, წინასწარ ვერავინ განსაზღვრავდა. მოხდა კიდეც ასე 1886 წლის 24 მაისს. ეროვნული დამცირებითა და შეურაცხყოფით გაწამებულმა სემინარისტმა იოსებ ლალიაშვილმა მოჰკლა თბილისის სასულიერო სემინარიის რექტორი პავლე ჩუღდუცი.

ერთ ბოროტებას მეორე მოჰყვა: ეგზარქოსმა პავლემ დასწყევლა და შეაჩენა იოსებ ლალიაშვილიც და მისი მშობელი ერიკ. მღვდელმთავრის ამგვარმა მკრებელობამ შეაძრწუნა ქართველი საზოგადოება.

1886 წლის 8 ივნისს ეგზარქოსმა დიმიტრი ყიფიანის წერილი მიიღო. ქუთაისის გუბერნიის თავადაზნაურობა წინამძღოლი სწერდა მთავარეპისკოპოსს პავლეს:

„თქვენო მალალსამღვდელოებაე! მოიღეთ მწყემსმთავრული მოწყალეობა და შემინდეთ ჩემი დიდი შეცოდება, თუ მე, აყოლილი დაუჭერებელ ხმებს, ვცოდავ თქვენს წინაშე. მაგრამ ეს ხმები მოგაწერენ თქვენ, რომ თქვენ დასწყევლეთ ის ქვეყანა, რომელშიც მოწოდებული ხართ სამწყსოდ და რომელიც ამის გამო მოელოდა თქვენგან, როგორც ქრისტეს პირველმსახურისა და წარმომადგენლისგან, მარტოოდენ სიყვარულსა და სათნოებას.

იგივე ხმები არ კნაყოფილდებიან თქვენი ტახტის შეურაცხყოფით და მოგაწერენ აგრეთვე განჯრახვას: მოხადოთ ბოდიში სამწყსოს წინაშე თქვენგან წარმოთქმული სიტყვების უზომო ცოდვიანობის გამო.

თუ ეს ყველაფერი მართალია, ნეუფეო, თქვენი ღირსების გადაარჩენა შეიძლება მხოლოდ იმით, რომ შერცხვენილი დაუყოვნებლივ განიდევნოს შეჩვენებული ქვეყნიდან. კეთილი გულით და გულწრფელი სურვილით — თავიდან აიცილინოს ახალი უზომო შეცოდება, — აშას თქვენ გეუბნებათ ერთ-ერთი წევრი თქვენი სამწყსოსი.

თუ ეს ყოველივე ტყუილია, შემინდეთ და მაკურთხეთ თქვენი მწყემსმთავრული მარჯვენით.

თქვენი მაღალსამღვდელოების უმორჩილესი მონა დიმიტრი ყიფიანი“.

ეგზარქოსმა პავლემ 9 ივნისს დაუყოვნებლივ უპასუხა დ. ყიფიანს:

„მოწყალეო ბატონო, დიმიტრი ივანეს ძე! 8 ივნისის, ჩემთვის გაუგებარ თქვენი აღმატებულების წერილზე მოვალეობად მიმაჩნია გიპასუხოთ: ჩემი სიტყვა, წარმოთქმული დეკანოზ ჩუღეცკის კუბოს წინაშე, დაბეჭდილია „კავკაზში“, № 139. რაც შეეხება უგუნურ ხმებს, რომელთა მოხსენიება თქვენ ინებეთ თქვენს წერილში, ჩემი ღირსების დამცირებად მიმაჩნია, გავაკეთო რაიმე შენიშვნა. მათზე.

თქვენი აღმატებულების უმორჩილესი მონა პავლე, არქიეპისკოპოსი, ეგზარქოსი საქართველოსი“.

რა თქმა უნდა, ქართველი ხალხის წყევლა „კავკაზში“ დასტამბული არ იყო. ამქვეყნად ყველა ხელისუფლებას ჰყოფნის ჭკუა, ამგვარი ტექსტი არ დაბეჭდოს. ✓

არ ეამა მთავრობას თავადაზნაურობის მარშლისათვის შეუფერებელი საქციელი. ყურმოჭრილი ყმა უნდოდათ ჰყოლოდათ და პროტესტანტი კი შერჩათ ხელში. ხელისუფლება დასანახად ვეღარ იტანდა ყიფიანს. თბილისიდან პეტერბურგში მუდარა მუდარაზე იგზავნებოდა — დ. ყიფიანის დასჯის ნება მოგვეცითო. ბოლოს თანხმობის ნიშნად პეტერბურგმა ოდნავ დახარა თავი. დიმიტრი ყიფიანი ჯერ თანამდებობიდან გადააყენეს, მერე კი სტავროპოლში გადაასახლეს.

1887 წლის 24 ოქტომბერს სტავროპოლში დ. ყიფიანი ქურდულად მოკლეს. „ის ტვინი, რომელიც საქართველოზე ჰფიქრობდა, თავზე გადაათხიეს... იმ გულზე, რომელიც სამშობლოსათვის სძგერდა, ცივი ხელები დააკრეფინეს“ (აკაკი წერეთელი).

მისი დასაფლავებაც ქურდულად უნდოდა ხელისუფლებას. ჩუმად, არავის რომ არ გაეგო. არ გამოუვიდათ. მცხეთიდან თბილისამდე, მთაწმინდამდე, მთელი საქართველო მოაცილებდა დ. ყიფიანის ცხედარს. სამგლოვიარო პროცესიას, რომელიც ეროვნულ მანიფესტაციად გადაქცეულიყო, წინ მიუძღოდნენ ილია ჭავჭავაძე, აკაკი

წერეთელი, ნიკო ნიკოლაძე, ივანე მაჩაბელი, ანტონ ფურცელაძე, გიორგი შარვაშიძე, ვალერიან გუნია...

თითოეულ მათგანს ყოველ კუთხეში ჩასაფრებული დ. ყიფიანის ბედი უდარაჯებდა. მხოლოდ შემთხვევითობას შეეძლო მათი ხსნა. ზოგი იხსნა, ზოგიც ვერა.

„ჩემო კალამო, ჩემო კარგო, რად გვინდა ტაში?“

„ილია ხელოვნებასა და რელიგიას შორის დიდ მანძილს არ ხედავდა. ისე უყურებდა ყოველი დიდი მწერალი ლიტერატურას. მართლაც, ტომები შეიძლება დაიწეროს ლიტერატურის ინფერნალსა და ცულ გავლენაზე, თუ მას გამოვაცლებთ იმათ ნაწერებს, რომელთაც ხელოვნება მუდამ რელიგიის მომიჯნედ გვეულებოდათ.

თუ რელიგიური პროცესი თავანისცემისა ისევე ძლიერია არ არის მწერალში, როგორც სექტიკური ცხოვრების უარყოფისა, ამგვარ მწერალს ღირსეულნი არასოდეს თავიანს არ სცემენ“.

კონსტანტინე გამსახურდია

მე-19 საუკუნის 80-იანი წლები მიიწურა. ილიაც თანდათანობით ანებებს თავს პოეზიასა და პროზას. ძირითადად პუბლიცისტიკასა და საზოგადოებრივ საქმეს ემსახურება. მისი ენერგია ძველებურად ამოუწყავია. ადრინდულად იბრძვის და იღვწის. ერისა და ქვეყნის ამგვარი სამსახური ამჟამად უფრო მიზანშეწონილად მიაჩნია. არსებითი, რაც წყობილსიტყვაობით თუ სადაგისიტყვაობით უნდა ეთქვა, უკვე თქვა. გლახა ქრიაშვილივით გაუთავებელი ლაპარაკი და ერთისა და იმავეს გამეორება არ უყვარს.

ჩვენ კი ცოტა ხნით დროის დინებას გამოვეთიშეთ და ილიას უზარმაზარ მხატვრულ შემოქმედებას შეძლებისდაგვარად თვალის გადავაკლოთ.

როცა ილია ქავჭავაძის ლირიკას თავიდან ბოლომდე გადაავლებ თავალს, პირველი შეხედვით მოულოდნელი სურათი დაიხატება. მისი ქაბუკობის პერიოდის ლექსები სავსეა უიმედო, სასოწარკვეთილი, სევდიანი განწყობილებით. მერე ეს იცვლება სატირული, მამხილებელი, მოურიდებელი დამოკიდებულებით და ბოლოს მთავრდება დინჯი, დაჯერებული, მტკიცე რწმენით.

ჩვეულებრივ, ადამიანი აღტაცებული და იმედით სავსე იწყებს შემოქმედებით ცხოვრებას. მერე თანდათან იფერფლება ანთებული ცეცხლი. სიცივე და სუსხი მატულობს. მოახლოებული სიბერე და სიკვდილი კი საბოლოოდ ნერგავს უსასოობის გრძნობას და ყველაფერს არარსებობის დამთრგუნველი აჩრდილი ეუფლება. ილიასთან კი პირიქით არის. ასაკმა და დრომ მხნეობა და იმედი უფრო განუმტკიცა, ვიდრე შიში და უიმედობა.

აღბათ, ახალგაზრდობის ასაკში შექმნილი ლექსები უფრო საერთო განწყობილების გავლენა-კარნახით არის დაწერილი, ვიდრე უშუალო, საკუთარი ანალიზისა და დაკვირვების შედეგად. ადამიანებს, საერთოდ, სჩვევიათ სოფლის სამღურავი. ჩივილით, ვიშვიშით პრანჭიაობა და გონებრივი სიღრმის მოჩვენებითი დემონსტრაცია. ამ ტრაფარეტულ სულიერ მდგომარეობას ადამიანი ყმაწვილკაცობაში ადვილად ემორჩილება. ბუნებრივია, ეს მორჩილება არც ილიას ასცდენია.

18—20 წლის ასაკშია ქვემოთე ციტირებული სტრიქონები შეთხზული:

ვგრეთაც კაცი ძლიერი ჰქრება
რა ეწვევა მას სიკვდილი — მტერი,
მშენიერ არსის მაგიერ გვრჩება
ერთი მუქალა გამხმარი მტვერი.

(„ხანთელი“)

გამიქრა ბედის ჩემის ვარსკვლავი,
კვლავ დამიობლდა ობოლი თავი,

წამერთო ყველა და ნუგეშად ღღეს
მარტოლა ცრემლი მე დამშენიეს.

(„ვაი მახ — ვისაც...“)

განძრცილვარ გრძნობით, უდროოდა მე, ვეთენენ ფრთენი,
გაზაფხულია, მე კი ვდგავარ, ვით უფოთლო ხე.

(„ოპ, სად არიან...“)

ესე უწყალოდ განწირული და დაშთომილი
ვეგდე მარტოკა უცხო ცის ქვეშ დიდ კლდისა პირსა,
ქვეყანაზედ და ზეცაზედ კი იყო დუმილი,
მოლხენით იყვნენ უღარღელნი მთიები ცისა!

(„მწუხარება“)

დაბნელდა სული, გარშემოც ბნელა,
სიცივე მკვიდრობს ეხლა ჩემ გულში;
ალარ მაქვს საზრდო სულისათვის მე
არც სიძულვილში, არც სიყვარულში!

(„დაბნელდა სული“)

ამ ლექსებში ყველაფერია — უნუგეშობა, მარტოობა, სევდა, უიმედობა, განწირულება, — მაგრამ არ არის ილიას სულის ნამდვილი თვისება და ბუნება, რაც მალე ასე მკაფიოდ გამოვლინდება მის შემოქმედებაში. თუმცა ერთი რამ კი უნდა ითქვას: მიუხედავად ნაცნობი და გავრცელებული მოტივებისა, ამ ლექსებში აშკარად ჩანს შინაგანი ენერგიით სავსე კაცი. საერთო განწყობილებაში იკითხება ბრძენის სკეფსისი, რომელსაც, ცხადია, არაფერი აქვს საერთო წუწუნთან. ბრძენისათვის პიროვნების არსებობის წარმავლობა ღვთაებრივი კანონზომიერებაა. მართალია, სევდისა და დარდის აღმძვრელი, მაგრამ ნუგეშის მიმნიჭებელიც, რამეთუ ადამიანს ელის მარადიულთან შერწყმა. მარადიულთან შერწყმის მოლოდინი კი თავად არის სულიერი მხნეობის და სიმშვიდის წყარო.

ოდეს დემონი ურწმუნოების
უკუაქმასა და მაცთურების
საწაშლავეთ თვის სავსეს თასს მაცდურს
წინ დაუდგამდეს ჩემს სულსა უძლურს, —
ნუ მანდობ, ღმერთო, ბედისა ტრიალს, —
ნუ დამაწაფებ დემონის ფიალს;
და უკეთუ არს შესაძლებელი,
მე განმარიდენ იგი სასმელი.
მაგრამ თუ, ღმერთო, შენ ღვთაებას სურს,
რათა გამოცდა მით ჰქონდეს ჩემს სულს,
განჰქრნენ შენს ხმასთან სურვილნი ჩემნი
და იყავნ ნება, უფალო შენი!

(„ლოცვა“)

ილიას სევდა ბუნების შეცნობილი კანონზომიერების და ღვთაე-
ბის ნების აღიარებაა.

სინამდვილისადმი დამოკიდებულებას თანაბრად განაპირობებს
ობიექტური და სუბიექტური ფაქტორი. როგორც ობიექტურ მოვლე-
ნას შეუძლია წარმოშვას ადამიანის სულში სასოწარკვეთის განწყო-
ბილება, ასევე დაბადებითაც შეიძლება იყოს ადამიანი უნუგეშო და
უსასოო თვისების მქონე. ასეთ ადამიანებს, როგორ პირობებშიც
უნდა იცხოვრონ მათ, არასოდეს უჩნდებათ სინამდვილისადმი აქტი-
ური დამოკიდებულების გრძნობა-სურვილი. მთელი მათი არსებობა
ერთი გაუთავებელი გლოვა და წუწუნია. აქტიური ბუნების ადამიან-
ები შეიძლება წამიერად, დროებით შეიპყროს სკეფსისმა, მაგრამ
ისინი მალე სძლევენ ამ განწყობილებას და არსებულის შესაცვლე-
ლად, გარდასაქმნელად უკანასკნელ ამოსუნთქვამდე იბრძვიან.

ილია ბუნებით აქტიური ადამიანი იყო, მისი ზღვა ენერჯის სა-
საოწარკვეთის ჩარჩოში მოქცევა არავითარ ძალას არ შეეძლო,
თუმცა სინამდვილე, რომელშიც აღიზარდა და მოღვაწეობა დაიწყო,
უპერსპექტივობის გარდა, სხვა გრძნობას ვერ გაუჩენდა.

ვიდექ მარტოკა... და მთების ჩრდილი
კვლავ ჩემ ქვეყნის ძილს ეაღერსება...
ოხ, ღმერთო ჩემო, სულ ძილი, ძილი,
როსლა გვეღირსოს ჩვენ გაღვიძება?!

(„მღიგია“)

განა სალათას ძილით შეპყრობილი ქვეყნის ხილვა რაიმე ნუგეშს ან იმედს მოჰგვრიდა?

მრავალწლიან მონობას ქართველი ხალხის სიმტკიცე გაეტეხა. იგი კმაყოფილი იყო, ფიზიკურად რომ არსებობდა. თავდახსნის ყველა ცდა მარცხით იყო დამთავრებული: 1804 წლის მთიულეთის ამბოხი, 1812 წლის კახეთის აჯანყება, 1821 წლის იმერეთის ინსურექცია, 1832 წლის შეთქმულება, 1841 წლის ჯანყი გურიაში. სისხლით დაკლილი, გულგატეხილი საქართველო დუმდა. ყველა საკუთარ ნაჭუჭში ჩაკეტილიყო.

მაგრამ, მამულო, ჩემი ტანჯვა მხოლოდ ის არი,
ის არი მხოლოდ სავალალო და სამწუხარო,
რომ შენს მიწაზედ, ამდენ ხალხში, კაცი არ არი,
რომ ფიქრი ვანდო, გრძნობა ჩემი განუეზიარო!

(„შახ აქეთ, რაკი“...)

განა მარტოობის, სრული უკონტაქტობის ატმოსფერო რაიმე ნუგეშს ან იმედს მოჰგვრიდა?

ასეთ სიტუაციაში ბუნებრივად უნდა გაჩენილიყო უსასრულო სევდის განწყობილება, მაგრამ პირიქით მოხდა. ამის საფუძველი ილიას სულიერ სამყაროში იდო. ზუსტად შენიშნა ვახტანგ კოტეტიშვილმა: „არცერთ ქართველ პოეტს არ ჰქონდა სიკვდილის ისეთი დიდი შიში, როგორც ილია ჭავჭავაძეს“. გასაგებია, რომ ვ. კოტეტიშვილი ლაპარაკობს არა ხორციელი სიკვდილის შიშზე, არამედ სულიერი სიკვდილისა, როცა ადამიანი ცოცხალია, მაგრამ მისი არსებობა უმაქნისია. სწორედ უმაქნისი არსებობის, სულიერი სიკვდილის შიშმა აღძრა სამოქმედოდ ილიას ენერგია.

ყველას გაუძღვებ, როგორც კლდე ქვისა,
ბედთანა ბრძოლა ვით მეშინება?!
ხოლო ჩემ თავის არაფრობისა
არ ძალმიძს, ძმანო, ვერ რით გაძღვება!

(„ბევრი ვიტანჯე, ვიცო რომ მეღის“...)

ერთ ლექსში („მარტო მივცურავ ცხოვრების ზღვაში“...) ილია თავისთავს ზღვის თვალუწვდენ სივრცეში მარტოდმარტო დარჩე-

ნილ ადამიანს აღარებს. „და ზღვის ღელვაში, გრიგალთ ქროლაში
არაა აქვს რა ჩემს გულს იმედად“. ასეთი განწირულების მოუხე-
დავად, პოეტი მაინც ყველაფრის გაძლებას ეტრფიალება და დამარ-
ცხებას ვერ ეგუება.

და ურგებს ჩემს კვალს იგი სიჩქარით
სქლადა დაჰფარავს ზეირთთა კამართ...
თუ ეგრე წარვხდე, ნუ ატირდები,
მე იმ ცრემლებად არ ველირები..

თანდათანობით მკაფიოდ და ცხადად იკვეთება, რომ ილია ძლი-
ერი პიროვნების მეტრფეა. მაგრამ რა ზნეობრივი იდეალი უნდა
იყოს ძლიერი პიროვნების საზრდო? ადამიანს ორი გზა აქვს —
ღვთიური და ეშმაური. ორივე გზას ძლიერი პიროვნება ადგას, სუს-
ტი არც ღვთიურის მიმდევარია და არც ეშმაურის. იგი არაფრობაა,
რომელიც ესოდენ ძლიერ სძულს ილიას. თუ ძლიერი პიროვნება
ღვთიურ გზას დაადგება, ქვეყანას ააშენებს. თუ — ეშმაურს, ქვე-
ყანას დააქცევს. ამიტომ აქვს ზნეობრივ იდეალს განმსაზღვრელი
მნიშვნელობა.

ნუთუ არ იცი, რას გვამცნობდა ღმერთი ჭვარცმული,
როს ბრძანა: „ვითა მამა ზეცის, იყავნ შენც სრული“.
(„როდემდის“)

თურმე ზნეობრივი ამოცანა უზენაესის ბადალი სრულყოფისა-
კენ ლტოლვაა, რომ ზნესრული ადამიანი ჩამოყალიბდეს.

ადამიანთა დიდი უმრავლესობა არაფრობის წიაღში შესანიშნა-
ვად გრძნობს თავს და განცხრობით ცხოვრობს. მცირე ნაწილი ეშ-
მაურს ეტრფიალება. მხოლოდ რჩეულნი კაცნი მიისწრაფვიან ზნე-
სრულობისაკენ. ოღონდ მარტო მისწრაფება არ კმარა, იცოდენ უნდა
კიდევ, რა გზით იარო.

უსულდგმულო ცხოვრება
ცის ნიჰად ნუ გგონია,
იგი მიწის ყოფილა —
რასაც ბოლო ჰქონია!
ცხოვრებას აცისკროვნებს
სული, საქმით მეტყველი,
და ის უბოლო არის,
ვით სულის შთამბერველი.

(„უსულდგმულო ცხოვრება“)

ზნესრული ადამიანისაკენ მიმავალი გზა საქმით მეტყველი სული ყოფილა. უკვდავებაც საქმით მეტყველი სულის წილხვედრია. იგი უსასრულოც არის, როგორც ღმერთი („სულის შთამბერველი“ ამ ლექსში ღმერთის ეპითეტია).

საქმით მეტყველ სულს შინაგანი მამოძრავებელი ძალა სჭირდება. ეს ძალა სიყვარულია. ცალ-ცალკე საქმით მეტყველი სული და სიყვარული არ არსებობს, ისინი ერთი მთლიანობაა.

კაცო, გიყვარდეს
ცით შთამომძახეს,
როს მათ დამბადეს.
ყველგან ეს სიტყვა
ლამპრად წინ მიმყვა
და ჭკეყნად ჩემ სვლას
სცემდა წმინდ ნათელს.
მისთვის გეტყვი ძმას:
შენცა გიყვარდეს!
(„გიყვარდეს“)

. . .
გებრალეზოდეს, ნუ ჰრისხავ
კაცს შენზედ შურით მწდომსაო!..
კეთილი ფარად უფარე
შენთვის ბოროტის მდომსაო!..
მადლისა წყაროს ასმევედე
ცოდვის გუბეში მდგომსაო.
(„დამაკვირდი“)

. . .
მამაო ჩვენო, რომელიცა ხარ ცათა შინა!
მუხლმოდრეკილი, ლმობიერი, ვდგევარ შენ წინა:
არცა სიმდიდრის, არც ღიდების თხოვნა არ მინდა,
არ მინდა ამით შევეურაც-ვყო მე ლოცვა წმინდა...
არაჲდ მწყურს მე განმინათლდეს ცით ჩემი სული,
შენგან ნამცნების სიყვარულით აღმენთოს გული,
რომ მტერთათვისაც, რომელთ თუნდა გულს ლახვარი მკრან,
გთხოვდე: „შეუნდე, — არ იციან, ღმერთო, რას იქმან“.
(„ლოცვა“)

ხალხური სიბრძნისათვის დამახასიათებელი უბრალოებით და სიცხადით გამოთქვამს ილია არსებობის მარადიულ წესს.

წუთის-სოფელი ესეა:
ლამე ღღეს უთენებია,
რაც მტრობას დაუქცევია,
სიყვარულს უშენებია,

(„ღამაკვირი“)

ასეა, კეთილის, ანუ ღვთაებრივის საფუძველი სიყვარულია. ბოროტის, ანუ ეშმაურის — სიძულელი. არსებობა კი ამ ორი საწყისის მარადიული ბრძოლაა. არსებობისათვის ბრძოლაში საქმით მეტყველი სული ირჩევს კეთილს, სიყვარულს. არაფრობა და ეშმაური — ბოროტს, სიძულელს. ამ ბრძოლაში არაფრობა და ეშმაური ერთმანეთის მოკავშირეა საქმით მეტყველი სულის წინააღდეგ. სხვათა შორის, ილიას ცხოვრების დასასრული მკაფიო სურათია ამისა. წიწამურის ველზე არაფრობასთან შეკავშირებული ეშმაური ჰკლავს საქმით მეტყველ სულს.

საქმით მეტყველი სულის, ანუ ზნესრული ადამიანის მრწამსი ილიასთან ასეთია:

ხოლო გვწამს ღმერთი —
უქმთა წამწყმედი,
ტვირთმძიმეთა და მავრალთა მხსნელი,
ღმერთი ტანჯულთა,
ღმერთი ჩაგრულთა,
ღმერთი უძლურთა შემწყნარებელი,
ყოველთა ძმობის,
თანასწორობის
მოძღვრობისათვის ქვეყნად ჭვარცმული,
ძლიერთ დამბმელი,
უძლურთ ამხსნელი,
თქვენგვარ კაცთაგან გმობილ-ღვენული;
ორგულობისა,
ორპირობისა
ძირსა დამცემი და დამორგუნველი,
ფარისეველთა,
სადუქვეველთა
გამკიცხველი და გამღვენელი.

(„პახუხის პახუხი“)

უკვე შეგვიძლია დავასკვნათ, რომ ილიას ლირიკის გმირია ზნე-სრული ადამიანი, ანუ საქმით ნეტყველი სული, რომელსაც სიყვარული უნათებს გზას ღვთაებრივის სამსახურში და რომელიც კატეგორიულად უარყოფს არაფრობას, როგორც ეშმაურის მოკავშირეს და საფუძველს.

აქვე ისიც უნდა ითქვას, რომ პოეზიაში დასმული თითქმის ყველა პრობლემა ილიას გადააქვს პროზაში და სახისმეტყველებით წარმოადგენს. პიროვნების არაფრობა განსახიერებულია ლუარსაბ თათქარაძეში („კაცია-ადამიანი?!“), საქმით მეტყველი სული — ოთარაანთ ქვრივში („ოთარაანთ ქვრივი“), პატიების და სიკეთით ანაზღაურების საკითხი — პეტრეს, ბეჟანის და მისი ძმის ურთიერთობაში („სარჩობელაზედ“).

ყოველ აზრს მაშინ აქვს ფასი და ჭეშმარიტი ღირებულება, როცა მისი ავტორი თავად ცდილობს აზრის საქმედ ქცევას. თავად ცხოვრობს და საქმიანობს შემუშავებული აზრის თანახმად. საერთოდ, თუ ღმერთმა აზროვნების უნარი მოგანიჭა, შედარებით იოლი საქმეა ნაირნაირი აზრის გამოთქმა-ჩამოყალიბება. უძნელესია (უმრავლესკერ შემუშავებული) აზრის საქმედ გადაქცევა-განხორციელება. სწორედ აქ მარცხდება ხშირად თავისთავად მომხიბლავი და ლამაზი აზრი. აქ გამოჩნდება, რომ მოაზროვნე შიშველია, საქმესა და აზრს „შუა უღვეს დიდი მზღვარი“.

აზრისა და საქმის ერთიანობის პრობლემა ერთ-ერთი ძირითადი საკითხია ილიას შემოქმედებისა. ამიტომ არ მიაჩნდა მას მიზანშეწონილად მწერლისა და მოქალაქის გაყოფა. ისინი ერთიანი და მთლიანი იყვნენ მისთვის.

მეცა მნიშნავს და ერი მზრდის
მიწიერი ზეციერსა;
ღმერთთან მისთვის ელაპარაკობ,
რომ წარვუძღვე წინა ერსა.

(„პოეტი“)

ამ ლექსში ორი საკითხია დასმული: პირველი — არ არსებობს პოეზია თვინიერ ორი საწყისისა — ზეციერისა და მიწიერის, ე. ი. ღვთაებრივისა და ადამიანურის თვინიერ. მეორე — ზნესრული ადამიანის ერთ-ერთი უპირველესი ამოცანაა ერის სამსახური. კაცობრიობას ემსახურება მხოლოდ ის, ვინც ემსახურება ღვიძლ ერს.

ვინც თავის ერს არ ემსახურება, ის არაფრობის ყმაა. მშობელი ერი-
საგან განდგომა „ზოგადკაცობრიული საქმიანობის“ სახელით მტკნა-
რი სიტუება და ურცხვი დემაგოგია.

ერის წყლული მაჩნდეს წყლულად,
მეწოდეს მის ტანჯვით სული,
მის ბედით და უბედობით
დამედგოს მტკიცე გული...

(„პოეტი“)



ახალგაზრდა ილია ჭავჭავაძე პეტერბურგიდან შინ, საქართვე-
ლოში, ბრუნდება. იგი მამულის სამსახურად ენზადება და გულალა-
ლად ეკითხება თავისთავს — „როგორ შევეყრები მე ჩემს ქვეყანას
და როგორ შემეყრება იგი მე? რას ვეტყვი მე ჩემს ქვეყანას ახალს
და რას მეტყვის იგი მე?... — შევძლებ კი, რომ მას ღვიძლი სიტყვა
ვუთხრა და იმ სიტყვით გულისტკივილი მოვუტრჩინო, დავრდომილი
აღვადგინო, უნუგეშოს ნუგეში მოვფინო, მტირალს ცრემლი მოვ-
წმინდო, მუშაკს შრომა გაუადვილო?“

საქართველოს სამხედრო გზით მომავალს მოხევე ლელთ ღუნია
შეხვედრია. უბირ გლუხს ეს უთქვამს ილიასთვის — „ჩვენი თავი
ჩვენადვე გვეყუნდესო“. ლელთ ღუნიას სინანულსა და წუხილს შე-
უძრავს მწერალი. „გავიგონე თუ არა ეს, რაღაც უეცარმა ტკივილმა
ტვინიდან გულამდე ჩამირბინა, იქ, გულში გაითხარა სამარე და
დაიმარხა. როდემდის დამრჩეს ეს ტკივილი გულში, როდემდის?...
ჩემო საყვარელო მიწა-წყალო, მომეც ამის პასუხი“ („მგზავრის წე-
რილები“).

საქართველოს ეროვნულ თავისუფლებაზე ლაპარაკობს ილია და
სვამს კითხვას — როდემდის? ღმერთს მიმსგავსებულ ზნესრულ ადა-
მიანზე ოცნებობს და ლექსს სახელად არქმევს — „როდემდის?“ ამ
კითხვით ილია მტკიცედ უკავშირებს ერთმანეთს ერის თავისუფლე-
ბისა და ზნესრული ადამიანის პრობლემას. არ იქნება ერი თავისუ-
ფალი, თუ მას არ ეყოლება ზნესრული, პირველხატს მიმსგავსებუ-
ლი ადამიანები. არ იქნებიან ზნესრული ადამიანები, თუ ერი არ იქ-
ნება თავისუფალი. ისინი უერთმანეთოდ არ არსებობენ.

თუ პიროვნების ყმობაა ანტიბუნებრივი მოვლენა, მით უმეტეს,
ანტიბუნებრივია მთელი ერის მონობა. ბუნების კანონზომიერება
და ჰარმონია ქმნის, აჩენს სხვადასხვა ერს — ზოგს მრავალრიცხო-

ვანს, ზოგს მცირერიცხოვანს, მაგრამ ყველას მისთვის განკუთვნილი შეუცვლელი და განუმეორებელი ფუნქციით. ერის ცხოვრების ამოცანა ამ შეუცვლელი და განუმეორებელი ფუნქციის განვითარებაა-აღორძინებაა. ამით იჭერს იგი თავის მუდმივ ადგილს კაცობრიობის თანავარსკვლავედში. თუ ერი დამონებულია, მაშინ იგი მოკლებულია თავისთავადობის განვითარების საშუალებას. ყოველი დამპყრობელის უპირველესი მოთხოვნაა „მემსგავსე მე!“ წამიერი გამარჯვებით გონდაბნელებულს თავი სრულყოფილ არსად წარმოუდგენია და ჰგონია, დამარცხებული გაბედნიერდება, თუ გამარჯვებულის ჩრდილად გადაიქცევა. ერის თავისთავადობის ნებით თუ ნაძალადევად დათრგუნვა-მოსპობა დანაშაულია არა მარტო დამონებული ერის, არამედ მთელი კაცობრიობის წინაშე. ეს აქტი კაცობრიობის ძარცვა და მისი მრავალფეროვნების მოსპობაა. მრავალფეროვნება კი ბუნების ერთ-ერთი ძირითადი კანონია. თუ პიროვნების სიკვდილით ღარიბდება კაცობრიობა, მთელი ერის სიკვდილით მთლად დატკეპება იგი. უფრო მეტიც, ირღვევა ბუნების არსებობისათვის აუცილებელი წონასწორობა. ყოველი ერი ბუნების ნაწილია და ამიტომ ერის წინააღმდეგ მიმართული რაიმე აქცია ამასთანავე არის ბუნების წინააღმდეგ მიმართულიც.

დამონებული ერის განთავისუფლება ბუნების დარღვეული ჰარმონიის აღდგენაა. ეს კანონზომიერად იწვევს აღტაცებას თავისუფლების ყოველი ქომაგის გულში. ამიტომაც ზეიმობდა ილია ჭუჭუბე გარიბალდის მეთაურობით იტალიელი ხალხის გამარჯვებას და ეროვნული მთლიანობის აღდგენას.

მესმის, მესმის სანატრელი
ხალხთ ბორკილის ხმა მტკრევისა!
სიმათლის ხმა ქვეყნადა ჰქუხს,
დასათრგუნელად მონობისა.
აღმიტაცებს ხოლმე ის ხმა
და აღმიგზნებს იმედს გულში...
ღმერთო, ღმერთო! ის ხმა ტკბილი
გამაგონე ჩემს მამულში!

(„მესმის, მესმის“)

ამ ხმის გასაგონად, ცხადია, მარტო სურვილი არ კმარა. ეს მთელი ერის აუცილებელ მოთხოვნილებად უნდა იქცეს. მაშინ მივიღებთ

სასურველ შედეგს. ამისათვის კი საქართველო მზად არ იყო. არავის აუხსნია ობიექტურად და გულწრფელად, რამ მიიყვანა საქართველო ეროვნულ კატასტროფამდე. ცრუ თავისმართლების მიზნით ყველაფერი ბრალდებოდა გარეშე მტერს. არავის ჩაუხედავს თავად ერის სულში და იქ არ მოუძებნია თავისუფლების დაკარგვის მიზეზები. ილიამ პირველმა გამოიხატა ისინი ყველაზე მტკივნეულ და სათუთ ადგილას — ნ ა ც ი ს ს უ ლ ი ე რ წ ყ ო ბ ა შ ი. ამ უფსკრულში ჩახედვამ, შესწავლამ, ანალიზმა ილია უმძიმეს დასკვნამდე მიიყვანა. იგი მან მკაცრად და დაუნდობლად გამოთქვა სატირულ ლექსში — „რა ვაკეთეთ, რას ვშვრებოდით, ანუ საქართველოს ისტორია მეცხრამეტის საუკუნისა“. მართალია კიტა აბაშიძე, როცა ამბობს, ამ ლექსის სტრიქონები ყოველ ისტორიულ მონოგრაფიაზე უმაღლესი და უძლიერესიაო. უძლიერესია არა მარტო ემოციური ზემოქმედებით, არამედ ანალიზის სიზუსტითაც.

მერე, როცა მოკვდა მეფე,
 აიშალნენ მეფეთ ძენი
 და ერთმანეთის შურითა
 სულ ძირს დასცეს ქართლის ბენი, —
 რა ვაკეთეთ, რას ვშვრებოდით?
 — ჩვენც ღამაზად სულ ყველასა
 თვითო თვითოდ ვღალატობდით.

მერე როცა მაგ ცილობით
 ერთმანეთი ჩვენ დავლუპეთ,
 ერთმანეთის მტრობით ჩვენს სახლს
 ცეცხლი ჩვენვე წავუკიდეთ, —
 რა ვაკეთეთ? რას ვშვრებოდით?
 — ქკვიანურად იმ ცეცხლის წინ
 ვისხედით და ხელს ვითბობდით.

და ასე გრძელდება დაუნდობელი მხილება. იგი აუცილებელი იყო. ერი პიროვნებას ჰგავს. როგორც პიროვნებას აქვს კარგი და ცუდი თვისებები, ასევე აქვს ერსაც. კეთილი სულის გვერდით, ყოველ ერში არის თავმეფარებული ბოროტი სულიც. როცა ერი თავისუფალია, იგი ებრძვის, თრგუნავს ბოროტ სულს, არ აძლევს მას გამოვლენის საშუალებას, რათა, რაც შეიძლება მეტი ასპარეზი მის-

უეს კეთილ სულს. როცა ერი დამონებულია, მაშინ კი პირიქით ხდება — იზაგრება კეთილი და ვლინდება ბოროტი სული. ამას ხელს უწყობს და ეხმარება დამპყრობელი, რადგან, როცა ერს ბოროტი სული დაეუფლება, მისი დამორჩილება ადვილია. დამპყრობელის მთავარი ამოცანაც ეს არის. ამიტომ იგი ეხმარება იმ ძალას, რაც მის ბატონობას განამტკიცებს. ერს კი წინააღმდეგობის გაწევა აღარ შეუძლია. რამეთუ იგი აღარ არის თავის უფალი, თავისთავის პატრონი, თავისთავის ბატონი (თავად სიტყვა თავისუფალი — მკაფიოდ განიხილავს ქართველი კაცის წარმოდგენას თავისუფლებასზე. უფალი ღმერთის სინონიზია. მაშასადამე, თავისუფალია ის, ვინც თავად არის თავისთავის ღმერთი, ვისაც თავისთავზე დიდი ბატონი არ ჰყავს). ასეთ სიტუაციაში აშვებული ბოროტი სული ააღორძინებს მანკიერებას, დააქვეითებს ზნეობას. ამიტომ კოლონიალიზმი მხოლოდ მატერიალურ-ეკონომიკურად კი არ არის საშიში, არამედ — ზნეობრივადაც. 1882 წელს „ივერია“ წერდა: „...ქონებით ჩვენი გლეხობა უკან არ ჩამორჩება რუსეთის გლეხობას. მაგრამ აბა შეადარეთ, ჩვენი ენის, ლიტერატურის, ჩვენი მეცნიერების და სხვა ეროვნულ ძალთა უფლებანი რუსეთისას და თქვენ მათ შორის დაინახავთ განუზომელ მანძილს“. სწორედ ეს სულიერი დაცემა-დაქინებაა უსაშინელესი დანაშაული, რაც ყოველთვის ერის დამონების შედეგია. „ადამიანი, — ამბობდა ილია, — თუ მთელი ერი იწისათვის კი არ არის, რომ პური სჭამოს, პურსა სჭამს იმიტომ, რომ კაცურ-კაცად აცხოვროს თავისი შთამომავალი“. ამიტომ, როგორც პიროვნება უნდა იბრძოდეს თავისთავის სრულყოფისათვის, ასევე ერიც. იგი მრავალეა განიწმინდოს მანკიერებისაგან. ეს რომ მოხდეს, ერმა ყველაფერი უნდა იცოდეს თავისთავის შესახებ. ხოლო იგი, ვინც ერის სამსახურში ჩამდგარა და მოწოდებულ ქვეყნისათვის ღვაწლი მიუჩნევია, პირუთვნელად უნდა ამბობდეს სიმართლეს, რარიგ მძიმეც უნდა იყოს ამ ტვირთის ტარება. ილიას ცხოვრების და საქმიანობის აზრი და მიზანი კი საქართველოს ბედის ძებნა იყო.

აგვიყვლია სიყრმიდანვე ჩვენ ქართლის ბედმა
და დაე გვძრახონ, — ჩვენ მის ძებნით დავლით დღენი.
(„ჩემო კლამო, ჩემო კარგო...“)

საქართველოს ბედის მძებნელის დიდი მისია რომ შეესრულებინა, ილიას ზედმიწევნით უნდა სცოდნოდა ჩვენი ხალხის წარსული და აწმყო, ხასიათი და თვისება, ზნე და ჩვეულება, სულიერი წყობა და გონებრივი ავლადიდება.

ფანტიკოსის სიყვარულით და დაუნდობლობით უნდა გაეისინჯა, გაეჩხრიკა, აეწონ-დაეწონა ყოველივე. ასეც მოიქცა. ანატომის გულგრილობით დადო საოპერაციო სარეცელზე საქართველოს ეროვნული სხეული. არ დაუტოვებია კუნძულიც კი შეუმოწმებელი. შეისწავლა და დასვა თავზარდამცემი დიაგნოზი:

ჩვენისთანა ბედნიერი
განა არის სადმე ერი?!
მძიმე უაღრესად,
ლამაზ ფაღონით
მორთული და მშვენიერი.
უწყინარი,
უჩინარი,
ქედრეკილი, მაღლიერი;
უმფოთველი,
ქვემძრომელი,
რიგიანი, წესიერი;
ყოველად მთმენი,
ვით ჯორ-ცხენი,
ნახედნი და ღონიერი.
ჩვენისთანა ბედნიერი
განა არის სადმე ერი?!
ყველა უნჯი,
ყველა მუნჯი,
გულწივილი და ღმობიერი;
თვალაბმული,
თავაკრული,
პირს ლაგამი ზომიერი;
ყველა ყრუი,
ყველა ცრუი,
ქკვადამჭდარი, გულხმიერი;
მცირე, დიდი,
ყველა ფლიდი,
ცულლუტი და მანკიერი.
ჩვენისთანა ბედნიერი



განა არის სადმე ერი?!
 მტვერწყარილი,
 თავდახრილი,
 ყოვლად უქმი, უღიერი;
 უზღუდონი,
 გზამრუდონი,
 არ გამტანი და ცბიერი:
 მტრის არ-მცნობი,
 მოყვრის მგმობი,
 გარეთ მხდალი, შინ ძლიერი;
 არ-რის მქონე,
 არ-რის მცოდნე,
 უზრუნველი და მშვიერი.
 ჩვენისთანა ბედნიერი
 კიდევ არის სადმე ერი?

(„ბედნიერი ერი“)

როცა ამ ლექსს წერდა, ილია 34 წლის იყო. კარგა ხანი იყო გასული იმ დღიდან, რაც მან კითხვა დასვა — როგორ შევეყრები მე ჩემს ქვეყანას? რას ვეტყვი მე ჩემს ქვეყანას? ილიამ ყველაფერი ალაღად და გულწრფელად უთხრა. სხვანაირად არც შეიძლებაოდა. ყოველგვარი პირმოთნეობა, გუნდრუკის კმევა, ცრუ ხოტბადიდება ღალატს უღრიდა. ამასთანავე ზნესრული ადამიანისათვის ყოვლად მიუღებელი და შეუფერებელი იყო სუტპატრიოტობა.

არა, არ ვუქებ ვაჟკაცსა
 კაცთა მუსვრას და ომსაო!...
 ვაჟკაც იგია, ვინც მართალს
 ეტყვის ქვეყანას მცდომსაო;
 ვინც არ შეუდრკა მრავალსა,
 ხშირად მართლისთვის მწყრომსაო,
 ვინც კრავს უმანკოს ეკრძალვის
 და პირში უდგა ღომსაო.

(„ღამაკვირი“)

საქართველო მცდომი ქვეყანა იყო და მართალი სიტყვა ჰაერი-ვით სჭირდებოდა.

„ბედნიერ ერს“ იოლად დასანახი ორი პლანი აქვს — მამხილებელი და თანამგრძობი. უკვე კითხვა — ჩვენისთანა ბედნიერი გა-

ნა არის სადმე ერი? — რომელიც რამდენჯერმე მეორდება, ერთ-
დროულად შეიცავს მწარე ირონიას და ჭირისუფლის უკურნებელ
სევდას.

ჩემზედ ამბობენ: „ის სიავეს ქართლისას ამბობს,
ჩვენს ცუდს არ მალავს, ეგ ხომ ცხადი სიძულვილია“
ბრძიყენი ამბობენ, კარგი გული კი მაშინვე სცნობს —
ამ სიძულვილში რაოდენიე სიყვარულია

} }

(„ჩემო კლამო, ჩემო კარგო...“)

ათასხუთასწლიან ქართულ ლიტერატურაში „ბედნიერი ერის“
ბადალი სატირული ლექსი არ არსებობს. არ არსებობს არც გაბე-
დულები და გულახდილობის, არც სულიერი ტკივილისა და ტან-
ჯვის თვალსაზრისით. თითოეული სტრიქონი დაწერილია სისხლით.
თითოეულ ფრაზას დავით აღმაშენებლის მოქნეული ხმლის ძალა
აქვს.

ერის მანკიერი თვისებების წინააღმდეგ ბრძოლა ძირითადი ამო-
ცანის — ერის განთავისუფლების — ნაწილი იყო. ზნესრულობას
მუდმივი და უწყვეტელი კავშირი აქვს თავისუფლებასთან. თუ ეს
კავშირი დაირღვა, იქმნება ტრაგიკული მდგომარეობა. ილიას აღწე-
რილი სურათიც ამ კავშირის დარღვევის ნაყოფია. ილიას ერთ
ლექსში („კითხვა-პასუხი“) საქართველო-ქვეყანა ეუბნება საქარ-
თველო-ერს:

— მე სამოთხე ვარ, და თქვენ კი, თქვენ კი...
ვაი, ძე ჩემი, ბედკარულ, უძღურს!..
იქ თვით სამოთხე ჯოჯოხეთია,
სად თვის შხამს ანთხევს მტრობა და შური.
საყვარელი ვარ... ჩემს მზიან ჩრდილში
სიყვარულს უნდა თვის ტახტი ედგას, —
და ვაი, იმის სანაცვლოდ თქვენ კი
ერთმანეთს აყრით კრულვას და წყევლას!..
მადლით სავსე ვარ და ვაი, ჩემს შვილს
ეგ მადლი ჩემი ვერ უშენევიას;
და ან იქ რა ჰქმნას თვით წმიდათ-წმიდამ,
სად ცოდვას მადლი დაუძლევია?
მე მდიდარი ვარ და თქვენ კი, თქვენ კი....
ლუკმა-ნატრულნი ერთმანეთსა სკამთ,

მე ტკბილ ცხოვრების წყაროსა გაწვდით,
და ვაი, თქვენ კი ძმა ძმის სისხლსა სვამთ!..
იქ თვით სამოთხის წალკოტი, მღვლო,
უღაპრო-ღაა ურგებ-ურწყული;
სადაც არ აზნევს თვის წმინდა ნაშსა
სულა მართალი და წრფელი გული.

მართალი სული და წრფელი გულიც ზნესრულობის ატრიბუტებია. მაგრამ მათ ფუნქცია დაუკარგავთ. გათიშულა ქვეყანა და ერი. გამქრალა ჰარმონია. ამის აღდგენაა უპირველესი ამოცანა და მოვალეობა. ეს ამოცანა, ეს მოვალეობა თანაბრად უნდა ესმოდეს კონკრეტულ პიროვნებას და მთელ ერს. ილია „ქართულის დედას“ ეპიგრაფად უმძღვარებს ლაიბნიცის სიტყვებს — „აწმყო შობილი წარსულისაგან არის მშობელი მომავალისა“. თუ აწმყო არ გარდაიქმნება, ფუჭი ოცნებაა კეთილი მომავლის მოლოდინი.

დედავ! ისმინე ქართლის ვედრება:
ისე აღზარდე შენ შეილის სული,
რომ წინ გაუძღვეს ქეშმარიტება,
უკან პრჩეს კვალი განათლებული.

გამოჩნდა ახალი პრობლემა — მომავლის შექმნა. ვინ უნდა განახორციელოს ეს? ამ კითხვას რომ ვუპასუხოთ, ილიას ლირიკის ღრმად დამალული სქემა უნდა გავაშიშვლოთ.

სქემა ასეთია: ქართველთა ერს მანკიერება დაეუფლა (გარდა ზემოთ ციტირებული ლექსებისა, ეს „აჩრდილშიაც“ მძაფრად არის აღწერილი). ილია აზხელს მანკიერებას. ითხოვს მის უარყოფას, დათრგუნვას. დაეძებს მსხნელს, რამეთუ მან უნდა შექმნას მომავალი.

აქ ბაზალეთის ტბის სახით მითოლოგიურ-ალეგორიული პლანი შეზოდის ილიას პოეზიაში. ბაზალეთის ტბაში ჩადგმულ ოქროს აკვანში წევს ყრმა.

ამას კი აღარ ამბობენ
აკვანში ვინ ჩააწვინა,
ან თვით ერმა თვისი ცრემლი
ზედ ტბად რისთვის დაადინა...

მითოლოგიის თანახმად, წყალი განახლება-ალორძინებას ნიშნავს. წყალში მწოლიარე ყრმა, ცხადია, განნაახლებელია. ამასთანავე ვაშინერსი ადევს და ხსენება არ შეიძლება მხსნელის, შესიის. ესეც მითოლოგიური ტრადიციაა. ისიც უნდა აღინიშნოს, რომ ილიას ლირიკის სქემა ჰგავს ბიბლიის ავტორების სქემას: ებრაელთა ერს დაეუფლა მანკიერება. ამის გამო გოდებენ წინასწარმეტყველნი. იუწყებიან მესიის, მხსნელის მოსვლას. იგი მოდის. „შვეს ძე და უწოდინ სახელი მისი იესო, რაძეთუ ზან იხსნეს ერი თვისი ცოდვათა ზათგან“. ამიტომ მიმართავს ილია ქართლის დედას:

აღზარდე შვილი, მიეც ძალა სელს,
საზრდოდ ხმარობდე ქრისტესა მცნებას,
შთავონებდე კაცთა სიყვარულს,
ძმობას, ერთობას, თავისუფლებას...



აწმყოს გარდაქმნას, მომავლის ნონზადებას, მხსნელის მოლოდინს შეეწირა ილიას სიცოცხლე, მაგრამ, როცა იგი წიწამურის ველზე განგძირული დაეცა, მას მისი ცხოვრების ძირითადი კითხვის — „მაჟლო, საყვარელო, შენ როსლა აყვავდები?“ — პასუხი მიღებული არ ჰქონდა.

II

არაფროვის უარყოფა

ლუარსაბ თათქარიძის სახით ილია რომ საერთოქართულ მოვლენას გულისხმობდა, ეს თავად აღნიშნა მრავალგზის „კაცია-ადამიანიში?!“.

„ჩვენ პირთან საქმე არა გვაქვს, ჩვენ საზოგადო კირზედა ვწერთ“, იმთავითვე აცხადებს მწერალი მკაფიოდ და ნათლად. მერე გზადაგზა, ყველა აუცილებელ შემთხვევაში, ახსენებს მკითხველს მოვლენის საერთოქართულ ხასიათს.

დავაკვირდეთ.

ილია ლუარსაბ თათქარიძის უბადრუკ სახლ-კარს აღწერს და დასძენს: „იმას ერთყა გარშენო ძველი ტყრუშული ღობე, რომელიც ზოგიერთგან გადაქცეული იყო და ეხლანდელს პატრონს არც

კი მოსვლია ფიქრად, რომ გაეკეთებინა, ეტყობა, რომ ქართველია!..“

სილარიბეს და გაკვირვებას არ დაუტყვევია თათქარიძის კარ-მიდამო, ლუარსაბი კარგა მდიდარი კაცია. „მაშინ რაღად სდგას ეგრე ცუდად? — მკითხავეს გაკვირვებული მკითხველი, იმიტომ, რომ ქართველია, — მოგიგებთ სრულიად დარწმუნებული, რომ კაი საბუთი გითხარით“.

სახლ-კარი კი დაქცეოდა ლუარსაბს, მაგრამ სამაგიეროდ „ფერი კარგი ჰქონდა, ხორცი უკეთესი, სმა-ჭამა და ძილი ხომ რაღა. მეტი რა უნდა ქართველ კაცს, რომელიც ბედსა და უბედობას ბალნით არჩევს“.

მოტყუებული ლუარსაბი ბედს უდრტვიწველად ემორჩილება. მაგრამ არც ეს მორჩილებაა პირადი თვისება. ესეც საერთოქართული ყოფილა. „კარგი რამ არის ქართველი კაცი: ბედსაც და უბედობასაც თანასწორად ემორჩილება ხოლმე“.

დარეჯანმა არ იცის, ვინ არის ბიბლიური იაკობი, მაგრამ არცოდნის აღიარებას თაკილობს. „ისევე რაღაცა მოჭორება ირჩივა „არ ვიცის“ თქმასა, როგორც ამგვარ შემთხვევაში ყველა ქართველმა იცის ხოლმე“.

ილია არ კმაყოფილდება ამ მითითებებით და მოთხრობის დასასრულს მკითხველს ასე მიმართავს: „ჩვენდა საუბედუროდ, თქვენში, მკითხველო, ძნელად იპოვება იმისთანა კაცი, რომ მართალს სიტყვას გონება გაუსწოროს. ვიცი ეს და მაინც კიდევ პირში — როგორც მოყვარე — გეტყვი, რომ ლუარსაბი და დარეჯანი შენს კალთაში დაბადებულან და შენის ძუძუთი გაზრდილან, გინდა მიწყინე, გინდა არა. თუ იმათ დასცინებ, მითამ შენის თავისთვის დაგიცინია, თუ დასტირებ — ეგ კაი ნიშანია: სჩანს, სწუხარ, რომ ამისთანანი ვართ, სჩანს შენის თავის გასწორების განზრახვამ ფრთა აიბა. ღმერთმან ქმნას, რომ ეგ ეგრე იყოს“.

ამრიგად, ცხადია, რომ თათქარიძეობა საერთოქართული მოვლენა ყოფილა. ასევე გაიგო „კაცია-აღამიანი?!“ მე-19 საუკუნის ქართულმა ლიტერატურულმა კრიტიკამ. კიტა აბაშიძე წერდა: „ილია ჭავჭავაძე თათქარიძეთა სახით მთელი ჩვენი ერის ცუდ-თვისებათ და ნაკლოვანებას გვიხატავს“.

მაინც რა არის ეს ცუდი თვისება და ნაკლი? რა კონკრეტული კომპონენტებისაგან შედგება თათქარიძეობა?

✓ თვისება პირველი: სიზარმაცე.

ლუარსაბზე ამბობდნენ, სტუმარი ეჯავრებოდაო. მაგრამ ეს თურმე სიძუნწით არ მოსდიოდა. ილია ირონიულად შენიშნავს, სიძუნწე და ქართველი ისე ვერ მოთავსდება ერთად, როგორც ცეცხლი და ყინულო. მაშინ რატომღა ესიკვდილებოდა ლუარსაბს სტუმრის მოსვლა? „სტუმარი იმიტომ ეჯავრებოდა, რომ უნდა ამდამდგარიყო და ტანთ ჩაეცვა. ადგომა კიდევ არაფერი. ეს ისე არ ეზარებოდა ლუარსაბს: ტანთ ჩაცმა იყო ამის სიკვდილი“.

სიზარმაცე არ არის ერთფეროვანი მოვლენა. იგი მრავალსახიანია. სიზარმაცის ნაირსახეობა ცრუსაქმიანობა, ცრუაქტიურობაა. ამაში ლუარსაბის თანამეცხედრეს დარეჯანს ტოლი არ ჰყავს. ეს ქალი ხშირად ტყუილუბრალოდ გამოვარდებოდა, მოსამსახურეებს დააწიოკებდა. აქაოდა საქმეს ვაკეთებ, დღე და ღამე ჭარასავით ვტრიალებ, უქმად კაციშვილი ვერ მნახავსო.

„საკვირველიც იყო და სასაცილოც ამ ჩვენის კნენის ტყუილუბრალოდ ფაცი-ფუცი. ეს ამოდენა დედაკაცი ჩაგოდრებული, ჩასორსლებული, ხშირად დილიდამ შუადღემდინ ფეხზედ იდგა და გორგალსავით დაგორავდა. უსაქმო არ იყო, როგორც ჩანს: იქ მუჯლუგუნს წაჰკრავდა საკერავზედ მთვლემარე წირპლიან გოგოსა, აქ თავში ჩაუტყაბუნებდა ძონძებში გახვეულ პატარა მურთან ბიქსა, რომელიც მთქნარებით და ზარმაცად სწმენდდა სალამოსათვის ჯერ კიდევ წუხანდელ გაქონილს შანდალსა, აქ იმას გაუწყრებოდა — რაზედ? თითონ კნენიამაც არ იცოდა — რაზედ; აქ ამას გამოგილანძღავდა — რისთვის? არც ეს იცოდა კნენიამა; დასწყევლიდა, დაჰქოლავდა, დატუქსავდა. — ერთის სიტყვით — მთელის ღამის ნაგუბარსა წამოანთხევდა ქვეშევრდომებზედ, — და მერე დაღლილი და დაქანცული შემობრუნდებოდა: თუ გოგო დაჰხვდებოდა, ვერ მათმენდა, რომ ერთი მუჯლუგუნი კიდევ არ ეთავაზებინა, „მეხი კი დაგეცასაც“ ზედ დაატანდა, თუ ქეიფზედ იყო, — და ეგრე ქანც-გაწყვეტილი შეგორდებოდა ოთახში“...

ეს უაზრო ბზრიალ-ტრიალი და ფაცა-ფუცი ლუარსაბს საქმე ეგონა და კმაყოფილი ბუტბუტებდა: „კაი ოჯახის ბურჯია, კაი მად-

ლიანი დედაკაცია! გმადლობ, ჩემო გამჩენო, რომ ამისთანა შემახვედრე“.

სიზარმაცის, ცრუაქტიურობისა და ცრუსაქმიანობის შედეგი ნათელია. ამის უტყუარი ილუსტრაციაა ლუარსაბ თათქარიძის სახლკარი. დახატულია სრული გაპარტახების, ნგრევისა და იავარქმნის სურათი. ლუარსაბ თათქარიძის უბადრუკი სახლ-კარის ხილვა ყოველ ნორმალურ ადამიანში ერთ სურვილს უნდა იწვევდეს: ხელები დაიკაპიწოს, ნებისყოფა მაქსიმალურად დაძაბოს, მდგომარეობა გონივრულად განჭვრიტოს და არსებობის შესანარჩუნებლად თავდაუზოგავად იშრომოს. ამ ლოგიკური დასკვნის მაგიერ ლუარსაბ თათქარიძე თვითკმაყოფილია და კვებნის დაუოკებელი სურვილით სავსე. ეს თათქარიძეობის პარადოქსია, მაგრამ მაინც შინაგანი ლოგიკით გაპირობებული, კვებნის აუცილებლობა მაშინ იბადება, როცა სიზარმაცის დაძლევა აღარ შეიძლება, ჭეშმარიტი საქმე და ცრუსაქმიანობა ერთმანეთისაგან ვერ გაგირჩევიან და აღარც უნარი შეგწევს მდგომარეობა უკეთესისაკენ შეცვალო. არადა არც იხტიბარის გატეხვა გინდა. პოზის შესანარჩუნებლად იწყება კვებნა.

ასე ვლინდება თათქარიძეობის მეორე თვისება — თვითკმაყოფილება და კვებნა.

„ძლივს არ გავისტუმრე ურმები (ტყუილიც უყვარდა ჩვენს ლუარსაბსა), ძლივს! დალაზვროს ღმერთმა გლეხკაცი. ვეყო, მინამ თავს არ დაადგები და კარგად არ დასჭყივლებ, ხელს კი არ გასძრავს და. გაგონილა! მე რომ არ ვყოფილიყავ, ყანა შინდორში დაგვილპებოდა“.

„— ეჰ, რას ამბობ, ჩემო რძალო! წელს ოთხი თქვენოდენა ნახნავები მქონდა, — მიუგო ლუარსაბმა. ამგვარებში ლუარსაბმა საშინელი კვებნა იცოდა. — რას ბრძანებთ!.. ჩემოდენა მოსავალი კახეთში ორს არ მოუვა, ქართლშიაც ბევრს არ მოუვა“...

ცოლ-ქმარი მკითხავმა მოატყუა. გაამასხრა და გააცუცურაკა. ლუარსაბიცა და დარეჯანიც მოგვიანებით მიხვდნენ ამას. მოტყუება იუკადრისეს, მაგრამ იხტიბარი არც ერთმა გაიტეხა და არც მეორემ. ვითომ მკითხავს ოინებს მაშინვე მიუხვდნენ, ოლონდ თავაზიანობის გამო არა აკადრეს რა ცრუსა და მატყუარას.

—მე კი გამოვიცან, აი, — დაიკვება ლუარსაბმა. დარეჯანს თუმცა ლუარსაბი უყვარდა, მაგრამ მაინც კიდევ თითონ უნდოდა, რომ გამოცნობის სახელი ამისი იყოს და არა ლუარსაბისა: კაცი სულელი თუ ბრძენი, ყოველთვის თავმოყვარეა. — განა, რომ მდომებოდა, მე კი ვერ გამოვიცნობდი, — მიუგო დარეჯანმა, — არ მინდოდა, თორემ გუშინვე გამოცნობილი მქონდა“.

თათქარიძისებური კვების საინტერესო მხარე ის არის, რომ ამ ტრაბახის არავის სჯერა, გარდა თავად ლუარსაბისა და დარეჯანისა. მაშინადადმე ეს კვებნა მხოლოდ თვითმოტყუებაა.

„—პურის მოსავალი როგორი გაქვთ წელს? — ჰკითხა დარეჯანმა.

— თქვენმა მზემ, შარშანდღეზედ ცოტა. თქვენს მაზლს ოც-დაათის ურმის იმედი აქვს, — დაიტრაბახა ელისაბედმა.

— ეგ, ბატონო, კაი მოსავალია. ოც-დაათი ურემი ხუმრობა არ არის; ჩვენც მოგვივა მაგდენი, მაგრამ ჩვენ ერთი ორად მეტი ნახნავი გვქონდა თქვენზედა, — იტყუვა თავის რიგზედ დარეჯანმაც“.

თათქარიძეებს რაიმე აუცილებლობა ან შემთხვევითობა არ აძულებს იცრუონ. ტყუილი მათი არსებობის პრინციპია. დარეჯანმაც იცის, რომ ტყუის და ელისაბედმაც, მაგრამ ორივენი მაინც ცრუობენ. ასევე შეგნებულად ტყუიან მათი გოგო-ბიჭებიც.

ცბიერი და გაიძვერა მკითხავი შვილსდანატრებულ ლუარსაბსა და დარეჯანს ატყუებს: შთამომავლობა იმიტომ არ გყავთ, რომ თქვენს სახლში ჯადო ყოფილაო. სანამ ამ ჯადოს არ მოიცილებთ, არაფერი გეშველებათო. მერე ვითომ ეს ჯადო სახლის უკან ორმოში იპოვეს. ნამდვილად კი არც ორმო ყოფილა და არც ჯადო. ეს ლუარსაბმაც იცის და ბიჭებმაც. მაგრამ ლუარსაბი თავს იტყუებს, ბიჭები კი ლუარსაბს აბითურებენ.

„—არა, თქვენის ორი თვალითა ნახეთ?

— ორის თვალითა, აი ასე, როგორც შენა გხედავთ, ბატონო!“

ამ სიცრუეს ბიჭები იმით ამართლებენ, რომ ტყუილი ბატონს ესიამოვნება: „—შენ რა გენადვლება, ძმაო, — წასჩურჩულა ერთმა ხნიერმა გამოცდილმა გლეხკაცმა, — ხომ ხედავ — ბატონს უხარია, რომ იქ ორმოა. დაე, ეგონოს, რომ ორმოა, შენ რა?“.

არც ისე გულუბრყვილო და უმტკივნეულოა ეს — „შენ რა“. აქ პირადი სარგებლობისა და გამორჩენის პრინციპია შენიღბული. პრინციპი — შენ რა — ყოველგვარ ვერაგობას უხსნის გზას. ვერაგული მოტყუებით შეირთო ლუარსაბმა დარეჯანი. ძმა რომ ძმაც, ძმამაც კი გაყიდა მაშინ ლუარსაბი. ჯერ სუტ-კნენინამ დაახვია თავბრუ: მოსე გრძელაძის ქალი დარეჯანი მზეთუნახავიაო. მერე ლუარსაბის ძმას სხვა ქალი აჩვენეს და მოხიბლეს. მართალია, ჯვრისწერის წინ დავითი მიხვდა, რომ თვალი აუბეს, მაგრამ ამოქმედდა პრინციპი — შენ რა? შენ ხომ არ ირთავ დარეჯანს ცოლად? აილე ათი თუმანი, ჯიბეში ჩაიდევ და გაჩუმდიო. დავითმაც არხეინად გაყიდა ძმა ათ თუმნად.

თუ ლუარსაბი სუტ-კნენინამ მოატყუა, მოსე გრძელაძემ სუტ-კნენინა დატოვა მშრალზე. ჯერ გასამრჯელოს შეჰპირდა, მერე, როცა საქმე გაინაღდა, სუტ-კნენინას ის ფეხის ქირაც წაართვა და ხულაშიც დაამწყვდია.

ამრიგად, ყველა ცრუ და მატყუარაა. მაშასადამე, თათქარიძეობა ტყუილზე აგებული არსებობაა.

თითქოსდა ტყუილი აღშფოთებასა და პროტესტს უნდა იწვევდეს, მაგრამ თათქარიძეობის პარადოქსი ის არის, რომ ამა თუ იმ პროცესს ლოგიკური შედეგი არ მოსდევს. პირიქით, ალოგიკური რეზულტატია მისთვის ბუნებრივი. ამჯერად ასე მოხდა: პროტესტის მაგიერ სრული კმაყოფილება დაიბადა.

ჩვენმა ლუარსაბმა ესე დაიწერა ჯვარი. თუმცა ძალადობით მოხდა ეს, თუმცა მზითევშიც მოატყუეს და მზეთუნახავის მაგიერ მახინჯი დარეჯანი შერთეს, მაგრამ — შუბლზედ ეგ მეწერაო — იფიქრა და დაემორჩილა ბედისწერას. ბოლოს ხომ, — შენც იცი, მკითხველო, — რომ ამათ ერთმანეთი შეუყვარდათ. ამათ კი ისე ეგონათ, რომ უყვართ ერთმანეთი და სხვისა კი არ ვიცი. „ფერი ფერსაო, მაღლი ღმერთსაო“, — ნათქვამია, ფერი ფერს შეხვდა და ერთმანეთი შეიფერეს. ეს შეფერება ჩვენში ცოტასა აქვს მიღებული სიყვარულად? კარგი რამ არის ქართველი კაცი: ბედსაც და უბედობასაც თანასწორად ემორჩილება ხოლმე. არც ერთისათვის გაიხეთქს თავს და არც მეორისთვის დაიწყებს ბრძოლასა, — და არის ისე ყველგან ერთნაირად გულგრილი და შეუპოვარი. ამ გულგრილობას და შეუპოვრობას კმაყოფილებად აღიღებენ; კმაყოფი-

ლუბა კიდევ — ვილაცამა სთქვა — ბედნიერება არისო. ბევრჯერ უთქვანთ დარბაისელთ ნოხუცებულთ ჩემთვის, რომ ახალ თაობას იაითი მაინც ვჯობივართო, რომ ჩვენ ცოტას კმაყოფილებიყა ვართო. მე კი დაეჩუენებულვარ და გამიფიქრია: „კმაყოფილება კაციის მომაკვდინებელი სენია. ბედნიერია ახალი თაობა, თუ მართლა ის კმაყოფილება არა აქვს. იმედი თუა სადმე, ამაში უნდა იყოს: უმადლონი სჯერდებიან მას, რაც არის, ანიტომაც იმათში უფრო ბევრია ბედნიერი, ლადლიანნი კი მწვლად: ამათ ყოველთვის უკეთესი უნდათ იმიტომ, რომ კარგს უფრო კარგი მოსდევს თანა, „მჯობის მჯობი არ დაეღუევაო“ — ნათქვამია.

ჩვენი ცოლ-ქმარნი კი ამისთანანი არ იყვნენ: ამათ თავიანთ ცხოვრებაზედ „მჯობი“ ცხოვრება არ ეგონათ ქვეყანაზედა. ესენი კმაყოფილნი იყვნენ: ვალი ამათ არ ემართათ და ვახში, დავა არავისთანა ჰქონდათ და დარაბა“...

ეს სრული კმაყოფილება ბუნებრივად იწვევს პირფერობასა და ფარისევლობას. ისინი ერთმანეთს განაპირობებენ და ერთმანეთით არსებობენ.

ლუარსაბმა მოურავ დათოს მოუხმო. უნდოდა შეეტყო, სანოვაგე მოიტანა თუ არა ბაზრიდან. დათომ არ დააყოვნა და ბატონს ნაირნაირები ჩამოუთვალა. კმაყოფილმა ლუარსაბმა მოურავი შეაქო:

„— ეგრე, ჩემო დათო! ბატონის ოჯახის პატივი და სახელი ერთგულმა ყმამ ქვეყანას უნდა მოსდოს. ბარაქალა! თუნდ ნაკლული იყოს, უნდა სთქვა, რომ სავსეაო (ხედავთ, აქაც ტყუილისაკენ მოწოდებაა — ა. ბ.). შენ გამოცდილი კაცი ხარ, — ეს ყველაფერი იცი.

— ამოდენა კაცი შენს ხელში ვარ და როგორ არ მეცოდინება, შენი ჰირიმე“, — მოუქონა თავი ლუარსაბს დათომაც.

გლების ქალი ბაბალე მივიდა და დარეჯანს სთხოვა: ჩვენი კამეჩი მეველეებს დაუქერიათ, უბრძანეთ, გაუშვანო. დარეჯანმა ეს ლუარსაბს აცნობა. ლუარსაბმა მოურავს დაუცაცხანა და ბრძანა — კამეჩი დაუყოვნებლივ გაუშვიო.

„— ჰხედავ, — უთხრა დარეჯანმა, როცა ლუარსაბი წავიდა, — ჰხედავ, რა რისხვა შეუთვალა, იქაურობას სულ ააწიოკებს.

— დიდება აქვს, შენ გენაცვალე, და იმიტომ.

— ეგეც ხომ, მაგრამ ხმაც დიდი აქვს სოფელში გავარდნილი-
აი, დავით, ჩემი მაზლი: იმას კაცად არავინ აგდებს.

— აბა, შენი კვნესამე, იმათ ფეხი სად მოუწვდებათ თქვენამდინ;
ელისაბედოც მითამ თავადისშვილის ცოლია და თქვენცა?“

ქალბატონს რძალ-მაზლის ლანძღვა-გინება ესიამოვნებოდა და
გაიძვერა ბაბალემაც გუდას თავი მოხსნა, დავითი და ელისაბედი-
მიწასთან გაასწორა. მერე მოულოდნელად ჭორაობა შეწყვიტა.
ცნობისწადილმორეული დარეჯანი ჩააცივდა, კიდევ რას მეტყვიო,
მაგრამ ბაბალემ პირში წყალი დაიგუბა და აღარაფერი თქვა. და-
დუნებულ ბაბალეს დარეჯანმა შეაპარა, იმათი ხომ არ გეშინიაო?
ქლესა ბაბალემ სასწრაფოდ მიაგება პასუხი ქალბატონს. „—თქვე-
ნისთანა მწყალობელი რომ კაცს სადმე ეგულებოდეს, იქ ვილასი უნ-
და ეშინოდესო“.

თვალთმაქცობასა და პირფერობას საზღვარი არ აქვს. დარეჯა-
ნიცა და ლუარსაბიც უზომოდ ტყბებიან დავითისა და ელისაბედის
აუგით. მაგრამ საკმარისია რძლები ერთმანეთს შეხვდნენ, რომ
ურთიერთი პირზე კოცნით მოიკითხონ და უკვე სხვები ლანძღონ და
ათრიონ. ვინმე თავად ნიკოლოზს მოახლესთან არშიყობა დაუწყია.
დარეჯანსა და ელისაბედს უკეთესი საბაბი არც უნდათ და ნიკო-
ლოზი სასწრაფოდ ლაფში ამოსვარეს. ვითომ მისი საქციელი დაგ-
მეს და დაიწუნეს. მაგრამ გმობა პირფერული ყოფილა, აღშფოთე-
ბა — ცრუ.

„—რომ არ გავგონილა ყურით და ენით არა თქმულა ქალისაგან
ვაუკაცის გალახვა და ქმრისაგან ეგრე აშკარად მაგისთანა ამბები
სირცხვილი აღარ არის ეხლანდელ დროში. პირში წყლი გაგვშრო-
ბია.“

— არა, ისე ჩუმად მოეხდინა მაინც იმ სულის მტერსა, კიდევ
არაფერი იქნებოდა, — სთქვა დარეჯანმა.

— ჩუმად რომ მოეხდინა, ვინ რას იტყოდა? — გააწყვეტინა-
სიტყვა ლუარსაბმა, — განა უწინ კი არ იყო მაგისთანა ამბები,
ხორციელები არ იყვნენ თუ? მაგრამ უწინ სულ დაფარული იყო,
ისე დაიჭერდნენ საქმეს — რომ ხორციელ ადამიანს არ გააგებინებ-
დნენ, — ბევრი მაგისთანაები მომხდარა უწინაც, მაგრამ აბა ერთი
შეგიტყვიათ რამე? სულ ისე ჩუმად და გონიერად იცოდნენ უწინ.
ყველაფერი, ამიტომ რომ პირში წყალი ჰქონდათ“.

როგორც ხედავთ, ლუარსაბსა და დარეჯანს მოვლენა ან ფაქტი კი არ აწუხებთ, არამედ მისი გამქლავნება. თუ არ გამქლავნდება, დააქციე ქვეყანა. ამის გამო თათქარიძეები თავს არ შეიწუხებენ. ოღონდ პირფერობისა და თვალთმაქცობის ნილაბი გულმოდგინედ უნდა გქონდეს აფარებული.

ამ ნილაბს არ ლალატობს არც ბატონი, არც ყმა. ხმა გავარდა, ბატონყმობა უნდა გადავარდესო. ლუარსაბმა, ცხადია, არ დაიჭერა ეს და დათოს მოუხმო:

„—... ყმები ჩამოგვეერთმევო, რომ ამბობენ, ტყუილია. გესმის თუ არა? ყველას უთხარი, რომ ტყუილია. ხელმწიფეს მოუწერია, რომ დავარჩობ, ვინც იტყვის, რომ ეგ მართალიაო, ვინც გუნებაში მაგას გაიტარებსო, გაიგე?“

— გავიგე, შენი ჭირიმე! — უბასუხა დათომა, — განა მაგას ვინა ჰფიქრობს? აი, რალაც გოგო-ბიჭები მიჰქარავენ, შენი ჭირიმე, იმათ ვინ დაუჯერებს, წვრილფეხობის სიტყვა რა დასაჯერია? იყბედებენ და დაჩუმდებიან.

— ეგრე სთქვი ხოლმე სხვაგანაც, ჩემო დათო. ან რა კარგო იქნება თქვენთვის, რომ ჩვენ არა გყვანდეთ.

— შენი მტერი ყოფილა, ჩვენ ვიქნებოდით, შენი ჭირიმე!

— რაც უნდა იყოს, მამასავით გპატრონობთ.

— დიად, შენი ჭირიმე! სწორედ მამა ბრძანდებით და ჩვენ შვილები ვართ. თუ ხანდისხან გავვიწყრებით, აგვიკლებთ, წაგვართმევთ, — ეგ რა? სულ ჩვენი სიკეთისათვის არის ხოლმე, განა მამა შვილს არ გაუწყრება?“

ასე გრძელდება ბატონსა და ყმას შორის ფარისევლური საუბარი. ერთმანეთი სძულთ, ეზიზღებათ, მაგრამ მაინც ლიქნასა და ლაქუცს ამჯობინებენ. სხვაც მოატყუე და თავიც მოიტყუე. თუ არაფერს შეიძენ, არც არაფერს დაკარგავ. თან მშვიდად იცხოვრებ და ამქვეყნიური ჭირ-ვარამიც ნაკლებად შეგაწუხებს.

უნებლიეთ იბადება კითხვა — სიზარმაცის, ცრუსაქმიანობის, ტყუილის, თვითკმაყოფილების, კვებნისა და პირფერობის ატმონფეროში რა უნდა აკეთოს ადამიანი? ჭამოს. სხვა აღარაფერი დარჩენია მას. და ლუარსაბიცა და დარეჯანიც ჭამენ. „ხვალ რა ვჭამოთ“, — იტყოდნენ საღამოზედ. ეს იყო იმათი აზრის აღებ-მიცემა“.

ლუარსაბისა და დარეჯანის ცხარე დისკუსიები თართისა, და

ორაგულის, ჩიხირთმისა და ბოზბაშის შესახებ ყოველი წიგნიერი ქართველისათვის კარგად არის ცნობილი და ამიტომ ციტატებით მკითხველს თავს აღარ მოვაბეზრებ.

თათქარიძეების ცხოვრების სურათი ნათელია. მაგრამ ასეთ ცხოვრებას, რა უნდა მოჰყვეს, როგორ უნდა გაგრძელდეს იგი? ილია მკაფიო პასუხს იძლევა — სრული უნაყოფობაა ასეთი ცხოვრების დასასრული. რამდენი არ იწვალეს ლუარსაბმა და დარეჯანმა, რამდენი არ ილოცეს, როგორ არ შეაწუხეს ღმერთი, მკითხავსაც კი დაუჭერეს და თელეთის ხატიც მოილოცეს, მაგრამ არ იქნა და არა: არ შეეძინა ლუარსაბს შვილი. ილიას ნოთხრობაში ლუარსაბისა და დარეჯანის შვილიერების ხაზს ალევორიული შინაარსი ჰქვს. ეს უნაყოფობა ყოველგვარ უნაყოფობას გულისხმობს. ამიტომაც არ გააჩნია ცოლ-ქმარს არავითარი ნიჭი. ერთადერთი, რაც მათ შეუძლიათ, ჭამა და ძილია. არც აკეთებენ სხვას არაფერს.

უშვილობით დადარდიანებულმა დარეჯანმა სოფლის აქიმს მიმართა. ორი კვირს ასმევდა ექიმმაში რაღაც წამალს დარეჯანს. ბოლოს, მესამე კვირას იმ წამალმა დარეჯანი წუთისოფელს გამოასალმა. ცოლის სიკვდილმა ლუარსაბი წაახდინა. გაახმო და დააჰკნო ეს ქონითა და ხორციტ სავსე კაცი. მერე ფერიცვალობის დღეს ნათლიმაჰამ ნახევარი ლიტრა კალმახი მიართვა ლუარსაბს. ზაფრაშეყრილმა ლუარსაბმა ცდუნებას ვერ გაუძლო. იმ კალმახს ლაზათიანად მიადლა. კუჭის ანთება მოუვიდა და სული განუტევა.

„მოკვდა ლუარსაბიცა ისე, როგორც იხოცებიან ბევრი ჩვენთაგანნი, რომელნიც არც თავის სიცოცხლით უმატებენ რასმეს ქვეყანასა და არც თავისი სიკვდილით აკლებენ“.

თავიდან ბოლომდე გავადევნეთ ჩვენ თვალი ლუარსაბისა და დარეჯანის ცხოვრებას. თათქარიძეობის დამახასიათებელი თვისებებიც ჯამოყვავით და უკვე შეგვიძლია დავასკვნათ:

თათქარიძეობა არის ზარმაცობა, ცრუსაქმიანობა, ცრუაქტიურობა, თვითკმაყოფილება, ბაქიაობა, მატყუარობა, პირფერობა, თვალთმაქცობა, ღორმუცელობა და უნაყოფობა.

ამგვარად, თათქარიძეები არაფრობის განსახიერებაა. სად არის შათი ხსნა?

ილიას აზრით, ყოველი პიროვნების ხსნა მტკიცედ უკავშირდება ღმერთმისგავსებულობის პრობლემას. ამას ილია აშკარად და

გაფიქროდ ამბობს „კაცია-ადამიანიში?!“ თათქარიძეების დახასიათებისას, იგი შენიშნავს — „რა იცოდნენ ამათ, რომ თავისის ქცევით, თავისის ცხოვრებით არისხებდნენ ღმერთსა, რომელსაც თავისი სული ამათთვის შთაუბერია“. რატომ უნდა გაერისხებიანთ უწყინარ ლუარსაბსა და დარეჯანს ღმერთი? დანაშაული არ ჩაუდენიათ და ბოროტი არ უქნიათ. ეს თურმე არ კმარა: „წირვა-ლოცვას არ ვაკლდებით, რა გამოვიდა? იქ ყოველთვის გსწენია ჩვენთვის ჭვარცმულის ქრისტეს სიტყვა: „ვითა მამა ზეცისა იყავ შენ სრულიო“. აბა, ან ერთს წამს შენს სიცოცხლეში მაგისტვის სცდილხარ? არა, შენ მაგისტვის არა სცხოვრობ“. ე. ი. ადამიანის უპირველესი ამოცანა უზენაესის ბადალი სრულყოფისაკენ ლტოლვა ყოფილა, რადგან იცხოვრო, ნიშნავს, ეცადო, აღასრულო მცნება — „იყვენით თქუენ სრულ, ვითარცა მამაჲ თქუენი ზეცათაჲ სრულ არს“ (მათე, V, 48). ასეთია ილიას დასკვნა „კაცია-ადამიანიში?!“.

სხვათა შორის, იგივე აზრია გატარებული მოთხრობის სათაურშიც. სიტყვა „ადამიანი“ უთუოდ „ადამიდან“ არის წარმოებული: ადამიანი — ადამის ძე. ამდენად, ადამიანში იგულისხმება დაცემამდელი პირველხატი და მისდაგვარი სრულყოფილება. ილიას აზრით, კაცი არ არის ადამიანი, თუ იგი თავის ცხოვრებით არ ეცდება იყოს პირველხატივით სრულქმნილი.

III

საკმით მებაველი ხული

ალბათ ყველას ახსოვს „ოთარაანთ ქვრივის“ დასასრული.

სოფლის საგოდებელზე მეცხვარეებმა შვილის საფლავზე გადამხობილი, მკვდარი ოთარაანთ ქვრივი იპოვეს. სოფელი ფეხზე დადგა. შეიქმნა ერთი ვაი-უშველებელი. ეცოდებოდათ აგრე საცოდავად გათავებული ქვრივი, მაგრამ დამტირებელი მაინც არავინ ჰყავდა. შვილის სიკვდილის შემდეგ ოთარაანთ ქვრივი მარტოდმარტო და უპატრონო დარჩა. ერთადერთი კაცი, ვისთვისაც ქვრივის სიკვდილით ცა ჩამოიქცა, სოსია მეწისქვილე იყო.

„სოსია მეწისქვილეს ეხლა ორივე მუხლი მოეყარა უსულო ოთა-

ჩაანთ ქვრივის წინ, იმისი მკვდარი ხელი ხელთ ეჭირა და ქვით-
ქვითებდა ჩუმად.

— ადე, რას ჰღმუი უპატრონო ძალღსავით! — დასცინა მოხუცს
ახალგაზრდა გლეხმა ბიჭმა ამხანაგების სამასხროდ. — შენც მითამ
შარაქაში ერევი... შენი რაო?

— ნუ ამბობ მაგას, ჩემო მამავ და შეილო! — უპასუხა თავისე-
ბურად ტკბილად ტირილის ხმით. — სხვა სხვის ომში ბრძენიაო...

იქნება კიდევ ეთქვა რამე სოსიას, მაგრამ ამ დროს ხელდახელ
გაკეთებული საკაცე მოიტანეს და რომ მივიდნენ მკვდრის ასაწევად
და საკაცეზე დასადებად, ვილაცამ წაიბოროძიკა მეწისქვილის ფეხზედ
და ითაკილა.

— ეს ვილა ოხერია, ფეხებში გვედებო! — სთქვა წაბოროძიკე-
ბულმა და ღონივრად წაჰკრა რა ფეხი ბერიკაცსა, დაატანა: — წადი,
იქით გაეთრიეო.

დაბრიყვებული ბერიკაცი გადიქცა თოვლზედ, როგორც იყო
წამოდგა, და როცა ტყავის კალთებს თოვლისაგან იბერტყავდა, უთხ-
რა ხელის მკვრელს:

— ცოცხალზე არ გამახარა წუთის-სოფელმა და მკვდარზედაც
აღარ მატირებთო! ცოდო ვარ, შეილო, ცოდო!..

მართლა რომ ცოდოა!..

მაგრამ სხვა ვინ არ არის ცოდო?

ერთიც ეს არის საჭირობოროტო და წყევლა-კრულვიანი საკითხა-
ვი ამ უთავბოლო და უსწორმასწორო წუთის-სოფელში“.

ამ სურათს მთელი გულსყურით უნდა დავაკვირდეთ. გამოვყოთ
მისი დეტალები, საერთო განწყობილება, დასკვნა, რამეთუ აქ ყვე-
ლაფერია ნათქვამი.

დეტალი: მკვდარი ქვრივის ხელი სოსიას უჭირავს და ქვითინებს.
ამით მინიშნებულია: იგია ერთადერთი ნამდვილი ჭირისუფალი ოთა-
ჩაანთ ქვრივისა.

განწყობილება საქმიანია. ფუსფუსებენ, მოქმედებენ, ვიშვიშე-
შენ, ამ მდგომარეობაში გამოიკვეთება მოტივი: მიცვალებულს პატ-
რონობენ, მაგრამ არავის აინტერესებს ცოცხალი ადამიანი — სოსია.

ხალხის დამოკიდებულება სოსიასადმი უხეში, უსულგულო და
დამცინავია. ცოცხალი სოსია მეწისქვილე, ისევე შარტოა და უპატ-
რონო, როგორც მკვდარი ოთარაანთ ქვრივი.

დასკვნა: ეს წუთისოფელი უთავბოლო და უსწორმასწოროა. ამჟვეყნად ყოველი კაცი ცოდნა. ვინც მოკვდა, თავისთავს მოუყვდა.

და ყოველივე ეს შედეგია იმისა, რომ ადამიანსა და ადამიანს შორის, ადამიანსა და საზოგადოებას შორის არ არის კონტაქტი, ჩატეხილია ხიდი. ასე და ამრიგად, დაისმის „ოთარაანთ ქვრივში“, დღევანდელი ტერმინებით რომ ვთქვათ, უკონტაქტობისა და გაუცხოების პრობლემა.

გაუცხოება ყოვლისმომცველია. ხიდი ჩატეხილია, როგორც სხვადასხვა წოდების, ისე ერთი და იმავე კლასის წარმომადგენელთა შორის. უფრო მეტიც: დედასა და შვილს შორის.

როცა ოთარაანთ ქვრივის გიორგი დაიღუპა, არჩილმა დას უსაყვედურა, გიორგის უანგარო სიყვარული ვერ დაინახეთ. კესომ იუკადრისა ეს და თავი იმართლა: გიორგის იმიტომ ვერ შევირთავდი, რომ არ მიყვარდაო. სიყვარული კი ბრძანებით არ მოდისო. ამაზე ძმამ გულისტკივილით მიუგო: — „განა მზე კი უბრძანებს ხოლმე ვარდს, გაიშალო!.. აქ თავისთავად უნდა მოსულიყო, რომ, უკაცრავად, ბრმა გული არ დახვედროდა, გვარიშვილობის ცხრა კლიტით დაკეტილი“...

არჩილი მართალია კესოს მიმართ. წოდებრივმა სხვაობამ გააჩინა უფსკრული კესოსა და გიორგის შორის, მაგრამ არჩილის სიმართლე სრული სიმართლე მაინც არ არის. იგი მცირე ნაწილია იმ სრული სიმართლისა, რომელსაც კაცობრიობამ უნდა მიაგნოს, თუ სურს გაუცხოების პრობლემა მოაგვაროს.

განა ოთარაანთ ქვრივისა და სოსიას ურთიერთობა ისეთივე ტრაგიკული არ არის, როგორც გიორგისა და კესოსი? ქვრივმაც ხომ ისევე ვერ დაინახა სოსიას სიყვარული, როგორც კესომ გიორგისა. მართალია, ილიას ვრცლად არ აღუწერია ოთარაანთ ქვრივისა და სოსიას ურთიერთობა, მაგრამ, რაც ნათქვამია მოთხრობაში, სრულიად საკმარისია მეწისქვილის ბედის გასაგებად. „თითქმის ოცდაათი წელიწადია მაგ დედაკაცზედ გული შევარდნილი ჰქონია. ჭერ გასათხოვარი ყოფილა, უთხოვნია და დაუწუნიათ. ის დღე და ის დღე, სხვა არავინ უნდომნია, გული აღარავისზედ მისვლია. როცა ოთარაანთ ქვრივი დაქვრივდა, მაშინ ერთხელ კიდევ გაუარა გუნებაში იმისმა შერთვამ, მაგრამ თავის გულში სთქვა — მაგას ისეთი

ქმარი მოუკვდა, რომ მე ფეხის ჩლიქადაც არ ვეკადრებოდი... ველარ შევბედავ, ველარა!..“ ოთარაანთ ქვრივისათვის რომ ვინმეს ეკითხა, სოსია მეწისქვილეს მისთხოვდებოდიო, ისიც კესოსავით უპასუხებდა ალბათ — არაო, არ მიყვარდა და იმიტომაო.

თუ კესოსა და გიორგის წოდებრივი განსხვავება თიშავს, ქვრივსა და სოსიას აცალცალკეევებს ადამიანური ღირსება. თავის დროზე ან ოთარაანთ ქვრივს არ უცენია სოსია ქმრობის ღირსად, ან ქვრივის მშობლებს — სიძობისა. თავად სოსიასაც მიაჩნია ქვრივი მასზე აღმატებული ღირსების ადამიანად, ერთხელ დაწუნებული ველარც კი უბედავს დალაპარაკებას.

სიყვარული კი არა, ოთარაანთ ქვრივმა სოსიას თანაგრძნობაც არ მიიღო.

ოთახში მკვდარ შვილთან მარტოდმარტო დარჩენილი ოთარაანთ ქვრივი გოდებს. ამ დროს მოულოდნელად ტირილი მოესმა. ქვრივი ოთახში უცხოს არ მოელოდა და წყრომით იკითხა:

„ — ვინ ხარ?

— სოსია.

— ვინ სოსია?

— თუ გაგონდება, კარგია, თუ არადა მაინც ღიერთმა გილხინოს, თუ შვილის შერმედ კიდევ რამ სალხენი დაგრჩენია ამ წუთის-სოფელში.

— რატომ არ დამრჩენია? სიკვდილის მოლოდინი ლხენა თუ არ გავონია!

— წადი, აქ შენ ადგილი არა გაქვს, — უთხრა ოთარაანთ ქვრივმა: — მარტო მინდა ვიყო...

— შენი ნებაა, წავალ და კარებს უკან ძალსავით მივეგდები. თუ რამ დაგჭირდეს, დამიძახე.

— კარგი, მომშორდი!..“

როგორც ხედავთ, ოთარაანთ ქვრივმა ვერც გაიხსენა, ვინ იყო სოსია.

ვინ შეიძლება იყოს დედა-შვილზე უფრო ახლობელი ერთმანეთისათვის? მაგრამ დგება დრო, როცა ირღვევა ეს ახლობლობა და გაუცხოება ისადგურებს მათ შორის.

ოთარაანთ ქვრივმა შვილს უგუნებობა შეამჩნია. ემცხეთა დედას ეს. არადა, შვილი არ უმხელს დარდის მიზეზს. ბოლოს მაინც გამოუტყდა, თუმცა სათქმელი ბოლომდე არ უთხრა. დედის გულმა ზუსტად იგრძნო, რატომ უნდოდა გიორგის არჩილს მოჯამაგირედ დასდგომოდა. მიხვდა, აქ ვერას გახდებოდა და შვილი არჩილიანთ გაისტუმრა.

წავილა გიორგი.

„— უკან აღარ ნოიხედა!.. — დაიკვნესა დედამ, — ჩემგან მიდის, თითქოს ძაფიც არ იქერს, სხვაგან მიდის, თითქოს თოკით ეწევიანო...“

— ჩემგან მიდის და პატარა ნალველიც უკან არ ახედებს... განა აქ არა დაპრჩა-რა!.. სხვაგან მიდის და სიხარული მარტო წინ აყურებინებს... განა ყველაფერი იქ არის, სულ ყველაფერი!..

...დედა-შვილობაში შენ-ჩენობა რად არის? — ჰკითხა ოთარაანთ ქვრივმა თავის თავსა. — დედა-შვილობაში ორი თვალი რად უნდა იყოს? ნეტა დედას სხვასავით მაინც ორი თვალი არ ჰქონოდა... თუ აქვს, რად უჭირს ერთი თავისად, მეორე შვილისად? გული რად იხედება გარეთ ორის თვალითა, რად? — რატომ ერთი თვალი არ ებრმავის, როცა მეორე იყურება?.. ვინ ვისთვისაო, — რა საკითხავია დედა-შვილობაში?.. ვაი, რომ საკითხავი ყოფილა ამის ჰიდილია თურქე დედა-შვილობაცა“.

აქ დედა-შვილის გამთიშავ ძალად ფსიქო-ბიოლოგიური ფაქტორი მოგვევლინა.

გაუცხოებას თურმე მრავალი მიზეზი უდევს საფუძვლად. ზოგჯერ ეს საფუძველი კლასობრივი სხვაობაა, ზოგჯერ — ადამიანური ღირსება, ზოგჯერ — სიყვარული და ზოგჯერ კიდევ ვინ იცის რა. გამოდის, რომ გაუცხოება ადამიანის არსებობისთვის ყოფილა. თუ ასეა, მაშინ არც ხსნა ყოფილა და რატომღა გაუხარდა არჩილს კესოს ტირილი?

„— არჩილ, წინ რაღაა წინ? — შეჰბლავლა უეცრად კესომ და ორისავ ხელის თითები ერთმანეთში ჩაიწნა და ფშვნეტა და მტკრევად დაუწყო.“

— ეგ ცრემლიანი ცოდნა უკანა სწვავს და ჰბუგავს, წინა ჰნამავს და ამწვანებს. ეგ ნამი რომ გაბევრდება, მდინარე წყლად იქცევა და მთელს ტივს მოიტანს, რომ ჩვენს შორის ჩატეხილი ხიდო

განმრთელოს და ეგრე ორსავე ნაპირს გააერთებს. ეგ ცრემლიანი ცოდნა, თუ ცოდნიანი ცრემლი უკანისა, — შუქია წინასი და შუქი ზომ...

— დასაწყისია განთიადისა, განა, ჩემო კარგო?!

— სწორედ“.

ამ ტირილის და სიხარულის აზრის ამოსაცნობად აუცილებელია კარგად გავარკვიოთ, როგორი ადამიანებია „ოთარაანთ ქვრივში“ დახატული.

თავად ქვრივი ერთგული ცოლი და დედაა. თევდორეს სიკვდილის მერე ბევრ მამაკაცს რჩებოდა მასზე თვალი, მაგრამ ქვრივმა ქმრის ხსოვნას არ უღალატა. ოჯახს უმამაკაცობა არ დაამჩნია. საკუთარი ხელით ბარავდა, თონხიდა, მარგლიდა, თესავდა, კრეფდა. მართალია, სოფელში ამბობდნენ — ვის გაუგონიაო დედაკაცის თონხი და ბარი, მაგრამ ქვრივი ამას აინუნშიაც არ აგდებდა: თუ არ გაუგონიათ, ახლა გაიგონონო, ეზო-კარი შიგნით თუ გარეთ მოვლილ-დაკრიალებული ჰქონდა. „ოთარაანთ ქვრივის კარ-მიდამოში მზის და წვიმის მეტს არავის შეეძლო გავლა ქვრივის უნებურად“. მოკობხვაც იცოდა და განკითხვაც. არც მწარე სიტყვას ერიდებოდა. ქარ-ცეცხლში გაატარებდა ყველას, უინც უნიათობით და ბედოვლათობით იმსახურებდა ამას, მაგრამ დამცირებით, სხვის თვალში ადამიანს არ დაამცირებდა. მათხოვარს საქალამნე ტყავი მისცა, მაგრამ მეღუქნეს უთხრა, ვალი შემართა და იმიტომაც მივეციო.

სამართლიანობის მისაღწევად მზად არის რკინის ქალამნები ჩაიკვას და გუბერნატორამდე იაროს. ხარჯს არას დაგიდევთ, ოღონდ სამართლიანობამ იზეიმოს. ქვრივი უღარესად აქტიური ბუნების ადამიანია. წამით ვერ წარმოუდგენია უქნარობა და სიცონილი. „თუ წუთის-სოფელს ერთს ბეწო ხანს თვალი მოუხუჭე, ისე გაგთელავს, როგორც დიდოელი ლეკი ნაბადსა“. ქვრივისათვის ძუნწობა უცხოა, მაგრამ ყაირათიანობა აუცილებელ თვისებად მიაჩნია. მისი ხუთი ქისა ამის უტყუარი დასტურია. ზედმიწევნით ზუსტად აქვს გაანგარიშებული, რა დახარჯოს, როგორ და რატომ.

ამ თვისებების შედეგი და ნაყოფია ოთარაანთ ქვრივის ოჯახი. ეს ოჯახი ილიას მოთხრობაში არსებობს, როგორც ქვრივის სულიერი ღირსების მატერიალური საბუთი.

მაგრამ უმთავრესი მაინც ის არის, რომ, ოთარაანთ ქვრივს დათრგუნვილი აქვს მარტოობისა და სიკვდილის შიში.

„— ახლა შენ რომ მარტო დარჩები? — იკითხა კესომ.

— მარტო რად დავრჩები? ზოგი ჩემს გულშიაც ჩაიხედდეს, რამდენი ბლარტები მიზის. ჰირადაც მყოფნიან და ლხინადაც.

— აკი ნათლიდედამ მიხვევა-მოხვევა არ იცისო? მე აქ არა მესმის რა, — სთქვა არჩილმა და შეხედა დას, თითქოს იმას ეკითხებო.

— მიხვეულ-მოხვეული რა ვთქვი? ადამიანს მინამ ხელ-ფეხი ერჩის, მარტო არ იქნება, საქმეა ტოლ-ამხანაგი მარტოხელისა. წუთის-სოფელი ვის აცლის მარტოობისათვის? მარტო თქვენისთანას... მარტონი თქვენა ხართ“.

შრომით თრგუნავს ოთარაანთ ქვრივი მარტოობის გრძნობას და იგივე შრომა ანიჭებს სიმშვილეს სიკვდილის წინაშე. „...სიკვდილის მოლოდინი ლხენა თუ არ გგონია!“ — ეუბნება იგი სოსია მეწისკვილეს.

ასეთივეა გიორგიც. „მართალს შეჩვეულს თვითონაც მართალი უყვარდა, ლალატი და არმობა ისე გააწიწმბებდა ხოლმე, რომ თუ საჭირო იყო, ხელსაც გამოიღებდა, ჩხუბს ასტეხდა, თავს გამოიღებდა“. მაგრამ გიორგის კიდევ ერთი თვისება აქვს; მან არ იცის ჩემის და სხვისის გარჩევა. ორივეს თანაბარი ყურადღებით ექცევა. არჩილის სიტყვებით რომ ვთქვათ, „აქვს ის დიდი ნამუსი, რომელიც სხვისასაც ისე ერჩის, როგორც თავისას“.

ტყეში ჰიგოს საჭრელად წასულმა გიორგიმ ომარაანთ მოჯამაგირე ნახა. იგი ჩრდილში წამოწოლილი არხენინად ხვრინავდა. კამეჩები კი წნელით გამოება ურემზე. საცოდავი პირუტყვები იქვე ეყარნენ და უილაჯობით გაწამებულნი ზარმაცად იცოხნებოდნენ. გიორგიმ ვერ გაუძლო ამ უსინდისობას („პატრონს ატყუებ და ატყუებ, ე პირუტყვი მაინც არ გენანება!“) და ომარაანთ მოჯამაგირე ლაზათიანად მიბეგვა.

ბეჟანიშვილის მოჯამაგირეს ურმით საფეკვაი მიჰქონდა. ტვირთი თავმსუბუქად დაედო. კამეჩებს აპეურები ყელში უქერდა და პირუტყვები საწყალობლად ხრიალებდნენ. გიორგი ურემზე აიჭრა, ტვირთი გაასწორა და მოჯამაგირესაც თავში წაუთაქა. („ვერა ჰხედავდი, კამეჩები იხრჩობოდნენ, რა პირით მილიოდი პატრონთან“).

არჩილის ცხენი ნეჭინიბემ ოფლიანი დააბა. გიორგი ამას შეესწრო. უსაყვედურა — ცოდოა პირუტყვი, წახდება ცხენი, ან ზურგის ჰავას აართევს, ან ფეხებში დაიხუთებაო. ნეჭინიბემ გაატრიზავა გიორგი. — არაჟიოთხე ნოაშბეო, ნიტყიპე და მიაგდეო. შეატყო გიორგიმ, ნეჭინიბე თავს არ შეიწუხებდა. თავად გადაწყვიტა, გაეტარებინა ცხენი. ანით გაგულისებულმა ნეჭინიბემ დედა შეაგინა, დედის ვინება ევრე არ უნდაო და გიორგიმ ნეჭინიბეს ძვალი და რბილი გაუსწორა.

როცა ცუდად გაშენებული ვენახი დაინახა, გიორგი არ მოერიდა არჩილსაც. თავნონწონე თავადიშვილი გონივრულად დაარიგა და აწავლა. რა უნდა გაეკეთებინა და როგორ.

ნათლად ჩანს, რომ გიორგი სხვისას ისევე უფრთხილდება, როგორც თავისას. მას არ ამოძრავებს ვიწრო კლასობრივი ინტერესი, მისი გონება არ არის შეზღუდული წოდებრივი ჩარჩოთი. არ აბრუნავებს წოდებრივი სიძულვილი. იგი თავისუფალია როგორც პიროვნული, ისე კლასობრივი ეგოიზმისაგან.

გიორგის საქმისადმი ზნესრული ადამიანის დამოკიდებულება აქვს. სხვის საქციელს ზნეობის თვალსაზრისით ზომავს. მაგრამ სინდისის გასაღვივებლად მხოლოდ შთაგონებას არ მიმართავს. როცა საჭიროა, სასჯელსაც იყენებს. როცა შთაგონება უძლურია, სასჯელი სანართლიანობის გამოვლენაა. შთაგონება გარკვეულ გონებრივ დონეს მოითხოვს. თუ ეს დონე არ არსებობს, მაშინ სიტყვიერი ზემოქმედება ნაყოფს არ გამოიღებს. „ნუ მისცემთ სიწმინდესა ძალთა, ნუცა დაუფნთ მარგალიტსა თქუენსა წინაშე ღორთა, ნუუკუე დათრგუნონ იგი ფერხთითა მათითა და მოიქცენ და განხეთქნენ თქუენ“. ასეთ შემთხვევაში აუცილებელია სასჯელი, რასაც მიმართავს გიორგი. მაგრამ მისი სასჯელი არცერთხელ არ არის ერთი პიროვნების მიერ ნეორეზე ძალდატანება. გიორგის ხელით ღვთაებრივი სამართლიანობის კანონი ხორციელდება.

აქვს გიორგის კიდევ ერთი თვისება, რაც სრულქმნილების ელფერს აძლევს მის პიროვნებას. იგი სიტყვაგაუტეხელი კაცია. რასაც ამბობს, იმას აკეთებს.

სიტყვისა და საქმის შეთავსება-შეუთავსებლობა ურთულესი და მარადიული პრობლემაა. მეტად იშვიათად მოიძებნება კაცი, რომელიც იმას აკეთებდეს, რასაც ამბობს. ეს იმიტომ კი არ ხდება, რომ

ადამიანები თვალთმაქცობენ (რა თქმა უნდა, ასეთიც უამრავია, მათ რა გამოლევს), არამედ იმიტომ, რომ არ შეუძლიათ მათი გაერთიანება. ერთიანობას ბევრი რამ უშლის ხელს — სუბიექტურიც და ობიექტურიც. ჯერ ერთი, თქმა ადვილია, ქმნა კი — უძნელესი. მეორეც, თქმა ყოველთვის პიროვნებაზეა დამოკიდებული, ქმნა კი — პიროვნებაზეც და საზოგადოებაზეც. ქმნისათვის აუცილებელია საზოგადოების მიმხრობა. ამისათვის კი საზოგადოება ყოველთვის მზად არ არის. საზოგადოების მომზადება და მიმხრობა თვით არის ურთულესი პრობლემა. ასეთ გარემოებაში სიტყვისა და საქმის ერთიანობისათვის მებრძოლი, უხშირეს შემთხვევაში, მსხვერპლია. ამიტომ, ვისაც სურს სიტყვა და საქმე ერთიანი ჰქონდეს, უნდა შეეძლოს თავისთავის ზვარაკად გაღება. ეს აუცილებელი პირობაა. უამისოდ სიტყვა და საქმე ყოველთვის გათიშულია. თუ ასეა, გიორგის პიროვნება უკვე მსხვერპლია. ასე იქნება თუ ისე, იგი მაინც დაილუპება.

თავისთავში მსხვერპლის ტარება ღვთაებრივი თვისებაა. ამიტომ არის რომ დედა-შვილის საქციელი თანასოფლელებისათვის უჩვეულო და გაუგებარია. მათი ნოქმედების მიმართ ყოველთვის გარეუბლი დამოკიდებულება აქვთ. როცა გიორგიმ ომარაშვილისა და ბეჟანიშვილის მოჯამაგირენი ცუდკაცობისათვის გალახა, ხალხი ამბობდა, — „ეს კაცი ან გიჟია, ან ღვთისაგან მოგზაენილი“. როცა გაოგნებულ და-ძმას თათარაანთ ქერივმა უთხრა — მარტო რად ვიქნები, მარტონი თქვენა ხართო, ორივემ გაოცებით იკითხა — რა არის ეს, „წინდახედული მხილება თუ წინდაუხედავი კადნიერება?“. შათთვის მიუწვდომელია დედა-შვილის ჩვეულებრივობის სამანს გადაცილებული თვისებები. თუმცა უნდა ითქვას, რომ არჩილი გრძნობს გიორგის არაჩვეულებრივობას. როცა გიორგიმ არჩილს მოჯამაგირეობა სთხოვა, თავადიშვილმა იკითხა — ჯამაგირი? გიორგიმ უპასუხა — რაცა ვლირდე, ის მომეციო. ამ პასუხმა არჩილი დააფიქრა და ათქმევინა — „ჩემი ნამუსი რომ შენს კაი-კაცობას არ გასწვდეს?“ (აკი არც გასწვდა). აქ რომ მარტო მატერიალურ ღირებულებაზე იყოს ლაპარაკი, არჩილს არ გაუჭირდებოდა გიორგისთანა მოჯამაგირეების ხელფასის გადახდა. არჩილს არ ძალუძს გიორგის ადამიანური არსის შეფასება. ამას თავადაც აღიარებს —

„დღესაც ვერ გამირკვევია — რა მოგვეჩვენა გიორგის სახით?.. ჩვენ ზედვალ და სმენადაც უღონონი ვართ“.

თითქოს სხვათა შორის, მაგრამ ზუსტად მიგვანიშნებს ილია დედაშვილის თვისებების ზეციურ წარმომავლობაზე. საქმე ის გახლავთ, რომ გიორგი შობის დამეს დაიბადა. („...შობის დამეს ხელახლად მოვიდა დიდი თოვლი... დღევანდელ დღეს დაიბადა, დღევანდელ დღეს“). ოთარაანთ ქერივიც შობა დამით გარდაიცვალა. ეს შემთხვევით მინიშნება არ არის. იგი მიგვითითებს გიორგის თვისებების ღვთაებრივ თვისებებთან წილნაყარობაზე. კიდევ ერთხელ გვახსენებს გიორგის მსხვერპლობას, რამეთუ ისიც, ვისი დღესასწაულიც შობაა, ტარიგი იყო კაცობრიობის ხსნად მოვლინებული.

ახლა დედა-შვილის თვისებებს დასკვნის სახით თუ ჩამოვაყალიბებდით, შეიძლებოდა გვეთქვა — მათთვის დამახასიათებელია შრომისმოყვარეობა, საკუთარი გარჯით ცხოვრება, უშურველობა (ეგონიზმისაგან თავისუფლება), სხვისისა და საკუთარის მიმართ თანაბარი ყურადღება, სიტყვისა და საქმის ერთიანობა, რწმენისათვის თავისთავის ზეარაკად მიტანა, მარტოობის შრომით დაძლევა, სიკვდილის შიშის დათრგუნვა.

ამ თვისებებიდან თითქმის არცერთი არ ახასიათებს არჩილსა და კესოს. თუმცა სიტყვიერად კი მიილტვიან აქეთკენ.

არჩილი და კესო განსაკუთრებით უძლურნი არიან მაშინ, როცა სიტყვისა და საქმის ერთიანობაა საჭირო. ეს არჩილმა თვითონაც კარგად შეამჩნია და ამას იგლოვს კიდევც... „—სჩანს, ჩვენთვის წიგნი სხვა ყოფილა და საქმე სხვა“... „თვით უკვდავება მშვენიერსა სულში მდგომარებსო“, ნათქვამია და რამდენჯერ გვითქვამს მე და შენ, — რა კარგად და მართლად არის ნათქვამიო. წიგნში ეს დანახული გვაქვს, ენაზედაც ხომ გვაკერია და გვაკერია. ცხოვრებამ კი რომ ამისი ცოცხალი ხატი წინ დაგვიყენა, ვერ ვიცანით: თვალით ნახული ვერ დავინახეთ“.

გიორგის სიკვდილმა დაძმას დაანახვა, რომ მათ ზნესრული ადამიანისათვის აუცილებელი სულიერი სიმტკიცე არა აქვთ. ჩვენ დონდლონი ვართ, დუნენი, დაბლანდულნი, — ასეთია არჩილის თვითმხილება.

დედა-შვილი დაძმას უპირისპირდება როგორც სრულქმნილი და არასრულქმნილი არსნი, თორემ ოთარაანთ ქერივსა და გიორგის

მეტი საერთო აქვთ, არჩილსა და კესოსთან, ვიდრე ომარაანთ მო-
ჯამაგირესა, არჩილის მეჭინიბესა და ბეჟანიშვილის მოჯამაგირესთან,
მიუხედავად იმისა, რომ ეს უკანასკნელნიც წოდებრივად გლეხები
არიან.

გვარიშვილობა, წოდება და სხვა ამგვარები გაუცხოების ისე-
თი მიზეზია, რომელიც ხელისგულზე დევს. მათი შემჩნევა შეუძლია
ყველას, ცოტად თუ ბევრად გონების თვალთ მზიარალს. ძნელი და-
სანახია უფრო ღრმა ფესვები, რომელნიც ადამიანის სულში იმა-
ლებს. ის მიზეზი, რომელმაც ილიას ერთ-ერთ პერსონაჟს ათქმევინა —
„მძულს ქვეყანა და ადამიანი უფრო. ჩვენ-შუა საბოლოოდ
ჩატეხე ხიდი. მე ერთი აქეთ პირს დავრჩი, თქვენ მრავალნი იქით“
(„სარჩობელაზედ“). გიორგის სიკვდილმა ეს დამალული მიზეზი და-
ანახა და-ძმას. მათ ნომხდარი ფაქტი გააცნობიერეს. ამიტომ გაუ-
ხარდა არჩილს კესოს ტირილი. დის ტირილში გამოჩნდა ის შუქი,
რომელიც ადამიანის დაბინდულ გონებას ანათებს. მართალია, მიხ-
ვედრა საქმის მოგვარებას არ ნიშნავს, მაგრამ იგი მაინც ღიღი იმე-
ლია. ამ გინცის გამო უწოდა ილიამ კესოს ტირილს განთიადის და-
საწყისი.

ეს წყევლა-კრულვიანი პრობლემა რომ მოგვარდეს, აუცილებე-
ლია, ყოველი კაცის შეგნებამ მიიღწიოს დონეს, როცა იგი იწამებს:
ყოველი ადამიანის სული აბსოლუტური ღირებულებაა და ტოლ-
ფასოვანია უზენაესის წინაშე. ამ შეგნებას მღვდელი „გლახის ნა-
ამბობში“ ასე აყალიბებს:

„როცა ჩემო ძმაო, ადამიანს პირს არიდებ, მითამ ქრისტე-ღმერ-
თისთვის მოგირიდებია პირი. იესომ ბრძანა: — განკითხვის დღეს
გეტყვი: მწყურვალე ვიყავ, არ მასვითო; შშიერი ვიყავ, არ მა-
კამეთო; შიშველი ვიყავ, არ ჩამაცვითო; სნეული ვიყავ, არ მომიბ-
რეთო; როცა მეტყვიანო: უფალო, სადა გნახეთ, რომ არ გიშველე-
თო? მე ვეტყვი: — ყოველი გაჭირვებული კაცი, თქვენგან არ-
განკითხული, მე ვიყავიო. ესეა, ძმაო.. სხვა შენთვის და შენ სხვი-
სათვის, აი, გზა ცხოვრებისა, აი, ხიდი ცხონებისა, აი, გასაღები
სამოთხისა!“...

იკნება კი ოდესმე ასეთი კაცობრიობა? თუ მისი არსებობის მა-
რადიული საფუძველი სრულქმნილის და არასრულქმნილის ბრძო-

ლა, რონელშიც სრულქმნილს მსხვერპლის როლი აქვს დაკისრებული? თუ მაინც უნდა ვიქონიოთ იმედი, რომ შეუმჩნევლად, ტაბიტო კაცობრიობა წინ მიდის და იდეალს უახლოვდება? ესეც წყველაკრულვინი საკითხია, რომლის პასუხი ჯერჯერობით არავინ უწყის.

IV

გზა ხსენისა

ილიას არცერთ თხზულებას თანამედროვენი ისე უარყოფითად არ შეხვედრიან, როგორც „განდეგილს“. თითქმის ერთსულოვნად პოემა სუსტ ნაწარმოებად მიიჩნიეს.

ესტატე ბოსლეველი წერდა:

„ამ პოემიდან სჩანს, რომ ჩვენმა ერთმა უკეთესმა პოეტთაგანმა თითქოს მიანება თავი ცხოვრებითის კითხვების გამოხატვას პოეზიაში, თითქო თვითონ ცხოვრებასაც შესწყრა და მის ავსა და კარგს გვერდი აუქცია!...“

ბატონ ჭავჭავაძის პესიმისტურს შეხედულებას „სააქიოზე“ სამზღვარი არა აქვს. ამ შეხედულებასთან ღმერთმა შეარცხვინოს თვითონ ბაირონის აზრიც, რომელსაც ბუნება იმდენად მშვენიერად და სრულად მიაჩნდა, რამდენადაც ადამიანი მდაბლად და ბოროტად.

ამ გვარს ფაქტს ლიტერატურაში და ცხოვრებაშიც კი აქვს რასაკვირველია, თავის გამამართლებელი საბუთი, მაგრამ ამას მაინც ვერ დავარქმევთ ჩვენის მწერლობის ფეხის წინ წადგმას. პირიქით, ძალიან სამწუხარო იქნება, თუ ჩვენმა ნიჭიერმა პოეტებმა რეალურ ცხოვრებას როგორც ერთს რაიმე ჭირიანს, თვალი აარიდეს და განსვენება ეძიეს „განდეგილისთანა“ პოემებში“.

დავით კეზელი ჩიოდა:

„პოემა „განდეგილი“ ჩემის აზრით, ყველაზე უსუსტესია, რაც კი ილ. ჭავჭავაძის კალმიდან გამოსულა. უსუსტესია მეთქი, ვიმეორებ, როგორც შინაარსით, ისე გარეგანი ფორმით... ჩვენ დროს არ შეეფერება, რომ პოეტმა, მერე იმისთანამ, როგორიც ილია ჭავ-

შეაქვია, თავისი ქნარი რომელიმე განდევილი ბერის უსაგნოდ და უმიზნოდ ცხოვრების დასამღერად ნიშართოს... ჩვენი ხალხის იდეალს სრულებით არ ეთანხმება ამ სოფლიდან სამუდამოდ გაცლა და მარტო ლოცვაში სიცოცხლის გატარება“.

კიტა აბაშიძე გვიამბობს, რომ ქუთაისის საზოგადოებაც ძალიან აღაშფოთაო „განდევილმა“: „ილიას კალამმა უმტყუნა, უაზრო თხზულება დაგვიწერაო, ამბობდა ერთი; აბა რა შევილიაო, გაიძახოდა მეორე, ილია გვიქადაგებს, ბერად შევდგეთ, საწუთრო ესე საზიზღარია და სულის მშვიდობას ნხოლოდ რომელსანე უღაბნოს სენაკში მოიპოვებთო. საშინლადაც სწყინდათ, ავტორმა „კაცია-ადამიანისა“ და „კაკო ყაჩაღისამ“ ასეთი რამ რა დაგვიწერაო“.

უკვე შემუშავებულ უარყოფით აზრს კ. აბაშიძე დაუპირისპირდა. იგი „განდევილს“ მნიშვნელოვან მხატვრულ ნაწარმოებად თვლიდა.

„განდევილი“, უკანასკნელი პოემა ილ. ჭავჭავაძისა, დამამთავრებელი და დამაგვირგვინებელია რეალური მიმართულების განვითარებისა. როგორც დედა აზრი პოემისა (ყოველი კაცი, რომელიც ცხოვრებას გაუბრის და ზურგს აქცევს მას, განდევილივით დაისჯება და მის დამსჯელად ამ შემთხვევაში თვით ცხოვრება გამოვა), ისე მთელი მორალური ფილოსოფია ავტორისა, რომელიც ამ პოემაში იხატება, და ბოლოს თვით ფორმაც პოემისა, არის სრული დამაკმაყოფილებელი რეალიზმის მოძღვრებისა“.

ამის მერე „განდევილზე“ ბევრი დაიწერა, მაგრამ კიტა აბაშიძის ძირითადი დებულება თითქმის ყველამ გაიზიარა. ვახტანგ კოტეტიშვილი წერდა: „სხვა გვარად „განდევილის“ გაგება ჩვენი აზრით შეუძლებელიც არის. აქ სრულიად მარტივად არის დაპირისპირებული საზოგადოებრიობა და ასკეტიზმი, და ასევე მარტივად არის ნაჩვენები უკანასკნელის დამარცხება“.

თუ მართლა ასეა, მაშინ ერთი რამ რჩება გაუგებარი — რატომ აქცია ილიამ ასკეტიზმის გმობა პრობლემად? უბრალო ლოგიკის თანახმად, დასაგმობი შეიძლება გახდეს ის უარყოფითი მოვლენა, რასაც, ამა თუ იმ მიზეზით, საზოგადოებაში აქვს ფეხი მოკიდებული. ასკეტიზმი კი მაშინ არც ფეხმოკიდებული ყოფილა და არც ფესვგადგმული. ამას, სხვა საბუთების მოუშველიებლად, ზემოთ ციტირებული სტრიქონებიც კი კარგად ადასტურებს. როგორც ვნა-

ხეთ, მაშინდელი საზოგადოება გაბრაზებულა კიდევ, ილიამ განდე-
გილობის ქადაგება რად დაიწყო. მაშასადამე, განდეგილობის
გმობა ფუჟი გასროლა ყოფილა და არარსებული პრობლემის წინა-
აღმდეგ ბრძოლა. ასეთი შეცდომა ილიას ყოვლად შეუძლებელია
მოსვლოდა. როგორც ჩანს, ეს აშკარა უხერხულობა ვ. კოტეტი-
შვილს აწუხებდა. მართალია, იგი კ. აბაშიძის აზრს ეთანხმებოდა,
მაგრამ აფართოებდა კიდევ: ილია „მოუსვენარი სიცოცხლის აპო-
ლოგეტად დარჩა დასასრულამდე. ყველაფერი, თუნდაც მთელი ჯო-
ჯობითი, ოღონდ კი მოძრაობა იყვეს, ილია ქვეყანაძისათვის მი-
საღებია, რადგან მისი სტიქიონი აქ იშლება. ეს მთავარი მოტივი
გასდევს მთელს მის შემოქმედებას და ყველგან დაპირისპირებულია
უძრაობისა და მოძრაობის სიაყვარვე. მაგრამ თითქოს ილია ქვე-
ყვეაძე არ დააკმაყოფილა ამ დიდი პრობლემის უბრალო გადაწყვე-
ტამ და სცადა ერთგვარი ფილოსოფიური ნიადაგის მოძებნა. მან
აქაც („განდეგილში“ — ა. ბ.) კონტრასტების წესით დაუპირისპირა
„ვიი-ვაგლახიანი“ ცხოვრება, მოძრავი, დაუღებარი არსებობა „მყუდ-
რო ნეტარებას“, დაყუდებულ ცხოვრებას, ცივს და მიუკარებელ
ყველაფრის დავიწყებას“.

ასე დაკავშირდა, პრობლემატიკის თვალსაზრისით, „მგზავრის
წერილები“ და „განდეგილი“. ერთიც და მეორეც აქტიური მოქ-
მედების აპოლოგიად იქნა მიჩნეული. ოღონდ ეს „მგზავრის წერი-
ლებში“ ლოზუნგის სახით გამოითქვა, „განდეგილში“ კი პოემის აზ-
რობრივ შინაარსად იქცა.

მაგრამ საქმე ის გახლავთ, რომ ასკეტიზმი, მონაზნობა სრული-
ად არ გულისხმობს პასიურ ცხოვრებას. მართალია, ასკეტიზმი ღმერ-
თის უსაზღვრო რწმენაა, გარნა, იაკობ მოციქულის სიტყვების თა-
ნახმად, „საქმეთაგან განმართლდების კაცი და არა სარწმუნოებისა-
გან ხოლო“, უფრო მეტიც: „ვითარცა ჳორცნი თვნიერ სულისა
მკუდარ არიან, ეგრეთვე სარწმუნოებაა თვნიერ საქმეთასა მკუდარ-
არს“ (იაკობი, 2, 24—26).

რწმენა და საქმე ერთიანი და განუყოფელი ყოფილა. ასკეტობა
არ ყოფილა „მარტო ლოცვაში სიცოცხლის გატარება“, როგორც
დავით კეზელმა განგვიმარტა ეს.

უცნაური ის არის, რომ არც „განდეგილის“ მოწინააღმდეგეებს
და არც მომხრეებს არ უცდიათ განდეგილობის არსის ახსნა და მე-

რე ილიას პოემის აზრობრივი შინაარსის ამოცნობა. ჩემი აზრით კი, უამისოდ ძნელი იქნება (თუ შეუძლებელი არა) „განდეგილის“ ანალიზი. ამიტომ მკითხველის ყურადღებას მივაპყრობ დღევანდელი საზოგადოების მიერ დავიწყებულ ზოგიერთ საკითხს.

ქრისტიანული რელიგიის კანონების მიხედვით, ბერობა, კერძოდ, განდეგილობა, ნებაყოფლობითი აქტია. „დიდი რჯულის კანონი“ ამბობს, რომ მონასტერში შესვლა შეუძლია ყოველ ადამიანს, ვისაც ათი წელი შეუსრულდა, მაგრამ აღთქმის მიცემის უფლება აქვს მხოლოდ მოწიფულ კაცს ან ქალს, ვინც იცის, რას აკეთებს და რატომ. მონაზნობის უფრო მკაცრი ფორმა განდეგილობა კი დამატებითი მოთხოვნილებების დაკმაყოფილებასაც საჭიროებს. დაყოფების მოსურნემ სამი წელი მკაცრ მორჩილებაში უნდა გაატაროს. ამით იგი ადასტურებს, რომ გულწრფელად და ნებით აირჩია განდეგილობა. ამის მერე ადგილობრივი ეპისკოპოსი უფლებამოსილია კიდევ გამოსცადოს იგი. ბერმა ერთი წელი უნდა გაატაროს მონასტრის გარეთ, რომ საკუთარი გადაწყვეტილებაც შეამოწმოს და კიდევ ერთხელ დაადასტუროს მისწრაფების აუცილებლობა და ურყევობა. გამოცდის წარმატებით ჩატარების შემდეგ, ბერს შეუძლია იცხოვროს მის მიერ არჩეულ განმარტოებულ ადგილას, ე. ი. გახდეს განდეგილი.

ეს წესი საყოველთაო და სავალდებულოა. ცხადია, ილიას განდეგილმაც ეს გზა გაიარა, თუმცა პოემაში ამაზე არაფერია ნათქვამი. ეს თავისთავად იგულისხმება.

კი მაგრამ, რატომ ირჩევს ადამიანი ნებაყოფლობით არსებობის ასეთ ფორმას? რატომ ებრძვის ხორცს და სულს ეტრფიალება? აქ უნდა გავიხსენოთ, რას გულისხმობს ცნებები ხორცი და სული.

პავლე მოციქულის მკაფიო განმარტებით, ხორცის საქმეა სიძვა, მრუშობა, მტრობა, შური, წვალება, შფოთი, კაცისკვლა, მთვრალობა, ლირწება და ამდაგვარნი. მაშასადამე, ხორცი ბოროტებაა.

სულის ნაყოფია სიყვარული, სიხარული, მშვიდობა, სულგრძელობა, სიტკბოება, რწმენა, მყუდროება, მოთმინება და ამდაგვარნი. მაშასადამე, სული სიკეთეა (გალატელთა მიმართ ეპისტოლე, 5, 19—20—21—22).

ადამიანის მიწიერი არსებობის მიზანია გათავისუფლდეს ბოროტებისაგან (ცოდვებისაგან) და განწმენდილი მიემსგავსოს პირველ-

სახეს, რაკი ღმერთმა ადამიანი შექმნა ხატად თვისად. პირველი ხატად თვისად შექმნილი კაცი ადამია და ვიდრე იგი ცოდვით დაეცემოდა, იყო ღმრთის სახლი, ტაძარი ღმრთისა. მასში იყო სიტყვა (ე. ი. ღმერთი) და სიტყვა იფარავდა ადამს. ამდენად, ადამი თავისუფალი იყო ცოდვისაგან, ბოროტებისაგან, მაგრამ ადამის არსში შეიპარა ცოდვა და შეაჩერა ადამიანის ღმრთეობის მემკვიდრეობისაკენ.

ცოდვისაგან კაცობრიობის სახსნელად ამქვეყნად ღმერთმა გამოგზავნა მისი მხოლოდშობილი ძე: „რამეთუ არა მოავლინა ღმერთმან ძე თვისი სოფლად, რადთა დასაჯოს სოფელი, არამედ რადთა აცხოვნოს სოფელი მის მიერ“ (იოანე, 3, 171). ქრისტემ იტვირთა კაცობრიობის ცოდვა, გოლგოთის გზა გაიარა და ჯვარს ეცვა. ჯვარცმის პროცესის შინაარსია ხორცის (=ბოროტების) დასჯა და სულის (=სიკეთის) გათავისუფლება: „ხოლო ქრისტესთა მათ წორცნი თვისნი ჯვარს-აცუნეს ვნებითურთ და გულის თქუმით“ (ეპისტოლე გალატელთა მიმართ, 5,24).

ამიტომ მოსკოვის სასულიერო აკადემიის დოცენტის, არქიმანდრიტ ტიხონის სიტყვით, ქრისტიანობა უპირველესად არის ადამიანის შინაგანი მუშაობა, შინაგანი ბრძოლა თავისთავის გარდასაქმნელად, ქრისტეს მისამსგავსებლად.

ქრისტეს მიმსგავსება კი უფლის წილში დაბრუნებას ნიშნავს, რამეთუ იესო იყო უხილავი ღმრთის ხატი, მოსული ქვეყნად.

თავისუფალი ნებით ადამიანი იმიტომ ირჩევდა განდევილობას, რომ ტანჯვის გზის (სიმბოლურად ქრისტეს გზის) განმეორებით დაეგმო ხორცი (=ბოროტება) და სულით (=სიკეთით) ამალღებული მიმსგავსებოდა უზენაესს. ეს არის განდევილობის არსი.

ეს გზა გაიარა ილიას განდევილმაც.

ღღე-ღა-ღამ ლოცვით, გოდებით, გვემიო
ხორცი სულისთვის უწამებია,
და ვით ჭურჭელი იგი წყმდელი —
ცრემლით ურეცხავს, უსველებია.

ასეთი ცხოვრებით განდევილმა მიაღწია კიდევ გარკვეულ შედეგს.

ლოცვით და მარხვით ხორც-უძღურ-ქმნილი
ჰგვანდა წმინდანსა იგი წამებულს,
მრავალგზით ტანჯულს და ტანჯვათ ზედა
ძღვეით-მოსილსა და განდიდებულს.

IV საუკუნის საეკლესიო მოღვაწე მაკარი მეგვიპტელი განმარტავს, რომ ქრისტიანული მოძღვრებით, ადამიანის ბუნება არის ბუნება შესაძლებლობებისა და მისწრაფებებისა, მაგრამ არა უკვე დასრულებული იდეალებისა. ადამიანის ბუნებამ რომ იდეალური სახე მიიღოს, აუცილებელია ღმერთის დახმარება. დამოუკიდებლად ამის გაკეთება ადამიანს არ შეუძლია. ამიტომ ადამიანი პირველხატს რომ მიემსგავსოს, ორი ფაქტორია საჭირო — თავისუფალი ნება და ღვთაების დახმარება. ამ დახმარებას ღმერთი სათნოებით ავლენს. ღმერთის სათნოება არ აიძულებს ადამიანს იფიქროს ხსნაზე. სათნოება მხოლოდ ხსნის სურვილს უღვიძებს ადამიანს. სათნოება თანდათანობით იპყრობს სულს, რომ არ დათრგუნოს ადამიანის თავისუფლება და არ გააოროს მისი თვითშეგნება. ილიას განდგეილიც თავისუფალი ნებით და ღვთაების დახმარებით მისწრაფოდა უმაღლესი იდეალისაკენ.

ღვთაების დახმარება პოემაში მზის სხივის ალეგორიით იხატება.

წამება მისი ღმერთს შეუწირავს,
ვედრება მისი ღმერთს უსმენია,
და სასწაული ნიშნად მადლისა
მლაღადებელზედ მოუვლენია.
ბნელსა სენაკსა, სად იგი მდგარა,
ჰქონია მზის მხრივ ერთი სარკმელი,
და მუნით თურმე გადმოღენილა
შუქი მზისა და მთვარის ნათელი.
ოღეს უღაბნოს გასწვრივ მთის წვერზედ
მზე სხივაფენით ამოვიდოდა,
იმ სარკმლით სხივი მისი სენაკში
სვეტად ბრწყინვალედ ჩაეშვებოდა.
როს ქლოცულობდა, იმ სხივსა თურმე
თვის ლოცვანს მწირი ზედ დააყრდენდა,
და ხორცთუხმელი მზის სხივი იგი
უფლის ბრძანებით ზედ შეირჩენდა.

თითქოსდა განდევილმა მიზანს მიადგინა. უზენაესს და ადამიანს შორის კავშირი დამყარებულია. მაგრამ ტრაგედია მაინც მოხდა. რატომ? ადამიანის ღმერთისაკენ ლტოლვა ორი სახით ხორციელდება, როგორც გრძნობის სურვილი და როგორც გონების ნება. პირველ ეტაპზე, ამბობს მაკარი მეგვიპტელი, ადამიანის მისწრაფება ჭერ კიდევ გაორებულია: ერთის მხრივ იზიდავს ზეციერი სულის იდეალური ხატი და მეორე მხრივ თავისკენ ეწევა მიწიერი ცხოვრების სახე. ამ დროს არსებითი მნიშვნელობა აქვს გონებას. გონებით უნდა შეერწყას ღვთაების არსს ადამიანი. მაშინ მყარდება უწყვეტი კავშირი უზენაესსა და ადამიანს შორის.

განდევილისა და მწყემსი ქალის შეხვედრა მოხდა ადამიანისა და ღმერთის ურთიერთობის პირველ საფეხურზე, როცა კავშირი მათ შორის ხორციელდებოდა გრძნობის სურვილით და არა გონების ნებით. როცა განდევილი ჭერ კიდევ გაორებული იყო. ამიტომ მწყემსი ქალი სხვა არა არის რა, თუ არა განდევილის მიერ უარყოფილი მიწიერი სინამდვილე, რომელიც ჭერ კიდევ ეძახდა ბერს. ამდენად არ უნდა იყოს მართალი სიმონ ჩიქოვანის აზრი, რომ მწყემსი ქალი „თერგის მონათესავეა, თერგის განტოტებაა თუ თვითონ თერგია“. იმ აქტიურობის განსასახიერებლად, რომლის სიმბოლოდ ილია თერგს მიიჩნევს, მწყემსი ქალი არ გამოდგება. ასეთ საპროგრამო აქტივობას „განდევილში“ მწყემსი ქალი არ იჩენს. მართალია, მან გაახსენა მეუღაბნოეს მიწიერი ცხოვრების მშვენიერებანი, მაგრამ არაფერი უთქვამს ისეთი, რაც მწირისათვის უცნობი იყო. არც ამ ცნობილი მშვენიერების დასაცავად გამოუყვლიანებია ქალს განსაკუთრებული ენერგია.

ან შენ როგორ სძლებ უწუთისოფლოდ!
მერე იცი კი რა-რიგ ტკბილია!
აქ სიკვდილია, იქ კი სიციოცხლე,
აქ ქირია და იქ კი ლხინია.
ნუთუ თვისტომი, ტოლი და სწორი
ყველა გულიდამ ამოვიღია?
ნუთუ ნადველი, დარდი და ჭაერი
თან არავისი წამოვიღია,
არ გაგონდება არც მამა, დედა,
ან ძმა, ანუ და, ან სახლი, კარი?

ნუთუ მის-დღეში არა გყოლია
მოკეთე, გულის შემატკივარი?!
როგორ მოშორდი?..

თუ საქმეს ზერელედ შევხედავთ, — როგორ მოშორდი? — კითხვის პასუხი განდგეილს იოლად უნდა ეპოვა — ჯერ ერთი იმიტომ, რომ მწყემსი ქალის მიერ დახატული ტკბილი წუთისოფელი განდგეილისათვის ნაცნობი და განცდილია, მერე კი — ნებაყოფლობით უარყოფილი. მეორეც, განდგეილმა უარყო არა სიცოცხლე, არა თვისტომი და მოყვასი, არამედ — ქვეყანა.

სადაც მართალი გზას ვერ აუქცევს
განსაცდელსა მას ეშმაკისასა;
სად ცოდვა კაცსა სდევნის დღე-და-ღამ,
ვითა შპარავი და მტაცებელი;
სად, რასაც ჰხადის მართალი მართლად,
მას უმართლობად ჰქმნის ცოდვის ხელი;
სად რყვნა, წაწყმედა და დაღატია,
სადაც ძმა ჰხარბობს სისხლსა მშისასა,
სად ცილი, ზაკვა ძულებდა ჰხდის
წმინდა სიყვარულს მოყვასისასა.

განდგეილს უარუყვია ცოდვა და არა — მადლი. თორემ სიკეთისა და მადლის სამსახური ქრისტიანობის უპირველესი მცნებაა. ამას დასტურად არ სჭირდება საბუთების მოშველიება. ეს პოემაში მკაფიოდ ჩანს. როცა ქარიშხალი ამძვინვარდა, ცამ პირი მოიხსნა და ქვეყანას წარღვნით დაემუქრა, განდგეილი

ცრემლით ალტობდა ღვთის-მშობლის ხატსა
და ხელაპყრობით ვედრებოდა
წაწყმენლისაგან ქვეყნისა ხსნასა.

როცა გზადაკარგული აღამიანის შვილის ხმა მისწვდა განდგეილის სმენას, მეუღაბნოე გაეპასუხა:

მართალი სთქვი შენ... თუ ხარ ძე კაცის,
ცოდვაა გარეთ დაგტოვო ამ დროს...

და მერე:

— გამომყევ, ვინც ხარ! ბინას მოგცემ შენ,
გავიზიარებ ჩემსა სენაკსა...
სახლი ღეთისაა... შენც შეგივრობებს,
შენებრ მახვეწარს მრავალსაც სხვასა.

მიუხედავად ამისა, — როგორ მოშორდი? — კითხვის პასუხის მიგება განდევილს მეტისმეტად უჭირს. ეს კითხვა ძველი ალტერნატივაა და იგი ყოველთვის აწუხებდა განდევილს: მაშინაც, როცა ბერად შედგა, როცა განდევილად ცხოვრობდა და მაშინაც, როცა მწყემს ქალს შეხვდა. ასე რომ, მწყემსი ქალი არ ყოფილა იგი, ვინც განდევილის რწმენა შეარყია. დაუძლეველი ექვი მის სულში ყოველთვის არსებობდა. ოღონდ ექვის გამოვლენისათვის აუცილებელი იყო რაღაც ბიძგი. ამ ბიძგის როლი შეასრულა მწყემსმა ქალმა. რა აპირობებდა და ასულდგმულებდა განდევილის სულში ექვის არსებობას?

ერთხელ განდევილი ბუნების მშვენიერებას დააკვირდა:

მზე გადახრილი ჭერ კიდევ სრულად
მთისა გადაღმა არ დასულიყო
და მთის წვერზედ, ვით ცეცხლის ბორბალი,
ირგვლივ სხივგაშლით ანთებულიყო.
ცისა ლაევარდი, ვით ნაკვერჩხალი,
წითლად და ყვითლად მზისგან ჰლუევოდა,
და განსმკვალული მისით ღრუბელი
შორს ათასფერად სხივებში პთრთოდა.
ამა უბიწო ღიაღის ხილვით
წარტყვევილ იქნა განყენებული
და ვით ცხოველს ხატს ღეთის დიდებისას
შესცქერდა მზესა განციფრებული.

განდევილისაგან დამოუკიდებლად ბუნების ასეთივე სურათი იხილა მწყემსმა ქალმაც.

ლამაზი იყო ამ ღლის საღამო,
რა-რიგ ჰშეენოდა მზე დამავალი.
შეებდნენ თუ არ იმ მზეს, იმ ცასა,
გაეშტერდი, ვეღარ მოესხლიტე თვალი.
ღეთის სახესავით გარს შუქმოსხმული
თმის წვერზედ დიდი მზე ბრწყინვალეობდა
და საკვირველი ის სანახავი
თვალთანა ერთად გულსა მტაცებდა.

აქ საყურადღებოა ის, რომ სულის მსახური განდევნილიც და ხორცის მხევალი მწყემსი ქალიც ალტაცებულან და გაოგნებულან ბუნების დიადი სურათის ხილვით. ორივესათვის ამ სურათში ღვთაების აღე ვლინდება.

განდევილი „ვით ცხოველს ხატს ღვთის დიდებისას, შესცქერდა მზესა განცვიფრებული“.

„ღვთის სახესავით გარს შუქმოსხმული მთის წვერზედ დიდი მზე ბრწყინვალეზდაო“, ამბობს მწყემსი ქალი.

მაშასადამე, მზის სახით ღვთაება თანაბრად ეცხადება როგორც სულს (ამ შემთხვევაში განდევილს), ისე ხორცს (ამ შემთხვევაში მწყემს ქალს).

ეს თანაბარი დამოკიდებულება პრობლემაა, რომელიც უნდა ამოხსნას განდევილმა. მეორე საკითხიც აქვს გადასაწყვეტი განდევილს — სულისა და ხორცის თანაბარი მშვენიერება.

მწყემსი ქალი უმშვენიერესი არსებაა.

გასაოცარი რაღაც შეენება
განდევილს თვალწინ წარმოედგინა.
ყმაწვილი ქალი, სავსე სიცოცხლით,
სავსე შეენების ჭადოთი, გრძნებით,
ნაზად, ამაყად ცეცხლის პირს იჭდა,
ვით მინდვრის შველი ყელმოღერებით.
ეშხითა მფრქვევსა მის შავსა თვალებს,
თვით ცეცხლი სითბოს ეცილებოდა,
მის ელფერთაგან თვით ცეცხლის შუქი,
ვითა ძლეული, უკუ-ქართებოდა.
თვით მადლს ტრფობისას რომ მოესურვოს
ხორცსხმულად ვლენა ოდესმე ქვეყნად,
უკეთესს სახეს ვერ ინატრებდა
თავის სიცხოველის გამომსახველად.
მაშინაც ვინ სთქვას, — ვინ ვის აშენებს,
მადლი ამ სახეს, თუ სახე მადლსა!..
თვით შური, მტრობა ვერ უპოვიდა
ქალს. მშვენიერსა ვერაფერს ნაკლსა.
მის თვალთა ელვით, ღაწვთა შუქფენით,
გულ-მკერდის რხევით ვინ არ ათრთოლდეს!..
დახე მის ტუჩთა!.. თითქო თვით ტრფობას
თვის ნაზი კოცნა ზედ დარჩენოდეს.

მწყემსი ქალის გარეგნული სილამაზის აღწერა საგანგებოდ ამოვწერე თავიდან ბოლომდე. როგორც ხედავთ, ილია არსად არცერთ სიტყვას არ ამბობს მწყემსი ქალის სულიერ მშვენიერებაზე. მხოლოდ და მხოლოდ გარეგნულ სილამაზეს ექცევა განსაკუთრებული ყურადღება. ეს ნიშნეულია. სამაგიეროდ, განდევილის გარეგნობას გულგრილად ეპყრობა მწერალი. მეუდაბნოეს სულიერ სილამაზეს კი, პირიქით, დაწვრილებით და გულმოდგინედ აღწერს.

არ იყო ხნიერ, მაგრამ ვით წმინდანს
სულის სიმაღლე ზედ დასჩენოდა,
ზედ ეტყობოდა, რომ სული მისი
სულ სხვა მსოფლიოს შეჰხიზნებოდა.
სახე გამხდარი, კუშტი და მწყრალი
სიწმინდის მადლით დაჰშვენიებოდა,
და მალალს შუბლსა, ნაოქად შეკრულს,
შარავანდელი გადაჰტენოდა.
მისთა მცხრალ თვალთა ღრმა მეტყველება
ესოდენ იყო წყნარი და ტკბილი,
თითქო მათ-შიგან ჩასახებულა
თვით სათნოება, კდემით მოსილი;
თითქო ნელისა სიხარულითა
სამოთხის ღია კარს შეჰხარაინ
და სულთან ერთად უფლისა მიმართ
სასოებითა მისწრაფიან.

ორი მშვენიერებაა. ერთი ხორცისა და მეორე სულისა. სრულიად ბუნებრივია, რომ ორივე მშვენიერება თანაბრად ძლიერია. ამის გამოა ძნელი ხორციელი ცდუნებისაგან თავის დაღწევა, ცდუნების სიტკბოზე უარის თქმა. აქ ილია ტრადიციულ გზას მიყვება. ცდუნების პირველ ამბავშიაც ევა მშვენიერია. ასეა სიტყვაკაზმული მწერლობის სხვა ნიმუშებშიც, სადაც ცოდვითდაცემის სიუჟეტია გამოყენებული. ჩემი ცოდნით, ერთადერთი შემთხვევა, სადაც მშვენიერება კი არ აცდუნებს ასკეტს, არამედ სიბრაღული, ლ. ტოლსტოის „მამა სერგია“.

განდევილი წინააღმდეგობების რკალში მოექცა. იცის, რომ ხსნა ღმერთის დაუხმარებლად არ განხორციელდება.

— შე ნუ მიმადლი, შვილო, შენს დახსნას.
ღმერთია ყველას მშველელი, მსხნელი...
ღვთით ირ-განწირულს ყელგან წინ უძღვის
მისი მარჯვენა შემწყყნარებელი.

მაგრამ რატომ ვლინდება ღმერთი ერთნაირად ხორცშიაც და სულშიაც? აქ გაორდა განდევილის რწმენა და იფიქრა:

„ხსნა ყველგან არის... ხოლო გზა ხსნისა
ესეთი მერგო მე... უბედურსა“...

ეს იყო საბედისწერო შეცდომა. რამ გამოიწვია იგი?

ხორცსა და სულში ღმერთის თანაბარ გამოვლენას, ხორცისა და სულის თანაბარ მშვენიერებას განდევილი გრძნობის თვალთ უყურებდა და არა გონების, ამიტომ მათ შორის განსხვავების აღმოჩენა გაუჭირდა, ანუ იაკობ ბოემეს სიტყვებით რომ ვთქვათ, გაუჭირდა დაპირისპირება. დაპირისპირებით ხდება ყველაფერი ნათელი: რომ გამოვლინდეს, სინათლეს სჭირდება სიბნელე, სიკეთეს — ბოროტება და ა. შ. ამის მისახვედრად გონების ნება იყო აუცილებელი. ე. ი. განდევილი ღმერთთან ურთიერთობის მეორე საფეხურზე იდგა, როცა კავშირი ხორციელდება გრძნობის სურვილით და ადამიანი ჯერ კიდევ გაორებულია.

გაორების დასაძლევად კიდევ ერთი გამოცდის გადატანა იყო აუცილებელი: ხორცის მშვენიერების კვლავ ხილვა და მისი დაძლევა.

ნუთუ აწ ბედმა ქალის სახითა
განსაცდელი რამ მას მოუვლინა?

მაგრამ იქნება ბედმა ეგე ჰქმნა
მისდა საცდელად თვით უფლის ნებათი..
და კისრად იღო, ვით ნება ღვთისა,
სასოებით და გულდამშვიდებით.

მიღებით მიიღო განდევილმა განსაცდელი, მაგრამ ველარ გაუძლო. იგი დაეცა.

მივარდა ლოცვანს, დააყრდნო სხივებელ
და, ეჰე, სხივმა არ დაიჭირა!..
დაესხა რეტი, თვალთ დაუბნელდა,
გამერა, გაშეშდა ზარდაცემული,
ერთი საინლად შეჰპლავლა ღმერთსა
და იქვე სხივ-ქვეშ უტევა სული.

ამრიგად, „განდევილში“ ილიას გამოყენებული აქვს ცოდვით-
დაცემის კლასიკური სიუჟეტი. მაგრამ ამჯერად დაცემა გამოწვეუ-
ლია რწმენის დაღატოვებით. ამდენად „განდევილი“ რწმენის ტრაგე-
დიაა. რწმენის დაღატი კი შედეგია ადამიანის გაორებისა და ნების-
ყოფის სისუსტისა.

ახლა კი პასუხი უნდა მოვუძებნოთ კითხვას — რატომ დაწერა
ილიამ „განდევილი“, ანუ რწმენის ტრაგედია?

„განდევლის“ ალეგორიული ხასიათი პირველად მარჯორი-
უორდროპმა შეამჩნია და აღნიშნა, პოემა საქართველოს ცხოვრე-
ბის სიმბოლური ასახვააო. ეს მართლაც ასეა.

ოცდახუთი წლის ილია ჭავჭავაძემ მკაფიოდ ჩამოაყალიბა მისი
მოდერნიზაციის პროგრამა: „ჩვენი საქმე საქართველოს ხალხის ცხოვ-
რებაა; მისი გამჭობინება ჩვენი პირველი და უკანასკნელი სურვი-
ლია“ („საქართველოს მოამბეზედ“), ამ პროგრამის განსახორციე-
ლებლად ილიას პირუთენელად უნდა აეხსნა, რანი ვიყავით და რანი
ვართ. მერე ეჩვენებინა, საით უნდა წავიდეთ და რანი გავხდეთ. მაგ-
რამ სახლი რომ ააშენო, ჯერ სამშენებლო მოედანი უნდა გაწმინდო,
გაასუფთაო, შემდეგ კი მშენებლობა დაიწყო. ილიაც ასე მოიქცა.
მან მოურიდებლად და ობიექტურად ამხილა მე-19 საუკუნის ქარ-
თული სინამდვილე. „აჩრდილის“ მიხედვით, იგი ასეთია:

აქ არვის — დიდსა, თუ პატარასა,—
ქვეყნის ტყვილით არ სტკივა გული,
დაჰვიწყებია, რომ ქვეყნად ცასა
ღვთად მოუცია მართო მამული.

ტყუილი, სიცრუე და უნდობლობა დასადგურებულა.

აგერ უფალი და მისი მონა!
თრთოლით, სასწორზედ ზარჯს უწონს ძნელსა

და, რა დასწორდა სასწორზედ წონა,
უფალი პინას ზედ აღგამს ფეხსა
და მით მის ხარცსა ერთსა — ორად ჰხდის...

შური და მტრობა სუფევს მათ შორისაც კი, ვისაც ერთი საერთო საქმის გაძღოლა უკისრიათ.

აგერ ორ-სამ კაცს რაღაც უგრძნიათ,
ქვეყნისა სახსრად ერთად მოდიან,
ერთის საქმისთვის გაუღვიძნიათ
და ერთმანეთს კი არ ენდობიან.
ერთმანეთისა მათ სიკეთე ჰშურთ,
თუმც ერთისათვის თითქო იღვწიან;
თვით ამზობენ მას, რის აღდგენაც ჰსურთ,
თვით ჰშველიან მას, რასაც ებრძვიან.

უსამართლობასა და თვალთმაქცობას უზეიძია.

შენში კაცისას გრძნობას არ ხედვენ,
დედას ძუძუდგან შვილსა აგლეჯენ,
ვინ იცის, სიღამ სად გაჰყიდიან...
უწმინდურისა ხელითა სთხრიან
დედისა გულში უკეთესს გრძნობას...

ჰლხინობენ კიდევ, კიდევ ჰხარობენ,
ჰფიქრობენ, ჰგრძნობენ და ჰმოქმედებენ,
ჰხედავ ფაცა-ფუცს და ყველგან ელვილს,
უბედურ ცრემლთან ბედნიერ ღიმილს, —
მაგრამ მათ ცრემლსა, ღიმილს თუ გრძნობას,
ჰმუნვას, სიხარულს თუ მოქმედობას
ფრჩხილის ოდენაც არა აქვს აზრი
და ყველა იგი თვალთმაქცი არი.
ფუქია იგი მისი ცხოვრება,
უფერულია და ცალიერი...

ყველაფერი წამხდარა, დაცემულა და შეგინებულა მცხეთაში

აწ აღარა სჩქედს წყარო ცხოველი,
ხე ცხოვრებისაც იგი დამჰკნარა

და იგი დედა-ქალაქი ვრცელი
აწ სამიკიტნო დაბად გამხდარა.
ნგრეულან მისნი დიდნი პალატნი,
დიდი ცხოვრება მის დაცემულა,
დღეს იმ ცხოვრების წმინდა ალაგნი
პირუტყვთ ქელვითა შეგინებულა.

არც თბილისშია უკეთესი მდგომარეობა.

აგერ ტფილისიც... ყრმასაც და ბერსაც,
ქალსა — მახინჯსაც და მშვენიერსაც.
დიდსა, პატარას, თვადსა, გლეხსა,
მე უხილავი ყურსა ვუგდებდი,
მაგრამ კი, ვფიცავ ქართვლის სახელსა,
მათ აზრში აზრსა მე ვერ ვპოვებდი.

რისთვისც მამანი იღვწოდნენ უწინ —
დღეს შვილთ არ უღირთ არც ერთ ფლურადა.
გრძნობას — ოქროსა ფასად ჰყიდიან.
მთაერის ღიმილზე — პატიოსნებას,
და დაჯანგებულ ბორკილზე სცელიან
თავის მამულის თავისუფლებას.

ტოტალურად გაბატონებულა მტრობა, შური, თვალთმაქცობა,
გულგრილობა, უდარდელობა, უზრუნველობა, ორპირობა, სიცრუე,
მუხთლობა, ღალატი... ე. ი. ყველა ის ცოდვა, რასაც ხორციის საქ-
მედ მიიჩნევს პავლე მოციქული. ხორციის გაბატონების შედეგად
უმაღლესი ჰეშმარიტებაც დაკარგულია.

სად არის იგი, მლაღადებელი
ქვეყნის ხსნისათვის ჰეშმარიტება?
სად არის იგი, ბიწის მღევნელი
ჩვარცმული ღმერთის მაღალი მცნება?

(„აჩრდილი“)

ზუსტიად ამ სინამდვილის უარყოფის მიზნით მიაშურა განდევ-
გილმა ბეთლემს. დატოვა ქვეყანა დაცემული, იავარქმნილი და
უბედურა.

მეცა ვტანჯულვარ, ჰე, ბედკრულო, შენის ტანჯვითა,
შენისა ცრემლით თვალნი ჩემნი მიტირებია,
მეც წარტყვევნილვარ წარსულთ დღეთა შენთა ნატვრითა,
შენის აწმყოთი სული, გული დამწყულლებია.
შენცა გფენია ქვეყნის მაღლი — თავისუფლება,
ეხლა აღგვილა ყველა ესე, ვითაცა მტვერი...
და ძესა შენსა დღეს არც კი სწამს შენი აღდგენა,
განწირულების შთასდგომია მას გულში წყლული,
მას დაჰკარგვია ტანჯვით შორის შენდამი რწმენა
და დაუგდისხარ, ვით ტაძარი გაუქმებული.

იქნება ეს განდგომა თავისთავის გადარჩენას გულისხმობს და არა ქვეყნის ხსნას? ასე არ არის. აქ უნდა გავიხსენოთ, რომ განდგეგილი მყინვარის ბეთლემში ცხოვრობს. ამას ყურადღება მიაქცია სიმონ ჩიქოვანმა და იკითხა — „რისთვის დააბინავა განდგეგილი ავტორმა მყინვარწვერის წიაღში?“ სამწუხაროდ ს. ჩიქოვანმა ამ კითხვას ბოლომდე არ უპასუხა. საქმე ის გახლავთ, რომ ბეთლემში არის „სახლი ცხოვრებისა, გინა სიწმინდისა“ (საბა). მყინვარწვერი იმ უზენაესის საცხოვრისია, რომლის თვალნი დარაჯობს საქართველოს.

და მომეღინა მე კაცი დიდი,
მყინვარზედ მდგომი მოხუცებული;
ვითა ქვეყანა — ის იყო მშვიდი.
უძრავი, უხმო, დაფიქრებული.

(„აჩრდილი“)

ეს დიდი კაცი მიმართავს საქართველოს — „მარად და ყველგან, საქართველოვ, მე ვარ შენთანა... მე ვარო შენი თანამდევნი, უკვდავი სული“. განდგეგილმა მიაშურა საქართველოს უკვდავ სულს და მის წიაღში ეძებს როგორც საკუთარ, ისე ქვეყნის ხსნას. ილიას აზრით კი, საქართველოს ეს უკვდავი სული ქრისტიანული მოძღვრებაა. ჭერ ერთი, იმიტომ, რომ საქართველო ღვთისმშობლის წილხვედრი ქვეყანაა („ღედავ ღვთისაო, ეს ქვეყანა შენი ხვედრია...“) და მეორეც, საქართველო თავად ეწამა მაცხოვრისათვის („ჯვარცმულის ღვთისთვის თვით ჯვარცმულო და წამებულო...“).

გარდა ამისა, კაცობრიობის საუკეთესო იდეალების განხორციელებას ილია აკავშირებდა ქრისტიანულ ზნეობასთან. საყოველთაო

ოდ ცნობილია, როგორი ალტაცებით შეხვდა ილია პარიზის კომუნას და როგორ განიცადა მისი დამარცხება.

კვლავ ქვეყნისთვის დაიღვარა
წმინდა სისხლი წამებულის,
კვლავ დამარცხდა დიდი საქმე
ყოვლად მხსნელის სიყვარული'
კვლავ ძირს დასცეს იგი მცნება,
ქვეყნის ხსნად მოვლინებული,
რომლისთვისაც თითონ ღმერთი
იყო რანჭულ და, ჭვარცმული.

(„1871 წელი 28 მაისი“)

აქ პარიზის კომუნის იდეალები და ქრისტეს მცნება გაიგივებულია. ეს არა მგონია, სადავო იყოს.

შრომისა და მუშაკაცის განთავისუფლებაც ნაქადაგევი და ნაჯარაუდევია ქრისტიანულ მოძღვრებაში.

შრომისა შვილო, მძიმე უღელი
ქვეყნის ცოდვისა შენ გაწევს კისრად,
თუმცა ტვირთმძიმეთ შემწუნარებელი
შენის დახსნისთვის ჭვარს ეცვა ქვეყნად;
თუმცა ქვეყანას იმის მოძღვრება
დღეს მარტო სიტყვით უქმით პრწმენია,
მაგრამ ცხადად ჰხმობს მის წმინდა მცნება
რომ მყოობადი მარტო შენია.

(„აჩრდილი“)

ილია მთელ ერს მოუწოდებდა:

ვემსხვერპლოთ ქრისტესა მცნებას,
ვაშოროთ. ქართული მონებას,
ქართლის უბრალო მადლობა
გვერჩივნოს ყოველ დიდებას.

(„ჩემი თარიღალი“)

„ხორცი მივეციტ სულისათვის და ერთმა მუჟა ერმა ქრისტიანობა შევიწინახეთ, არ გავაქრეთ ამ პატარა ქვეყანაში“ („რა გითხრაათ? რით გავახაროთ?“).

დამოწმებული ნიმუშების გამრავლება შეიძლებოდა, მაგრამ ამ

მცირედითაც სრულიად ნათელია, რომ ილიას შემოქმედებაში ქრისტიანული ზნეობა მიჩნეულია პიროვნებისა და ერის მხსნელ მოძღვრებად.

ზოგიერთ უმეცარს ჰგონია, რომ რელიგიურობა მხოლოდ ბრძალ-მორწმუნეობას გულისხმობს. უპირველეს ყოვლისა, რელიგიურობა მაღალ ზნეობრიობას ნიშნავს, ურომლისოდაც მწერლობა არ არსებობს. ნიშნავს იმ ეთიკური მრწამსის გაცნობიერებულ აღიარებას, რომელიც მოსეიზმმა და ქრისტიანობამ ათი მცნებით გამოხატა — არა კაც კლა, არა იპარო, არა ცილისწამო, არა იმრუშო, არა ქმნა თავისა შენისა კერპი, პატივიეც მამასა შენსა და დედასა შენსა და ა. შ. ამ ზნეობრივ პრინციპებს კაცობრიობამ ჯერჯერობით ვერაფერი მიუმატა, ვერც რომელიმე საზოგადოება, მათ შორის სოციალისტურიც, უარყოფს მას. ამ მორალურ-ეთიკური თვალსაზრისით არსებობს ქრისტიანობა ილიას შემოქმედებაში.

ქვეყნის ხსნა ვერ განხორციელდება, თვინიერ პიროვნების ხსნისა. აქაც ორი საფეხური ყოფილა: ჯერ პიროვნება, მერე ერი.

როცა პიროვნების სრულყოფის პროცესი დამთავრდება, მერე იწყება ერის ხსნა. ყოველმა კაცმა ხორცი უნდა მისცეს სულისათვის, მაშინ განდგება შესაძლებელი ერის გათავისუფლება. განდგეილსაც ეს გზა უნდა გაევიდეს. ჯერ საკუთარი სულის ხსნისათვის უნდა ებრძოლა და შემდეგ მიეცემოდა საშუალება მამულზეც ეზრუნა. მაგრამ პიროვნების სულის ხსნა არ არის იოლი საქმე. ამისათვის ჯვარცმულის რწმენა, ნებისყოფა და ენერგია უნდა ჰქონდეს კაცს. მისი სულის სიმტკიცისა და ძალის პატრონი უნდა იყოს. სხვანაირად არაფერი გამოვა. რაკი განდგეილს ეს თვისებანი არ აღმოაჩნდა, დაიღუპა კიდევ. ეს სიკვდილი სულის სიმტკიცის, ძალის, ენერგიის, ნებისყოფის აღზრდისაკენ მოუწოდებს მკითხველს.

„სად არს ის ღმერთი, იგი გრძნობა, ის სიხვარული?“

„ბანკის იმ ყრილობებზე იხარჯებოდა ბევრი დრო, ბევრი ფული, ფუძლებოდა ბევრი გასაყეთებელი საქმე და იყო ვრთი აურზაური ისეთს თითქო ჩვეულებ-

რივ, უბრალო რამეზე, როგორც ბანკის კრებებშია, მაგრამ რამდენი უარყოფითი მხარეც არ უნდა ჰქონოდა ამ ყრილობებს, ეს მაინც უნდა ითქვას, რომ იყო შიგ დადებითი მხარეც.

იმ დროს, როდესაც ჩვენი ენა ისე იყო დევნილი სასწავლებლებიდან თუ სხვა დაწესებულებებიდან, როდესაც ჩვენი ინტელიგენცია რუსულ ენაში ვარჯიშობდა ყველგან და საჭაროდ სიტყვის წარმოთქმა ქართულად სულ არ ეხერხებოდა, ბანკის ყრილობები დიდი ასპარეზი გამოდგა სამშობლო ენაზე ლაპარაკისათვის. გარდა ამისა, რომ ზოგიერთს მათგანს საერთოდ ლაპარაკიც შეასწავლა.

ჩერ დაიწყო ასე: გამოვიდოდა რომელიმე ორატორი სალაპარაკოდ და დაიწყებდა რუსულად.

— ქართულად, ქართულად! — იგრიანებდა კრება.

— რა ვქნა, ბატონო, რომ არ შეხერხება ქართულად, — დარცხვენილის კილოთი ბოდიშობდა ორატორი.

— არ შეიძლება რუსულად, არ შეიძლება, რამდენს არ გვესმის რუსული, როგორც გეხერხებათ, ისე ილაპარაკეთ ქართულად; — მიაძახებდნენ კრებიდან. ისიც უნებურად ალაპარაკდებოდა ქართულად და რამდენჯერმე წარმოთქმული სიტყვის შემდეგ ისე გამოსწორდებოდა, რომ სასიამოვნო ხდებოდა მისი ყურის დაგდება. იყვნენ ერთი-ორი მათში, რომელთაც სულ ვერ მოახერხეს და ლაპარაკობდნენ რუსულად. ყველას სამაგიეროდ კი ატკობდა სმენას და მოჰყავდა ალტაცებაში ილიას და ვანოს, ერთის მღორედ მღელვარე და მეორის მჩქეფარე, იშვიათი მჭევრმეტყველებით სავესე ლაპარაკი და ესეც ხომ ღირდა რამედ.

მარტო იმის განცდა, რომ ერთი მოღმის ხალხი თავს ვიყრიდით ერთად, ჩვენს ენაზე ვლაპარაკობდით, ჩვენს საკუთარ საქმეებზე, სადაც სხვა ვინმე ვერაფერში წამოგვედავებოდა, თავის ნებაზე ვერ გავტარებდა. აი, ეს იყო იმ დროს სახარბიელო და სასურველი“.

ნინო ყიფიანი

წიგნი ხელიდან ხელში გადადიოდა. უდიდესი ნიაზით კითხულობდნენ. ერთნი გაოგნებული იყვნენ, ილიას როგორ აკადრესო; მეორენი — კმაყოფილი, როგორც იქნა სიმართლე პირში მიახალე-

სო. განსაკუთრებით წიგნის ერთ ადგილს ჩასჩინებდნენ, ერთმანეთს უჩვენებდნენ. ერთხელ წაკითხულს ხელმეორედ უბრუნდებოდნენ, ისინიც, ვისაც გული ეწვოდა და ისინიც, ვინც სიამოვნებით იფშენებდნენ ხელებს.

„რა გააკეთა თ. ჭავჭავაძემ რომელსამე საზოგადო ასპარეზზე? რა გააკეთა დრამატიულ საზოგადოებაში?“

სხვათაგან ჩინებულად დაწყებული საქმის უფროსობა ჩაიბარა, ამ უფროსობაში მოვლა-გაზრდის მაგივრად სიკვდილამდე მიიყვანა და მიმკვდარებული, სულთ-მობრძავე სხვათა მიუგდო საპატრონებლად, — ეხლა თქვენ მოუარეთო.

რა გააკეთა „წერა-კითხვის საზოგადოებაში“?

არაფერი იმის მეტი, რომ ყოველსავე სასარგებლო აზრს და დაწყებულებას მუხლს უხუთავდა თავის მოუნდომლობით და გულცივობით.

რა გააკეთა სათავად-აზნაურო სკოლის დამფუძნებელ საზოგადოებაში?

არაფერი, არაფერი, სრულიად არაფერი.

რად გარდაჰქმნა ქართული ყოველ დღიური გაზეთი?

უმნიშვნელო, უსიცოცხლო, უსულო ქაღალდის თაბახად, რომელიც მხოლოდ თ. ჭავჭავაძის პირადს, დიად, ვიმეორებთ, პირადს ინტერესსა და წადილს ყურ-მოჭრილ მონასავით ემორჩილება.

დასასრულ, რა მიმართულება, რა გზა აჩვენა, რა გააკეთა ყოველ დასახელებულ საქმის მასაზრდოებელ ბანკში, რომლის ზოთავედაც ის ითვლება დასაწყისიდან დღემდე?

მთელის ჩვიდმეტის წლის განმავლობაში ვერ გაიცნო, ვერ შეითვისა ანბანიც კი ბანკის საქმისა, რომელზედაც ასე თამამად ჰქადაგებდა ბანკის კათედრიდანაც და „თავის“ გაზეთის ფურცლებზედაც“.

წიგნი ექვთიმე ხელაძის სტამბაში იყო დაბეჭდილი და სახელად ერქვა — „თავადი ილია ჭავჭავაძე და იმისი მოღვაწეობა“. იგი ანონიმურად იყო გამოცემული. ავტორის გვარი და სახელი არ ეწერა. თუმცა ანონიმურობას აზრი არ ჰქონდა. ყველამ იცოდა, ვინც იყო ავტორი — ივანე მაჩაბელი.

ტუდ დროს, 1892 წელს, გამოვიდა წიგნი. არეული სიტუაციაა. ილია და ივანე შეუპოვრად ებრძვიან ერთმანეთს. საზოგადოება

ორად არის გაყოფილი — ჰავჰავადისტებად და მაჩაბლისტებად. უარესიც: კუთხურობამაც იჩინა თავი. კახელები ილიას ემხრობიან, ქართლები — ივანეს. ყველაზე მეტად ეს ზარავს ილიას. ძლიეს-ძლივობით გააღვიძეს ერთიანი ეროვნული შეგნება. ახლა კი ორი კაცის უგუნურმა შუღლმა შეიძლება სულიერად ისევ დაშალოს საქართველოს ერთიანი სხეული. ამის გამო მოიმდურა მერე ნიკოლოზ ორბელიანიც.

ერთხელ ბანკის კრებაზე გაბრაზებულმა ორბელიანმა ვლადიმერ მიქელაძეს წამოსძახა თურმე: შენ მოსული ხარ, უცხო, ჩვენთან კავშირი არა გაქვსო. ამ გამოხდომამ ილია გააცეცხლა: ვახტანგ ორბელიანის შვილმა ეს როგორ იკადრაო. „მე ვებრძვი აზრს და ამ აზრის განოსარკვევად მარტო საჭიროა ვიცოდეთ ის კი არა, ვინა სთქვა, არამედ ის, ვის უთხრეს. ეს უთხრეს იმიერ ქართველს. როგორ? იმერი ქართველი აქ, ჩვენს კრებაში, ამ ჩვენს საქართველოში — მოსულია, უცხოა და არა სახლიკაცი, არა სისხლ-ხორცი იმ დიდი ოჯახისა, რომელსაც საქართველო ჰქვია! არა, ბატონებო!.. ყოველს ქართველს საქართველოს ნაწილისას, — გურული იქნება, მეგრელი, იმერელი, კახელი თუ ქართლელი, — ჩვენის ერთიანის ოჯახის კარი ღია აქვს, რომ ჩვენს საერთო ჭირსა და ღიბინაში ძმური მონაწილეობა მიიღოს. ეს არამცთუ უფლებაა თვითეულის ჩვენგანისა, უუწმინდესი მოვალეობაა“. ისიც დასძინა ილიამ — ექვსი საუკუნის მანძილზე ამ ერთიანობისათვის იბრძოდა ყველა უკეთესი ქართველი და ვახტანგ ორბელიანმაც ერთიანობა, ერთიანი ეროვნული შეგნების მოვლა-პატრონობა დაგვიტოვაო ანდერძად.

ნიკოლოზ ორბელიანი ისედაც მაჩაბლის ბანაკში იყო. ისედაც ოპოზიციამი ედგა ილიას და ახლა მთლად დაკარგა წონასწორობა. იგი არ მოელოდა, რომ კერძო პირის მიმართ ნათქვამს ზოგადეროვნულ კუთხით შეხედავდნენ. თავი იმართლა, ეს კონკრეტულად მიქელაძეს ვუთხარი, თორემ იმიერ-საქართველო აქ არაფერშუაშიაო. გაბრაზებულმა ილიას მიახალა — „მამაჩემს ჩემთვის არ უსწავლებია პირველობის შესაძენად და დასამყარებლად სამშობლო საშუალებად გამოიყენეო. თ. ორბელიანი კი არა, თ. ჰავჰავაძე თავის პირადის ანგარიშით ივიწყებს სამშობლოს, შეაქვს შფოთი ოჯახში, საზოგადოებაში, თვით სამშობლოში“.

გაწყვეტამდეა დაჭიმული ნერვები. ყველა წვრილმანი ზვიადდე-

ბა. ერთმანეთს არაფერს აპატიებენ. გონებას ბინდი გადაეკრა და მხოლოდ გული და ემოცია წარმართავს ადამიანთა საქციელს. დაუფიქრებლად, განუსჯელად შეიძლება მიაყენონ ერთმანეთს შეურაცხყოფა.

ილიამ ბანკის კრებას მოუწოდა, საზოგადოებრივ თავყრილობას ნუ გადავაქცევთ ინტრიგისა და პირადი ანგარიშსწორების ასპარეზად. რატომღაც ალ. კობიაშვილს მოეჩვენა. რომ ეს მისი მისამართით ითქვა. წამოხტა და დაიყვირა — „თვით თ. ჰავჭავაძეა დამნაშავე ამაში, თვით ეგ არის ბუდე ინტრიგებისა და პირადის ანგარიშებისა“.

კრების დასასრულს გიორგი ანდრონიკაშვილმა სხდომის თავმჯდომარეს მიმართა: „წელან პატივცემულს თ. ი. ჰავჭავაძეს დიდი შეურაცხება მიაყენა ბ. კობიაშვილმა... იმ პირს მიაყენა შეურაცხება, რომელიც 18 წელიწადია ბანკს განაგებს და ყოველ ჩვენ საზოგადო საქმეს სათავეში უდგას, მე ვთხოვ ბ. კობიაშვილს გულწრფელად წარმოსთქვას, ჰქონდა რამ საბუთი აპისტანა სიტყვებისათვის, თუ ისე უნებურად წამოსცდა?“

კობიაშვილი უკვე დამშვიდებული იყო. წელან გაცხარებამ ათქმევეინა უკადრისი და ახლა მორცხვად უპასუხა ანდრონიკაშვილს — „უნდა მოვახსენო კრებას, რომ არა მქონდა საკმაო საფუძველი მაგ სიტყვების თქმისათვის და ამიტომ კრების წინაშე ბოდიშს ვხდით თ. ი. ჰავჭავაძესთან“.

ასე ხდება წამდაუწუმ. ილია თავს იკავებს. არ აქცევს ყურადღებას სხვების თავაშვებულობას. მაგრამ საკმარისია მაჩაბელზე ჩამოვარდეს საუბარი, რომ სადღაც ქრება მისი სიღინჯე და სიღარბაისლე. მისი სიტყვები დაცინვით და სარკაზმით ივსება.

ილია ნიჭიერებას ნორიდებულად და ფაქიზად ექცევა. ერთხელ ეჯა-ფშაველამ „ორღეანელი ქალწული“ თარგმნა. ილიას თარგმანი არ მოეწონა, მაგრამ აზრი კატეგორიულად არ გამოთქვა. წერაკითხვის გამავრცელებელ საზოგადოებას მიმართა: „თარგმანი „ორღეანელი ქალისა“ მე არ მომეწონა. უმორჩილესად ვთხოვ გამგეობას, მარტო ჩემს აზრს არ დასჯერდეს და სხვასაც ვისმე გაასინჯოს თარგმანი. ეჯა-ფშაველა ჩემს თვალში იმდენად პატივსაცემი მწერალია, რომ მისის ნაწარმოების დასაფასებლად საკმაო არ არის მარტო ერთის კაცის აზრი და შთაბეჭდილება“.

ასე ექცეოდა იგი ადრე ივანე მაჩაბელსაც. უყვარდა, აფასებდა, იმედით უყურებდა. თუ უჭირდა, ესარჩლებოდა. „დროებაში“ მაჩაბელმა ერთი მოთხრობა დაბეჭდა. იქ კონკრეტულად არავისზე ყოფილა ლაპარაკი, მაგრამ ვილაც მოხელემ მასში თავისთავი იცნო და მაჩაბელს სასამართლოში უჩივლა. ილია მაშინვე გამოექომაგა ივანეს. დაიცვა. რედაქტორი გულთმისანი ხომ არ არისო, რომ გამოიცნოს — „ცხრა მთას იქით ესა და ეს კაცია, რომელიც ყოველს მოთხრობილს თავისთავზე მიიღებს; ითაკილებს და კანონს მიმართავს შემწეობისათვის...“ თუ ამგვარ დაექვებულ პირებს ყური ვუგდეთ, საერთოდ ლიტერატურული შემოქმედება შეუძლებელი გახდებაო.

მაგრამ ეს იყო ადრე. ახლა მაჩაბლის აღარ სჯერა და მის სასარგებლოდ სიტყვას აღარ ხარჯავს. ასევე იქცევა მაჩაბელიც. ვინ იცნობს მასზე კარგად ილიას — ერთად თარგმნიდნენ, გაზეთის გამოცემის ტვირთს ერთად ეწეოდნენ, რვა წელიწადია ერთად არიან შებმული ბანკის უღელში, მაგრამ მაინც ჯიუტად ამტკიცებს — „თ. ჰავჰავაძის ხელში ბანკმა არა ერთხელ და ორჯერ ისეთი დღე გამოიარა, რომ კინალამ სული განუტევაო“.

ყოველი მოღვაწე საქართველოს ოქროდ უღირს. როცა გულნატკენმა ნიკო ნიკოლაძემ საზოგადოებრივ სარბიელს თავი დაანება და პუბლიცისტობა მიატოვა, ილიამ დაუბრუნა იგი ქართულ მწერლობას.

„ძმაო ნიკო! წავიკითხე შენი გამოსალმება, — წავიკითხე, მაგრამ წაკითხული აქამდისაც არ მჭერა... ნუთუ მართლა შეუშინდი ჭიკჭუებს და იმათს ბზუილზე გაფრთხი?... განა წინადვე არ იცოდო, რომ მაგ გზაზედ, რომელსაც შენ დაადეგ, ათასი ვივიავლახი, ბეზლი, ცილი, ლანძღვა და თრევა დაგხვდებოდა ჯილდოდ შენის შრომისა და მოღვაწეობისა? ეგ ამბავი არ ახალია, ძველია. ვითომ რად გიკვირს, რომ მოსალოდნელი მოვიდა და რად არ გიხარია, რომ იმდენა ძალი გქონია, რომ მკვდრებიც კი ააყაყანე... ექცევი რასა და ვისა? შენს ქვეყანას, შენს შრომას, შენს მეგობრებს და თანამოაზრეთა. რას შერები, რასა?..“

თუ მართლა გიყვარს ის, რისთვისაც ეგრე თამამად და უშიშრად იღვწოდი, დარჩი მაგ უბედურს ქვეყანაში. დარჩი და იშრომე, — და მხოლოდ ის გქონდეს ხსოვნაში, რომ მარტო უბედურთ უნდათ

შველა და არავის სხვასა; კვლავ მოჰკიდე ხელი შენს პატოსანს საქმეს...“ — მიმართავდა ილია ნიკოს.

ნიკო ნიკოლაძემ ყურად იღო ილიას ძახილი.

ის ილია ჭავჭავაძე, რომელიც ასე ზრუნავდა ყოველ მოღვაწეზე, ახლა ბანკიდან მაჩაბლის გაძევების მოსურნეა.

ის ივანე მაჩაბელი, რომელიც მგზნებარედ უარყოფდა შურსა და ქიშპს, რომელიც „ჩვენის ქვეყნის დასაბამითვე ბოროტს სულსავეთ უქანა გვღვეს და ყოველს კეთილს საქმეში ხელს გვიშლის“, ახლა თავგამეტებული ებრძვის ილიას და მის დამარცხებას ცდილობს.

დაჰიმულია და დაძაბული ვითარება. იმის მაგიერ, რომ ძველი მეგობრები, ახლა წაკიდებულნი, შეარიგონ, ხელს უწყობენ შუღლის გაძლიერებას. კიდევ უფრო მეტად ამღვრევენ, ისედაც ამღვრეულ წყალს. კიდევ უფრო მეტად ასხამენ ცეცხლზე ნავთს. ამ დროს, 1895 წლის მარტში, თბილისში პეტერბურგიდან რევიზია ჩამოვიდა, უნდა შემოწმდეს საადგილმამულო ბანკის მუშაობა და ისიც, რა ვერ გაიყვეს ჭავჭავაძემ და მაჩაბელმა.

რევიზია ჩამოვიდაო, და ორივე ბანაკი მთლად გაგიჟდა. ზოგიერთმა ჰკუთამოკლემ რევიზიის ჩამოსვლა მაჩაბელს დააბრალა. მაგრამ, მადლობა ღმერთს, მთავარი რევიზორი დობეცკი, ევსტათი ევსტათის ძე, ჰკვიანი, გულისხმიერი, საქმისმცოდნე და შორსმჭვრეტელი ადამიანი აღმოჩნდა. შეაძოწმა თუ არა ბანკის საქმიანობა, მაშინვე მიხვდა, საათივით არის აწყობილი საქმე. ორივე — ჭავჭავაძეც და მაჩაბელიც — დიდებული ფინანსისტი. მათი მტრობა შეუძლებელია. ეს მხოლოდ საქმეს წაახდენს და გააფუჭებს. არაფერი აქვთ მათ გასაყოფი. არსებითად ორივე ერთნაირად ფიქრობს. წვრილმანი, უმნიშვნელო გაუგებრობანი გაბერეს კორიკანა და სულმდაბალმა ადამიანებმა. ბუზს სპილო ამოზინეს და ეს ორი — ჰკვიანი, ნიჭიერი და საქმიანი — ადამიანი ერთმანეთს გადაჰკიდეს. უმთავრესი დასკვნა, რომელიც დობეცკის რევიზიამ გააკეთა, ეს იყო: ჭავჭავაძე და მაჩაბელი უნდა შეარიგოთ. თუ გინდათ, საქვეყნო საქმე არ დაიღუბოს, თუ გინდათ საზოგადოების კეთილდღეობა ინტრიგას და უჭკუობას არ უმსხვერპლოთ, შეარიგეთ ისინი. ივანესაც პირადად უთხრა ეს დობეცკიმ, როცა მაჩაბლისას სტუმრობდა. ანასტასია ერისთავი-ხოშტარია გადმოგვცემს: როცა დობეცკი

ვანოს სადღეგრძელოს სევამდა, ურჩიანო, „ნაკლებად აპყოლოდა გაბოროტებას და შეთანხმებულიყო უბადლო საზოგადო მოღვაწე ილია ჭავჭავაძესთან, რომლის წყალობითაც ბანკის მართვა-წარმოება ღირსეულადაა დაყენებული. ზარალი არც მომავალში მოელის თუ, რასაკვირველია, ასეთი ნიჭიერი პირები, როგორც არიან ილია და ვანო, ერთად იმუშავენ“.

დობეცკიმ და მისმა რევიზიამ საქმე დაამთავრეს. პეტერბურგს წავიდნენ. ილია და ვანო მაინც არ შერიგდნენ.

არც ნიკო ლოზოურის თხოვნამ და ღუდარამ გამოიღო ნაყოფი. ისინი ისევ გათიშული დარჩნენ.

მაინც რამ განაპირობა ეს საბედისწერო დავა და შუღლი? რა თქმა უნდა, დღეს წარსულის მაყურებლის როლში ყოფნა იოლია. ადვილი სათქმელია — ის ასე უნდა მოქცეულიყო, ეს — ისე. მაგრამ ერთი, ჩემი ფიქრით, ცხადად ჩანს — მათ ურთიერთდამოკიდებულებაში გადამწყვეტი როლი ხასიათის სხვადასხვაობამ შეასრულა.

ილია ზტყიცი და მკაცრი ბუნების კაცი იყო. ერთი მისი მოწინააღმდეგეთაგანი 1914 წელს იხსენებდა:

„ილია ჭავჭავაძე ერთი მთლიანი ქვისაგან გამოქრილი კაცი იყო, ქედ-მოუხრელი, შეუდრეკელი. ის ტიპიური ნამუსის კაცი იყო. იმისათვის სიტყვა და საქმე ერთი იყო. ის პირიანათ ასრულებდა თავის ერთხელ ნაკისრ მოვალეობას, ზაგრამ თავის უფლების დარღვევასაც იგი არავის შეარჩენდა“.

ივანე მაჩაბელს უფრო რბილი, დამყოლი, ნერვიული ბუნება ჰქონდა. მძიმე, ძნელი და რთული საქმიანობაა ბანკირობა. ფულსა და ლზობიერებას ერთმანეთი არ უყვართ. თუ გინდა, ფული შეინარჩუნო და მოიგო კიდევ (ფული ფულს მიუმატო), მაშინ ქვის გული უნდა ჩაიდგა. თორემ ლზობიერების გზას თუ დაადექი, ფული მყისვე გაიპარება და ხახანშრალს დაგტოვებს.

საადგილმანულო ბანკში დაგირავებულია მანული. სესხი აღებულია. გარკვეული ვადის გასვლის ზერე დამგირავებელმა ვალის ნაწილი უნდა გადაიხადოს. თუ ვერ გადაიხდის, შესაბამისი ღირებულების მამული გაიყიდება. ქართველი თავადაზნაურობის უმრავლესობა უზრუნველი ხალხია. მამულს დააგირავებენ, ფულს აიღებენ, ვალის გადახდას აღარ ფიქრობენ. ილია არავის აძლევს

შელავათს. არ გადაიხადეს ვალი, მაშასადამე, მამული უნდა გაიყიდოს. გარბიან ვანოსთან. ემუდარებიან — ცოტა კიდევ გვადროვეთ. უახლოეს ხანში უსიკვდილოდ გადავიხდითო. იცის ივანე მაჩაბელმა, რომ ეს დაპირება ტყუილია. მაგრამ გული სიბრალოთ ევსება და ვალის გადახდის ვადა გადააქვს.

იწყება ჩურჩული, მითქმა-მოთქმა — რა დიდებული კაცია ივანე მაჩაბელი, გულისხმიერი, გამგები, ხელშემწყობი, მზრუნველი. კი არ გახრჩობს, გეხმარება, თანაგიგრძნობს, გიმსუბუქებს მდგომარეობას. აბა, ილია ჭავჭავაძეა კაცი? ურჯუცი, დაუნდობელი, სულის მოთქმას არ გაცლის. სულთამხუთავივით გადგას თავზე, რომ ან ფული წაგგლიჯოს, ან მამული გაგიყიდოს. თუ ილიას გავაგდებთ და ვანოს დავტოვებთ, ჩვენს ბედს ძალლი არ დაჰყევს.

იწყება ჯგუფების შედგენა, ოპოზიციის შეკოწიწება. იმას არავინ ფიქრობს, თუ ვალი არ გადაიხადე ან მამული თუ არ გაიყიდა, ბანკი თვალის დახამხამებაში გაკოტრდება და დაიქცევა. ბანკთან ერთად დაილუპება ის, რაც ბანკით არსებობს. დაილუპება ყველა ქართული საქმე.

ამიტომ ილია ვალდებულია, შეუბრალებელი იყოს. გულის ხმას ყური არ უგდოს და მხოლოდ ცივი გონებით იხელმძღვანელოს.

კარგი საქმეა კონვერსია. ვალის პროცენტი შემცირდება, გადახდის ვადა გახანგრძლივდება და ასე შემდეგ. ეს ბანკს მეტ კლიენტს გაუჩენს. მეტი კლიენტი მოქმედების არეს გააფართოებს. შეიძლება თბილისის საადგილმამულო ბანკმა მოქმედება წთელ კავკასიაზე გაავრცელოს. უფრო შორსაც გაიწიოს. ეს ძალაა და სიმდიდრე. ივანე მაჩაბელი კონვერსიის მომხრეა. ილიაც ეთანხმება. თითქოს ყველაფერი მოგვარებულია, მაგრამ ილიამ უცბათ გადაწყვეტილება შეცვალა. რატომ? სპეციალისტებმა ურჩიეს, მათ შორის, იმპერიის ფინანსთა მინისტრმა: არახელსაყრელია ახლა კონვერსიის ჩატარებაო. იმპერიის შიდა რაიონებში შიმშილობაა. ბევრს უჭირს. როცა შეიტყობენ, რომ თბილისის საადგილმამულო ბანკი დაბალი პროცენტით იძლევა სესხს, ვალის გადახდის ვადა გახანგრძლივებულია, უანრავი ხალხი მოგაწყდებათ. ყველას თუ მიეცით სესხი, შეიძლება ბანკმა ვერ გაუძლოს და გაკოტრდესო. დღევანდელ პირობებში გიჯობთ კონვერსიისაგან თავი შეიკავოთო. ეს რჩევა ილიას ჭკუაში დაუჯდა და ადრინდელი თანხმობა უარით შეც-

ვალა. მაჩაბელს ეს ეწყინა: უხერხულ მდგომარეობაში ჩამაგდოო. ისევ ატყდა ჩურჩული, მითქმა-მოთქმა. მაჩაბელს არაფრად აგდებს. თვითონ ჭრის და კერავს. სხვისი აზრი ჩალად უღირს. უცდომელი და უცოდველი ჰგონია თავი. შებოჭა და შეჰკრა მაჩაბლის ნიჭი და უნარი...

იმას არავინ ფიქრობს, რომ არის ჟამი შეკრებად ქვისა და არის ჟამი განყრად ქვისა. თუ ერთ პირობებში კონვერსია მომგებიათ, მეორე პირობებში შესაძლებელია წამგებიანი იყოს. შეიძლება დამლუპველიც. აქაც ფხიზელი და ანგარიშიანი ჰქუაა საჭირო. უნდა იცოდე, როდის რა ნაბიჯი გადადგა. ილია აქაც ცივი გონებით სჯის. არ ითვალისწინებს ვანოს ემოციურ ბუნებას.

ასე გროვდება და გროვდება წვრილ-წვრილი წყენანი, უსიამოვნებანი, გაუგებრობანი. სხვები სარგებლობენ ამით და მათ ურთიერთობას ამწვავებენ. რარიგ გონიერიც უნდა იყოს კაცი, რარიგ თავდაპირილიც, რარიგ წინდახედულიც, რარიგ გამპკრიახიც, შინც ადამიანია და, ერთ უბედურ დღეს, მოთმინების ძაფი უწყდება, გონება უბნელდება, თვალის ჩინი ეკარგება, ავისა და კარგის გარჩევა უძნელდება. მოქმედებს მასზე კორი, ენის მიტან-მოტანა, მითქმა-მოთქმა. ილიაც და ივანეც ადამიანები იყვნენ და მათაც ვერ დააღწიეს თავი მათ გარშემო ატეხილ აურზაურსა და აყალ-მაყალს.

ყოველ ადამიანს უდგება საბედისწერო წუთი, როცა შეცდომა გარდაუვალია.

ამ საბედისწერო წუთს დაწერა მაჩაბელმა „თავადი ილია ჭავჭავაძე და იმისი მოღვაწეობა“.

ამ საბედისწერო წუთს დაკარგა ილიამ თავშეკავება და მაჩაბელი გახდა მისი მწარე დაცინვის საგანი.

ამ საბედისწერო წუთს სძლია ქიმშია კეთილგონივრებას.

ამ დროს საზოგადოებამ უნდა ივარგოს. მან უნდა უპატრონოს წამიერად დაბნეულ შვილებს. ხელი გაუწოდოს და უშველოს. მან უნდა გაარჩიოს ერთმანეთისაგან საქმიანი დავა-კამათი და უმიზნო შუღლი. მაშინ არც ეს მოხდა. პირიქით, ილიასა და მაჩაბლის დავას აჰყვა საზოგადოება. შედეგიც სავალალო იყო: ივანე მაჩაბელი ბანკიდან წავიდა.

ჩიტირეკიები და შარახვეტიები ილიას გამარჯვებას ულოცავდნენ. მხოლოდ მან იცოდა, რომ იმ დღეს მწარედ დამარცხდა—

თვითონაც, მაჩაბელიც, ქართული საქმეც. ორივე გამოფხიზლდა, მაგრამ რაღა დროს. წინ უფსკრული იყო, რომლის გადალახვა არცერთს უკვე აღარ შეეძლო.

ერთს 1898 წლის ივნისის თბილისური დილა ელოდა, მეორეს — 1907 წლის აგვისტოს წიწამურის შუადღე.

„აღარ მაქვს საზრდო სულისათვის მე არც სიძულვილში, არც სიძვარულში“

„ქვეყნის აშენებას გვიქადის ბ-ნი ნოე ქორდანია და მისნი აიარები. საბა ორბელიანის ზღაპრისა არ იყოს, თითონ მაშალსავით ხეზე შემომჭდარა და იძახის: მე აქ ვიყივლებ და თქვენ მანდ ძირს იყეფეთ და სოფელი აშენდებო. ამ იმედით ბრძანდებოდეს ბ-ნი ნოე ქორდანია და მისი კამპანია, და როცა ამ გზით იმან ქვეყანა ააშენოს, მე წილს ნულარ დამიდებენ, არ დავემდურები“.

ილია ჭავჭავაძე

„სადაც ხე იჭრება, იქ ნაფორებიც ცვივა“.

ნოე ქორდანია

„თუ ილია ნაფორია, რაღა უნდა იყოს ნოე ქორდანია?..“

კიტა აბაშიძე

1893 წლის 3 იანვარს დაიწყო სამეცნიერო და სალიტერატურო ნახატებიანი გაზეთის „კვალის“ გამოცემა. მისი პირველი ნომრის გამოსვლას ქართველი საზოგადოება გულთბილად მიესალმა. ეს ფაქტი აღნიშნა ჟურნალმა „მწყემსმაც“. ეს ჩვეულებრივი მილოცვა დღეს გახსენებადაც არ ეღირებოდა, რომ „მწყემსს“ წინასწარმეტყველური სიტყვები არ წამოსცდენოდა:

„ყველა ჰემმარიტი ქართველი, დარწმუნებული ვართ, სიხარულით მიეგებება ამ ახალი ჟურნალის დაბადებას, გარდა „ივერიისა“, რომელსაც მაჰმადებურად მტკიცედ სწამს და აღიარებს, რომ არ არის გაზეთი თვინიერ „ივერიისა“ და წინასწარმეტყველი მისი არის თავადი ილია ჭავჭავაძე“.

ეს ეწერა 1893 წლის „მწყემსის“ პირველ ნომერში (გვ. 13), ხოლო მესამე წიგნში (გვ. 8) დასკვნა იყო გაკეთებული:

„სრული იმედია, რომ „კვალი“ მაინც კარგად გამოაღვიძებს ამ გაზეთს“.

დღეს, ცხადია, ძნელია ზუსტად დაადგინო „მწყემსის“ რედაქტორმა, დეკანოზმა დავით ლამბაშიძემ, გუჟანით იგრძნო „ივერია-სა“ და „კვალს“ შორის მომავალი ცხარე და გაუთავებელი პოლემიკის მოახლოება თუ უბრალოდ იმდროინდელი საზოგადოების ერთი ნაწილის განწყობილება გამოხატა. ასეა თუ ისე, ფაქტია, რომ „კვალმა“ მთელი თავისი ენერჯია „ივერიასა“ და ილიასთან კამათს მოანდომა.

მართალია, „კვალი“ გიორგი წერეთელმა და ანასტასია თუმანიშვილმა გამოსცეს და გაზეთის უცვლელი რედაქტორიც ანასტასია თუმანიშვილი-წერეთელი იყო, მაგრამ არსებითად „კვალის“ მთელ საქმიანობას ნოე ჟორდანიას წარმართავდა.

თუ ვინმე ნ. ჟორდანიას ეკამათებოდა, მის წერილს გაზეთში მხოლოდ ნ. ჟორდანიას შენიშვნის დართვით ბეჭდავენ. შეგიძლიათ იხილოთ 1898 წლის „კვალში“ (№ 28) ი. ფარიანის სტატია — „კიდევ ორიოდ სიტყვა ინტელიგენციასზე“.

„კვალმა“ (1898 წ., № 16) „მოამბის“ გამო ბიბლიოგრაფიული მიმოხილვა დასტამბა და ნ. ჟორდანიამ შენიშვნა დაურთო: „მკითხველი რაც უფრო მალე დაივიწყებს ასეთ ჟურნალს, მით უკეთესია და ამიტომ ამიერიდან ვსპობთ მის შესახებ „კვალში“ რეცენზიების ბეჭდვას“.

გიორგი წერეთელიც ცოცხალია, „კვალის“ გამომცემელ-რედაქტორიც ანასტასია თუმანიშვილი-წერეთელია, მაგრამ რა უნდა გამოკვეყნდეს გაზეთში და რა — არა, ამას მხოლოდ ნ. ჟორდანიამ წყევტს.

1896 წელს, ზაფხულში, „კვალის“ პასუხისმგებელ მდივნად მუშაობა დაიწყო ფილიპე მახარაძემ. გაზეთს მთლიანად ის თაობა დაეპატრონა, რომელსაც გიორგი წერეთელმა „მესამე დასი“ უწოდა. ახალი თაობა, ბუნებრივია, ახალი მოძღვრებით მოვიდა. მას ძველი აღარაფერი მოსწონს და მის დასანგრევად იბრძვის.

1895 წლიდან „კვალში“ ზედისეიდ იბეჭდება ვრცელი წერილები, რომელნიც, ძირითადად და არსებითად, ილიასა და „ივერიის“ წინააღმდეგ არიან მიმართული.

„გაზ. ივერია და ეროვნება“ (1895 წ., № 11, 12) -

„მოამბე“, „ივერია“ და „ეროვნება“ (1895 წ., № 28, 35).

„ადგილობრივი პრესისა წარსულ წელს“ (1899 წ., № 3).

„ივანე მაჩაბელი“ (1899 წ., № 26).

„პრესა“ (1900 წ., № 5—26).

„გზა და გზა“ (1900 წ., № 13—18):

„პალ. ყიფიანის საქმე“ (1900 წ., № 19).

ახლა ამ სტატიების დაწერილებით განხილვა არც აუცილებელია და არც დროა ამისი. მაგრამ წერილებში გატარებული საერთო აზრი და დასკვნა კი მკითხველს უთუოდ უნდა გავაცნო.

„კვალის“ სიტყვით,

გაზეთები „შრომა“ და „იმედი“ ილიას ავკაცობის გამო დაიხურა,

გაზეთი „დროება“ იმიტომ გაფუქდა, რომ მის საქმეში ილია ჩაერია,

„ივერიაც“ უვარგისი იყო, რაკი ილია რედაქტორობდა,

ივანე მაჩაბელიც ილიას გამოისობით დაიქარგა.

და, საერთოდ, საზოგადოებრივ ასპარეზზე არავინ გამოუყვანია. ვინც ილიასთან მუშაობდა, როგორც მწერალი, იღუპებოდა.

ილიას თურმე არც დროის მოთხოვნა ესმოდა. საქართველოს ეროვნულ ბედზე ფიქრობდა და ზრუნავდა მაშინ, როცა „არც ერთ ხალხს ისე ნაკლებად არ აინტერესებს ნაციონალური კითხვა, როგორათაც ქართველ ხალხს“. ამიტომ „ამდენი ხნის მუშაობამ მუქთათ ჩაიარა. მისი ნაციონალური დროშა ხალხმა ერთი დაკვრით უარყო და მის ალაგას ააფრიალა ინტერნაციონალური დროშა“.

ილია მედგრად იცავს თავს. იგი „ახალმოსულის“ ფსევდონიმით აქვეყნებს წერილებს — „უმეცრობის ფართი-ფურთი“, „ახალი უმეცრებანი ბ-ნ ნოე ჟორდანიასი“, „ქართუმუტობა, ორთავიანობა და ორპირობა უმეცარისა“, „ისევ და ისევ ბ-ნ ჟორდანიას უმეცრებანი და მისი წაჭეგ-უკუჭეგობანი“.

სიტყვისგებაში რომ ვერას გახდნენ, „კვალის“ ზოგიერთმა თანამშრომელმა სცადა, პროვოკაცია მოეწყო ილიასათვის. „კვალის“ რამდენიმე ნომერში გამოქვეყნდა სხვადასხვა პირთა მიერ ხელმოწერილი წერილები, რომელთა ავტორნი კატეგორიულად ითხოვდნენ — „ახალმოსულმა“ დაუყონებლივ შესწყვიტოს ნ. ჟორდანიასთან პაექრობა. საერთოდ, რა უფლებით ბედავს იგი ეკამათოს

ისეთ სასახელო მოღვაწეს, როგორც არისო ნ. ჟორდანია. „ბ. ნ. ჟორდანია შრომობს მისდა სასახელოთ და ჩვენდა საწუგე-
შებლათ... ბ. ახალმოსულს ჰსურს თავისი უსაქმურობა დიდ ღირ-
სებათ ჩაგვათვლევინოს“ („კვალი“, 1900 წ., № 18). ამგვარმა მო-
თხოვნამ ქართველი საზოგადოება გააკვირვა. საქმის გამოძიება.
მოითხოვეს და სამარცხვინო რამ აღმოჩნდა: თურმე „კვალის“ თა-
ნაწრომლებს ერთი ნაწილი მოტყუებითა და ძალდატანებით აწე-
რინებდა ხალხს ხელს ამ წერილებზე¹.

მოგვიანებით, 1914 წელს, პეტრე გელეიშვილი წიგნში — „ილია
ქავკავაძე. როგორც პოეტი და პუბლიცისტი“ — გულახდილად
იტყვის, რატომ ებრძოდნენ მესამედსელები ილიას გაათრებით.

„რომ მართლაც ამხდარიყო ილიას ჩუმი ნატვრა და გამოჩენი-
ლიყო გმირი, რომელსაც შეეძლებოდა ბაზალეთის ტბიდან ამოეყ-
ვანა ის „ყრმა, ვისიც არ ითქმის სახელი“, ვისაც, თუ პოეტს და-
ვუჭკერებთ, დღე და ღამ ნატრულობს ჩუმის ნატვრითა ქართვე-
ლი, — რას იქმდა მაშინ ქართული მწერლობა? რას დაარქმევდა
სახელათ ამ ნატვრის-თვალ ქაბუკს? რა სამოსელით შემოსავდა მას?

ამ კითხვაზე პასუხს ჩვენ ვერ ვხედავთ XIX საუკუნის ქართულ
ლიტერატურაში, მას არ უფიქრია ამაზე, მას არ შეუშუშავებია,
თუ ვერ შეუშუშავებია მომავალი საქართველოს სოციალური კონ-
ცეპცია.

ამიტომ, თამამათ ვიმეორებთ, რომ ჩვენი სოციალური და პო-
ლიტიკური აზროვნების ისტორია მეცხრამეტე საუკუნეში ნამდვილ
თვალ-გაუწვდენელ უდაბნოს წარმოადგენს, ის თვალ-უწვდენელი
უდაბნოა!..

¹ და ამ უდაბნოში ერთათ-ერთი პატარა ოაზისი ილია ქავკავაძეა!

მაინც რა უნდა ყოფილიყო ქართული სოციალური აზროვნე-
ბის შინაარსი მთელი მეცხრამეტე საუკუნის განმავლობაში?

ეს უნდა ყოფილიყო სურვილი საქართველოს პოლიტიკური არ-
სებობის აღდგენისა, ეს უნდა ყოფილიყო ის, რაც ილიამ 1861
წელს ასეთ მარტივ ფორმულაში ჩამოაყალიბა:

¹ თუ ვინმეს ეს ეეჭვება, შეუძლია ნახოს 1900 წლის „კვალი“ № 17, 18, 19,
20, 25, 26, 31, 35 და დარწმუნდეს.

„ჩვენი თავი ჩვენადვე გვეყუდნესო“.

მაგრამ ილიამ არა თუ ერთ ფორმულაში გაძიხატა თავისი და თავის წოდების პოლიტიკური იდეალი, მან პირველმა უჩვენა ის საფუძველი, რომელზედაც უნდა აგებულიყო დარღვეული საქართველოს ტაძარი. ილიამ უჩვენა ამ ტაძრის ასაგები მასალაც და ამ იდეალის განსახორციელებელი გზაც. მან პირველმა სცადა ამ იდეალის განსახორციელებლათ მეცნიერული და ფილოსოფიური საფუძვლის მოძებნა.

როგორი იყო ის საფუძველი, რომელზედაც უნდა აშენებულიყო ილიას მომავალი საქართველო?

ეს საფუძველი იყო მთელი საქართველოს ძალთა ერთათ შეერთება, ყველა ქართველის, განურჩევლათ წოდებისა, ერთათ შეკავშირება, ერთი იდეალით გატაცება.

როცა ზღვა დელავს მისი გააფთრებული ტალღები ყველაზე უფრო ძლიერათ ეჯახებიან იმ კლდეს, რომელიც ყველაზე უფრო შორს შექრილა ზღვის სივრცეში... როცა გრიგალი ამოვარდება, ის ყველაზე უფრო ძლიერათ, ამაყათ და შეუპოვრათ მდგარ მუხას დაეტაკება ხოლმე. სუსტ წალამ-კალამსა და ბალახებს გრიგალი ვერას დააკლებს, რადგანაც ისინი მყისვე გაეკვრებიან დედამიწას, თითქოს სტიქიონს შებრალებას სთხოვენო...

სწორეთ ასეთი სტიქიური ბრძოლის მოწმენი ვიყავით ჩვენ წარსული მე-XIX საუკუნის მიწურულში... ის მედგარი გრიგალი, რომელმაც ამ რამდენიმე წლის წინათ ასე საშინელის ძალით დაპყროლა ძველ ქვეყანას, წარსული საუკუნის 90-იან წლებში დაიბადა ჩვენში. ის პირველათ ნელნელა ასისინდა; ბოლოს თანდათან გაიზარდა, დიდ გრიგალათ გადაიქცა და ძველ საქართველოზე იერიში მიიტანა.

ბალახები და ლერწამ-კალამი ჩვენი ცხოვრებისა, ჩვეულებრივით, მიწას გაეკრნენ. მხოლოდ ილიამ, რომელიც ასწლოვან მუხასავით მედგარად იდგა ჩვენს ცხოვრებაში, გაბედა ამ სტიქიონის გამკლავება...:

ეს ბრძოლა ყველა ჩვენ თვალწინ მოხდა, მისი შედეგი ჩვენ ყველამ დავინახეთ. მაშასადამე მეტია იმაზე ლაპარაკი, რომ ილია დამარცხდა...:

ილია დარჩა მარტო-მარტო, უმწეო, უამხანაგო, უჯარისკაცო და მარტო-მარტო დაილუპა!“ (გვ., 13—14; 91, 92, 93).

სიტყვა — დაილუპა — ცოტა ნაადრევად ვახსენე, მაგრამ, ცხადია, რომ მე-19 საუკუნე ილიასათვის უმძიმეს ვითარებაში მთავრდება.

1897—8 წლებში ჩაიშალა ილიას 60 წლისთავისადმი მიძღვნილი იუბილის გადახდის განზრახვა.

ილიასთვის განსაკუთრებით გულდასაწყვეტი იყო ქართული საზოგადოების ერთი ნაწილის უშაღურობა.

„ის პირები, რომელთაც კითხვა აღძრეს ბ. ი. გ. ჰ-ის 41 წლის (შემოქმედებითი მოღვაწეობისა—ა. ბ.) იუბილის დღესასწაულობაზე, ნეტავ რას ფიქრობენ სხვა პირების იუბილის დღესასწაულობის შესახებ? ნუ თუ სხვებს არ შესრულებია 41 წელიწადი მათი მოღვაწეობის დაწყებიდან? ზოგიერთები ლამის ხელიდან გვეცლებიან და არავინ არ ფიქრობს მათ იუბილის დღესასწაულობაზე!.. დიად, პურღვინოს და სადილებს ბევრი შეუძლია!.. მრავალს აბრმავებს და მრავალს თვალს უხელს“. — წერდა ჟურნალი „მწყემსი“.

„მოგესხენებათ, რომ ამ ერთი წლის წინეთ ჩვენ ჟურნალ-გაზეთებში ერთი დაუსრულებელი სჯა-ბაასი ატყდა იმის გამო, თუ როგორ უნდა ედღესასწაულათ თ-დი ილ. ჭავჭავაძის ორმოცი წლის მოღვაწეობის შესრულება. რა „დიდი ზეიმით და ამბით“ ემზადებოდნენ ამ დღესასწაულისათვის „ინტელიგენტები“... რამდენადაც ჩვენ ვიცით, ეს წრე ორ ნაწილათ იყოფა: ერთს უფრო მცირე ნაწილს, შეადგენენ ჭავჭავაძისებრ მსცოვანნი „მოღვაწენი“, თითოეულ იმათგანი თავის მეგობარს ბურჯობაზე იმდენათ წუხს, რამდენათ მე და შენ, მკითხველო, ჩინეთის სახელმწიფოზე. ცხადია, რომ არც ერთი იმათგანი ილ. ჭავჭავაძეზე ბროშურის შედგენას არ მოჰკიდებდა ხელს. მეორე ნაწილი, ანუ წვრილ-ფეხა, მჩხავანა „ინტელიგენცია“, შედგება ამ მოღვაწეთა ბრმა თაყვანის მცემლებისგან, რომლებიც იმათ სახელზე ლოცულობენ და იმათ ნათქვამს მიჰეორებენ. უნდა უყუროთ ამათ მაშინ, როცა ვინმე რომელიმე „ბურჯის“ მოქმედებას ეჭვის თვალით შეხედავს“. — კვერს უკრავდა გაზეთი „კვალი“.

1898 წლის ივნისში უგზოუკვლოდ დაიკარგა ივანე მაჩაბელი.

ილიასა და ივანეს ხანგრძლივ მეგობრობასა და თანამშრომლობას ბოლო დროს ძირმწარა გაერია, მაგრამ „ოთარაანთ ქვრივის“ ავტორზე უკეთ არავენ უწყის, ვინ დაეღუპა საქართველოს. არავის შეუძლია გაზომოს ამ დანაკლისის სიგრძე-განი. განცდას კიდევ უფრო ამწარებს ის, რომ უკანასკნელ ხანს მათ ერთმანეთისათვის ტკბილი სიტყვა აღარ უთქვანთ. ტკივილი არ შეუმსუბუქებიათ. მოურჩენელ ქრილობად დარჩება ილიას გულში ნაჩაბლის მოულოდნელი და საოცარი გაუჩინარება.

1899 წლის ივნისში საადგილმამულო ბანკის გამგეობის დირექტორმა და ამავე ბანკის ბაქოს სააგენტოს მმართველმა პავლე (პალიკო) ყიფიანმა გაიტაცა ბანკის ფული 26.856 მანეთი და საზღვარგარეთ მიიმალა.

არავინ მოელოდა ამას. ყიფიანი არ ყოფილა შემთხვევითი კაცი ბანკში. იგი სანდო ადამიანად და კარგ მუშაკად ითვლებოდა. მაგრამ მოულოდნელად საადგილმამულო ბანკის საქმიანობაში გაუკონარი და უპრეცედენტო საქციელი ჩაიდინა. ბანკის არსებობის 25 წლის მანძილზე მსგავსი არაფერი მომხდარა. „კვალმა“ ბევრი არ დააყოვნა და განაცხადა: ყიფიანის საქციელი ილია ჭავჭავაძის გულგრილობის შედეგიაო. „ის ბანკში წინათაც მსახურობდა, მაგრამ არაფერი მოუპარავს“. „კვალი“ ამას იმის საფუძველზე ამბობდა, რომ 1899 წლის 14—16 იანვარს ილიას ბაქოს სააგენტოს მუშაობა შეუმოწმებია, მაგრამ ხარვეზები ვერ უპოვნია. მოხსენებაშიც აღუნიშნავს, აღმოჩნდა მხოლოდ ორი უმნიშვნელო შეცდომა, სხვა ყველაფერი რიგზეაო. მაგრამ მოგვიანებით ბაქოს სააგენტო ნ. ანდრონიკაშვილის რევიზიას გაუსინჯავს და სერიოზული დარღვევანი მიუგნია. ნ. ანდრონიკაშვილის რევიზიამ 1899 წლის 23 ივნისს წარუდგინა დასკვნა ბანკის ხელმძღვანელობას: ამ დასკვნის მიხედვით, ამბობდა „კვალი“ — „ორში ერთი: მას (ი. ჭავჭავაძეს — ა. ბ.) ან არ მოუხდენია რევიზია და მამასადამე ვერც რამეს აღმოაჩენდა, ან მოახდინა, მარა იმდენათ ზერელეთ, რომ აშკარა ფაქტები ვერ შეაძჩნია“.

ცხადია, ეს ამბავი ილიას დიდ ტკივილსა და წყენას მიაყენებდა, მაგრამ შემდეგ მომხდარ ზოგიერთ მოვლენას თუ გავითვალისწინებთ, პალ. ყიფიანის მიერ ფულის გატაცება სიხარბით გამოწვეული ქურდობა არ უნდა იყოს. მას სხვა მიზანი და დანიშნულება უნდა ჰქონოდა.

მოუესმინოთ, რას გვიამბობს მარკოზ ტულუში მონოგრაფიაში — „გიორგი დეკანოზიშვილი“.

1905 წლის 12 ივლისს სოციალ-ფედერალისტური პარტიის ერთ-ერთმა ლიდერმა გიორგი დეკანოზიშვილმა შვეიცარიის სამხედრო დეპარტამენტისგან იარაღის შესყიდვა დაასრულა. შეიძინა 7.000 თოფი და 1.100.000 ვაზნა. გადაიხადა 60.000 ფრანკი. იმავე წლის 6 სექტემბერს ამსტერდამში იყიდა გემი „სირიუსი“ და დაიქირავა ცხრამეტაკაციანი ეკიპაჟი, რაც 3.725 გირვანქა სტერლინგი დაუჯდა.

იარაღით დატვირთული „სირიუსი“ 13 ოქტომბერს საქართველოსაკენ გამოემართა. მაგრამ იგი საფრანგეთში, ქალაქ სეტში შეჩერდა. ქართველებს გემის ეკიპაჟის ხელფასისათვის თანხა აღარ ეყოთ. ან ფული უნდა ეშოვნათ სასწრაფოდ ან მთელი ექსპედიცია სამარცხვინოდ ჩაიშლებოდა. მაშინ გ. დეკანოზიშვილმა ბრიუსელიდან პარიზში გამოიძახა ორი მეგობარი და თანამებრძოლი პავლე (პალიკო) ყიფიანი და გიორგი სიხარულიძე. ისინი მყის პარიზში ჩავიდნენ. დეკანოზიშვილმა მათ შექმნილი მდგომარეობა გააცნო. ფულის შოვნა ერთადერთი გზით შეიძლებოდა. უნდა მიემართათ იმჟამად პარიზში მყოფი ახალგაზრდა ქართველი მილიონერის იაკობ ზუბალაშვილისათვის. მართალია, ექვევებოდათ, გაიღებდა თუ არა რევოლუციისათვის მილიონერი ფულს, მაგრამ სხვა საშველი არ იყო. ი. ზუბალაშვილთან პ. ყიფიანი წავიდა. შეხვდნენ ერთმანეთს. ილაპარაკეს. აღმოჩნდა, რომ ი. ზუბალაშვილი რევოლუტარულად ეხმარებოდა სოციალ-ფედერალისტურ პარტიას. არც ახლა დაუხვევია უკან: იაკობ ზუბალაშვილმა გიორგი დეკანოზიშვილს 25.000 მანეთი მისცა.

სხვათა შორის, „მოგონებებში“ ამ ფაქტს ექვთიმე თაყაიშვილიც იხსენიებს გაკვრით, ოღონდ არაზუსტად: „იმ დროს (1905 წელს — ა. ბ.) პარიზში გამოდიოდა ერთი ქართული გაზეთი („საქართველო“ — ა. ბ.), რომელიც საქართველოს განთავისუფლების იდეას ემსახურებოდა. ბელგიაში კი ცხოვრობდა აქედან გაქცეული ერთი პიროვნება... რომელსაც ჩვენში აღარ დაედგომებოდა... ჰოდა, ერთ დღეს მისულა ის რედაქტორი და ზემოხსენებული ავანტურისტი პარიზში სტეფანე (sic—ა. ბ.) ზუბალაშვილთან, დასდგომიან თავზე რევოლვერებით და უთქვამთ, 200.000 (?—ა. ბ.) ფრანკი მოგვეცით, თორემ მოგკლავთ“...

ეს მოგონებები ღრმად მოხუცი ექ. თაყაიშვილის კარნახით იწერებოდა და, ბუნებრივია, ზოგიერთი რამ არასწორად და არაზუსტად გაეხსენებინა. მაგალითად, ე. თაყაიშვილს ეშლება მაშინ პარიზში მყოფი ზუბალაშვილის სახელი. ვისაც ფულისათვის მიაკითხეს, ერქვა იაკობი. სტეფანე მეორე ძმის სახელია. იმისი, ვინც კათოლიკური ტაძარი ააშენა ბათუმში.

პ. ყიფიანს გ. ლასხიშვილიც იხსენიებს „მემუარებში“ ერთი ფრაზით — „ბრიუსელში ვინახულე ქართველი ემიგრანტი პალიკო ყიფიანი“. მერე გ. ლასხიშვილი გვიამბობს, როგორ იყიდა გიორგი დეკანოზიშვილმა გენი „სირიუსი“, მაგრამ ამასთან დაკავშირებით რატომღაც პ. ყიფიანს აღარ ახსენებს.

ახლა ისევ ზემოთ დაწყებული ამბავი გავნაგრძოთ.

იაკობ ზუბალაშვილისაგან მიღებული თანხიდან 10.000 ფრანკი სტამბოლში გაიგზავნა, 5.000 — საქართველოში, სოციალ-ფედერალისტური პარტიისათვის, 4.000 — გემზე, ეკიპაჟის ხელფასისათვის.

პ. ყიფიანი და ი. ბობლაშვილი სტამბოლში წამოვიდნენ, რათა უზრუნველყოთ სრუტეებში გემის უხიფათო გავლა. პავლე ყიფიანმა, იასონ ბობლაშვილმა და ზიაბეგ აბაშიძემ მოახერხეს გემი მშვიდობიანად გაეტარებინათ თურქეთის წყლებში და 1905 წლის 24 ნოემბერს „სირიუსი“ ფოთში ჩამოსულიყო.

როცა „სირიუსი“ თურქეთის საზღვარს გამოსცდა, პ. ყიფიანი პარიზში გაბრუნდა.

„სირიუსი“ ფოთში ვილაცამ გასცა და იარაღის ნაწილი პოლიციას ჩაუვარდა ხელთ, მაგრამ, რაც გადაარჩა, აჯანყებულ ხალხს დაუბრუნდა.

რასაკვირველია, მკითხველი მიხვდა, რომ საადგილმამულო ბანკის დირექტორი, ამ ბანკის ბაჟოს სააგენტოს მმართველი პავლე ყიფიანი და გ. დეკანოზიშვილის თანამესაგრე პავლე ყიფიანი ერთიდაიგივე კაცია.

პ. ყიფიანი 1931 წელს გარდაიცვალა.

ძნელი დასაჯერებელია, რომ ასეთმა კაცმა საადგილმამულო ბანკიდან ფული პირადი სარგებლობისათვის და გასაფლანგავად წაიღო. ამიტომ იბადება კითხვა —

ხომ არ ერია საადგილმამულო ბანკიდან წაღებული ფული იმ თანხაში, რომლითაც გემი და იარაღი იყიდეს?

ხომ არ ვაგზავნა თვითონ ილიამ კონსპირაციულად პ. ყიფიანი ზაზღვარგარეთ იარაღის შესაძენად მომავალი ბრძოლისათვის?

ამ კითხვებს დამაჯერებელი პასუხი მაშინ გაეცემა, როცა საფუძვლიანად იქნება შესწავლილი ქართული ემიგრაციის არქივი. ჯერჯერობით იგი ხელუხლებელია. ამიტომ ამჟამად მხოლოდ საკითხის დასმით დაკმაყოფილდით.

ასე წაეწყო ერთმანეთს ილიასათვის უსიამოვნო ამბები მე-19 საუკუნის ბოლოს. ერთადერთი, რასაც მაშინ შეეძლო მისთვის გული გაეთბო, ის იყო, რომ ზოგიერთებმა მაინც დაუფასეს 25 წლის მანძილზე ბანკში უმწიკვლო მუშაობა. ხელფასიც გაუზარდეს. მანამდე წელიწადში ილია ჯამაგირად 3.000 მანეთს იღებდა. ახლა დაუშატეს 2.400 მანეთი. ფული ყოველ ადამიანს სჭირდება და, მით უმეტეს. ისეთ კაცს, ვინც თავის ქონებას საზოგადოების საქმეს ახმარს.

ილიას დამსახურების გამო ბანკის საქმეში „მოამბე“ (1899 წ. № 5 გვ. 59 — 60) წერდა:

„როცა 25 წლის წინად საზოგადოებამ აშორჩია იგი ბანკის გამგედ, იმას უკვე დამსახურებული ჰქონდა სახელი არა მარტო ნიჭიერი პოეტისა, არამედ ჰუმიანისა და მხნე მოღვაწისა, რომელიც წინამძღვრობდა ყოველ საქმეში და ყოველ საჭიროების დროს. დააარსეს თუ არა ბანკი, მთელმა საზოგადოებამ ხელი თ. ჰავჭავაძისაკენ გააშვირა და სთქვა, რომ ეს არის ბანკის გამგის თანამდებობაზე ზედგამოჭრილიო. მშვიდობით და წყნარად აირჩიეს კიდევ მაშინვე ამ თანამდებობაზე. ამისათვის მას არც მეკენჭეების შოვნა დასჭირებია და არც სადილ-ვახშმების გამართვა. მისმა საქმეებმა, ცოდნამ და ნიჭმა განუმზადა მას ეს ადგილი. მას აქეთ გავლილმა 25 წელიწადმა ცხადად დაამტკიცა, რომ საზოგადოება არ შემცდარა მის ამორჩევაში და რომ ეს ჩვენი ნიჭიერი პოეტი მართლა დაუფასებელი საზოგადო მოღვაწეა. ამიტომაც ორკეცად უნდა ვცემდით ჩვენ მას პატივსა.“

ხე ნაყოფით იცნობა და კაცი ნაღვაწით. ი. ჰავჭავაძის ნაღვაწი ბანკის საქმეებში ეხლა ყველას თვალ წინ აქვს. ტფილისის ბანკს ძირის ფულად ჰქონდა 25 წლის წინად 240.000 მანეთი. დღეს კი ბანკს შემოაქვს ყოველ წლებით წმინდა შემოსავალი 200.000 მანეთზე მეტი. მაგალითად, წელს ჰქონდა წმინდა შემოსავალი 232.000 მანეთი. აქედან მიეცა 62.682 მანეთი ტფილისის სათაჯად-აზნაურო სკოლას, რომელიც ეხლა არის სრული რვა-კლასიანი გიმნაზია,

10.228 მანეთი ამ სკოლისათვის საკუთარს შენობის ასაგებად, რომელიც, იმედია, დასრულდება ამავე ბანკის შემწეობით. ბევრიც სხვა საზოგადო საქმიანობა კნაყოფილდება ტფილისის ბანკის წმინდა შემოსავლიდან. ამავე ბანკის შემწეობით შეიძინა ქართლ-კახეთის თავადაზნაურობამ არწრუნისეული ქარვასლა ტფილისში და სათავად-აზნაურო სკოლის საზოგადოებამ — შენობები შუაგულ ქალაქში და სასოფლო ზამული სკრაში. სულ ეს უძრავი ქონება თავად-აზნაურობისა და სკოლის საზოგადოებისა ელირება ერთ მილიონ ნახევრამდე“.

დღეს ხშირად გაიგონებთ წუწუნს, რომ ნიჭიერმა მწერალმა საბანკო საქმიანობას შესწირა მისი დაუშრეტელი ენერჯის დიდი ნაწილი. ამის განო ვალალებენ და ვიშვიშებენ. ავიწყდებათ კი უმთავრესი. თუ არ იქნებოდა თბილისისა და ქუთაისის საადგილმამულო ბანკები, შესაძლებელია აღარ ყოფილიყვნენ ისინიც, ვისაც ქართულად დაწერილი ლექსები თუ მოთხრობები სჭირდება. ქართულ ზიწა-წყალს ისეთი ენერჯით უტევდა უცხო კაპიტალი და ისეთი ხელგაშლილობით იყიდებოდა ყველაფერი, რომ ძნელად წარმოსადგენია, რა გადარჩებოდა. ფულის დამარცხება არც ხმლით შეიძლება და არც პოეზიით. ფულის დამარცხება მხოლოდ ფულით შეიძლება. არსებობს ცხოვრების ერთი ურყევი კანონი: ჭკუას ჭკუით უნდა ებრძოლო, ენერჯიას — ენერჯით, ფულს — ფულით, ხმალსა და თოფს — ხმლითა და თოფით, ცოდნას — ცოდნით, პოლიტიკას — პოლიტიკით, არმიას — არმიით. სხვანაირად მტერს ვერ ნოერევი. ვინც ეს არ იცის, იგი მუდამ დამარცხებულია. სწორედ ეს გაითვალისწინეს ილიამ და მისმა თანამოსაგრეებმა და უცხო კაპიტალს ქართული საადგილმამულო ბანკი დაუპირისპირეს. გაიმარჯვეს კიდევ. ამიტომ ილიას საბანკო თუ ფინანსური მოღვაწეობა ისეთივე დიღია, როგორც მისი „ოთარანთ ქვრივი“ თუ „განდევილი“. გაყოფილი არ არის ილია ჭავჭავაძე-მწერალი და ილია ჭავჭავაძე-ფინანსისტი. ეს ერთი მტკიცე მთლიანობაა. ეგ არის სწორედ ილიას სიდიადე (სხვათა შორის, ივანე მაჩაბლისაც. არც აქ არის გაყოფილი — მაჩაბელი-შექსპირის მთარგმნელი და მაჩაბელი-ფინანსისტი. ესეც ერთი მთლიანობაა).

ილია ერთნაირი ოსტატობით ხმარობდა კალამს და ბანკირის საანგარიშოს. ეს ბედნიერი შერწყმა ანიჭებს მას განსაკუთრებულ ადგილს საქართველოს ისტორიაში.

„იმათთან ერთად ბრძოლაში დავიხსოვოთ“

„...1905 წლის დასაწყისიდანვე, სხვა ამხანაგებთან ერთად (საშა წულუკიძე და სხვ.) ხელი მოვიკიდე ყოველკვირეული მარქსისტული ჟურნალის „მოგზაურის“ გამოცემას“.

ფილიპე მაზარაძე

„თავის თავის პატივისმცემელი ლიტერატურა მოვალეა პატრონობდეს ადამიანის ნაშუსს და ღირსებას და კაცი არაეის გაალახეინოს ცილითა და ტყუილითა, რადგანაც ერთიცა და მეორეც ყურმოქრილნი ყმანი და მოსამსახურენი არიან მართო პირადის ანგარიშგებისა. ლიტერატურა—კი როგორც მოღვაწეობა უკეთესთა კაცთა ერთად-ერთი ფარ-ხმალი უნდა იყოს ადამიანისა, როცა მის ღირსებას უაღრესად, უკიდურესად ხელს შეახებენ ხოლმე და მისს ზნეობურს კუთვნილებას სტაცებენ. ლიტერატურის მრავალგვარ და რთულ მოვალეობათა შორის ეს მოვალეობა ერთი უდიდესთაგანია, ამიტომ, რომ ნაშუსის შებღალვა, ნაშუსის ახდა, კაცის სახელის გატეხა ისეთი დიდი უბედურებაა, რომ თუ არ ზედმიწევნით გამოორკვეულ, უტყუარ საბუთით, ლიტერატურამ სხვა გზით ამაგებში არაეის არ უნდა დაუთმოს ერთის იოტის ოდენაცა. ამ მხრივ ლიტერატურა ყოვლის კაცის პატრონი უნდა იყოს და მფარველი, ნამეტნავად იქ, საცა ეგ პატრონობა და მფარველობა სხვა გზით არ არსებობს“.

ილია ჭავჭავაძე

სამსონ ფირცხალავე გვიამბობს:

1901 წელს საქართველოში სპარსეთიდან ორი ფერეიდნელი ქართველი — ონიკაშვილი და ხუციშვილი — ჩამოვიდა. მათ მთელი საქართველო შემოიარეს. „ერთი ასეთი. მოგზაურობის დროს მცხეთის სადგურზე მოულოდნელად შევეჩხებეთ ილიას. ის, ალბათ, საგურამოდან თბილისში მიდიოდა. ილია ბუფეტისგან გამოდიოდა, ჩვენ ბუფეტში შევდიოდით. მივესალმე ილიას. იგი ყურადღებით ჩააცქერდა ჩემს თანამგზავრებს, მიხვდა, ვინც იყვნენ. შევატყვეუნდოდა მათთან გამოლაპარაკება, მაგრამ მე რატომღაც უხერხუ-

ლად მივაჩნიე გაჩერება და მაშინვე ბუფეტში შევედი ჩემ თანა-
შგზავრებით“.

მართალია, როცა ამ მოგონებას წერდა ს. ფირცხალავა, მწარედ
წანობდა თავის საქციელს, მაგრამ რაღა დროს.

ილიასადმი უნდო დამოკიდებულების კიდევ ერთი საბუთი.
1936 წლის 21 ივნისს ნინო ნაკაშიძე სწერდა საქართველოს კპ ცკ
პასუხისმგებელ მუშაკს კოტე გორდელაძეს:

„ნასაკირალზე თავდასხმის შემდეგ, როდესაც დაბრუნებულმა
პლასტუნებმა გადაწვეს ნასაკირალიდან ოზურგეთამდის გზისპი-
რად მდებარე სოფლები, თქვენ უთუოდ გეცოდინებათ, დაარსდა
გადამწვარ გურული გლეხობის დამხმარე კომიტეტი. ამ კომიტეტ-
ში ვმუშაობდი მე. არჩეული ვიყავი ხაზინადარად. საზოგადოდ დამ-
ხმარე კომიტეტის წევრები ყველანი არჩეულები იყვნენ. ერთ-ერთ
ამ კომიტეტის კრებაზე დეკემბერში როგორც მახსოვს შუა რიცხ-
ვებში, გამოიჩინა, რომ ჭავჭავაძისაგან შემოვიდა შემოწირულობა
დამწვართა სასარგებლოდ 25 მან. კრებაზე იყო 30—40 კაცი. დამხ-
მარე კომიტეტის წევრებს გარდა სხვებიც იყვნენ. ერთმა სოც. დე-
მოკ. წევრმა განაცხადა, რომ ჭ-ძის შემოწირულობა პროტესტის
ნიშნად არ უნდა იქნას დამწვრებისაგან მიღებული და რომ ამის
შესახებ გაზეთში უნდა გამოაცხადონ თავმჯდომარემ და ხაზინა-
დარმა. ჩვენ, ე. ი. თავმჯდომარემ და მე არ დავეთანხმეთ და გა-
ზეთში გამოცხადებაზე უარი ვთქვით. ს. დ. წევრმა მოიყვანა თავი-
სი საბუთები, ჩვენ ჩვენი. ხალხი ცოტა არ იყოს რყევაში შევიდა.
ამ დროს თედორე კიკვაძემ თქვა, რომ ჭავჭავაძე მართალია ფეო-
დალი, მესაკუთრე და გლეხობის მჩაგვრელი იყო, მართალია, ხალ-
ხის წინაშე ბევრი ცოდვები მიუძღვის, მაგრამ ამჟამად ისეთი ღვაწ-
ლი დასდო მან გურულებს, რომ ჩვენგან ამნაირი საქციელი ლამა-
ზი არ იქნება და არც ჭავჭავაძეს ეკადრება ამნაირი შეურაცხყოფაო
და თქვა შემდეგი: — ნასაკირალზე თავდასხმის შემდეგ მთავრობამ
გადაწყვიტა გენ. ალიხანოვის დამსჯელი რაზმის გამოგზავნა და
გურიის ძირბუდიანად ამოგდება. ამ დროს ჭავჭავაძემ შეკრიბა
განურჩევლად პარტიულობისა თბილისის ინტელიგენცია და გავლენიანი
ხალხი და საოცარი სიტყვა თქვა, რომ საქართველოს ერთი
საუკეთესო ნაწილის გურიის განადგურება გადაუწყვეტიათ. ჩვენ
არ შეგვიძლია ამას დავემორჩილოთ და გულგრილობა გამოვიჩი-

ნოთ. წავიდეთ ახლავე ვორონცოვთან, ვთხოვოთ, უკან დააბრუნოს. დამსჯელი რაზმი. თუ არ დააბრუნებს და მაინც გაგზავნიან. მაშინ წავიდეთ ჩვენ ყველანი გურიაში და იმათთან ერთად ბრძოლაში დავიხოცოთო“.

ანის ზერე დათანხმებულან დამხმარე კომიტეტის წევრები, მიეღოთ ილიასაგან შემოწირულობა.

ასე ყოფილა საზოგადოების ერთი ნაწილი დაბრმავებული ილიას წინააღმდეგ მიმართული პროპაგანდით. მისგან შემოწირულობის მიღებაც არ უნდათ. ილიას ვინმე თედორე კიკვიციანი დაცვა სჭირდება და თან როგორი შეღავათით.

ალბათ, შექმნილი მძიმე მდგომარეობა აიძულებს ილიას, 1902 წელს უარი თქვას „ივერიის“ რედაქტორობაზე და იგი ალექსანდრე სარაჯიშვილს გადასცეს. ოცდათერთმეტი წლის ბანკში სამსახურის მერე; 1905 წლის 23 ივნისს მასაც გამოეთხოვოს და პენსიით დაკმაყოფილდეს. ხოლო 1905 წლის 5 ივლისს ანდერძიც დაწერა. თითქოს არაფერია მოულოდნელი და საკვირველი, რომ 68 წლის ნოზუცმა ანდერძი დაწეროს. მაგრამ არსებითი მნიშვნელობა აქვს გარემოებას. ილია უტყუარი ალლოთი გრძნობს მოახლოებულ უბედურებას. სიტუაცია კარნახობს თადარიგი დაიჭიროს. სიკვდილის ჩასაფრებული აჩრდილიც კი ვერ აიძულებს, უღალატოს ცხოვრების ერთხელ არჩეულ წესს: ყველაფერი მოგვარებული ჰქონდეს.

დაწერა ანდერძი და დაამოწმებინა ძველსა და ნაცად მეგობარს, ნოტარიუსს ილია წინამძღვრიშვილს. ილია წერს — ჩემი სიკვდილის შემთხვევაში ჩემი უძრავი და მოძრავი ქონება რჩება ოღლა გურამიშვილ-ქავჭავაძეს, ხოლო, ოღლას გარდაცვალების შემდეგ, მთელი ქონება გადაეცემაო ქართველთა შორის წერა-კითხვის გამავრცელებელ საზოგადოებას.

ამ უადრესად დაძაბულ სიტუაციაში ეურნალმა „მოგზაურმა“ (1905 წ., № 13) ინფორმაცია გამოაქვეყნა — „საგურამოსა და კოპორტის საზოგადოება“. იგი ხელმოწერილი იყო ინიციალებით — ვ. ნ. უწყინარი სათაურის უკან საგანგებოდ შეთხზული ცილისწამება იმალებოდა. რას სდებდნენ ბრალად ილიას?

პ ი რ ვ ე ლ ი:

ერთ-ერთ ახალსოფლელ გლეხს უთქვამს (ინფორმაციის ავტორი ამ გლეხის გვარს არ ასახელებს): „გასულ ზაფხულში, როცა სანადე-

ლო ყანა მოვმკე, ვეახელ ბატონს და მოვახსენე, რომ მოურავი გამოეგზავნა და ძნა გაგვეყო. ველოდე ერთი დღე, მაგრამ არ გამოჩნდა; მეორე დღეს ნაშუადღევს ჩამოვიდა მოურავი, კაცი გულქვა და შეუბრალებელი, გავიყავით ყანა, დაუდე ჩემს ურემზე და ამასობაში კიდეც დაღამდა. „ახლავე წაიოილე ურემიო“, მომამხა მოურავმა და თითონ კი ცხენი გაქუსლა. რადგან ღამე ბნელი იყო და გზა ცუდი ილია ჭავჭავაძის კალომდე, შემეშინდა ურმის გადაბრუნება და იმ ღამის ნაგიერ მეორე დილას წავილე ურემი. ვიდრე მოურავი და ილია ჭავჭავაძე განოიღვიებდნენ, მე ურემი კალოზე მივიტანე, მაგრამ მაინც ვერ გადაეურჩი მოურავის რისხვას და ღანძლავს. არ მიიღო ძნა, ბატონი აბრძანდება და ის მიიღებსო. დიდი ხნის ლოღინის შემდეგ აბრძანდა ბატონი ილია ჭავჭავაძეც, გამობრძანდა ბალკონზე, დამჭყვილა და დამჭყვილა. ნერე დამიწყო უშვერის სიტყვებით ღანძლვა. „ახლავე ეგ ძნა დააბრუნე და იქვე ჩაიტანე, სადაც დაუდე, როცა მოურავს დრო ექნება, ჩამოვა, ახლათ განოითვლის და გაყოფსო“. ბევრი ვემუდარე, ვეხვეწე, ეხლა დავთვალთ, თუ ერთი თავთავი აკლდეს, თავი მომჭერი მეთქი, თუ ადამიანს არ იბრალებ, ეს უენო საქონელი მაინც შეიბრალებ მეთქი, მაგრამ ამათ. ძნა ისევ იქ ჩავიტანე, დავცალე ურემი და ველოდე ერთი დღე, ნეორე, მესამე, მაგრამ არ არის მოურავი, იქ ველოდე მინამ, ძნა საქონელმა არ დაშალა და გააოხრა“.

განგებ ამოვწერე ეს ცილისწამება თავიდან ბოლომდე, რომ მკითხველმა ნათლად დაინახოს, რაოდენ უაზროა იგი. თავი დავანებოთ პროპაგანდისტულ ლიტერატურაში ჩამოყალიბებული მოღელის განოყენებას — ბატონი გვიან იღვიებს, ბალკონზე გამობრძანდება და გლეხს უჭყვივლებს და უშვერი სიტყვებით გაღანძლავს. დავაკვირდეთ ნაამბობს.

გლეხი ამბობს, რომ მოურავის თანდაწირებით გაყო ძნა და ილიას წილი ურემზე დადო. ოღონდ რაკი დაღამდა, ღამით არ წაიღო და დილით მიუტანა. თუ ასე იყო, ილია რატომღა მოითხოვდა—ძნა უკან წაიღე, რომ მოურავმა ისევ დაითვალოსო? მოურავი ხომ იქვე იდგა და ეტყოდა „გულქვა“ ილიას — უკვე დათვლილი მაქვსო და ხელახალი გაანგარიშება საქირო არ არისო? თუ მოურავს ეხალისებოდა ერთისა და იმავე საქმის ხელმეორედ გაკეთება? გამოდის, რომ მოურავი თავისთავს სჯიდა.

ძნა, რომელიც გლებმა მოიტანა, ილიას წილი იყო. ილიამ ეს ძნა უკან გააბრუნა, რომ მერე იგი საქონელს გაენადგურებინა. რა აწუხებს გლებს? იმდენად უკეთუო ყოფილა ილია ქავჭავაძე, რომ საკუთარი ქონება გაუნიავებია. გლების წილს არაფერი დაკლებია. თუ მშრომელ გლებს გული დასწვა იმან, რომ ნაშრომ-ნაამაგარი ასე უზრუნველად გაიფანტა? თუ ასე იყო, რატომ დაანება პირუტყვს ძნების გაოხრება? იქვე არ იყო თვითონ, საქონლის გარეკვას რა უნდოდა?

ილიას მტრები ჯერ ამტკიცებდნენ — იმდენად ძუნწია, კაპიკს ვერ გააგდებინებო ხელიდან, ახლა კი იმდენად უგუნური აღმოჩნდა, რომ საკუთარი მთელი ურემი ძნა საქონელს გააოხრებინა. ასე ჩემო მანასეო, ხან ისე და ხან ასეო.

მაგრამ უმთავრესი ის განსლავთ, რომ ილიას არავითარი მამული ახალსოფელში არ ჰქონია და იქაურ გლებს არაფერი ემართა მისი. ამიტომ, ცხადია, არც არაფერს მიუტანდა ილიას: „ახალ-სოფელში კი არც ერთი მტკაველი მიწა არ გაგვაჩნია. იგი სოფელი მთლიანად ეკუთვნის თ-დ ზაალ გურამიშვილს, რომლის მამულ-დედულს აპეკა განაგებს, რადგანაც პატრონი სნეულია, და იქ ერთი ნაყმევიც არამცთუ ჩვენ, თვით მამულის პატრონსაც არა ჰყავს“, — წერდა თვითონ ილია „მოგზაურის“ პასუხად.

ამის შემოწმება მაშინაც კარგად შეიძლებოდა და დღესაც. რომელ მემამულეს სად რა მამული ჰქონდა, ეს ზედმიწევნით არის აღნუსხული. რასაც ილია ამბობდა, სრული სიმართლე იყო.

მეორე:

გურამიანთკარელ გლებს მოუყოლია: „ამ ზამთარსა დიდი ყინვებისაგან წყალი, რომლითაც მთელი ოთხი თუ ხუთი სოფელი ესარგებლობდით, გაიყინა. გაიყინა ისე, რომ მთლათ უწყლოთ დავრჩით. სოფლის ზევით სამ ვერსზედ ტყეში და მიუვალ ლელეში ქავჭავაძის მამულში, გამოდის პატარა წყარო, რომელიც ზამთრობით არ იყინება. დავიწყეთ ამ წყაროთი სარგებლობა; დაგვასია თავადმა მოურავები, ბიჭები, და აგვიკრძალა წყლით სარგებლობა. თანაც გვითხრეს, ვისაც წყალი უნდა, იმან სულ თითო საქონელზე ათი შაური უნდა გვაძლიოს თვეშიო, და სასმელ წყალს მუქათათ დაუთმობთო. იძულებული ვიყავით, დავთანხმებოდით; მთელი ზამთარი ვაძლიეთ ასე უცნაური ხარკი. ჩვენ სოფელში იყო ერთი

ძალზე ლატაკი კაცი, ისე რომ ჩვენ—ლარიბებს გვეყავდა ზურგზედ აკიდებული თავისი ცოლშვილით. ერთ დღეს ამ კაცს აემსო ორი კოკა, გადაეკიდა მხარზე და მიჰქონდა სახლში. გზად გამოვლილი დაინახა ი. ჭავჭავაძის მოურავმა, გავარდა, სწვდა ყელში, დაუწყო ლანძღვა, რატომ თვეში ათ შაურს არ იხდიო. გლეხმა მიუგო: „თქვენ ათი შაური საქონელზე დაადგინეთ და მე კი კატაც არა მყავსო; ან ათი შაური ვინ მომცა, ეს ორი კვირაა, რაც ავლანტალდი ლოგინიდან, ხომ იცი სულ ავათა ვარ, ნათქვამია „წყალი მდევსა და გველემავს არ დაუჭერიაო“ და თქვენ ხომ ქრისტიანები ხართო. შენთან ბევრი ლაპარაკი არ ღირსო, ამ სიტყვებით მივარდა მოურავი საცოდავს და ორივე საეხე კოკა ზედ გადაამტვრია ნახევრად შიშველ გლეხს. ამ ამბავს ილია ჭავჭავაძე ბალკონიდან უყურებდა 400 მანეთიან ქურქში გახვეული, გულიანათ იცინოდა და თანაც აქებდა ერთგულ მოურავს: „ყოჩაღ, მემარნიშვილო, ყოჩაღ, ეგრე სუსხი უნდა მისცე, რომ თავზე არ წაგვასხდნენო“. უბედური გლეხი ვიდრე სახლში მივიდოდა დასველებული, გზაში მთლად გაყინულიყო. მივიდა სახლში, მარა იქაც კერა გაცივებული დახვდა უშეშობის გამო. გახდა ხელ ახლათ ავათ და ერთ კვირაზედ გაათავა შრავალ ტანჯული და წამებული სიცოცხლე“.

აქაც თავი დაეანებოთ გაცვეთილი მოდელის გამოყენებას — მხეცი მოურავი, ლატაკი გლეხი, რომელსაც შეშაც არ აქვს სახლში და 400-მანეთიან ქურქში გამოწყობილი თავადი ბალკონზე — და ყური მივაპყროთ ილიას. იგი წერდა:

გურამიანთქარში ჩამოდის მდინარე თეზამი. ამას გარდა, სოფელში არის წყარო, რომელიც გამოიყვანეს სტაროსელსკებმა, როგორც თავისთვის, ისე სოფლისთვის. მართალია, თეზამი, როგორც ხევის წყალი, ხანდახან იყინება, მაგრამ წყარო თავისდღეში არ გაყინულა. რაც გინდ ძლიერი ზამთარი იყოს, წყაროს წყალი არ გაყინება და ამდენად სოფელი უწყლოდ ვერ დარჩებოდა.

გურამიანთქარს აგრეთვე ჩამოუდის არაგვი, „რომელიც, როგორც დიდი და ჩქარი წყალი, ჩვენში არა-დროს არ იყინება მთელ სიგანეზე ისე, რომ საქონლისათვის წყლის სასმელი არა რჩებოდეს ან მთლად გაუყინავი, ან ისე თხლად გაყინული, რომ ყინული ადვილად ჩასამტვრევი არ იყოს“.

არაგვსა და სოფელ გურამიანთქარს შუა დიდი ფშა მოედინე-

ბა, იგი წისქვილს აბრუნებს და აგრეთვე არასოდეს იყინება. როცა სოფელში ანდენი წყალია, რატომ დაიწყებდა გლეხობა-ტყეში სამ ვერსზე სიარულს? მით უმეტეს, რომ ასეთი წყარო საერთოდ არ არსებობს და ილია სხვისი მანულიდან მიღებით თავის ეზოში გამოყვანილ წყალს ხმარობდა?

ილია სთხოვდა ინფორმაციის ავტორს: „მიბრძანდეს, ჩემს ბალკონზე დადგეს, ორმოცთუმნიაანი კი არა, თუნდ ასთუმნიაანი ქურქი წაიღიხას, იქიდან გაიხედ-გამოიხედოს და თუ ჩემის ბალკონიდან ტყიდან გზად მიმავალს კაცს კი არა, სპილოს დაინახავს, ჩემი კისერი და მისი ხნალი“.

ვინ დაიჯერებს იმას, რომ ნაავადნყოფარი კაცი, რომელიც ლოგინიდან ძლივს წაიღდა, შიშველ-ტიღველი, სამ ვერსზე ტყეში წავიდა ორი კოკა წყლის მოსატანად. მეზობელი მაინც არ ჰყავდა, რომ ცოცხალ-მკვდარი კაცისათვის წყალი ნიეწოდებინა? თუ მეზობელი გლეხებიც გულქვანი იყვნენ? სნეულებით დასუსტებულ კაცი ორ კოკას როგორ ზიდავდა? ტყეში რა მიარბენინებდა, როცა კარწინ, შუა სოფელში, მოჩუხჩუხებდა წყარო?

და, რაც მთავარია, იმ ზანთარს გურამიანთკარში არ გარდაცვლილა არცერთი მამაკაცი გლეხი.

მ ე ს ა მ ე:

„არც დიდებული ილია ჭავჭავაძე და არც სტაროსელსკი გლეხებს ნებას არ აძლევენ ზეზე სადგომის აგებას.“ (sic—ა. ბ.).

საგურამოში გლეხთა საბინადრო ადგილების არცერთი მტკაველი არ ეკუთვნოდა არც ილია ჭავჭავაძეს და არც ოლლა გურამიშვილს. ეს ადგილები ეთლიანად საწეურვეოს კუთვნილება იყო. სხვის მამულში ილია გლეხებს როგორ აუკრძალავდა ან ნებას მისცემდა სახლების დადგინას? მაგრამ ენას ძვალი არა აქვს, და, თუ ნამუსი არ აკონტროლებს, რასაც უნდა იმას იტყვის. სამეურვეო მამულში კი გლეხები თავისუფლად იშენებდნენ სახლებს. ილია ეპატიუებოდა „მოგზაურს“ — მობრძანდით და ნახეთო. თქვენი თვალთ დარწმუნდებითო, რომ არავინ უშლისო გლეხს სამეურვეო მამულში სადგომების აგებას.

მ ე ო თ ხ ე:

„...გივი სტაროსელსკი და ი. ჭავჭავაძე მაშინვე დაფაცურდენ, სთხოვეს მთავრობას ჯარი „ბუნტის“ ჩასაქრობად“.

ესეც მტკნარი სიტყუე იყო. ილია დაბეჭითებით აფრთხილებდა მოურავ მოსე მემარნიშვილს — „თუ ვინიცობაა, მანდ, საგურამოში ჯარი ზოვიდა, შენ თვითონ ჩადი და ვინც უფროსია, ჩემმა გიერ სთხოვე, ხალხი არ დააწიოკონ, ჩვენ თვითონ ზოვრიგდებითქო. თუ მაინცა და მაინც თავისი არ დაიშალონ, მაშინვე ფაეტონი განოვიგზავნე, მე თვითონ ამოვალ და ნე თვითონ ვთხოვ უფროსს, მანდ არა იწოქმედონ-რა და ხალხი ტყუილ უბრალოდ არ გააფუქონ“.

ილია გრძობდა, დამსჯელი რაზმის სოფელში ნისვლას არეულობა და უბედურება უფრო მოყვებოდა, ვიდრე სიმშვიდე და წესრიგი. ამიტომ ყოველნაირად ცდილობდა, თავიდან აეცდინა საგურამოში ჯარის ჩაყენება. იგი მოსე მემარნიშვილს მოთმინებასა და თავდაპერას ურჩევდა: „გლებებს ძალიან ნუ აუხირდები, ნურაფერს ნუ გააფუქებინებ—კი და უბრალოზე კი ნუ გამოეკიდები. დრო მოვა და ყველაფერი დაწყნარდება და ყველაფერი გასწორდება. ეს ისეთი დრო დადგა, რომ ბევრი რამ უნდა ვითმინოთ, ბევრს რასმეს ისე უნდა აუაროთ გვერდი, თითქოს არა ვხედავთ“.

ასე, რომ, საგურამოში ილიას ჯარი არ მიუწევია.

ისე ვ. ნ.-ს ინფორმაციას თუ დაუჭერებს კაცი, ილიას ჰქონდა უფლება ჯარის მიწვევისა. „მოგზაურის“ კორესპონდენტი წერს: „ჰავკავაძეს ყავდა ახალსოფლიდან ერთი დედაბერი მექათმეთ; ამის შვილის სახლს ცეცხლი წაუკიდეს, რატომ დედაშენი არ ანებებს თავს ბატონებთან სამსახურსო და კაცი იძულებული გახდა ძალით გამოეთრია გაჯიუტებული დედაბერი“. ამის დამწერი ან იმდენად ბრიყვია, რომ არ იცის, რას წერს, ანდა განგებ გვაუწყებს საგურამოში შექმნილი ჭაოსის შესახებ. თუ გლებები ერთმანეთს სახლებს უწვავდნენ, დედაშენი ილია ჰავკავაძესთან რატომ მსახურობსო, წარმოგიდგენიათ, რა საშინელი ტერორისტული ატმოსფერო ყოფილა გამეფებული! ამ ტერორისაგან თავისთავიც და სხვაც ხომ უნდა დაეცვა? მაგრამ გლებებს არავის სახლი არ დაუწვავთ საგურამოში. ეს ტყუილიც ვ. ნ.—მ გამოიგონა.

საინტერესოა, მაინც ვინ იყო ეს ვ. ნ., რომელსაც ასე ფართოდ გაუღო კარი ჟურნალმა „მოგზაურმა“? მოისმინეთ, რას გვიამბობს ისტორიკოსი იასე ცინცაძე.

1925 წელს საქართველოს ცენტრალურ არქივში დავიწყეო მუ-

შაობა, — გვიყვება იასე ცინცაძე. ჰრელი ხალხი მუშაობდა თურ-
მე მაშინ არქივში — კავკასიის მეფისნაცვლის კანცელარიის ყო-
ფილი დირექტორი, სახაზინო პალატის ყოფილი თავმჯდომარე, ყო-
ფილი გენერლები და ოფიცრები... ამ ყოფილთა შორის ყოფილა
ვინმე ვასილ დავითის ძე ნაცვლიშვილიც.

1927 თუ 28 წელს ცენტრარქივის კოლეგიის წევრად დაუნიშ-
ნავთ რაუდენ კალაძე. მაშინ იგი მესამე დასის ისტორიის და-
წერას აპირებდა. ერთხელ რ. კალაძის კაბინეტში ნაცვლიშვილი
შესულა. არ გასულა დიდი ხანი და კაბინეტიდან, თურმე, საშინე-
ლი ყვირილი მოისმა: „დაიკარგე აქედან!“ „გაეთრიე გარეთ!“ მერე
კედელს რაუდენის გამოსროლილი პრესპაპიეც მოხვედრია. დამფრ-
თხალი ნაცვლიშვილი გარეთ გამოვარდნილა და დერეფანში მიმა-
ლულა. იასე ცინცაძე მყისვე რაუდენთან შესულა. იგი უზომოდ
აღელვებული დახვედრია. „კაცო, ნახე, გაიგე, ეს ნაცვლიშვილი
ვინ ყოფილა?“ — მიუხვლია იასესათვის რაუდენ კალაძეს. — „მა-
მაძალი, პროვოკატორი, ილია ჭავჭავაძის დამლუპველი. შემოვიდა
და მითხრა, შენ რევოლუციური მოღვაწეობის ისტორიას ადგენ
და მე არ უნდა გამომტოვო“. როცა გაკვირვებულ რაუდენს
უკითხავს — რა დამსახურებისათვის უნდა მოგიხსენიოო, ნაცვლი-
შვილს ურცხვად უპასუხებია — „მოგზაურში“ დაბეჭდილი კო-
რესპონდენციის ავტორი მე ვარ. ილია ჭავჭავაძეს მე ვესროლე
ქვაო. ამიტომ გამოუგდია გარეთ რ. კალაძეს ნაცვლიშვილი.

მერე თვითონ ნაცვლიშვილისათვის უკითხავს იასეს — მართლა
შენ ხარო იმ კორესპონდენციის ავტორი? ნაცვლიშვილს თავმომ-
წონედ დაუდასტურებია — მე ვარო. მაშინ იასე ცინცაძე საცემრად
მივარდნია ნაცვლიშვილს, მაგრამ ოთახში გრიგოლ ნათაძე შემოჭ-
რილა და ისინი გაუშველებია.

ერთხანს კიდევ უმუშავია ნაცვლიშვილს არქივში. 1931 წელს
არქივის მუშაკთა წმენდა მომხდარა. ამ წმენდის დროს გამოურ-
კვევიათ, რომ ნაცვლიშვილს ავჭალის მოედანზე სამიკიტნო ჰქონია,
ბოქაულ ზუბრიცკისთან ჯამუშად მსახურობდა და დროდადრო სა-
თან-ლო ცნობებს აწვდიდა. დადგინდა ისიც, რომ ნაცვლიშვილი სა-
ერთოდ არასოდეს საგურამოში არ ყოფილა.

ვასილ ნაცვლიშვილი ცენტრარქივიდან გაუქვებიათ.

იასე ცინცაძის მოგონებაში სხვა მეტად საინტერესო ცნობებიც:

არის მაგრამ თხრობის გეზს ნულარ გადავუხვევთ და ისევ 1905 წლის ამბები გავაგრძელოთ.

„მოგზაური“ ისე იყო ილიას სიძულელით შეპყრობილი, რომ ერთხელ ერთ ნომერში (1905 წ., № 18) ერთდროულად სამი წერილიც კი დაბეჭდა „განდევლის“ ავტორის წინააღმდეგ: „თავის გამართლებაც ასეთი უნდა“, „პასუხად ილია ჭავჭავაძეს“ და „მცირე შენიშვნა“.

„მოგზაური“ ამითაც არ კმაყოფილდებოდა და ნაირნაირ პამფლეტებს აქვეყნებდა ილიას სახელის გასატეხად. ერთი პამფლეტისტი ილიას ლექსის პაროდის ბეჭდავს („მოგზაური“, 1905 წ., № 15).

ჩვენს მგოსანს

გესმის, გესმის „საზარელი“ ხალხთ ბორკილის ხმა
მტკრევისა,
სიმართლის ხმა მართლა გრგვინავს დასათრგუნად
მონობისა.
დღეს „გაღონებს“ თურმე ეს ხმა; გიორკეებს დარღებს
გულში
და ღმერთსა სთხოვ, ეგ „მწარე“ ხმა არ გაისმას „თქვენს“
მამულში.
საშუალებაც მოგინახავს, რომ აღმოფხვრა ეგ ხმა
„მწარე“,
საგურამოელი გლეხი გასტანჯე და გაამწარე.

მეორე პამფლეტისტი პათეტიკურად მოუწოდებდა („მოგზაური“, 1905 წ., № 9):

„სირცხვილი შენ, სირცხვილი! ვისი დაწერილია შევნიერი წიგნი, რომელსაც „გლახის ნაამბობი“ ჰქვია? ვისი მეთქი, გეკითხები. რატომ აწერე ისე ხელოვნურათ „ბატონების“ სიმხეცე და ყმების გაჭირვება, თუ რამდენიმე ხნის შემდეგ შენს ნაწერებს შენვე უარყოფდი? ვინ გალექსა ისე ლამაზათ ყაჩაღი კაკოს ნაამბობი? ვინ მეთქი, გეკითხები? რა იყო მიზეზი კაკოს გაყაჩაღებისა?

ნუ თუ ყველა ეს დაგავიწყდა? ეს კიდევ იმას არ ნიშნავს, რომ „კაკოს“, „გაბროს“ და „თამროს“ დავიწყებოდეს ის, რაც შენ განზრახ დაგივიწყებია, სირცხვილი შენ, სირცხვილი!“

ა.ე. აბუნათებდნენ ილიას. ის კი იდგა და გულმხურვალედ მოუწოდებდა ერს, ხალხს, საზოგადოებას, განურჩევლად პარტიუ-

ლობისა — ყველანი გურიაში წავიდეთ და აჯანყებულებთან ერთად დავიბოცოთო.

ყველაზე უფრო გულსატკენი ის იყო, რომ ილიას არავინ გამოჰკოჰააგებია. არავის ამოუღია ხმა მის დასაცავად, არავინ გამოსარჩლებია.

დაცვა-გამოსარჩლებას ვინღა ჩივის. „ივერიამ“, ილიას „ივერიამ“, რომლის რედაქტორობას სულ რაღაც სამიოდე წლის წინ დაანება თავი, „მოგზაურის“ ცილისწამება გადაბეჭდა და მის გავრცელება-პოპულარიზაციას ხელი შეუწყო. თან ფარისევლური შენიშვნა დაურთო.

„ნუთუ ეს აღმაშფოთებელი ამბავი მართალია? ნუთუ „გლახის ნაამბობის“ ავტორს ასეთი დანოკიდებულება აქვს გლეხებთან? ჩვენ არ გვინდა დავიჭეროთ და გვირჩევნია ჭერჭერობით იმედი ვიქონიოთ, რომ თითონ თ. ილია ხნას ამოიღებს და კორესპონდენციის შინაარსის უსაფუძვლობას დაგვიმტკიცებს“.

მაგრამ, როცა ილიამ პასუხი დაწერა და ინსინუაცია გააბათილა, „ივერიამ“ არ დაბეჭდა ეს წერილი. ილია იძულებული გახდა „ნუთუ?“ თავის ხარჯით დაესტამბა და როგორც „ივერიის“ დამატება გაეცრელებინა.

მართალია, მოგვიანებით, 1913 წელს, „ივერიისა“ და სხვა გაზეთების რედაქტორები მიხვდნენ, რაც ჩაიდინეს, როცა ილიას პასუხი არ დაუბეჭდეს და თავში ხელს იცემდნენ, მაგრამ გვიანღა იყო თითზე კბენანი.

თითქოს ილია უკვე განწირულია, თითქოს იგი უკვე გარიყულია, მაგრამ მოულოდნელად ბედის ჩარხი კიდევ ერთხელ შემოტრიალდება.

1906 წლის 9 მარტს კოლეგიის რეგისტრატორი ილია გრიგოლის ძე ჭავჭავაძე და კოლეგიის ასესორი მიხეილ ალექსანდრეს ძე გელდევანიშვილი სახელმწიფო საბჭოს წევრებად აირჩიეს.

„ჩვენ უნდა ვსლიოთ ეხლა სხვა ვარსკვლავს“

„ჩვენი ხალხი ნაციონალიზმს დღესაც ისე უარყოფს როგორც წინეთ და, რა მშვენიერი ხონჩითაც უნდა მაიწოლო — ის მას, ხონჩიანა შორს აგდებს. სა-

ქართველოს ავტონომიაში ხალხმა დაინახა იგივე ანტირუსული და ანტისომხური მიმდინარეობა, რომელიც წინეთ იყო ჩვენში და რაც მან კაი ხანია დაგმო“.

6. ეორდანი

„...1905 წელს ბოლშევიკური ქართული მუშათა პრესა ერთხმად აღიარებდა: 1) რომ ვიდრე რუსეთის მეფის თვითმპყრობელობა და წყობილება რუსეთის შემადგენელი ერების მუშათა კლასის შეერთებული ძალით არ დაეშობა, მანამ არც სასარგებლო და არც საჭირო არაა საქართველოს არა თუ სახელმწიფოებრივი დამოუკიდებლობა, არამედ უბრალო დემოკრატიული ავტონომიაც კი; 2) ხოლო თუ პირობები შეიცვლება, თუ თვითმპყრობელობა და ბურჟუაზია დაეცემა, მაშინ რუსეთის შემადგენელ ერების პროლეტარულ ნაწილსაც უფლებაც და ძალაც ექნება თავ-თავიანთ ერის ფარგლებში „ნაციონალური კითხვა“ წამოაყენოს და ეროვნული საკითხი საბოლოოთ გადაქრას, ვინაიდან ქართველი ერი ისევე არსებობს, როგორც რუსი ერი და ყველა სხვა ერი“.

რედენ კალაძე

1904 წლის 30 ივლისს რომანოვების ოჯახში სასიხარულო ამბავი მოხდა: დაიბადა ნიკოლოზ მეორის ვაჟიშვილი ალექსი, ტახტის მემკვიდრე. 1905 წლის 2 აპრილს კი გაზეთი „ცნობის ფურცელი“ იუწყებოდა: პირველ აპრილს თბილისის გუბერნიის თავადაზნაურთა კრება ჩატარდა. ამ კრებამ რუსეთის იმპერატორს წერილი გაუგზავნა და ნიკოლოზ მეორეს ვაჟის შეძენა მიულოცა. ქართველი თავადაზნაურობა საუკუნო ერთგულებას ეფიცებოდა იმპერატორს და გულმხურვალედ სთხოვდა — „თავად-აზნაურობა ზრუნავს რა სახელმწიფოს საზოგადო სარგებლობის და საჭიროებისათვის, მტკიცედ დარწმუნებულია, რომ მშვიდობიანი და კულტურული განვითარება ქართველი ხალხისა შეიძლება მხოლოდ მაშინ, თუ საქართველოს, რუსეთის სახელმწიფოს ამ განუყოფელ ნაწილს და ნებაყოფლობით იმასთან შეკავშირებულს, მიენიჭება უფლება საკუთარი კანონებით მართვა-გამგეობისა (ხაზი ჩემია — ა. ბ.). ეს კანონები უნდა დადგენილ იქნას ადგილობრივ წარმომადგენლობით კრების მიერ, არჩეულის მთელის

საქართველოს მცხოვრებთა საყოველთაო, პირდაპირ, საიდუმლო და თანასწორი ხმის უფლებით“.

თავადაზნაურთა კრებაზე ამ წერილს მხარი დაუჭირა 44 კაცმა, წინააღმდეგი იყო — 4. ზუსტად ასეთივე წერილი გაუგზავნა იმპერატორს ქუთაისის გუბერნიის თავადაზნაურთა კრებამაც.

საქართველოს ავტონომიას რუსეთის მეფის ოფიციალურ სამსახურში მყოფი პირებიც მიემხრენ. მაგალითად, ქ. სოხუმის მერი ნიკო თავდგირიძე, რომელმაც ოფიციალური მოხსენება წარუდგინა კავკასიის მეფისნაცვლის კანცელარიას. ავტონომია მოითხოვა აგრეთვე ქუთაისის საქალაქო საბჭოს ოფიციალურმა კრებამაც.

ქართველი თავადაზნაურობის თხოვნა არსებითად ის იყო, რასაც საქართველოს ეროვნული ავტონომიის იდეა ითვალისწინებდა. 900-იან წლებში კი ავტონომიის იდეა საკმაოდ პოპულარული ხდება.

არჩილ ჭორჭაძე წერდა:

„ქართულ პრესაში ავტონომიის შესახებ პირველად „საქართველომ“ დაიწყო ლაპარაკი. ეს ორგანო გამოდიოდა პარიზში 1903—1904 წლებში. ამ ორგანოს პირველსავე ნომერში დაიბეჭდა რედაქციის „ღია წერილი რუსეთის ლიბერალთა და სოციალისტთა მიმართ“. ამ წერილში, სხვათა შორის, ვკითხულობთ: „ჩვენი სურვილი დამოუკიდებელი სახელმწიფოს აღდგენა არ არის. ნათლად და აშკარად ვამბობთ: ჩვენ პოლიტიკური სეპარატიზმის მომხრენი არა ვართ. ჩვენი წადილი და მისწრაფება — განსაკუთრებულ, საქართველოს პირობებთან შესაფერი, კონსტიტუციის მოპოვებაა. ჩვენ გვსურს დავრჩეთ რუსეთის პოლიტიკური ორგანიზმის ჩარჩოებში, მხოლოდ ამასთან შინაურ საქმეებში გვინდა ვიყოთ სრულიად დამოუკიდებელნი. ერთი სიტყვით, ჩვენ გვსურს ეროვნული ავტონომია მოვიპოვოთ“.

მართალია, ეროვნულ ავტონომიაზე აქტიური ლაპარაკი „საქართველომ“ დაიწყო, მაგრამ ავტონომიის იდეა ილიას ეკუთვნის და უკვე მე-19 საუკუნის ოთხმოციან წლებში არსებობდა.

1884 წელს „ნაროდნაია ვოლიას“ ხელმძღვანელები და წევრები გასცა პროვოკატორმა სერგეი დეგაევმა. დეგაევთან დაკავშირებულ დოკუმენტებში აღნიშნულია — „დეგაევის ჩვენების თანახმად, ილია ჭავჭავაძე და ჟურნალების „ივერიისა“ და „იმედის“ კომპანია შეადგენენ ლიბერალთა ჯგუფს, რომელთაც სურთ საქარ-

თველოს ავტონომია იმპერიის ფარგლებში და ოცნებობენ ქართულ პარლამენტზე“. მართალია, დეგაევი ილიას პირადად არ იცნობდა, მაგრამ შეუძლებელია იგი ცდებოდეს. დეგაევი დიდად გამოცდილი და გაქნილი ჯაშუში იყო. მან ზედმიწევნით იცოდა, რა ხდებოდა როგორც „ნაროდნაია ვოლიაში“, ისე საიდუმლო პოლიციაში, რადგან ერთდროულად „ნაროდნაია ვოლიას“ წევრიც იყო და პოლიციის აგენტიც.

დეგაევის ჩვენების სისწორეზე მეტყველებენ მისა ჩოდრიშვილის მოგონებანიც. 1878 წელს „ნაროდნაია ვოლიას“ ქართველ წევრებს პროკლამაცია დაუწერიათ. „ეს ფურცელი მე წავიკითხე — ჰყვება მ. ჩოდრიშვილი — და ზოგიერთი ალაგი ამ ფურცლის შინაარსისა კარგადაც დამამახსოვრდა. იქ სხვათა შორის ეწერა, ჩვენ ქართველები ვთხოულობთ, რომ რუსეთისა და საქართველოს მეფეების ხელშეკრულების ძალით, საქართველოს უნდა დაუბრუნდეს თავისი ისტორიული საზღვრებით და სხვა მისი ტერიტორიალურ ფარგლებით, რომელსაც უნდა განაგებდეს ქართველი ერი თავისი ნების ყოფით და დამოუკიდებლათ“. ეს ფურცელი ვასო რცხილაძეს, მ. ჩოდრიშვილის ხელით, ილიასთვის გაუგზავნია. ილიას წაუკითხავს და ვასო რცხილაძისთვის პატარა ბარათით უცნობებია, ეგ ფურცლები ახლავე დაწვით, თორემ, თუ მთავრობას ჩაუვარდა ხელში, „მაშინ საქართველოს ხომ მთლად თავის საშობლოდან გადაასახლებენ შუა რუსეთში და აქ კი ნაცვლად რუსებს ჩამოასახლებენო“. ვასოს ილიას ბარათი წაუკითხავს, გაფრთხილება ყურადღულია და მ. ჩოდრიშვილისთვის უთქვამს — ეგ ფურცლები ან დაწვი, ან საგულდაგულოდ გადამაღეო.

საქართველოს ავტონომიის იდეა რომ ილიას ეკუთვნოდა, ამას კიტა აბაშიძეც მოწმობს: „ილიამ პირველმა წამოაყენა „საქართველოს ავტონომია“, როგორც პოლიტიკური მოთხოვნები“. გიორგი ლასხიშვილი კი დასძენს, 1905 წელს სხვასადასხვა პოლიტიკური საკითხის განსახილველად ხშირად ტარდებოდა კრებები. ერთერთ ასეთ კრებაზე „გიგო რცხილაძე აღნიშნავდა მომენტის სიღიადეს, რუსეთის საზოგადოებრივ მოძრაობას და ბოლოს საინტერესო ამბავი მოხდა. მოულოდნელად ილიამ განაცხადა:

— თუ ასეა, თუ საჭიროა ქართველმა თავად-აზნაურობამაც

ზმა ამოიღოს, მაშინ უმჯობესია და უფრო შეეფერება საქართველოს ავტონომიის საკითხი წამოვაყენოთ“.

როგორც ჰგავს, ადრე ილიას მიზანშეწონილად არ მიაჩნდა ყველაფრის სააშკაროდ გამოტანა და უფრო ხელსაყრელ დროს ელოდა. 1905 წლის 6 მარტს კი, თავადაზნაურობის კერძო თათბირზე, ილიამ საჯაროდ მოითხოვა: „ჩვენის ქვეყნისათვის კანონები აქვე უნდა იწერებოდეს ჩვენის ქვეყნის მიერ არჩეულ წარმომადგენელთა კრებულისაგან“.

ამას ემთხვევა სხვა მეტად საგულისხმო ამბებიც.

1906 წელს, დამსჯელი ჯარის მიერ იმიერ-საქართველოს აწიოკების შემდეგ, ქართველმა ქალებმა პროტესტი გამოაცხადეს და ინგლისურ გაზეთებში მოწოდება დაბეჭდეს, აღიკვეთოსო ძალადობა საქართველოში. ამ მოწოდებას გამოეხმაურა რუსეთისა და მთელი ევროპის პრესა. ყველა ალაპარაკდა, ხოლო ინგლისში „საქართველოს დაცვის საზოგადოება დაარსდა“. 1907 წელს ამ საზოგადოებას ქართველებმა პეტიცია გაუგზავნეს. პეტიციას 1.200 კაცი აწერდა ხელს. იგი ითხოვდა — საქართველოს ეროვნულ-პოლიტიკურ ავტონომიას. საზოგადოებამ ეს პეტიცია ჰააგის მუდმივი ტრიბუნალის წევრს, პროფესორ ერნესტ ნისს გაუგზავნა გასასინჯად. განხილვის შემდეგ პეტიცია დაურიგდა ჰააგის საერთაშორისო კონფერენციის წევრებს. სამწუხაროდ, კონფერენციამ ეს საკითხი განსახილველად დღის წესრიგში არ შეიტანა, რადგან ეს რუსეთის საშინაო საქმეებში ჩარევად ჩათვალა. მაგრამ მთელი ეს მასალა მაშინ, 1907 წლის 29 ივნისს, ბელგიურ გაზეთ L'indépendance-ში დაიბეჭდა.

ევროპელი მოღვაწეები ეხმაურებიან საქართველოს ავტონომიის იდეას და მხარს უჭერენ მას.

მიუხედავად საქართველოს ეროვნული ავტონომიის იდეას პოპულარობისა, ქართველი საზოგადოება ერთსულოვნად მაინც არ უჭერდა მას მხარს. ქართველი სოციალ-დემოკრატები მაშინ ავტონომიის წინააღმდეგნი იყვნენ.

რატომ?

სოციალ-დემოკრატია იცავს ორ ძირითად დებულებას:

პირველი: თუ რუსეთის იმპერიას გამოეყოფა ფინეთი, პოლონეთი, უკრაინა, საქართველო, ეს დაშლის, დაანაწევრებს მთელი

პროლეტარიატის ერთიან ბრძოლას, რასაც შეიძლება რევოლუციონის დამარცხებაც მოჰყვეს. თვითმპყრობელობა უფრო იოლად გაუმკლავდება დაქუცმაცებულ პროლეტარიატს. ამიტომ ავტონომია სასურველი არ არის.

მეორე: თუ პროლეტარული რევოლუცია გაიმარჯვებს, მას კანონზომიერად მოჰყვება ეროვნული თვითგამორკვევაც. ეროვნულ თავისუფლებას კი სოციალური თავისუფლება არ მოსდევს. ამიტომ უმჯობესია პროლეტარული რევოლუციისათვის ბრძოლა. ავტონომია კი ამას ხელს უშლის.

ამ თვალსაზრისის გამო ქართველი სოციალ-დემოკრატები ებრძოდნენ საქართველოს ეროვნულ ავტონომიას. მართალია მათ შორის იყვნენ ავტონომიის მომხრენიც (ლ. დარჩიაშვილი, ივ. გომართელი, პ. საყვარელიძე), მაგრამ უმრავლესობა წინააღმდეგია.

ეს პრინციპული დავაა და შეთანხმება გამორიცხულია. თუმცა მეოცნებენი და გულუბრყვილონი იმედს არ კარგავენ, რომ შეთანხმება მოხდება. ეს ილუზია იყო, მაგრამ მაინც ებლაუქებოდნენ.

ამ ილუზიას პართენ გოთუა ასე გადმოგვცემს:

„—მხოლოდ ილიას შეუძლია შეგვავერთოს ყველა პარტია, მხოლოდ ის გამოხატავს ჩვენი ხალხის სულიერ სიძლიერეს.

— აი, ვინ არის საქართველოს პრეზიდენტობის ღირსი, თუ გვეღირსა თავისუფლება. მხოლოდ ილიას ძალუძს ჩაუდგეს სათავეში განთავისუფლებულ საქართველოს“.

კაცი ბჭობდა, ღმერთი იცინოდაო.

„მოზიდულია გოვილდი, კენტი, უფრთხილდი ისარსი“

„ილია ქვეყანაჲ ისეთი ლამაზი და მარილიანი, კაცი თვალს ვერ მოაშორებ. მშვენიერი ფართო მუბლი, თმა ხშირი, შავი, როგორც ვიშერი, შუაზედ გაყოფილი და გრძლად დაშვებული კისრამდე... ტანით თურმე პატარა კახს მიაგავს, მაგრამ, როცა ზის, ჰკონია ადამიანს, ხიზაბავრელის მხარბევი აქვსო“.

„ილიაც მოვიდა და თან მოიტანა თავისი „გლახის ნააპობი“, წაგვიკითხა. ასეთი ტკბილი, ძლიერი, მკაფიო ქართული კითხვა ან სიტყვა ჩერ არ მსმენოდა. ვატყობდი ყველა ადრატეზული იყო და მე ხომ სულ დამონებული ვიყავი ძლიერის შთაბეჭდილებით“.

კოტე მესხი

„რისხვა დიდი იცოდა. არა ყვირილი, არა ძახილი ხმითა დიდითა, არა ვაი-უშველებელი, არამედ ოდნავი ხმის აწევა და ფოლადური სიმტკიცე თითოეულ სიტყვაში, თანაც ცეცხლით ანთებული თვალები და დოღში გამოსული ბედაურივით ამოძრავებული ცხვირის ნესტოები. ამ დროს მთელი მისი არსება უდრეკი ენერჯის განხორციელება იყო“.

ილია ზურაბიშვილი

1907 წლის ზაფხულია.

თურმე ილია-მწერალი ზამთარსა და ზაფხულში უფრო ნაყოფიერად მუშაობდა, ვიდრე გაზაფხულსა და შემოდგომაზე. თუ იგი ივლის-აგვისტოში ან დეკემბერში საშუალოდ ათ-თორმეტ თხზულებას წერდა, აპრილ-მაისში ან სექტემბერ-ოქტომბერში მხოლოდ — ერთს ან ორს.

ეს უანგარიშიათ, დაუდგენიათ და დაურთავთ ილიას ნაწერების მიხეილ გედევანიშვილისეული გამოცემისათვის.

ახლა ილია უკვე აღარ წერს. სულ ცოტა ხანში სამოცდაათი წლის გახდება. დაიღალა. ჟამიდან ჟამზე ბავშვობა და ქაბუკობა გაახსენდება, როცა საქვეყნო უღელი არ ედგა და გუნება-განწყობილებებისამებრ ცხოვრობდა. იშვიათად, მეტად იშვიათად ჰქონია ცხოვრებაში წამი, ოდენ საკუთარ თავს რომ ეკუთვნოდა, სხვისი ჩასაფრებული და გამქირდავი თვალი არ უდარაჯებდა.

ბანქოს თამაში უყვარდა. ამ დროს ისვენებდა და შვებას ეძლეოდა. მეგობრების — გიორგი შარვაშიძის, კონსტანტინე რეიტერის, ნიკოლოზ ერისთავის, დავით ავალიშვილის — წრეში უდარდელად ერთობოდა. ერთხელ სასაცილო ამბავიც შეემთხვა. ათასხუთასი მანეთი წააგო. შინ გვიან დაბრუნდა, ეტლით. ქისა მოჩხრიკა. ხურდა ფული არ აღმოაჩნდა. მეეტლეს უკანასკნელი თუმანი მისცა. გა-

ხარებულმა მეეტლემ გაიფიქრა — ალბათ, წუხელ ბევრი მოიგო, თორემ ამდენს არ გადამიხდიდაო და სულითა და გულით დალოცა: თავადო, ღმერთმა სულ ასე მოგებული გატაროთო!

ამის უფლებასაც არ აძლევდნენ. ტუჩებს აბზუებდნენ და ყვედრებით ჩურჩულებდნენ — ილია ჭავჭავაძეა და არ ეკადრებაო. თითქოს ადამიანი არ იყო და კაცებრივი სისუსტენი არ უნდა ჰქონოდა.

სურვილშებოროკილს, გრძნობაშებოროკილს უნდა ეცხოვრა. ყოველი ნაბიჯი უნდა მოეზომა.

ქალებსაც ერიდებოდა. ეკატერინე გაბაშვილი იგონებს: ილიამ „დროების“ „ტალანში პალტოს ჩაცმა დაიწყო. მე ხელი შევაშველე ჩაცმაში, ჯოხიც მივაწოდე, მაგრამ ზედაც არ შემოიხედა და თავჩალუნული ჩაიარა კიბეზე. დამბლა დაცემულივით ვიდექ კიბის თავზედ და ვწყველიდი ჩემ ქალად გაჩენის დღეს, თუ მართლა ქალების დანახვა უკრავდა კრიჭას იმ დიდებულ მეტყველებას, რომელიც ქალებს ზედმეტად ესაჭიროებოდათ ნოსამენად, შესასუნთქად, იქნებ ასაყვავებლადაც...“

არც ღვინო ყოფილა ილიას გატაცების საგანი. მართალია, „ივერიის“ რედაქტორის სამუშაო ოთახს, იონა მეუნარგიას სიტყვით, რვა, ერთი მეორეზე უდიდესი, ყანწი ამშვენებდა, მაგრამ ეს უფრო ძველი ზნე-ჩვეულების პატივისცემა იყო, ვიდრე ღვინის სიყვარული. ილიაობაც ხშირად იმართებოდა. საქართველოში ჩამოსული ყველა უცხოელიც ილიასთან სტუმრობდა. ამ ლხინსა და ნადიმებს ცა და ქვეყანა ესწრებოდა. ღვინოც ჩაფებით ისმოდა. მაგრამ გულბაათ ჭავჭავაძის სახლიკაცს არასოდეს დაუტყვებნია — „ჩემოდენას საქართველოში ორიც არ დალევს, დიდი მსმელი ვარ“. ეს ტრაბახი ლუარსაბ თათქარიძისა და მისი ამყოლ-დამყოლის საქმე იყო. მას ებგურივით ფხიზლად უნდა ეცხოვრა.

ყველაფერი კარგი უსაზღვრო აღტაცებას ჰგვრიდა. როცა პირველად ნიკოლოზ ბარათაშვილის „ბედი ქართლისა“ და „მერანი“ წაიკითხა, სიხარულით ცას ეწია. „ზაფხულობით ჩვენი ქართველი სტუდენტობა პავლოვსკში ატარებდა დროს, — გვიყვება კონტა აბხაზი, — და ჩვენც, მე და ილია, ზაფხულობით იქ ვიმყოფებოდით ხოლმე. მახსოვს, ერთხელ პავლოვსკიდან ცარსკოე სელოში წავედით და იქ ვეწვიეთ ქალბ. დადიანისას, სამეგრელოს მთავრის ასულს. ქ. დადიანისამ გამოიტანა და მოგვცა წასაკითხად ბარათა-

შვილის ლექსები, რამდენადაც მახსოვს, ბარათაშვილის საკუთარი ხელნაწერი. ეს ლექსები იყო: „ქართლის ბედი“ და „მერანი“. ვერ წარმოიდგინეთ, რა შთაბეჭდილება მოახდინეს ამ ლექსებმა ილიაზედ. თითქმის მთელი კვირა ყმაწვილი ჰბოდავდა ბარათაშვილით“.

მაშინ, მეცხრამეტე საუკუნეში, გრიგოლ ორბელიანის შემოქმედება არავის შეუფასებია ისე ღრმად, ზუსტად და სამართლიანად, როგორც ილიამ გააკეთა ეს. „საქმით წმინდა, გულმზურვალე, სიტყვატკბილი და ჰკვამალალი“ უწოდა პოეტსა და გენერალს. მაგრამ ილიამვე აღნიშნა მოურიდებლად გრიგოლ ორბელიანის ერთი თვისება — გაუბედაობა. ომებში მამაცი და შეუდრეკელი ვაჟკაცი, რატომღაც სამოქალაქო საქმეში მფრთხალი იყო. მოულოდნელად უკან დახევა იცოდა. ამიტომ აკადრა მწარე სიტყვები — „მაგრამ ამ კარგსაც ქვეყანა ზოგჯერ ფეხებზე ჰკიდიდა“. არც გრიგოლი დარჩენილა ვალში. „ბურთივით მრგვალი ლიბერალის“ სახელით მონათლა თერგდალეული. მაგრამ დაწერდა თუ არა რაიმეს, მაშინვე ილიას უგზავნიდა და მოწაფესავით ელოდა მის აზრს.

„დავბერდი და შევუდეგ სულის გზასა, — წერდა გრიგოლ ორბელიანი ილიას, — ვკითხულობ დავითნსა და აი რა დადნა ამ კითხვისაგან. მაგრამ გთხოვ კი, რომ თქვენვე წაუკითხოთ ჩემს ულმობელს კრიტიკოსს ოლღასა, თუ მოეწონოს ზომ კარგი, და თუ არა, აიღეთ კარანდაში, წაუსვით და წამოუსვით, ასე რომ მაგ ლექსის სახსენებელიც აღარსად იყოს ჩემს შესარტყვენელად“.

ილიამ დაუყონებლივ დაბეჭდა გრიგოლის ეს ლექსი, სახელად „ფსალმუნი“.

უშეღავათოდ, პრინციპულად დავობდნენ საერთო-საზოგადოებრივ პრობლემების გამო, მაგრამ ეს არ ბზარავდა, არ ბლალავდა მათ პირად ურთიერთობას. ერთხელ გრიგოლ ორბელიანი ავად იყო. ნატო გაბუნჩის სიმღერის მოსმენა ინატრა. შინ მიაკითხეს მსახიობს ილიამ, ივანე მაჩაბელმა, იონა მეუნარგიამ და გრიგოლთან წაიყვანეს. ნატომ იმღერა. ლექსები წაიკითხა. ამან ისე გაახარა სწეული, რომ თავი მართლაც უკეთ იგრძნო. მათი პირადი სიყვარული საქვეყნო საქმეში პირმოთნეობას არ ითხოვდა. პირიქით, პირუთვნელობას ეყრდნობოდა.

ყველაფერი ცუდი სულის ძირამდე აღმშფოთებდა ილიას. სულერთი იყო, აზრი იქნებოდა უკეთური თუ — საქმე. აზრს ჯერ გა-

ნუხორციელებელ საქმედ თვლიდა, ხოლო საქმე უკვე განხორციელებულ აზრად მიაჩნდა. ამიტომ თანაბრად ებრძოდა ერის საზიანო აზრსა და საქმეს.

სრულიად მართებულად მიიჩნია კონსტანტინე გამსახურდიამ ილიას პიროვნება ქართული ხასიათის ახლებურ გამოვლენად. „განახლებულ საქართველოს ახალ ისტორიაში ილია ჭავჭავაძით იწყება ახალი აქტივი ხასიათისა. ახალი დინამიური ძალის შემოქრას ნიშნავდა ილია ჭავჭავაძის გამოსვლა ჩვენი უახლოესი წარსულის ასპარეზზე“.

როგორც კი ხასიათისა და უხასიათობის კონფლიქტს, აქტიურობისა და პასიურობის ბრძოლას გავითვალისწინებთ, მაშინვე გასაგები გახდება, რატომ უხდებოდა ილიას ცხარე პაექრობა ხშირად ახლობელ და საყვარელ ადამიანებთანაც. იგი ვერ იტანდა პასიურობისა და უხასიათობის გამოძეღავნებას.

როცა მოსე წინასწარმეტყველმა ებრაელობა ეგვიპტის ტყვეობიდან გამოიყვანა, მან აღთქმული ქვეყნისაკენ ისრაელის ხალხი შორი და უმძიმესი გზით ატარა. გამოსულთა უმრავლესობამ მგზავრობის ჭირ-ვარამს ვერ გაუძლო და გზაში დაიხოცა. აღთქმულ ქვეყნამდე მხოლოდ იმათ მიაღწიეს, ვინც ეგვიპტიდან გამოქცევის შემდეგ დაიბადა. მოსეს ჰკითხეს — ეს რატომ ჩაიდინეთ, მაშინ წინასწარმეტყველმა უპასუხა: ვინც მონობაში გაჩნდა, იგი თავისუფლების ფასს ვერასოდეს გაიგებს. თავისუფლების ღირებულება იმას ესმის, ვინც თავისუფალ კაცად იშვაო.

ილია ჭავჭავაძის სიმკაცრე და დაუნდობლობა მოსე წინასწარმეტყველის სიმკაცრე და დაუნდობლობაა. ქართველი ხალხი ახალ საქართველოში რომ მიეყვანა, უპირველესად თავისუფლების იმედითა და რწმენით უნდა აეფსო. ამას ჯერ ხასიათის გარდაქმნა სჭირდებოდა. ამის აუცილებლობა უფრო გვიან არჩილ ჯორჯაძემაც დაინახა, როცა მე-19 საუკუნის რუსი და ქართველი ინტელიგენცია შეადარა ერთმანეთს.

„ჩვენი ინტელიგენცია რომ შევადაროთ რუს ინტელიგენციას, მათ შორის დიდ განსხვავებას ვპოვებთ, მიუხედავად იმისა, რომ აზროვნების მხრით საერთო ბევრი რამა აქვთ. თავდაპირველად მოსჩანს რუს ინტელიგენციის კულტურული უპირატესობა (ამგვარი უპირატესობა რუსის ხალხს ჩვენ ხალხთან შედარებით არა

აქვს). იქ მეტი სიღრმეა, მეტი თავდადება, ენტუზიაზმი, რწმენა და თავგანწირულება. აქ ზერელობა, თავდაქერა; გატაცება და ენტუზიაზმი ხანმოკლე და თავის თავის დაზოგვაა.

არც უარყოფაში, არც რისამე აღიარებაში ქართველი ინტელიგენცია არ მიდიოდა ლოდიჯურ უკანასკნელ დასკვნამდე. იგი მიდიოდა საშუალო გზით. ეს იყო არა მარტო იმიტომ, რომ ჩვენი ინტელიგენცია უფრო დაბლა იდგა კულტურულად და სულიერ დამოკიდებულებაში იმყოფებოდა რუსის ინტელიგენციასთან. ეს იყო იმიტომ, რომ ქართველს აქვს თავისი საკუთარი ტემპერამენტი და ხასიათი. მას მეტად უყვარს საკუთარი თავი. პირადობა მისი ბატონია, საზოგადო საქმე ძალდატანებაა. იგი მალე ინთება, ხოლო უმაღლე ქრება. მისი ენტუზიაზმი უფრო ფიზიოლოგიურია, ვიდრე ფსიხიური. იგი შრომობს, ხშირად ბევრსაც შრომობს, ხოლო მის შრომას გაუტანლობის ნიშნები ატყვია. არ უყვარს საერთო მუშაობა. იგი ინდივიდუალისტია. ჯგუფობრიობა სულს უხუთავს. იგი განზე იწევა. არ უთმობს სხვას იმას, რაც საჭიროა საერთო საქმის გაკეთებისათვის. და საერთო საქმე მას არ ეხერხება. ვიმეორებ, შესაძლებელია, რომ ყოველივე ეს უკულტურობის ნიშანი იყოს, მაგრამ უკულტურობის გარდა აუცილებლივ საჭიროა ეროვნული თვისებების მხედველობაში მიღება. ქართველი ინტელიგენტი არსებითად საამქვეყნიო კაცია. მისი სიცოცხლის ფესვები აი ამ მიწაშია ჩაფლული, რომელზედაც დგას. მას უყვარს მზე, ლაყბობა, ოხუნჯობა. იგი გულუბრყვილოა, მაგრამ თავს არ ივიწყებს. მას მეტად უყვარს თავისი ხორცი, თავისი კეთილდღეობა. ამიტომ არის ხშირად ფარისეველი, როდესაც სასწორზე „პირადი“ და „საზოგადო“ იწონება. მას არ უნდა გახსნას და გააქარწყლოს თავისი პირადობა „კრებულობით დასაწყისში“ — ღმერთია იგი თუ საზოგადო, სახალხო საქმე“.

ილია იყო არჩილ ჯორჯაძის მიერ აღწერილი ხასიათის სრულიად საპირისპირო მოვლენა.

მძიმედ მიმდინარეობდა ხასიათის გარდაქმნისათვის ბრძოლა, მტკივნეულად მისთვისაც და სხვისთვისაც, ზოგჯერ ტრაგიკულადაც. მაგრამ გუთანი ბოლომდე უნდა გაეტანა და ილიაც ლომა ხარივით ეწეოდა უღელს. ეწეოდა უღელს და ელოდა, როდის დაი-

ყვილებდა გათენების მაუწყებელი მამალი და გაქრებოდა ის სულ-
თამხუთავი, რომელიც მის სამშობლოს მაჭლაჭუნასავით აწვა. მაგ-
რამ, როგორც თავად ამბობდა, „ეხლა კი საათი ქვეყნისა მოშლი-
ლია და არ ვიცი, ამაჟამად მამლის ყვილამდე ბევრი დრო დარჩა
კიდევ თუ არა. ვზივარ და შევეყურებ სულთამხუთავს, ვზივარ ლო-
დინით დაღალული და ვნატრობ მამლის ყვილსა. როდემდის უნდა
ვილოდინო, როდემდის! შე დალოცვილო მამალო, რაღას უყურებ
და არ დაიყვილებ!..“

მამალი ჭერ არ ყოიდა, მაგრამ საბაშვილის ღუქანში უკვე უმო-
წყალოდ სცემდნენ ზაქარია ჭიჭინაძეს.

იმდროინდელ თბილისში, ალბათ, ძნელად დაიჭერებდნენ, რომ
გეთქვათ, ზაქარია ჭიჭინაძე გალახესო. ვინ არ იცნობდა ამ კაცს—
თავადი თუ აზნაური, მუშა თუ გლეხი, ყარაჩოხელი თუ კინტო,
მდიდარი თუ ღარიბი, ქალი თუ ვაჟი, მოხუცი თუ ახალგაზრდა?
ვინ არ დადიოდა მასთან წიგნის ქულბაქში და სად და ვისთან არ
ნახავდით მას ილიაში ყურნალგაზეთებამოჩრილს? თითქოს ყველა
პატივს სცემდა და ყველას უყვარდა იგი. და მაინც შეუბრალებ-
ლად გვემეს.

საბაშვილის ღვინის სარდაფში ჩავიდა ზაქარია. ხელადა ღვინო,
პური და ყველი მოითხოვა. დაჭდა და საზრდელს შეექცა. მოშო-
რებით, კუთხეში, მაგიდას ყმაწვილები უსხდნენ. ზაქარია იცნობდა
მათ. ისინი რალაცაზე ჩუმად მასლაათობდნენ. მათი ლაპარაკი არ
ისმოდა. შეზარხოსებულმა მწიგნობარმა მათი სადღეგრძელო შეს-
ვა. იმათაც უპასუხეს. სმის იშტაზე მოსული ზაქარია არ ცხრებო-
და. ჰყებოდა ცისას და ბარისას. ბოლოს ილიას სადღეგრძელო და-
ლია და იმ ახალგაზრდებსაც შესთავაზა. იმათ ეს უკვე აღარ ესია-
მოვნათ. აიმრიზენ, გაბრაზდნენ... — შავრაზმელ ილია ქავჭავაძის
ტოსტს ჩვენ არ შევსვამთო. ამ დღეებში მის მოკვლას ვაპირებთ
და, თუ ძალიან გინდა, შესანდობარს გეახლებითო, — დასცინეს
ზაქარიას. ამის გამგონე მწიგნობარს თავზარი დაეცა. ყმაწვილებს
უყვირა, რა სისულელეს როშავთო. მაშინ კი წაავლეს ხელი ზაქა-
რიას და ფეხქვეშ გაიგდეს, წიხლები დაუშინეს.

გულგახეთქილი საბაშვილი წინ და უკან დარბოდა. გამწარე-
ბული ეხვეწებოდა: — არ მოჰკლათ, პოლიცია ღუქანს დამიხურავ-
სო!.. მაგრამ ვის ესმოდა მისი მუდარა. დაუზოგავად ურტყამდნენ

ზაქარიას. მერე ცოცხალ-მკვდარი სარდაფიდან გაათრიეს და ქუჩაში დააგდეს.

ისევ საბაშვილი მიეშველა ზაქარიას. წამოაყენა. ძლივს, ვაი-ვაგლახით შინ მიიყვანა.

ეს ამბავი არ იცის ილიამ და ვერც ვერასოდეს შეიტყოხს.

წ ი წ ა მ უ რ ი

ნუ მიწამლავთ მოხუცს გრძნობას
და ნუ ამბობთ რაც არ მჭერა!..
ნუთუ მართლა დღეს გადაწყდა
საქართველოს ბედისწერა?

აკაკი წერეთელი

1907 წლის 30 აგვისტო (ძველი სტილით) გათენდა. ადრე დილით ილია და ოლა საგურამოში წასასვლელად გაემზადნენ. მსახური იაკობ ბითარაშვილიც მიჰყვებოდა. ავისმომასწავებელი წინათგრძნობა აწუხებდა თურმე ახლობლებს. ურჩიეს კიდევ, ნუ წახვალთო დღეს სოფელში. მშვიდი ღიმილით დაუწყნარებია ილიას შინაურები. კარგად უწყოდა: „არავის ძალ-უც ხორციელსა განგებისა გარდავლენა“. ეტლში ჩამსხდარან და გზას დასდგომიან.

გატრუნული იჭდა კოფოზე მეეტლე თედო ლაბაური. იგი შეთქმულების მონაწილეა და ზედმიწევნით იცის, რაც მოხდება რამდენიმე საათის მერე. ზანტად მიერეკება ცხენებს. არც უნდა დააგვიანდეს და არც ნაადრევად მივიდეს დათქმულ ადგილს.

შუადღის თორმეტი საათი ხდებოდა. მგზავრები სოფელ წიწამურის ბოლოს გავიდნენ და ის იყო საგურამოს ვაკეზე უნდა დაშვებულყვნენ, რომ მოულოდნელად ეტლი გაჩერდა. ილია წამოდგა. გაოცებულმა თოფმომარჯვებული ბანდიტი დაინახა.

— რას ჩადიხართ, ილია ვარ!..

ხუთჯერ იქუხა არაგვის ხეობამ. პასუხად მხოლოდ ერთი გასროლა გაისმა. მეტი ვერ მოასწრო იაკობ ბითარაშვილმა.¹ ისიც გულგანგმირული დაეცა წიწამურის ჯაგებში.

¹ ამ კაცს ორი სხვა გვართაც იხსენიებენ საბუთები — თარაშვილი და როსტიაშვილი.

წინამურის ხრიოკზე, თაკარა მზის ქვეშ დარჩა ორი მამაკაცის გვამი და ერთი გონდაკარგული, სულთმობრძავი, ხანდაზმული ქალის სხეული.

მალე ყველაფერი დაცხრა, დაწყნარდა და ხმა გაკმიდა. მხოლოდ არაგვის შხუილი არღვევდა მყუდროებას.

მკვლელები გვამებს ძარცვავდნენ.

ილია მოკლეს:

თედო ლაბაურმა, — ჩამოახრჩვეს 1909 წლის 21 აგვისტოს.

გიორგი (იგივე ლომა) ხიზანაშვილმა — ჩამოახრჩვეს 1909 წლის 21 აგვისტოს.

ივანე ინაშვილმა, — ჩამოახრჩვეს 1909 წლის 21 აგვისტოს.

პავლე ფშავლიშვილმა (იგივე აფციაურმა), — მოკლეს 1908 წლის 17 დეკემბერს სოფელ მამკოდანთან, როცა პოლიციამ ყაჩაღების გუნდი ამოწყვიტა.

გიგლა ბერბიჭაშვილმა, — გაასამართლეს 1941 წელს და მიუ-საჩეს სიკვდილი.

ვილაც იმერელმა (какой-то имеретин — წერია სასამართლო დოკუმენტებში)¹, რომლის ვინაობა დღესაც დაუდგენელია და არავინ უწყის, მოხერხდება ფუ არა მისი დადგენა ოდესმე.

¹ აქ „იმერელი“ გულისხმობს საერთოდ დასავლელ ქართველს. მოგეხსენებათ, აღმოსავლეთ საქართველოში გლეხობა ყველა ლიხთიმეირ ქართველს (სულერთია, რომელი კუთხიდანაც უნდა იყოს იგი) იმერელს უწოდებს. ამ „იმერელს“ მკვლელთაგან არავინ იცნობდა, ბერბიჭაშვილის გარდა. იგი მკვლელობის წინაღობით ჩავიდა წინამურში. ბანდიტები მის სადაურობას მხოლოდ მეტყველების კილოთი მიუთითებენ.

0 3 0 1 0 8 0

თეთრი ხარირამი

გულან იქო, ცხვარჭამიას გზაზე პაწია სოფელია (ახლა უკვე ნასოფლარი) ნანკოლა.

1907 წლის 24 დეკემბერს სანი მამოღელი ძმაკაცი — ნიკოლა ბერიძე, ზაქარია აფციაური და ალექსა შერემეტოვი — სანადიროდ წასულა საგურამოსა და ზედაზნის ნენოვარენი. საღამო უანი მღვარა. ზედაზნის მონასტრისაკენ მიმავალ მონადირეებს თეთრი ხარირამი შემოფეთებიათ. ნიკოლა ბერიძე დიდად განოცდილი მონადირე ყოფილა და თვალის დახანახანების უნალ ესროლა თურძე ირემს. ორი ტყვიით დაუჭრია ირემი — წინ. მხარში და უკან, ბარკაღში. დაჭრილი ირემი ტყეში გაუჩინარდა. მძელოდა, ციოდა და მონადირეებს ირემი აღარ უძებნიათ. მონასტრისაკენ გაუწევიათ. იქ შეუფარებიათ თავი.

ღაზათინად უვანშვილად, მავრამ ბერიძეს გუნება გაფუჭებია, სევდა და ნადველი მენოსწოლია. რათა ხარ, კაცო, მოწყენილიო, ჩასცივებია ბერიძეს ზედაზნელი ბერი იოანე, მავრამ მონადირემ თავად არ უწყობდა დარდის მიზეზი.

ღამით სიზმარი უნახავს ნიკოლა ბერიძეს: ორი ანგელოსი მოსულა და უკითხავს მონადირისათვის, ირემი დავკარგეთ და ხომ არ გინახავსო. შიშით თავზარდაცემულს გაუღვიძია ბერიძეს. ყველაფერი უანბნია ბერ იოანესათვის და შეხვეწინა, იოანე ზედაზნელს შენავედრე და ჩემთვის პატიება განოსთხოვო. ბერს აუსრულებია მონადირის სურვილი. ბერიძეს ხატისათვის სანთელი და ერთი მანელი მიურთმევია. დილით კი, ამხანაგებთან ერთად, დაჭრილი ირემის კვალს გაჰყოლია.

წიწამურის გზაზე, იქ, სადაც იღია ვაფუხავაძე მოკლეს, მაშინ ქვის ჯვარი იდგა. დაჭრილი ირემის კვალს იმ ჯვართან მიუყვანია მონადირენი. სისბლანი კვალი იქიდან ისე უკან მონასტრისაკენ ბრუნდებოდა. მონადირენიც უკან გაჰყოლიან კვალს. ნახევარი გზაზე არ პქონათა ვავლილი, რომ დაჭრილი თეთრი ხარირამი დაუნახავთ. სამჯერ ასულა ისე ირემი მონასტერში და უკან ჯვართან დაბრუნებულა. გაშმაგებული პირ-უტყვი რქებით ლეწავდა და ანგრევდა ყველაფერს, რაც წინ ედობებოდა და გზას ისე მიიკვლევდა. ბოლოს სისხლით დაცლილი და დაქანებული ჯვრის წინ დამხობილა, რქები მიწაში ჩაურჭვია და ისე დაუღევია სული.

ეს ამბავი დაბეჭდილია 1909 წლის 2 თებერვლის მე-5 ნომერ „ივერიაში“.

წერილს ხელს აწერს მონადირე ნიკოლა ივანეს ძე ბერიძე, რომელიც ამავე დროს საგურამოს და გლდანის სახელმწიფო ტყის მდველიც ყოფილა...

მონადირის ნაწილობის სიმართლეს ბეჭდით ადასტურებს სოფელ მამოღის ნაცვალი.

გამოყენებული ლიტერატურა

1. ქართული პრესა მე-19 საუკუნის მეორე ნახევრისა და მე-20 ასწლეულის დასაწყისისა.
2. „ლიტერატურული მემკვიდრეობა“, წიგნი I, 1935 წ.
3. „ლიტერატურის მათიანე“, ტ. 1—2, 1940 წ.
4. „რევოლუციის მათიანე“, 1923 წ., № 4, № 5.
5. „საისტორიო მოამბე“, ტ. 3, 1947 წ.
6. ასათიანი იოვ. — თბილისის ქართული საადგიმამულო ბანკის დაარსება, 1979 წ.,
7. ასათიანი ლ. — რჩეული ნაწერები, ტ. I, 1958 წ. მისივე არქივი.
8. გელეიშვილი პ. — ილია ქვექვაძე, როგორც პოეტი და პუბლიცისტი, 1914 წ.
9. ერთი პილატეთაგანი — ჯვარს აცე, ჯვარს აცე, ეგე“. 1913 წ., ქუთაისი.
10. თაყაიშვილი ექ. — რჩეული ნაშრომები, ტ. I, 1968 წ.
11. ინგოროყვა პ. — თხზულებანი, ტ. I, 1963 წ.
12. ი. მეუნარგია — ილია ქვექვაძე, 1937 წ.
13. ეორდანია ნ. — ქართველი ხალხი და ნაციონალიზმი, 1908 წ., ქუთაისი.
14. ხუნდაძე ტ. — ქართველთა შორის წერა-კითხვის გამავრცელებელი საზოგადოება, 1960 წ.
15. ყიფშიძე გრ. — ილია ქვექვაძის ბიოგრაფია (ილ. ქვექვაძე, თხზულებანი, ტ. I, 1914 წ., მ.გელევანიშვილის გამოცემა)
16. შარაძე, გ. — სულის მზიანობა (გაზ. „თბილისი“, 1983 წ., 2-15 მარტი).
17. ჩერქეზიშვილი ე. — საქართველოს პეტრეცია (ეურნ. „პრომეთე, 1918 წ., № 3.
18. ხუციშვილი ს. — მანათობელი, 1980 წ.
19. ჯორჯაძე არ. — თხზულებანი, წ. I, 1911 წ.

Бакрадзе Акакий Викторович
ИЛЪЯ ЧАВЧАВАДЗЕ
(На грузинском языке)
Детгиздат Грузинской ССР
«Накадули», Тбилиси, 1984

ს. ბ. № 1269

რედაქტორი ნათელა ჭოლოხავა
მხატვარი ქ. ყავლაშვილი
მხატვრული რედაქტორი შ. დოლიძე
ტექნიკური რედაქტორი ნ. შველიძე
კონტრ.-კორექტორი თ. შინდაგორიძე
კორექტორი ნ. ნატროშვილი
გამომშვები ნ. ჭელიძე

გადაეცა ასაწყობად 18.04.84. ხელმოწერილია დასაბეჭდად 20.08.84.
ანაწყ. ზომა 6X8³/₄. ქალაქის ზომა 60X84¹/₁₆. ნაბეჭდი თაბახი
9,30 საღებავგატარება 9,76. საბ. ქალაქი საწიგნე-საეურნალო № 1.
გარნიტურა ვენა, ბეჭდვა მაღალი. სააღრ.-საგამომცემლო თაბახი
7,63. ტირაჟი 20.000. უე 00663. შეკვ. №181.

ფასი 60 კაპ.

გამომცემლობა „ნაკადული“, თბილისი, მარჯანიშვილის ქ. № 5
Издательство «Накадули», Тбилиси, ул. Марджанишвили 5

საქართველოს სსრ გამომცემლობათა, პოლიგრაფიისა და წიგნის
ვაჭრობის საქმეთა სახელმწიფო კომიტეტის № 1 სტამბა, თბილისი,
ორჯონიძის ქ. 50

Типография № 1, Государственного комитета Грузинской ССР
по делам издательств, полиграфии и книжной торговли,
Тбилиси, ул. Орджоникидзе, 50